






P. Firini a Valentano L. 8/21.







DIRECTORIUM ORDINANDORUM

Dilucida, brevique methodo comple-
ctens quidquid ad sacras Ordina-
tiones pertinet,

AUCTORE R. P. D.

ALPHONSO
DE LIGORIO

Rectore Majore Congregationis
SS. Redemptoris.

A D C E D I T

EPITOME SACRORUM RITUUM
AB JOSEPHO CABRINO

*Sac. Theol. Doct. Sanctaeque Generalis
Venetae inquisitionis Consultore
collecta, & concinnata.*



VENETIIS, MDCCLVIII.

Ex Typographia Remondiniana.

Superiorum permissu, ac Privilegio.



TYPOGRAPHUS

L E C T O R I.

Postquam celeberrimi viri P:
Alphonſi de Ligorio Mora-
lem Theologiam tribus volumini-
bus comprehensam, ejusdemque
Praxim Confessariorum in lucem
typis nostris protulerimus, ad
manus nostras pervenit manuscri-
ptum quoddam Opusculum ab eo-
dem auctore concinnatum, in quo
brevis, dilucidaque methodo per-
tractatur quidquid scitu necessa-
rium est iis, qui ad ecclesiasticos or-
dines accedere volunt. Cum au-
tem sciamus quanto ab omnibus
plausu cum Theologia, tum Pra-
xis ipsa sit excepta, rem tibi
pergratam fore non dubitavimus,
si hoc etiam publici juris face-
remus. Ut autem nihil desidera-
ri posset, quod ad eorundem Or-
dinandorum usum conferret, vi-
sum est Epitomen etiam sacrorum
Ritu-

Rituum ab Josepho Cabrino ex variis, selectisque authoribus summo studio collectam adjicere.

Doctrinarum, quæ in Ordinandorum examine continentur, rationes hic tantum indicantur, & Doctorum auctoritates data opera Auctor prætermisit, ne libellus in nimiam molem excreceret. Si quis hæc omnia fusius tractata videre cupiat, Theologiam ipsam consulat, cujus hæc loca accurate identidem adnotantur. Vale.

I N D E X

CAP. **I.** De Sacramentis in genere ,
n. **1.**

CAP. **II.** De Sacramento Ordinis ,
n. **27.**

CAP. **III.** De Ordinibus , in spe-
cie , n. **58.**

Artic. **I.** De Prima Tonsura , ibid.

Artic. **II.** De Minoribus Ordini-
bus , n. **65.**

Sectio **I.** De Ostiariatu , n. **66.**

Sectio **II.** De Lectoratu , n. **69.**

Sectio **III.** De Exorcistatu , n.
73.

Sectio **IV.** De Acolythatu , n. **76.**

Artic. **III.** De Ordinibus Majori-
bus , n. **77.**

Sectio **I.** De Subdiaconatu , ibid.

§. **I.** De Voto Castitatis , n.
84.

§. **II.** De Horis Canonicis ,
n. **77.**

§. **III.** De Censuris in genera-
re , n. **116.**

§. **IV.** De Censuris in specie ,
n. **127.**

Et **I.** De Excommunicatio-
ne ,
A 2 ne ,

ne, n. ibid.

II. De Suspensione, n. 132.

III. De Depositione, n. 136.

IV. De Interdicto, n. 137.

V. De Irregularitate, n. 139.

Sectio II. De Diaconatu, n. 157.

Sectio III. De Presbyteratu, n. 163.

§. I. De Ordine Presbyteratus, ibid.

§. II. De Sacrificio Missæ, n. 167.

§. III. De Potestate, & Munere Sacerdotis, n. 209.

§. IV. De Moxere docendi, & prædicandi, n. 216.



EXAMEN

ORDINANDORUM.

CAPUT I.

De Sacramentis in genere.

I. **S**acramentum generaliter loquendo significat mysterium, sive rem occultam; Sacramentum vero in Ecclesia Christiana sic definitur: *Est visibile signum invisibilis Gratiae, ad Populum Dei sanctificandum, a Christo institutum.* Dicitur *signum sensibile*, scilicet signum externum in materia sensibus subjecta. *Invisibilis Gratiae*, quia Sacramentum significat Gratiā, quam causat invisibiliter, scilicet ex opere operato, sive per se, modo suscipiens sit dispositus. *A Christo institutum*, quia juxta sententiam

A 4 pro-

probabiliorem, Christus etiam ut Homo Sacramenta instituit, ex potestate (ut dicitur) *excellentiæ*.

2. Tria igitur ad Sacramentum constituendum requiruntur, signum externum, Promissio Gratiæ, & Institutio Christi, quia omnia sacramenta ex Christi Passione vim habent.

Dubitatur, an Circumcisio fuerit olim verum Sacramentum, conferens Gratiā ex opere operato? Affirmat *Scotus*, sed communius id negant DD. nam Circumcisio operabatur sanctitatem tantum externam, non autem internam. Commune tamen est; quod verum fuerit Sacramentum.

3. Sacramentalia, quæ sunt quædam actiones sacræ ab Ecclesia institutæ, prout sunt Aqua lustralis, Benedictiones rerum, consecrationes, & similia, hæc non habent per se vim remittendi peccata, sed tantum impetrandi auxilia Divina ad eliciendos actus bonos, quibus postea peccata remittuntur.

4. Quomodo distinguuntur Sacramenta? Primo, alia sunt necessaria-

Ordinandorum .

9

cessaria necessitate *Medii* , ut sunt Baptismus pro omnibus; Pœnitentia pro lapsis in mortale; & Ordo pro iis qui Sacramenta Eucharistiæ & Pœnitentiæ ministrant : Et etiam Eucharistia pro omnibus (juxta probabiliorē sententiam) , saltem in voto implicito. Alia necessitate *Præcepti* , ut sunt Confirmatio (juxta probabilem sententiam, licet opposita etiam sit probabilis) : Et Extrema-Unctio , ut est probabilius :
5. Secundo , alia sunt Sacramenta *Iterabilia* , ut Eucharistia , Pœnitentia , Extrema-Unctio , & Matrimonium . Alia *Initerabilia* , ut Baptismus , Confirmatio , & Ordo , propter Characterem , quem indelebiter imprimunt .

Tertio , alia sunt *Mortuorum* , ut Baptismus , & Pœnitentia , quia primam conferunt Gratiā , & supponunt Animam mortuam , idest Gratia carentem . Alia *Vivorum* , quæ aliquando per accidens dant etiam primam Gratiā , nimirum casu quo aliquis attritus , bona fide putans se contritum , illa suscipit , ut docent multi DD. ex D. Thoma .

6. Quarto , alia sunt *Formata* ,

A 5

idest

idest cum effectu Gratiae; alia *Informis*, scilicet sine collatione Gratiae, quæ est Sacramenti forma. An detur Sacramentum Pœnitentiæ validum, & informe? Alii negant; sed communiter & verius alii affirmant: Casus esset nimirum, si quis acciperet Absolutionem ab aliquo mortali peccato, cum attritione concepta tantum ex turpitudine supranaturali illius peccati, & cum oblivione inculpabili alterius peccati mortalis; vide dicta in nostra Theologia lib. 6. num. 444. Qu. VIII.

7. Quær. 1. Quæ requirantur ad Essentiam Sacramenti? Tria requiruntur, Materia, Forma, & Intentio. *Materia* est res corporea, & sensibilis, quæ suscipienti applicatur, v. gr. aqua, Chrisma, Oleum Sanctum, &c. Et hæc est materia *Remota*, nam *Proxima* est ipsa applicatio materiæ, ut ablutio, unctio, &c.

8. *Forma* sunt verba proferenda a Ministro. Ut autem Sacramentum valeat, requiritur connexio, sive simultas Materiæ & Formæ, scilicet ut Materia applicetur antequam Formæ prolatio terminetur,
vel

vel postquam prolatio Formæ sit incepta . Sententia autem , quod sufficiat applicare Materiam immediate ante , vel post prolationem Formæ , est tantum probabilis , non autem moraliter certa , ut requiritur ubi agitur de valore Sacramenti , ex Propos. 1. damnata ab Innocentio XI. Excipiuntur tamen Sacramenta Poenitentiae , & Matrimonii , quæ valent , etiamsi longa interponatur mora inter Materiam & Formam ; vide *lib. 6. num. 9.*

9. Si mutetur substantialiter Materia , nempe applicetur vinum pro aqua ; vel mutetur Forma , nempe si verba non habeant eundem sensum , puta dicendo *Te expurgo* , pro *Te Baptizo* , invalidum est Sacramentum . Secus si mutatio est accidentalis , scilicet si aqua sit calida , aut decocta , aut si dicas : *Ego te Baptizo in nomine Patrias , & Filias , &c.* vel *In nomine Patris Omnipotentis , &c.* sic tamen mutare , non excusaretur a peccato gravi ; *lib. 6. num. 11. & 12.*

10. Materia autem dubia nequit adhiberi , nisi tantum ex gravi causa urgente , & sub conditione , *lib.*

6. num. 27. An autem Minister possit uti Materia, aut Forma dubia, si ad id cogatur metu mortis? Probabiliter potest, nisi cogatur in contemptum Religionis; ita Sanchez, Coninch. &c. vide dict. a nobis num.

○ 29.

11. Si in Materia propria misceatur extranea, in majori vel æquali parte, Materia est inepta. Secus si in minori; ita S. Thomas; lib. 6. num. 201.

12. Interruptio Formæ, si sit modica, non officit valori Sacramenti. Secus si talis sit, ut verba non constituent unum sensum lib. 3. num. 11. ad 3. Non licet autem Formam repetere, nisi adsit probabile dubium quod Forma invalide fuerit prolata; vide num. 224. in fin.

13. Alii dicunt aliquas Sacramentorum Materias, & Formas fuisse a Christo in genere determinatas, & relictas Ecclesiæ, ut ipsa in particulari determinaret. Sed probabilius alii docent, omnes fuisse a Christo determinatas in substantia; unde si aliqua invenitur inter novam & priscam Ecclesiæ consuetudinem

dinem differentia circa Materias & Formas, mutatio hæc censetur tantum accidentalis; *lib. 6. n. 12.*

14. Demum ad essentiam Sacramenti requiritur *Intentio* Ministri, & quidem actualis, vel saltem virtualis. *Intentio Actualis* est ea quæ actu habetur. *Virtualis* autem quæ permanet in virtute actionis, quam Minister exequitur ex intentione actuali prius habita: Ad differentiam intentionis *Habitualis*, nempe quæ aliquando est habita, & non est retractata; *lib. 6. num. 15.* Hæc autem *Habitualis* non sufficit in Ministro, sed bene sufficit in suscipiente Sacramenta; cui sufficere potest etiam intentio *Interpretativa* in Sacramento Extremæ-Unionis: *Intentio Interpretativa* est ea quæ non habetur, nec unquam fuit habita, sed haberetur si res animadverteretur; *l. 6. n. 81. & 82.*

15. Quær. 2. Quis sit Minister Sacramentorum? Quoad Ordinem solus Episcopus est Minister; *lib. 6. n. 761.* & quoad Confirmationem ipse est Minister ordinarius, nam extraordinarii possunt esse etiam simplices sacerdotes; *num. 170.* Aliorum

rum autem Sacramentorum solus Sacerdos est Minister, excepto Matrimonio; *num. 897.* & etiam Baptismo in necessitate, in ea enim possunt etiam Laici, & adhuc Hæretici baptizare; *num. 113.*

16. Ad valide autem ministrandum Sacramentum, non est opus ut Minister sit in Gratia, nam peccatores etiam valide ministrant. Non vero excommunicati vitandi respectu ad Sacramentum Pœnitentiæ; nec etiam in casu mortis, ut ostendimus *lib. 6. num. 560. Q. 1.* Ad licite vero ministrandum, requiritur status Gratiæ. Sed in extrema necessitate, si Minister non posset tam cito conteri, probabiliter a culpa excusatur si ministrat, ut *Sotus, Suarez, Tolet. Cajet. Arm. Valent. Anacl. &c. ap. Sabin. Lux Mor. par. 2. tr. 41. n. 56.* & vide in nostra Morali *lib. 6. n. 33.* Nunquam autem excusatur Parochus, aut Œconomus, hi enim debent esse semper parati ad ministrandum. Celebrans autem in mortali, quatuor mortalia committit, quia confecrat, quia sumit, quia ministrat, & quia ministrat indigno, qui

qui est ipsemet ; *lib. 6. num. 33.*

17. Quæritur, an peccet graviter, qui existens in mortali ministrat Sacramentum in necessitate, si ad illud non est ordinatus, ut laicus baptizans, vel si est ordinatus, sed ministrat non sollemniter? Alii probabiliter negant, sed probabilius alii affirmant ; *lib. 6. n. 32.* Minister autem sollemniter ministraturus Sacramenta, si est in mortali, sufficit ut eliciat certum actum contritionis ; *n. 34.* celebraturus vero Missam, debet Confessionem præmittere : excepto casu quo ex necessitate ex una parte deberet celebrare, & ex alia non adesset copia Confessarii ; sed tunc post celebrationem debet quamprimum confiteri, ut præcipit Tridentinum *Sess. 13. cap. 7.*

18. Confessarius, si absolvit plures Pœnitentes successive in statu peccati mortalis, plura mortalia committit ; quia plura Sacramenta distincta ministrat. Celebrans autem in mortali, si pluribus Eucharistiam ministrat, probabilius unum mortale tantum committit ; quia ministratio illa est unica actio mortalis,

ralis, & Communio est unicum convivium, *lib. 6. num. 55.*

Diaconi, & Subdiaconi ministrantes in Altari existentes in mortali, juxta plures probabiliter graviter peccant; sed juxta communio-riorem sententiam, & satis probabilem, id negatur; quia non conficiunt, nec ministrant Sacramentum, nec exercent functiones proxime ordinatas ad sanctificationem Animæ; *lib. 6. num. 37. & 38.*

19. Peccat graviter Ministrans Sacramentum indigno petenti occulte; secus si ille sit peccator occultus, & petat publice. Non licet autem ob metum etiam mortis simulare administrationem Sacramenti; ex Prop. 29. damnata ab Innocentio XI. nempe si simulet ut alii credant jam ministrasse Sacramentum; secus si recitet aliquam Orationem super Pœnitente indisposito, non ut alii credant absolutionem illi impertitam, sed tantum ad occultandam negationem absolutionis; vide *lib. 6. num. 59.*

20. Minister invalide ministrat Sacramentum, si non intendat facere, non tantum actum externum, quem

quem facit Ecclesia, sed etiam ritum Sacramentalem, quem intendit Ecclesia a Christo instituta, etiamsi Minister, non joco (ut adhuc admittebat Lutherus), sed serio ministret, ut probavimus *lib. 6. num. 23.* Si vero id jam intendat, valide ministrat, etiamsi non habeat intentionem conferendi Sacramentum, & etiamsi non habeat intentionem explicitam conferendi Sacramentum. Dico, *non habeat intentionem explicitam*, nam si positive haberet intentionem non conferendi Sacramentum, tunc neque conferret, quia tunc revera nullam haberet intentionem faciendi, quod facit Ecclesia; *lib. 6. num. 22.*

21. Sacerdos conficiens Sacramentalia, (puta Aquam Benedictam) in mortali, non peccat graviter.

22. Quær. 3. Quid requiratur, ut quis valide, & licite Sacramenta suscipiat? Ut valide suscipiat, requiritur 1. Ut sit baptizatus, nam alias non est capax aliorum Sacramentorum. 2. Ut saltem prius habuerit intentionem suscipiendi Sacramentum, & eam non revocaverit, ut supra diximus *num. 14. in fin.*

fin. Hinc si quis ordinaretur per vim, invalide ordinaretur. Secus si per metum, quia metus non tollit voluntarium. Ut licite autem suscipiat, requiritur conveniens dispositio, nempe status Gratiae. Unde si quis est in mortali, debet saltem esse contritus cum proposito confitendi: Imo ad recipiendam Eucharistiam requiritur praevia Confessio; nisi necessitas urgeat, & non adsit copia Confessarii; quo casu debet Sacerdos qui celebravit quamprimum confiteri; ex Trident. Sess. 13. c. 7. Necessitas autem erit 1. ob dandum Viaticum. 2. ob vitandam infamiam, aut scandalum. 3. Si ille est Parochus, & occurrat Festum de praecepto. 4. Si celebrans post Consecrationem recorderetur mortalis culpae. Insuper advertendum, quod suscipiens Sacramentum Poenitentiae sine dispositione, non solum illicite, sed etiam invalide suscipit, dum contritio Poenitentis est etiam materia hujus Sacramenti. Respectu vero ad alia Sacramenta, si quis indispositus ea suscipit valide suscipit: ea recedente fictione, sive obice peccati, illa
revi-

reviviscunt; idest Gratiam causant;
ut docent plures ex D. Thoma;
lib. 6. num. 87.

23. Quær. 4. An liceat petere
Sacramenta a Ministro peccatore,
vel excommunicato? Non licet a pec-
catore, nisi adsit justa causa. In
extrema necessitate licet etiam da-
re pecuniam Ministro, ut ministret
Sacramentum, si alias nolle. Ab-
solute vero, sine alia causa, licet
recipere Sacramentum ab excom-
municato, si sit toleratus; quia ab-
solute concessum est a Concilio Con-
stantiensi Fidelibus posse communi-
care cum toleratis. A vitando au-
tem nunquam licet suscipere Pœ-
nitentiam, quia (ut diximus *num.*
16.); vitandus etiam in extrema
necessitate invalide eam ministrat.

24. De Effectu Sacramentorum.
Duplex est Sacramentorum effectus;
collatio Gratiae, & Impressio cha-
racteris. Primus ergo effectus est
Gratia; duplex autem Gratia con-
fertur in Sacramentis, Gratia San-
ctificans, nempe quæ facit Homi-
nem Amicum Dei, & gratia Sa-
cramentalis, quæ est propria & pe-
culiaris uniuscujusque Sacramenti
ad

ad causandum effectum proprium Sacramenti illius, nempe baptismi ad abluendum a culpis, Confirmationis ad roborandum in Fide, Eucharistiæ ad reficiendam Animam, Pœnitentiæ ad delenda peccata, Extremæ-Uctionis ad vim conferendam adversus Dæmonum tentationes, Ordinis ad conferenda auxilia ut Ordinatus recte sua munera exercent, & Matrimonii ut conjuges illius onera & obligationes bene sustineant, & adimpleant.

25. Sacramenta in suscipiente disposito ex se causant Gratiam ex opere operato, non ex opere operantis, scilicet ex merito suscipientis. An autem causent physice, ita ut materia Sacramenti, nempe aqua, oleum, &c. cum sit causa tantum naturalis, elevetur a Deo ad causandam Gratiam, ut docet *D. Thomas*; Vel tantum moraliter, ita ut, posito Sacramento, Deus per se conferat Gratiam prout vult *Scotus*? Utraque sententia est probabilis; vide *lib. 6. n. 7.*

26. Alter effectus Sacramentorum est Character. Character autem est *Quoddam signaculum spirituale indelebile,*

bile, impressum Animæ suscipientis Sacramentum. Illud imprimitur tantum in Baptismo, Confirmatione, & Ordinatione: & significat potestatem sive dignitatem ex hujusmodi Sacramentis susceptam: In Baptismo enim est signum Ovium Christi, quo Fideles efficiuntur idonei ad alia Sacramenta recipienda; In Confirmatione est signum militum Christi, quo vim accipiunt ad Fidem constanter profitendam; In ordine est signum Ministrorum Christi, quo potestatem acquirunt ad Sacramenta Fidelibus ministranda. Imprimitur autem Character etiam in Sacramento illicite suscepto, nec amittitur per peccatum. Notandum insuper, quod ex Baptismo & Confirmatione oritur alius effectus, nempe cognatio spiritalis, quæ dirimit Matrimonium inter baptizantem, & baptizatum, baptizatique Patrem & Matrem: item inter susceptorem (sive Patrimum) & susceptum, susceptique Patrem, & Matrem; vide *lib. 6. num. 1028.*

CAPUT II.

De Sacramento Ordinis.

27. **O**Rdo est juxta D. Thomam, *Signaculum Ecclesie*, quo traditur Ordinato potestas spiritualis. Estque de Fide, Ordinem esse Sacramentum, ut patet ex Trident. *Sess. 23. cap. 3.* Nam in Ordine jam reperiuntur tria requisita ad Sacramentum, nempe Signum externum, ut est impositio manuum, Institutio Christi, & Promissio Gratiæ, prout habetur ex Lucæ 22. *Hoc facite in meam commemorationem.* Et ex Apostoli 1. ad Tim. *Admoneo te, ut resuscites gratiam, quæ in te est per impositionem manuum mearum.*

28. Differt autem Ordo ab ordinatione; ordo est ipsa potestas tradita, ordinatio vero est actio qua Episcopus potestatem tradit. Unde Presbyteratus est Sacramentum in fieri, scilicet in actu ordinationis, non autem in facto esse, scil. cum quis jam ordinatus est.

29. Septem sunt ordines: Alii
Mino-

Minores, alii Majores Minores sunt quatuor, nempe Ostiarius, Lectorus, Exorcistatus, & Acolythatus. Majores sunt tres, nempe Subdiaconus, Diaconatus, & Presbyteratus. Præter hos probabiliter plures DD. addunt ordinem Episcopatus; & quidem probabiliter, cum ipse probabiliter distinguatur a Presbyteratu propter distinctam potestatem, quæ traditur Episcopo conferendi aliis potestatem consecrandi Corpus Christi, & absolvendi Fideles a peccatis.

30. Quær. 1. An singuli ordines sint Sacramenta? Quod Sacerdotium sit Sacramentum, est de Fide. Quod etiam Diaconatus Sacramentum sit, est certum, sed non de Fide. Quod alii autem Ordines sint adhuc Sacramenta, satis probabile est ex D. Thoma; cum unicuique assignata sit materia, & forma. Omnes autem septem Ordines unum tantum Sacramentum constituunt, ex unitate finis; cum singuli sint ordinati ad unum missæ Sacrificium conficiendum; & omnes supponuntur instituti a Christo illis verbis: *Hoc facite in meam commemorationem.*

Ira

In Ordine enim Sacerdotii alii continentur, vel eminenter, ut sunt Ordines inferiores, vel consequenter, ut est Episcopatus. Veruntamen probabilius est alios Ordines (præter Presbyteratum, & Diaconatum, ut diximus) non esse Sacramenta, quia deest in illis materia, nempe impositio manuum quæ (ut dicemus) probabilius est unica materia Ordinis; deestque etiam forma, quæ exprimat productionem Gratiæ; dum in collatione præfactorum ordinum non fit mentio Gratiæ, sed tantum potestatis quæ traditur.

31. Quær. 2. Quænam est Materia, & Forma ordinis? Alii, ut innuimus, dicunt Materiam *Remotam* esse duplicem, nempe manus Episcopi ordinantis, & instrumenta quæ traduntur ad tangendum. *Proximam* vero esse ipsam impositionem manuum, & ipsam instrumentorum traditionem. Nos autem, juxta probabiliorē sententiam, dicimus Materiam ordinis esse unicam, scilicet *Remotam* esse manus Episcopi, *Proximam* autem manuum impositionem, quæ fit ab Episcopo in
secun-





secundo loco, nempe quando una cum Presbyteris extendit manus in Initiandos. Idque probatur 1. ex Trident. *Sess. 14. cap. 3.* ubi dicitur: *Ministri Extremæ-Uñctionis sunt aut Episcopi, aut Sacerdotes ab ipsis rite ordinati per impositionem (nota) manuum presbyterii.* Probatur 2. Quia in Scripturis de sola impositione manuum fit mentio; asseritque Tridentinum *Sess. 23. c. 2.* quod Sacræ Litteræ bene docent quæ maxime in Diaconorum & Sacerdotum ordinatione attendenda sunt. Probatur 3. Quia Græci per solam impositionem manuum ordinantur; vide *l. 6. n. 749. & 750.*

32. Attamen quia (ut diximus) prima sententia est probabilis, nempe duplicem esse materiam Ordinis, scilicet impositionem manuum, & traditionem instrumentorum, ipsa omnino in praxi sequenda est. Unde necessario requiritur in Ordinatione tactus instrumentorum; & tactus quidem physicus, cum probabile etiam sit, moralem non sufficere. Sufficit vero tangere una sola manu vel digito. Non oportet autem, ut diximus *num. 8.* ut con-

B

tactus

tactus fiat a principio prolationis formæ usque ad finem, sed sufficit si fiat antequam forma terminet, vel postquam illa jam sit incepta. Forma autem sunt verba quæ profert Episcopus ordinans, cum manus imponit, & instrumenta tradit, de quibus infra fusius agemus.

33. Quær. 3. Quis sit Minister Ordinis? Minister ordinarius hujus Sacramenti est tantum Episcopus. Potest vero Pontifex simplici Sacerdoti potestatem impertiri conferendi Ordines Minores, prout eam habent Abbates Mitrati; sed pro suis subditis tantum Regularibus professis, vel novitiis, non autem pro secularibus, ut hodie certum est ex Decreto S. C. Concilii approbato ab Urbano VIII. qui iussit, *inviolabiliter observari, reprobata omni contraria opinione*; vide l. 6. num. 763. & 764. Seculares autem ab Abbatibus ordinati, si sint sibi subditi, vel habeant Dimissoriales Litteras a propriis ordinariis ad ipsos, illicite quidem ordinantur, & suspensionem incurrunt, sed valide ordinantur, ut declaravit S. C. *ibid.* num. 766.

34. Quær.

34. Quær. 4. Quinam sint Effectus Ordinis? Sunt tres: 1. Collatio Gratiae *Sanctificantis*, scilicet quæ confertur in omni Sacramento (ut diximus *num.* 24.) & *Sacramentalis*, nempe specialis auxilii ad Ordinem bene exercendum. 2. Collatio Potestatis exercendi functiones ordinis qui suscipitur. 3. Impressio Characteris indelebilis, ob quod nullius ordinis collatio iterari potest.

35. Quær. 5. Quæ requirantur, ut quis valide, & licite ordinetur? Ut valide quis ordinetur, requiritur I. Ut sit viator. II. Ut sit mas, foeminæ enim non sunt capaces Sacramenti Ordinis. III. Ut sit baptizatus. IV. Ut habeat intentionem saltem habitualement (juxta dicta *num.* 14.) suscipiendi ordinem.

36. Ut autem licite ordinetur requiritur I. Ut sit confirmatus; sed hoc non sub præcepto gravi, ut vult communis sententia *lib.* 6. *num.* 786. II. Ut non sit neophytus, aut infamis, aut irregularis. Dubitatur hic, an aliquis irregularitate jam irretitus valide ordinetur,
B. 2. tur,

tur, si Episcopus protestationem præmittat, ut consuetum est, nolle ordinare irregulares, excommunicatos, &c. Resp. In dubio (quicquid alii dicant) omnino dicendum, quod ordinatio repetenda est; nisi constet Episcopum verba illa protulisse tantum ad terrorem, nec suam intentionem protestationi alligasse, vide *l. 6. n. 783.*

37. III. Animus clericandi, ut præscribit Tridentinum *sess. 23. c. 4.* scil. ascendendi ad Ordines superiores. Hoc tamen intelligendum procedere, cum quis acceptat Beneficium quod requirit Sacerdotium, vel alium ordinem Sacrum; *lib. 6. num. 785.*

38. IV. Ut quisque ordinetur a proprio Episcopo, vel ab alio, sed cum Literis dimissorialibus Episcopi proprii, si hic non est impeditus ex infirmitate aut alia justa causa. Capitulum vero Sede vacante nequit dare alicui Dimissorias, nisi ille sit arctatus ad ordines suscipiendos, ob aliquod Beneficium requirens obsequium personale; *lib. 6. num. 788.*

39. Proprius autem Episcopus dicitur ratione vel originis, vel Domicilii,

micilii, vel Beneficii, vel Familiaritatis. Et 1. debent Ordines suscipi ab Episcopo *originis*, si ordinandus in ejus Diocesi natus est, & Parentes tempore nativitatis ibidem Domicilium habuerint; nam si casu alicubi natus esset, & Parentes alibi Domicilium habuerint, tunc dicitur *oriundus*, & ordinari debet ab Episcopo loci, ubi Parentes Domicilium habent. 2. Ratione *Domicilii* bene ordinatur, qui in aliquo loco habitationem suam constituit, cum animo ibi perpetuo manendi. Hic autem animus probatur vel per habitationem decennii, vel per ædificationem domus cum asportatione majoris partis bonorum, degendo ibi simul per aliquod notabile tempus, ut habetur ex Bulla, *Speculatores*; vide *lib. 6. num. 770. infr. ad V. 3.* Ratione *Beneficii*, licet aliquis alibi natus fuerit, & domicilium ibi habeat, bene potest ordinari ab Episcopo, in cujus Diocesi Beneficium sufficiens ad congruam sustentationem possidet; obtentis tamen Litteris Testimonialibus ab Episcopo Domicilii. 4. Denique ratione *Fami-*

diaritatis, si quis per triennium in familia, vel servitio assiduo alicujus Episcopi permanerit, vivendo ejusdem Episcopi expensis, etiamsi non habitet in illius ædibus, potest ab illo ordinari; modo degat in loco ubi est Episcopus, vel prope; & modo Episcopus statim ei conferat verum Beneficium; non sufficit enim, si assignet Pensionem, aut Patrimonium; *lib. 6. n. 780.*

40. Regulares autem ordinandi sunt ab Episcopo loci ubi morantur de familia, si Episcopus ordinationem habeat; alias a quocumque Episcopo ordinari possunt; vide *lib. 6. n. 768.*

41. V. Requiritur scientia conveniens Ordini suscipiendo. Concilium Trident. pro Initiandis ad Primam Tonsuram tantum requirit, ut ipsi *edocti fuerint rudimenta Fidei, & sciant legere ac scribere*; *sess. 23. c. 4.*

Pro Initiandis ad Ordines Minores, ut linguam latinam intelligant; *loc. cit. c. 21.*

Pro Initiandis ad Subdiaconatum, & Diaconatum, ut sint Litteris, & iis quæ ad Ordinem exercendum pertinent, instructi; *cap. 13.* Demum pro Initiandis ad Sacerdotium, ut ipsi, *Ad Populum docendum ea quæ omnibus scire*

scire necessarium est ad salutem, ac ad ministranda Sacramenta, diligenti examine precedente, idonei comprobentur; sess. 23. cap. 14. & 25. Notent ordinandi & ordinantes verba illa, *ad ministranda Sacramenta*; ideo enim dicunt DD. quod Initiandi ad Sacerdotium scire debent, non solum quæ pertinent ad Baptismum, Eucharistiam, &c. sed etiam ad Penitentiam; nam licet presbyterandus non indigeat tanta scientia, qua indiget Confessarius approbatus, debet tamen saltem scire universalia principia Moralia, quibus solvere possit dubia communiter occurrentia in casu necessitatis, quo teneatur Moribundi Confessionem excipere. Et specialiter omnino scire tenetur, quomodo se gerere debeat cum Fidelibus morti proximis: nempe 1. Quando possint eos absolvere, etiam in præsentia Confessarii approbati? 2. Quando absolute, quando conditionate? 3. An non solum in articulo, sed etiam in periculo mortis; & in quali periculo? 4. Quid debeat imponere Infirmo, si habeat casus, vel censuras reservatas? vide quæ de

his infra breviter dicentur ex *num.* 207.

42. Verum in Regularibus additis ad vitam contemplativam, vel tantum ad Chorum, & Altare, vel Sacristiam, minor scientia requiritur; modo scienti præstare quæ pertinent ad Ordinis exercitium; & ideo saltem in Grammatica debent esse edocti, alias erunt irregulares, etiam de jure Divino, ita ut nec Papa posset cum eis dispensare. Hæc tamen irregularitas, sublata causa ignorantiae, absque dispensatione de se aufertur; vide *lib. 6. num. 791. Qu. II. & III.* Hic autem advertendum, quod Episcopus bene potest a suis majorem scientiam requirere, quam requirit Concilium; vide *cit. num. 791. v. Advertendum 2.*

43. VI. Requiritur Titulus sustentationis, aliter Episcopus ordinans, vel Dimissorias tribuens, tenetur ipse Ordinatum alere, usque dum ille titulum habeat, ex *cap. Cum secundum de Prab. &c. & cap. Recepimus, de Ætate, & qualitat. &c.* Id tamen intelligendum; nisi Episcopus inculpabiliter in hoc deceptus

ptus fuerit ; vel nisi Ordinatus jam aliunde habeat unde vivere ; *lib. 6. num. 813.* Qui autem ordinatur sine titulo , non solum graviter peccat , sed juxta probabiliorem sententiam etiam suspensionem incurrit ; vide *lib. 6. num. 720.*

44. Titulum sustentationis triplex esse potest , Paupertatis , Beneficii , & Patrimonii . Titulo *Paupertatis* , tantum Regulares Professi ordinari valent . Seculares vero ordinari debent ad titulum Beneficii certi de præsenti , & sufficientis ad congruam sustentationem , juxta taxam Diœcesis originis , vel Beneficii si Beneficium requirat residentiam ; *lib. 6. n. 815. & 816.* Ad titulum vero *Patrimonii* , tantum *pro necessitate , vel commoditate Ecclesiarum suarum* , possunt Episcopi seculares ordinare , ut præscribit Trident. *sess. 21. cap. 2.* Patrimonium autem constitui debet super re certa , & stabili , ac de sua natura frugifera , pacifice possessa , & libera ab omni onere . Sufficit autem census perpetuus , etiam redimibilis ; *lib. 6. n. 817.*

45. Dubitatur 1. An incurrat su-

B 5 spen-

suspensionem, qui ordinatur cum Patrimonio ficto? Alii probabiliter negant; sed probabilius alii affirmant; idque certum est in Diœcesi Neapolitana, vide *lib. 6. num. 820. & 821.*

46. Dubitatur 2. An juxta prædictam probabiliorē sententiam, incurrat suspensionem, qui ordinatur cum Patrimonio vero donato, sed data antapoca, vel fide de reddendo illo donanti post Ordinationem? Distingue, si donans verum habuerit animum donandi, non incurrit; quia pactum illud de reddendo Patrimonio, tanquam nullum, rejicitur, ut S. C. declaravit; quæ insuper pluries declaravit, quamcunque alienationem Patrimonii, sine licentia Episcopi, esse invalidam. Secus si donans haud habuerit intentionem donandi, quia tunc donatarius nullum rei dominium adeptus est; vide *lib. 6. num. 822. 823. & 824.*

47. VII. Requiritur, ut Ordo inferior ante superiorem suscipiatur; alias qui sic per saltum ordinatur, suspensionem ipso facto incurrit ab exercitio Ordinis suscepti, donec

donec Episcopus dispenset ; *lib. 6. num. 793.*

48. VIII. Ut Ordo suscipiatur tempore debito . Ordines Majores tantum possunt suscipi in Sabbatis Quatuor Temporum, Sabbato ante Dominicam Passionis, & Sabbato Sancto. Minores vero possunt accipi in quolibet Festo de præcepto , & etiam in Feria VI. ante Sabbatum generalis Ordinationis , & Feria IV. Quatuor Temporum, juxta consuetudinem receptam ; *lib. 6. num. 794.* Qui autem ordinatur extra tempora , suspensionem ipso facto incurrit, *ibid.*

49. IX. Requiritur , ut Ordines suscipiantur per debita temporum Interstitia . Et I. Inter Ordines Minores requiritur aliquod intervallum : dicitur *aliquod*, quia illud minime determinatum est a Tridentino *sess. 23. c. 11.* ubi additur : *Nisi aliud Episcopo expedire videretur.* Potest tamen libere Episcopus Primam Tonsuram cum aliquo Ordine Minori conferre. II. Ut a Minoribus ascendatur ad Subdiaconatum, requiritur anni spatium : *Nisi necessitas, aut Ecclesie* (intelligitur

cui Ordinandus est adscriptus, *utilitas iudicio Episcopi aliud exposcat*, ut habetur in Trid. loco cit. III. Ut ascendatur a Subdiaconatu ad Diaconatum, requiritur etiam anni spatium; sed Episcopus in hoc ex quavis rationabili causa dispensare potest, nam in Trid. c. 13. dicitur: *Nisi aliud Episcopo videatur*. IV. Denique, ut a Diaconatu ascendatur ad Sacerdotium, requiritur saltem anni intervallum: *Nisi ob Ecclesie utilitatem, ac necessitatem aliud Episcopo videretur*, ut in Trid. c. 14.

50. Hic autem notandum 1. quod suscipiens duos Ordines sacros eodem die, suspensionem ipso facto ab ultimo Ordine suscepto, & insuper irregularitatem incurrit, *lib. 6. num. 796*. Qui vero eodem die susciperet quatuor Ordines Minores una cum Subdiaconatu, graviter quidem peccaret, sed non incurreret suspensionem; *num. 797. & sequ.* Notandum 2. quod si quis ordinatur non servatis Interstitiis, sed in diversis diebus, & in legitimis temporibus, peccat etiam graviter; sed probabilius neque suspensionem.

suspensionem incurrit ; *num. 796. vers. Dub. 2.* Notandum 3. quod Regulares ex suis Pontificiis Privilegiis bene possunt extra tempora ordinari cum licentia suorum Prælatorum, prout præsertim declaravit Benedictus XIII. in Concilio Romano *tit. 5. c. 2.* Debent tamen ordinari in Festo de Præcepto, ut videtur probabilius dicendum ; vide *lib. 6. num. 797. Dub. 4.* Notandum 4. quod si quis sacerdotium susciperet omisso Diaconatu, esset quidem valide ordinatus, sed non posset Sacerdotio fungi, nisi prius Diaconatum acciperet, ut habetur ex *c. unico, de Cleric. per salt.* Si quis autem Episcopatum susciperet, non suscepto Sacerdotio, invalide quidem ordinaretur.

51. X. Requiritur locus Ordinationis, nempe ut fiat ipsa in Ecclesia, & ut Episcopus resideat in propria Diœcesi, nam si Episcopus in aliena Diœcesi ordinaret, ipse incurrit suspensionem a Pontificalibus, & Ordinatus ab exercitio Ordinis suscepti ; *lib. 6. num. 798. vers. Adde.*

52. XI. Requiritur Ætas debita, quæ

quæ pro Prima Tonsura debet esse saltem septem annorum, & Neapoli saltem decem. Ordines Minores regulariter conferri possunt ab anno 7. ad 14. Subdiaconatus anno 22. Diaconatus 23. Presbyteratus 25. vide Trident. *sess.* 23. c. 22. Ætas computatur non a die Baptismi, sed nativitatis. Sufficit autem, ut annus sit inceptus, prout communis usus habet. Pro Beneficiis simplicibus accipiendis sufficit annus 14. ex Trident. *sess.* 23. *cap.* 6. sed si Beneficium sit curatum, requiritur annus 25. Trident. *ibid.* c. 12. Pro Canonatu annus 22. Trident. *sess.* 22. c. 4. quamvis in Collegiatis sufficiat annus 14. Pro Episcopatu requiritur annus 30. vide *lib.* 6. *num.* 799.

§3. Notandum autem, quod si quis scienter ordinatur ante legitimam ætatem, ipso facto perpetuam incurrit suspensionem, a qua absolvi nequit nisi a Papa, vel ab Episcopo, si fuerit occulta, ex *cap. Liceat*, Tridentini *sess.* 24. c. 6. vide *lib.* 6. *num.* 799. Diximus scienter, nam Pius II. hanc suspensionem imposuit tantum eis, qui

ex

ex temeritate sic ordinantur : unde ignorantia crassa illos probabilius ab ea excusat , ita ut , completa ætate , bene poterunt Ordinem exercere ; *ibid. Dub. 1. & 2.*

54. An autem qui ante ætatem suscipit sacerdotium , irregularitatem incurrat ? Alii affirmant , quia (ut dicunt) Neo-Presbyter concelebrando cum Episcopo vere consecrat , & ideo jam exercet Ordinem susceptum cum suspensione . Sed alii communius , & valde probabiliter negant , cum æquum non videatur , ut quis eadem actione morali duplicem incurrat pœnam , nempe suspensionem , & irregularitatem . Testaturque *Suarez* , ex stylo Cancellariæ hujusmodi Ordinatos non censerì irregulares . Et idem dicendum de Diaconis , & Subdiaconis , nisi in eadem Ordinatione Ordinem jam susceptum ultro exerceant . Unde Neo-Presbyteri tunc concelebrando cum Episcopo , & Diaconi aut Subdiaconi in eadem Missa ministrando (saltem si ultro ad ministrandum se offerunt) irregularitatem certe incurrunt ; *lib. 6. n. 799. Dub. 3.*

55. XII. Ut Initiandus ad Ordinem

ordinem superiorem ascendat, requiritur ut exercuerit Ordinem prius susceptum: Sed juxta *Salmant. de Ord. c. 4. num. 74.* hoc non est de præcepto gravi.

56. XIII. & ultimo requiritur Vocatio Divina, ex illo Apostoli: *Nec quisquam sumit sibi honorem, sed qui vocatur a Deo tanquam Aaron. Hebr. c. 4.* Signa autem Divinæ Vocationis sunt, I. Scientia conveniens. 2. Intentio recta vacandi Deo, Animarumque saluti. 3. Probitas vitæ, quæ maxime requiritur ad veram Vocationem agnoscendam, ex illo Tridentini: *Sciant Episcopi debere ad hos Ordines assumi dignos dumtaxat, & quorum probata vita senectus sit. Sess. 23. c. 12.* Utque docet Divus Thomas *Suppl. q. 35. a. 1. ad 3.* ubi: *Non sufficit bonitas qualiscunque, sed requiritur bonitas excellens: Hanc rationem assignans: Ut sicut illi qui Ordinem suscipiunt super plebem constituuntur, ita & superiores sint merito castitatis.* Hinc si quis absque his signis, & consequenter sine Vocatione Divina ascendit ad Altare, nequit a gravi culpa excusari, tum
ob

ob gravem præsumptionem, qua non vocatus in sacrum ministerium se intrudit, ut ait S. Anselmus: *Quis enim se ingerit, & propriam gloriam querit, Gratia Dei rapinam facit, & ideo non accipit benedictionem, sed maledictionem.* Tum ob magnum periculum damnationis, cui se exponit, ut sapienter loquitur Episcopus Abelly: *Qui sciens, nulla Divinae Vocationis habita ratione, se in Sacerdotium intruderet, haud dubie seipsum in apertum salutis discrimen injiceret.* Et tanto magis graviter peccant Episcopi, qui tales ad Ordines admittunt, transgrediendo præceptam illud Apostoli: *Manus cito ne imposueris, neque communicaveris peccatis alienis.* Quæ verba exponens S. Leo (*Epist. I. alias 87. ad Afric. 2.*) dixit: *Quid est communicare peccatis alienis, nisi talem effici Ordinantem, qualis est ille qui non meruit ordinari?* Hinc in *c. Nullus, Dist. 24.* univ-
erse Episcopis sic præcipitur: *Nul-
lus ordinetur, nisi probatus fuerit.*

57. Refert hic autem in unum advertere ex prædictis, quinam il-
legitime ordinati suspensionem ipso
facto

facto incurrant. Incurrunt 1. Qui ordinantur sine Dimissoriis sui Ordinaris, vel sine ejus Litteris Testimonialibus, cum ordinantur ab Episcopo Beneficii. 2. Qui eodem die duos sacros Ordines suscipiunt. 3. Qui ordinantur extra tempora. 4. Qui Ordinantur ab Episcopo manente in aliena Diœcesi, sine licentia Episcopi loci. 5. Qui scienter ordinantur ante legitimam Ætatem. 6. Qui ordinantur per saltum, omisso Ordine præcedenti. Adde ultimo loco, qui ordinatur per simoniam; hic enim manet ipso facto suspensus ab Ordine simoniae suscepto, & impeditus ascendere ad superiores: Id tamen non currit, si simonia sit commissa ab alio, ignorante Ordinato; vide *lib. 3. num. 109.*

C A P U T III.

De Ordinibus in specie.

A R T I C. I.

De Prima Tonsura.

58. **P**rima Tonsura non est Or-
do, sed præparatio, sive dis-
positio ad Ordines, cum nullum
officium habeat circa ministerium
Altaris; ita communiter Theologi
cum *D. Thoma suppl. Q. 40. a. 2.*
Et probatur ex Trident. *sess. 13.*
c. 2. ubi Tonsuræ sumtio præcipitur,
sicque dicitur: *Ut qui jam Tonsura*
insigniti essent, per Minores ad Ma-
jores Ordines ascenderent. Ergo Ton-
sura inter Ordines minime numera-
tur; vide *lib. 6. num. 734.*

59. Clericus significat *in sortem*
vocatus, scilicet ad cultum Deo
præstandum. Tonduntur ei capil-
li in modum Coronæ ad significan-
dam Regiam dignitatem eorum, qui
in sortem Domini vocantur. Dicit
Catechismus Romanus, S. Petrum
Primam Tonsuram instituisse.

60. Ut

60. Ut quis possit tonsurari, requiritur 1. Ut sit mas. 2. Ut sit confirmatus. 3. Ut sciat legere, & scribere, ac saltem Grammaticam, præter rudimenta fidei. 4. Ut habeat animum Deo inserviendi.

61. Qui ordinatur sine Tonsura, graviter quidem peccat contra præceptum Tridentini, sed valide ordinatur; verum manet suspensus usque ad beneplacitum Episcopi. Qui autem aliquem Ordinem jam susceperit sine Tonsura, non tenetur eam postea recipere; quia per Ordinem susceptum jam fuit idoneus factus ad alios suscipiendos.

62. Effectus, & Privilegia Tonsurati hæc sunt: I. Tonsuratus transfertur ad statum Clericalem; unde acquirit privilegium *Fori*, quo eximitur a jurisdictione *Fori* Laicalis; modo deferat habitum, & Tonsuram, ac alicui Ecclesie de mandato Episcopi inserviat; aut modo Beneficium habeat, aut versetur in Seminario, vel in aliqua Schola de licentia Episcopi, ut habetur in Trident. *sess. 23. c. 6.* II. Acquirat etiam privilegium *Canonis*, ita
ut

ut eum percutientes injuriose incurrant excommunicationem reservatam Papæ, si percussio est gravis, Episcopo vero si levis. III. Tonsuratus fit capax Beneficii Ecclesiastici, modo habeat 14. annos. IV. Fit capax etiam omnis jurisdictionis Ecclesiasticæ, ad conferenda Beneficia, ferendas censuras, & judicandas causas spirituales.

63. Beneficiatus peccat graviter, si non deferat Habitum, & Tonsuram; & post monitionem incurrit insuper suspensionem ab Ordinibus susceptis, atque privationem Officiorum, & Beneficiorum. Omnes tamen hæc pænæ sunt ferendæ sententiæ, ut patet ex Trident. *sess.* 14. c. 6. Neque huic obstat Bulla Sixti V. *Cum sacrosancta*, edita die 9. Jan. 1588. ubi Beneficiati non deferentes Habitum declarantur ipso jure privati suis Beneficiis; nam id dispositum fuit tantum pro Urbe Romæ, & postquam mandatis sub certo termino ipsi non obedierint; vide l. 6. n. 825.

64. Privantur autem Beneficiati, & etiam in Sacris Constituti, Habitum non deferentes, privilegio tam

tam Fori, quam Canonis, si post tertiam monitionem illum non reassumant, ex *c. Contingit. 45. de sent. excom. vide lib. 6. num. 827.* Simpliciter autem Tonsurati, aut Clerici tantum ad Ordines Minores promoti, sine Beneficio, non peccant graviter, sed nec gaudent privilegio Fori, si actu Habitum non deferant, & Ecclesiae non inserviant, ut habetur in Trident. *sess. 23. c. 6.* Gaudent vero semper ac Habitum reassumunt; nisi hoc faciant in fraudem, puta si fuerint in carcere coniecti, vel jam citati in Foro Laicali; vide *lib. 6. num. 827.* Aliter tamen dicunt DD. de privilegio Canonis; vide *ibid.* An autem peccet qui Tonsuram suscipit ad accipiendum Beneficium, sine animo permanendi in statu Clericali? vide *lib. 4. num. 113.* ubi dicitur peccare, sed probabiliter tantum venialiter.

ARTIC. II.

De Minoribus Ordinibus.

85. **O**rdines Minores quatuor sunt: Ostiariatus, Lectoratus, Exorcistatus, & Acolythatus. Dicuntur ipsi *Minores* propter minora officia, quæ ab Ordinatis exercentur circa Missam, aut in Ecclesia..

SECTION I.

De Ostiariatu.

66. **O**stiariatus est Ordo, quo confertur potestas aperiendi, claudendi, & custodiendi Ecclesiam..

67. Officium Ostiarii, præter dicta, est etiam pulsandi campanas, necnon admittendi dignos in Ecclesia, & expellendi indignos, scil. Infideles, Hæreticos, & Excommunicatos..

68. *Materia Remota* Ostiariatus sunt: Claves Ecclesiæ. *Proxima*, Clavium traditio. Forma sunt verba Ordinantis, & dicentis: sic age
quasi

quasi redditurus rationem pro his rebus, quæ his clavibus recluduntur. Claves debent esse propriæ Ecclesiæ, nec possunt aliæ substitui. Debentque tangi ab Ordinando. Hic autem sedulo notandum, quod in sacramento Ordinis materia omnino tradenda est ab ipso Ordinante, alias Sacramentum invalide ministratur. vide lib. 6. num. 744. Et ab eodem Missa celebrari; ibid.

SECTIO II.

De Lectoratu.

69. **L**ectoratus est Ordo, quo confertur potestas legendi Scripturas Sacras in Ecclesia.

70. Materia Remota est liber Prophetiarum, & Epistolarum. Proxima, illius traditio. Forma sunt verba: *Accipe, & esto verbi Dei relator, &c.*

71. Officium igitur Lectoris est legere Sacras Scripturas (intellige extra Missam, nam in Missa officium est Subdiaconi) Est etiam Catechumenos instruere.

72. Si loco libri Epistolarum, si-
ve

ve *Lectonarii*, traderetur *Biblia*, aut *Breviarium*, valida quidem & licita esset *Ordinatio*; secus si alius liber; vide *lib. 6. n. 745.*

S E C T I O III.

De Exorcistatu.

73. **E**Xorcistatus est Ordo, quo datur potestas expellendi *Dæmones ab Obsessis*, ne ipsos impedian-
a *Communione.*

74. *Materia Remota* est Liber Exorcismorum. *Proxima*, ejus traditio. *Forma*: *Accipe & habe potestatem imponendi manus super Energumenos, &c.* Exorcismus est formula quædam ab Ecclesia instituta, ad *Dæmones* fugandos in nomine *Jesu Christi.*

75. Ut possit autem Exorcista sollemniter exorcizare, requiritur etiam collatio Jurisdictionis sive licentia *Episcopi.* Id tamen non est ob jus commune, sed ob particulare *Episcoporum* prohibentium exorcizare sine eorum licentia; *lib. 6. num. 745.* Dictum est sollemniter, nam quisque *Fidelis* potest priva-
C tim

tim imperare Dæmonibus ne no-
ceant aut impediunt Fideles ab actio-
nibus sacris; vide *lib. 3. num...*

SECTION IV.

De Acolythatu.

76. **A** Colythatus est Ordo, quo da-
tur potestas ferendi urceo-
los ad Altare, & candelabra, lumi-
naque in ipso accendenda. Materia
Remota sunt urceoli vacui, & Can-
delabrum cum cereo extincto. Pro-
xima, horum traditio. Forma: *Ac-
cipe ceroferarium &c. Et Accipe Ur-
ceolos, &c.* Utraque materia est es-
sentialis, sed nobilior sunt Urceoli,
quia vinum & aqua magis sunt
ad Missam necessaria. Hæ autem
materiæ sunt partiales, unam tota-
lem constituentes. Character vero
non in Candelabri, sed in Urce o-
lorum traditione imprimatur; quia
tunc principalior traditur potestas;
vide *lib. 6. num. 745.*

AR-

A R T I C. III.

De Ordinibus Majoribus .

S E C T I O I.

De Subdiaconatu .

77. **S**ubdiaconatus est Ordo , quo traditur potestas , per quam Ordinatus potest deferre Calicem ad Altare , ministrare Diacono , & legere Epistolam in Missa .

78. *Materia Remota* Subdiaconatus est duplex , nempe Calix vacuus , & Patena vacua ; necnon liber Epistolarum . *Materia Proxima* est horum traditio . Calix autem probabiliter debet esse consecratus , ut plures DD. sentiunt : Unde ipsorum sententia in praxi sequenda est ; lib. 6. num. 747. Sic etiam omnino requiritur traditio libri Epistolarum ; num. 746. Dub. 1.

79. Forma autem sunt verba Episcopi : *videte cujus ministerium vobis traditur , &c.* Et altera : *Accipe librum Epistolarum , & habes potestatem legendi eas &c.* Duplici

enim materiæ duplex adhibetur forma partialis.

80. Officium Subdiaconi, ultra prædicta in Altari, est deferre Crucem, & lavare Corporalia.

81. Peccaret mortaliter Subdiaconus, si absque Manipulo sollemniter ministraret in Missa, nisi urgeret necessitas; *Suarez de Censur. Disp. 42. Sect. 2.* An autem graviter peccet Subdiaconus ministrans in mortali? Vide dicta num. 18. *vers. Diaconi.*

82. Clericus exercens officium Subdiaconi sine Manipulo, vel cum Manipulo, sed non intendens ex officio actum illum exercere, non incurrit irregularitatem. Secus si cum Manipulo intenderet exercere officium proprium Subdiaconi; *lib. 7. num. 358.*

83. Ut quis ad Subdiaconatum possit promoveri, requiritur 1. Ut sit ordinatus in Minoribus. 2. Ætas 21. annorum completorum. 3. Titulus sustentationis, de quo vide infra dicta num. 43. & *sequ.* 4. Ut bene sciat quæ pertinent ad suum munus. 5. Examen, quod debet quidem rigorosius esse in Subdiacono-

diaconis, ut recte advertit *Homo-
bonus*, Pœnitentiarius in Ecclesia
Bononiensi; & signanter circa Sub-
diaconi obligationes, nempe servan-
di voti castitatis, recitandi Offi-
cium, habendi Titulum sustentatio-
nis: Necnon refert Subdiaconos exa-
minare circa Censuras, & Irregu-
laritates. De his singulatim hic prin-
cipaliora rudimenta breviter recen-
sebimus.

§. I.

De Voto Castitatis.

84. **S**ubdiaconus ex præcepto S.
Gregorii Papæ in c. 1. *Dist.*
28. tenetur votum castitatis emit-
tere. Hinc probabilius obligatio ca-
stitatis in Ordinatis in sacris est ve-
rius ex vi voti Ordinibus annexi,
quam præcepti Ecclesiæ. At si
quis Ordinem suscipiendo expresse
nollet castitatem vovere, tunc iste
saltem ex præcepto Ecclesiæ ad ca-
stitatem teneretur. Hocque dicendum,
etiamsi nesciret hanc obligationem,
modo vellet vere Ordinem suscipe-
re; & adhuc si inculcate nesciret,

ut valde probabiliter plures DD. docent; vide *lib. 6. num. 809. Dub. 1. & 2.*

85. Qui autem ordinaretur ante usum rationis, hic non teneretur ad castitatem. Qui vero ordinatur ante pubertatem, an ad castitatem teneatur? Adest duplex sententia, utraque probabilis; *num. 810.*

86. Qui ordinatur per metum extrinsecum injuste incussum, & non habet animum suscipiendi Ordinem, non tenetur ad castitatem: Et etiamsi animum haberet, probabilius nec teneretur, quia votum emissum ob metum probabilius est invalidum. Secus, si metus fuerit iuste incussus; vel si Ordinatus scienter suam Ordinationem ratificaret, nempe si ultro Ordinem exerceret; vide *lib. 6. num. 811.*

§. II.

De Horis Canonicis.

87. **P**rimo loco hic refert adnotare Propositiones damnatas ab Alexandro VII. nimirum Propos. 20. dicebat: *Restitutio fructuum*
non

non debetur ante sententiam . Prop. 21. Habens Beneficium , si studio vacet , satisfacit recitando per alium . Prop. 33. Restitutio fructuum suppletur per eleemosynas antea factas . Prop. 34. satisfacit dicens Officium Paschale pro Officio diei Palmarum . Prop. 35. Cum uno Officio potest satisfieri obligationi duorum dierum . Item Innocentius XI. damnavit Propos. 54. Qui nequit recitare Matutinum , non tenetur ad alias Horas .

88. Quæritur I. Quinam teneantur ad Horas? Tenentur I. Omnes Ordinati in sacris , etiam si sint excommunicati , suspensi , & degradati . Ordinatus autem ad Subdiaconatum , in die Ordinationis tenetur ad Horam correspondentem horæ , qua ordinatur . Tenentur II. Religiosi professi utriusque Sexus , hocque ex antiqua consuetudine . Et tenentur etiam profugi ; non autem ejecti ; *lib. 4. num. 142.* Tenentur III. pariter Beneficiati , alias fructus omnes Beneficii restituere tenentur , ex Concilio Lateranensi , S. 9. §. *statuimus* , ubi dictum fuit : *statuimus , ut quilibet habens Bene-*

ficium, si post sex menses, obtento Beneficio, Officium Divinum non dixerit, fructus non faciat suos pro rata recitationis. Et si talis post monitionem adhuc pergit omittere, potest etiam Beneficio privari. Deinde S. Pius V. in *Constit.* 186. quæ incipit, *Ex Proximo Lateranensi*, decrevit quod qui relinquit Matutinum, restituat partem dimidiam fructuum correspondentium illi diei: Qui ceteras alias Horas, aliam dimidiam: Qui vero unam tantum ex parvis, sextam partem; vide *lib. 3. num. 663.* Et idem dicendum, si quis per plures leves omissiones inter Officium diei ad gravem materiam pertingit; *num. 668.* Qui autem hodie supplere vellet Officium heri omissum, minime liberatur a restitutione, *num. 667.* Hæcque restitutio debetur ante omnem sententiam, quia conditio recitationis est absolute necessaria ad lucrandos fructus, cum sine ipsa nequeat Beneficiarius facere fructus suos, ut præfatum Concilium sancivit; vide *lib. 3. num. 665. & lib. 4. num. 143. Qu. I. vers. Sed dices.*

89. Restiturio autem tunc facienda est vel pauperibus (cujuscunque loci) vel fabricæ Ecclesiæ, vel Domui Beneficii, vel in augmentum agrorum ipsius: potest etiam fieri in refectionem alterius indigentis Ecclesiæ, si propria non eget, vel si fabrica alienæ Ecclesiæ redundaret in utilitatem pauperum; potest etiam applicari in Missis pro Defunctis; & potest Beneficiatus adhuc applicare eam sibi ipsi, si vere pauper sit, modo non faciat in fraudem; *lib. 4. num. 672.* Si quis autem post omissionem dederit elemosynas immemor, vel forte ignorans obligationem restitutionis, probabiliter potest eas computare, ut dicunt *Sanch. Suar. Lugo, Laymann. Salm. Croix. &c. vide lib. 3. num. 700. vers. Limitans.*

90. Probabiliter etiam dicunt *Sotus, Less. Vasquez, Bonac. Sanch. Salm. &c.* quod si Beneficiarius alia onera habet, quibus jam satisfecerit, non tenetur omnes fructus restituere. Secus tamen dicendum (quicquid dicant aliqui) de simplici Beneficiato, qui nullum aliud onus haberet, nisi deferendi Habitum;

bitum ; vide *lib. 3. num. 673.*
Qu. 10.

91. An autem excommunicatus toleratus teneatur ante sententiam restituere fructus Beneficii , si onera ipsius impleverit ? Aliqui affirmant ; sed probabilius , & communius alii negant , quia non tenetur reus , nisi post sententiam subire penam , quæ actionem requirit ; Ceterum excommunicati tolerati valide jam Sacramenta ministrant , Horasque persolvunt ; vide *lib. 3. num. 670.*

92. Sic etiam probabiliter non tenetur ad restitutionem qui recitat sine attentione interna ; cum opinio quod sufficiat ad satisfaciendum , si habeatur intentio , & attentio externa , non sit improbabilis , vide *lib. 3. num. 669. & lib. 4. num. 177. vide infra num. 114.*

93. Præterea notandum , quod S. Pius in præfata Constitutione declaravit , quod Beneficiati , si intra primos sex menses Officium omitant , licet non teneantur ad restitutionem , tamen non excusantur a peccato mortali ; vide *lib. 3. num. 663.* Hinc omnino dicendum , quod
 Bene-

Beneficiarii , etiamsi vellent fructus restituere , omittendo Officium , graviter peccant , cum ipsos quovis tempore Ecclesia ex motivo Religionis ad Officium obstrinxerit ; *lib. 4. num. 345. Qu. II.*

94. Graviter igitur peccat , qui intra sex menses (ut dictum est) Officium omittit , sed non tenetur ad restitutionem , quicquid aliqui dicant ; quia juxta communem sententiam restitutio fructuum non jam debetur de jure naturali ; fructus enim non dantur pro mercede recitationis , sed pro sustentatione Beneficiarii , cum onere tamen Officii , imposito ab Ecclesia (ut diximus) ex motivo Religionis , & ideo nulla ante Concilium Lateranense restitutio præcipiebatur . Concilium autem restitutionem præcipit tantum omittentibus post sex menses ; *lib. 3. num. 666.*

95. Ob eandem rationem non tenetur ad restitutionem , qui omittit Officium recitare sine culpa ; quia licet (ut dictum est *num. 88.*) restitutio ante omnem sententiam facienda sit , tamen cum ipsa in poenam præcepta sit , omnino culpam

requirit, ut recte dicunt *Lessius*, *Sanchez*, *Concina*, *Viva*, & alii communius, contra paucos; *lib. 3. num. 665.*

96. Pariter ob eandem rationem Subdiaconus Beneficium habens, si Officium omittit, unum tantum committit peccatum; cum ex uno motivo Religionis ad illud teneatur; *lib. 4. num. 145. Qu. I.*

97. Dubitatur. 1. An teneatur ad Officium Beneficiarius qui fructus non percipit? Minime tenetur, si ipse non negligenter se gerat in illis exigendis. Excipe, nisi ipse in poenam alicujus criminis sit fructibus juste privatus; Vel nisi certam spem habeat percipiendi illos sequentibus annis. Quid si super Beneficio lis vertat? Resp. Si Beneficiarius nondum acceperit illius possessionem, non tenetur ad Officium, nisi per ipsum stet quin statim possessionem adipiscatur. Si vero jam acceperit, tenetur casu quo spem certam habeat vincendi litem; secus si sit in dubio; *lib. 3. num. 64.*

98. Dubitatur 2. An teneatur ad Officium habens Beneficium tenue?
Alii

Alii affirmant ; sed alii plures negant , quia tenue Beneficium ex *c. Is cui , de Præbend. in 6.* ut verum Beneficium non habetur . Dicunt autem , illud esse tenue Beneficium , quod non pertingit ad tertiam partem sustentationis ; *lib. 3. num. 674.*

99. Dubitatur 3. An Beneficiarius male expendens fructus Beneficii teneatur ad restitutionem ? Plures graves DD. probabiliter negant , ut *S. Antonin. Less. Cabass. Sanch. Salm. & alii cum D. Thoma 2. 2. qu. 185. a. 7.* ubi ait Præbendas haberi ut bona patrimonialia . Alii tamen probabilius affirmant , ut *Laym. Bonac. Nav. Petroc. Concina , &c.* quia Beneficiarii ex justitia teneantur fructus superfluos pauperibus , vel locis piis erogare ; quia saltem Ecclesia non concedit ipsis dominium fructuum , nisi sic limitatum ; *lib. 3. num. 492.*

100. Hic autem sedulo advertendum , quod Regnans P. Benedictus XIV. in Brevi ad Card. Delphinum Patriarcham Aquilejensem , emanato die 19. Jan. 1748. declaravit Canonicos Choro non interessentes , vel
ibi

ibi non canentes, nedum Distributiones quotidianas amittere, sed etiam ad restitutionem teneri fructuum suarum Præbendarum; vide *lib. 3. num. 675. vers. Dub. 3.*

101. Quæritur II. Quanta sit Obligatio Officii? Certum est peccare graviter, qui omittit notabilem officii partem. Ceterum censetur parva materia omisso minoris partis, quam parva hora; *lib. 4. num. 147.* Qui autem omnes septem Horas omittit, probabiliter unum committit peccatum; quia omnes Horæ unum integrum Officium componunt; *num. 148.*

102. Qui officium projiceret in mare, tot peccata committeret, quot omissiones dierum prævideret; quia singulæ omissiones Officii, ad quemlibet diem pertinentes, sunt singulæ transgressionem; & hic eas jam prævidens jam peccaret in causa; *num. 149.*

103. An in dubio, utrum aliquid ex Officio sit vel ne omissum, an repetendum? Repetendum quidem in dubio negativo, scil. si nulum prudens motivum habes quod jam dixeris; secus si dubium est positi-

sitivum, nempe si probabiliter credas dixisse; ita *Navarr. Sanch. Laymann, Lugo, Tournely, Palans, Salm. Roncaglia, &c.* vide *lib. 4. num. 150.*

104. Quæritur III. Quæ requirantur ad Horas bene recitandas? Requiritur I. Ut recitentur juxta *Præscriptum Breviarii Romani*. Unde improbabilem censemus opinionem eorum, qui dicunt non peccare mortaliter qui commutat Officium in aliud notabiliter brevius, ut diximus *lib. 4. num. 161.* An autem sit mortale mutare in æquale, vel quasi? Adest duplex probabilis sententia. Æquius tamen videtur dicendum cum aliis esse mortale, si mutatio sit frequens; veniale si raro, puta ter vel quater in anno; & nullum, si id fiat cum causa, nempe itineris, studii &c. Ratio, quia licet Officium recitandum est juxta formam individua-lem Breviarii, ut præcepit S. Pius V. in Bulla, *A Nobis*, descripta in Breviariis, dicendo: *Neminem satisfacere, nisi hac sola forma, TAMEN* probabile est Pontificem in hac forma præscribenda, magis respexisse

spexisse ad formam substantialem, quæ est quantitas Officii, quam ad accidentalem, nempe ad illius qualitatem. Et ideo commutatio non videtur culpam venialem excedere. Id tamen frequenter facere, esset mortalis culpa; quia (ut recte ait *Laymann*) esset gravis perversio ordinis; *lib. 4. n. 161.*

105. His positis, probabile est 1. Quod si alio pergis, potes recitare Officium illius loci; nisi fueris Religiosus, quia teneris recitare Officium Breviarii tui Ordinis. 2. Quod Capellani, & Commensales Cardinalium, & Episcoporum possunt eis conformari in Officio. Et idem dicunt DD. de Capellanis Monialium, & de iis qui obeunt Exercitia spiritualia apud Religiosos. 3. Quod possis recitare Officium socii, quia ipsa associatio excusat, (vide *dict. num. 161. v. Juxta*); modo Officium non sit notabiliter brevius; *ibid. Qu. IV.*

106. Si quis advertit errasse postquam multum processit in officio indebito, potest vel proseguire, vel recitare reliquum de debito; sed melius erit recitare de proprio, nisi vellet

vellet alia die non impedita Officium dicere de Sancto illo, quod probabiliter admittunt plures DD. num. 161. Qu. V.

107. Ex consuetudine autem introducta gravis est obligatio recitandi Litanias S. Marci, & Rogationum, ac Officium Defunctorum, etiam in privato; lib. 4. n. 160. Qu. I. & II.

108. Requiritur II. *Pronuntiatio vocalis*. Hic dubitatur, an recitans debeat se audire? Alii affirmant, alii tamen non improbabili-ter negant, ut *Sylvius*, *Tournely*, *Laym. Salmant.* &c. quia non jubetur auditio, sed pronuntiatio; ad quam non oportet elevare vocem, sed sufficit formare aliquem externum sonitum, qui semper adest, cum verba proferuntur; num. 163. Submis-
se recitans in Choro bene satisfacit, *ibid.* sed non Canonicus, qui tenetur canere, juxta dicta n. 100.

109. Recitanti autem in Choro sufficit, si audiat alteram partem in confuso, vel tantum unum ex ea. Quid si non satis percipis in materia notabili alteram partem, propter culpam Chori, aut socii? Alii
di-

dicunt, quod teneris repetere non auditum: Alii plures negant, quia per ipsam societatem, & tuam applicationem moraliter jam communicas; *lib. 4. num. 163. Qu. 11.* Surdus autem non satisfacit, quidquid alii dicant. Secus vero dicendum de surdastro, si audiat saltem in confuso. *Ibid. Qu. 11.*

110. III. *Pronunciatio integra*, idest sine mutilatione, qua sensus verborum notabiliter varietur. Vallet tamen Officium, si aliqua saltem servetur significatio verborum, *num. 165.*

111. IV. *Pronunciatio continuata*, scilicet sine interruptione in qualibet Hora, quæ inducit veniale, nisi aliqua excuset causa; *lib. 4. n. 166.* Matutinum autem etiam sine causa potest a Laudibus separari; ut pariter tres Nocturni, saltem per tres horas; *num. 167.* Facta tamen interruptione, adhuc culpabili, probabilius non teneris Horam repetere; cum quilibet Psalmorum versus suam habeat significationem. *num. 168.*

112. V. *Horarum Ordo*, scilicet ne invertatur. Inversio tamen non erit

erit nisi venialis, etiamsi fiat frequens; & etiam in Choro, ut probabilius ajunt *Cajet. Gavant. Laym. Sanch. Bonac. &c. lib. 4. n. 170. & 171.* Celebrare autem Missam ante Matutinum, probabilius nec est nisi veniale; vide *lib. 6. num. 347.*

113. VI. *Tempus prefixum.* Tempus Matutini incipit ab hora Vesperarum diei antecedentis usque ad meridiem subsequentis; *lib. 4. num. 174.* Idque procedit etiam de Officio Defunctorum extra Chorum. *Qu. II.* Non autem de Litiis; *Qu. III.* An autem satisfaciat dicens Matutinum pridie hora secunda post Meridiem? Negandum est (quicquid alii dicant), sed servandum Directorium Romanum; quia tunc nondum incepta est hora Vesperarum, quæ est media inter meridiem, & occasum; *num. 174. Qu. I.* Tempus autem Horarum incipit a media nocte ad meridiem: Vesperarum, & Completarum, a meridie ad mediam noctem; *num. 173. v. Tempus.*

114. VII. *Intentio, & attentio.* Requiritur *Intentio* (scilicet orandi),
sa-

saltem virtualis, nempe si ab initio sumseris Breviarium ad recitandum. Communissime autem, & probabilius non requiritur Intentio satisfaciendi obligationi; quia implens non potest non implere, cum satisfactio pendeat a voluntate legis; *lib. 4. n. 176.* Requiritur insuper *Attentio*, saltem externa, scil. ne apponatur actio incompatibilis cum attentione interna. An autem requiratur etiam interna? Alii affirmant requiri, vel ad Deum, vel ad sensum, vel saltem ad verba ut recte pronuncientur; quia alias (ut sustinent) non esset Oratio. Alii vero negant, dicentes veram esse Orationem, quæ fit cum intentione orandi, & attentione externa; alias (ajunt) si attentio interna de essentia Orationis esset, etiam involuntarie distractus nec satisfaceret. Ceterum conveniunt omnes, quod ut dicatur quis non implere, oportet ut non solum advertat distractionem, sed adhuc ut plene advertat se distrahi ab Officio; alias, licet voluntarie se distrahat, non tamen voluntarie se distrahit a recitatione. Scrupulosi autem propter distra-

stractiones nunquam tenentur repetere ; *lib. 4. n. 176. & 177.*

115. Quæritur IV. Quænam excusent a recitatione Officii? Excusat I. *Infirmitas* gravis, sive grave incommodum. Laborans autem tertiana, vel quartana, tenetur recitare ; & etiam anticipare, si commode potest ; non tenetur tamen anticipare Matutinum in die præcedenti, nullus enim obligatur suo privilegio uti. Si quis tamen commode potest, tenetur dicere Officium cum socio. In dubio vero, an ob recitationem graviter lædaris, non teneris ; secus in dubio, an excuseris, nisi jam habeas probabilem rationem : melius est tunc, ut te remittas Medico, aut Superiori, vel saltem Viro prudenti. Quando autem urget morbus, si nequis recitare totum, nec teneris ad partem ; quia alias magna superesset ibi scrupulosa anxietas, an pergere possis vel ne in reliquis recitandis ; ita *Suarez, Nav. Sanch. Lugo, Cardenas, Roncaglia, &c. lib. 4. num. 194.* II. *Impedimentum* justum, puta si quis occupetur in officio charitatis, quod non posset omitti sine scan-

scandalo, aut notabili detrimento proprio, aut alieno: puta si nequireret differre Concionem sine nota, vel Confessiones aliorum in magno concursu; *num. 156.* III. *Cecitas.* *num. 157.* IV. *Carentia Breviarii.* Teneris tamen dicere quæ mente retines, modo pertingat ad quantitatem saltem parvæ Horæ. Et si cares Officio proprio, teneris recitare ex communi. Item, si absque magno incommodo potes socium adhibere, teneris. An autem Beneficiarius teneatur etiam conducere socium? Adest duplex sententia probabilis; *num. 158.* V. *Dispensatio Pontificis;* & etiam proprii Episcopi, ad breve tamen tempus, si adfit causa, puta si dubitetur de morali impotentia; *num. 159.*

§. III.

De Censuris in genere.

116. **Q**Uæritur I. Quid & quæ
 duplex est censura? *Cen-
 sura est pœna spiritualis, & medi-
 cinalis, per quam delinquenti, ac
 contumaci per Ecclesiasticam potesta-
 tem*

tem aufertur usus quorundam spiritualium bonorum.

117. Dividitur censura 1. in Excommunicationem, suspensionem, & Interdictum. 2. In eam quæ est *a jure*, nempe quæ fertur per legem generalem, & permanentem; & eam quæ est *ab homine*, quæ scilicet fertur a Prælato per particularem sententiam. 3. In eam quæ dicitur *lata sententia*, quæque incurritur ipso facto; & *ferenda sententia*, quæ non incurritur nisi post sententiam, prout sunt censuræ latæ verbis futuri temporis; vide *lib. 7. ex num. 6. ad 8.*

118. Quæritur II. Quis potest ferre censuras? Potest omnis superior Ecclesiasticus habens jurisdictionem in foro externo; vel *ordinariam*, prout Pontifex, Concilia, Episcopi, & ipsorum vicarii, vicarii Capitulares, Prælati Regulares, eorumque Capitula: vel *delegatam*, ut sunt ii, quibus ab habente ordinariam facultas committitur; *lib. 7. num. 9. ad 11.* An autem Episcopus existens in sua Diœcesi possit ligare censuris subditum in aliena existentem, pro crimine tamen in
pro-

propria commisso? Negant aliqui; sed affirmandum cum communi sententia; *num. 22.*

119. Quæritur III. Quid requiratur, ut quis possit ligari censura? Requiritur 1. Ut sit homo. 2. Ut sit baptizatus. 3. Ut sit rationis compos. 4. Ut sit persona determinata. 5. Ut sit subditus: *lib. 7. num. 13. v. Ut igitur.*

120. Episcopus autem bene potest ligare censuris alienum subditum delinquentem in sua Diœcesi, *ex cap. fin. de Foro compet.* Modo causam jam inceperit recognoscere, vel saltem Reum citaverit, antequam ille a suo territorio exierit: *lib. 7. num. 26.* Et modo, adde, Reus sit jam in contumacia constitutus; vide *lib. 6. num. 91. v. Incurrent.* Notandum vero, quod Peregrini nequeunt censuris ligari ab Ordinario loci per sententiam particularem; sed bene ligantur per statutum generale, si ipsi jam ibi quasi domicilium contraxerint; *lib. 7. num. 27.*

121. Quæritur IV. Quid requiratur ad incurrendam gravem censuram, puta excommunicationem majorem,

jorem, vel suspensionem totalem, aut ad longum tempus? Requiritur 1. Peccatum grave, & ut materia sit etiam per se gravis, aut saltem valde conducens ad finem intentum; Et in dubio superioris præceptum certe ligat. 2. Actus externus. 3. Actus consummatus. 4. Contumacia, ita ut delinquens sciat crimen, non solum vetitum esse a jure Divino, sed etiam Ecclesiastico. Hinc infertur 1. quod a censura excusat ignorantia invincibilis prohibitionis Ecclesiæ; & etiam crassa (imo juxta aliquos adhuc affectata) si censura sit lata in *scienter, temere, aut consulto* peccantes. Infertur 2. Quod metus gravis etiam excusat a censura, quamvis crimen sit contra Legem Divinam. Infertur 3. Quod fulminari nequit censura pro delictis præteritis, quæ non habent tractum successivum: Id tamen currit tantum de excommunicatione, nam suspensio, & interdictum possunt aliquando imponi pro culpis præteritis, per modum puræ poenæ. Infertur 4. Ad fulminandam censuram, monitionem requiri: intelli-

ge de censuris latis ab homine per sententiam particularem; non vero de latis a jure, in quibus ipsa lex monet; *lib. 7. a num. 29. ad 58.*

122. Si quis autem revera est innocens, licet in conscientia a censura lata non ligetur, debet tamen in externo tanquam censuratum se gerere. Et hoc dicendum etiam in dubio, an absolutio sit vel ne obtenta; & etiam in dubio, an censura fuerit juste lata, idest præviis debitis probationibus. Secus autem dicendum in dubio, an illa fuerit vel non incurfa: *num. 66. & sequ.*

123. Quæritur V. Quis possit a censuris absolvere? A censura lata per sententiam particularem, ordinarie is tantum potest absolvere, qui eam tollit, vel ejus superior, aut successor, aut delegatus. Ab illa autem quæ lata est a jure, vel ab homine per sententiam generalem, modo non sit reservata, potest absolvere quivis Confessarius; *lib. 7. n. 70. & 72.*

124. Hic autem notandum 1. quod Episcopi *ex cap. Liceat. 6. sess. 24. in Trident.* possunt dispensare in omnibus irregularitatibus & suspen-

suspensionibus ex delicto occulto, exceptis iis quæ oriuntur ex homicidio voluntario, & aliis deductis ad forum contentiosum. Item possunt absolvere a quibuscunque casibus occultis, etiam sedi Apostolicæ reservatis, quoscunque sibi subditos, in Diocesi sua per seipsos aut vicarium ad id specialiter deputandum. Hanc autem facultatem potest Episcopus etiam generaliter aliis delegare; *lib. 7. num. 93.*

125. Notandum 2. Quod prædicta facultas verius sublata est Episcopis respectu ad hæresim, & alios casus reservados in Bulla Cœnæ; vide *num. 83.* Si tamen quis sit impeditus adire Romam, bene potest absolvi ab Episcopo, & absolute, si impedimentum est perpetuum: sub juramento autem adeundi Romam, si est temporale, exceptis semper mulieribus, & pueris; *num. 84. ad 88.* Et si quis est impeditus adire Episcopum, absolvi potest a quocunque Confessario, ut probabiliter docent *Navarr. Sotus, Palaus, Suar. Laym. & Roncaglia num. 92.* Nec tenetur per nuncium, aut epistolam a Roma
D 2 abso-

absolutionem petere, ut probabiliter plures docent *num.* 89.

126. Notandum 3. Invalidam esse absolutionem censuræ a Delegato impertitam, non satisfacta parte, si sub hac clausula est ei facultas concessa; nisi Reus sit omnino impotens ad satisfaciendum; vel nisi pars injuriam remittat, aut rejiciat juxta satisfactionem oblatam; *num.* 128.

§. IV.

De Censuris in specie.

Et I.

De Excommunicatione.

127. **E**Xcommunicatio est censura, per quam privatur homo communione Ecclesiastica. Est duplex, Minor quæ privat tantum usu passivo, seu receptione Sacramentorum: *lib.* 7. *num.* 149. Et Major quæ privat etiam activo, & omni communicatione, ut infra *num.* 129.

128. Excommunicatus potest esse
vel

vel toleratus, vel vitandus. *Toleratus* est, quem Fideles non tenentur vitare, ex Constit. *Ad evitandam*. Concilii Constantiensis, nec etiam in Divinis, ut probabilius ajunt DD. num. 139. Et idem dicitur de suspensis, & interdictis toleratis: num. 140. Vitandus est quem fideles tenentur vitare. Et dupliciter quis potest esse vitandus, vel quia est nominatim excommunicatus, & denunciatus; vel quia est publicus percussor Clerici, vel Monachi; ita tamen ut factum nulla possit tergiversatione celari, nec aliquo suffragio excusari ut dicitur in *Cap. Si quis*. 17. *Qu.* 4. Hinc plures Doctores probabiliter docent, quod percussor, ut sit vitandus, requiritur non solum ut notorietas sit facti, sed etiam juris, scilicet ut in iudicio Reus sit damnatus, vel saltem ejus crimen sit probatum: num. 141. ad 144. Qui autem est vitandus in uno loco, non est in alio; ubi est occultus; nisi brevi illuc perventura sit notitia; num. 145. Hæc autem excommunicatio, si percussio est enormis, vel gravis, & publica, tantum a Papa absol-

D 3 vitur;

vitur ; nisi percutiens sit mulier , aut impubes , hi enim possunt absolvi ab Episcopo : qui potest etiam absolvere a percussione levi , adhuc publica , & a gravi , vel enormi , si sit occulta ; *lib. 7. num. 279. & 280.*

129. Excommunicatus igitur excommunicatione majori , esto sit tantum toleratus , privatur pariter ac vitandus 1. suffragiis Ecclesiæ . 2. Beneficiis , ita ut collatio Beneficii ipsi facta sit omnino nulla . 3. Susceptione & administratione Sacramentorum , ac omni usu Divinorum Officiorum . 4. Omni communicatione spirituali & civili cum Fidelibus .

130. Fideles autem etiam peccant , si communicant cum excommunicato vitando , in Divinis , aut in civilibus , nempe si cum illo Missam audiant , Officium recitent , item si eum alloquantur , rescribant , salutent (Alii dicunt , si etiam resalutent ; sed cum aliis id nescirem damnare , salutationem enim reddere non videtur tam honorem præbere , quam potius ab actu contemptus , vel saltem inurbanitatis abstinere) :

nere): item si cum eo cohabitent, mensam ejus adeant, societatem aut alium contractum ineant. Hæc omnia comprehenduntur illo celebri versu:

Os, Orare, Vale, Communio, Mensa negatur. vide lib. 7. n. 188. ad 196.

131. Communicantes autem cum vitando, ordinarie tantum venialiter peccant. In tribus autem casibus certe peccant graviter, nempe si communicent in contemptum Ecclesiæ, vel in Divinis; vel in crimine criminoso, idest in eodem crimine ob quod ille est excommunicatus: Et in hoc ultimo casu incurrunt excommunicationem majorem, in aliis vero tantum minorem, a qua excusat vel utilitas excommunicati, vel lex conjugii, subiectio, ignorantia, vel necessitas spiritualis sive temporalis; hæc alio versu comprehenduntur:

Utile, Lex, Humile, Res ignorata, Neceffe. lib. 7. num. 200. ad 207.

II.

De Suspensione.

132. **S**uspensio est censura, qua Clericus functiones aliquas Ecclesiasticas exercere prohibetur. Dividitur autem suspensio. 1. Alia est a jure, alia ab homine. 2. Alia fertur ad certum tempus, quo elapso, expirat; alia fertur absolute, quæ manet, donec per absolutiorem auferatur. 3. Alia est ob Officio, nempe Ordinis, vel Jurisdictionis; alia a Beneficio; & alia ab utroque, tam ab Officio; quam a Beneficio.

133. Quæritur I. An Clericus Ordinem exercens suspensione ligatus, incurrat irregularitatem, si suspensio facta sit tantum ad certum tempus? Distinguiamus cum probabiliori sententia: Incurrit, si fuerit lata per modum Præcepti ob crimen futurum; secus si fuerit lata ab homine ob meram punitionem criminis præteriti; quia talis suspensio tunc habet rationem poenæ, non censuræ; *lib. 7. num. 314.*

134. Quæ-

124. Quæritur II. An suspensus a Beneficio, si sit pauper, possit fructus retinere? Affirmandum, si sit ob crimen omnino præteritum; secus si ob contumaciam; num. 316. Dub. 1.

125. Quæritur III. An possit ferri suspensio ob culpam tantum venialem? Negandum, si est major, nempe ab omni usu Officii, & Beneficii, vel alterutrius, sed ad longum tempus. Secus si sit partialis, atque ad breve tempus; num. 321. v. Sed hic.

III.

De Depositione.

126. **D**epositio est quæ privat simpliciter omni usu Officiorum, & Beneficiorum. Depositio autem alia est Realis, quæ dicitur etiam Degradatio. Alia Verbalis, quæ absolute dicitur Depositio. Prima fit cum sollemnitate, & privat privilegio tam Fori quam Canonis absque spe restitutionis. Secunda vero fit sine sollemnitate & utroque privilegio retento. l. 7. n. 324. & 325.

D 5

IV. De

IV.

De Interdicto.

137. **I**nterdictum est censura Ecclesiastica, prohibens usum tam Divinorum Officiorum, quam aliquorum Sacramentorum, & etiam Ecclesiastica Sepultura usum, quatenus talis est. Dicitur quatenus talis est, quia excommunicatio etiam privat eodem usu, sed quatenus est communicatio cum Fidelibus; suspensio autem, non impedit proprie usum, sed exercitium potestatis Ecclesiasticæ.

138. Interdictum aliud est *Locale*, quod immediate afficit locum; aliud *Personale*, immediate afficiens personas. Potest etiam esse mixtum, quod afficiat immediate tam locum, quam incolas; *lib. 7. n. 329.*

V.

De Irregularitate.

139. **I**rregularitas est impedimentum Canonicum, Ordinum sacro-

sacrorum susceptionem, & susceptorum usum impediens. Dictum est impedimentum, non censura; quia sic vult communior & probabilior sententia, ex cap. Querenti. de verb. sign. ubi Innocentius III. rogatus quid intelligeretur nomine Censuræ, respondit intelligi tantum excommunicationem, suspensionem, & interdictum: lib. 7. num. 341. v. Queritur.

140. Notandum 1. quod nulla incurritur irregularitas, nisi in jure sit expressa, ex cap. Is qui de sent. excom. Notandum 2. quod in dubio siue juris, siue facti, an quis irregularitatem contraxerit, non est censendus irregularis; quia nemo in dubio est expoliandus suo jure certo; num. 346. Excipe, nisi dubium vertat circa factum homicidii; quia tunc dubitans, an ad homicidium concurrerit, irregularis censi debet in foro tam externo, quam interno, ex cap. significasti. & c. Ad audientiam. de Homic. vide num. 347. Modo, intelligendum, homicidium sit certum, & dubium sit tantum de suo concursu; vide lib. 3. de Prac. V. num. 396. Notandum

dum 3. quod ad incurrendam irregularitatem ex delicto, requiritur scientia legis Ecclesiasticæ prohibentis, ut communissime docent DD. An autem id dicendum etiam de crimine homicidii? Affirmant *Palaeus, Salmant., Viva, Machad. &c.* Sed negant *Suarez, Boss. Diana, &c.* quia homicida non tam ratione delicti, quam indecentiæ repelli ab Altari debet, ut dicitur in Trident. *sess. 14. cap. 7.* Huicque sententiæ videtur magis adhærendum; *lib. 7. num. 350.* An vero ad incurrendam irregularitatem ex delicto, excepto homicidio, requiratur etiam scientia pœnæ? Alii negant, quia irregularitas est mera inhabilitas. Alii autem ut *Navarr. Sylvest. Sanch. Palaeus, Roncaglia, Coninch.* & alii plures affirmant, dicentes esse veram pœnam, & extraordinariam; cum imponatur in punitionem criminis, nec possit ab ignorante aliquo modo prævideri. Utraque sententia est satis probabilis; *num. 351.*

142. Irregularitas tollitur i. per cessationem causæ, si irregularitas sit ex defectu ætatis, ignorantiae, aut

aut paupertatis: vel infamiae facti
quæ tollitur per mutationem loci
aut per emendationem, nam si est
juris, scilicet per sententiam, re-
quiritur dispensatio. 2. Per Baptis-
mum (si sit ex delicto). 3. Per
Dispensationem. 4. Per Professio-
nem Religiosam; *lib. 7. num. 352.*

143. Irregularitas alia est ex *de-*
licto, alia ex *defectu*. Irregularita-
tes ex delicto sunt sex I. ob Baptis-
mum serio & scienter iteratum;
& tunc fit irregularis tam baptizans,
quam baptizatus: *num. 356.*

144. II. ob violationem censu-
ræ, nempe si quis ea innodatus
scienter exercet actum Ordinis sol-
lemniter. Qui vero celebrat irreti-
tus excommunicatione tantum mi-
nori, non fit irregularis, ex *cap. Si*
celebrat, de Cler. excom. Nec etiam
innodatus excommunicatione mayo-
ri, si exerceat actum Ordinum Mi-
norum, adhuc sollemniter; vel Ma-
jorum, sed non sollemniter. Nec
qui Concionem habet, quia hic
non est actus jurisdictionis. Nec
Episcopus si excommunicet, aut Paro-
chus si Matrimonio assistat, quia hi
non sunt actus Ordinis; *l. 7. n. 357. 358*

145. III.

145. III. ob peccatum, quo Clericus scienter & serio actum Ordinis sacri quem non habet sollemniter exercet; *lib. 7. num. 359.*

146. IV. ob aliquas furtivas suspensiones Ordinum, idest 1. Si quis accipit Ordinem sine approbatione Episcopi, ex *cap. 1. de eo qui furt. &c.* 2. Si absque dispensatione ejusdem suscipit eodem die plures Ordines, quorum unus est sacer, ex *cap. 2. & 3. eod. tit.* 3. Qui post Matrimonium contractum ante consummationem accipit Ordinem sacrum, uxore renitente, ex *Extrav. Antiquæ. de Voto*; vide *lib. 7. num. 360. & 361.* Diximus ob aliquas, nam aliæ furtivæ Ordinum suspensiones (enumeratæ *num. 57.*) inducunt tantum suspensionem (Papæ autem reservatam si est publica) sed non irregularitatem; *Suar. Con. Pal. Salm. &c. n. 361.* Et idem dicendum de eo, qui censura irretitus sacrum accipit Ordinem; nisi in ipsa Ordinatione Ordinem exerceret, prout exercet Neo-Presbyter, concelebrando cum Episcopo; tunc enim etiam irregularitatem incurrit; vide *lib. 6. num. 799. in fin. v. Utrum.*

v. *Utrum*, Si vero quis in ipsa fur-
tiva Ordinatione suspensionem in-
currat, puta si ordinetur ante æta-
tem, valde probabiliter hic non fit
irregularis, ut diximus *num.* 54.

147. V. Propter enormia crimina,
si sint publica & notoria facto, vel
jure, habeantque a jure annexam
infamiam, ut sunt adulterium, in-
cestus, sodomia, perjurium in ju-
dicio, hæresis, simonia, rapina,
lenocinium, exercitium usurarum,
raptus mulierum, & similia. Hæc
autem irregularitas, si est facti, tol-
litur per emendationem; si juris,
per dispensationem: *lib.* 7. *num.* 362.
& 363.

148. VI. Ex injusta mutilatione,
& tanto magis ex homicidio, etiam
indirecte voluntario, ex *cap.* *Si quis*
r. de Homic. & Clement. unic. eod.
tit. Hæcque irregularitas extenditur
etiam ad Mandantes, Consulentes,
aut aliter Concurrentes, ex *cap.* *si*
viduam. Dist. 50. Hinc fiunt irre-
gulares, etiam qui cooperantur, ut
homicidium fiat celerius, audacius,
aut securius; vide *lib.* 7. *num.* 365.
ad 375. An autem fiat irregularis,
qui valens impedire homicidium,
culpa-

culpabiliter non impedit? Si tantum ex charitate tenetur, certe non fit. Quæstio est, si teneatur ex officio; & tunc adest utrinque duplex probabilis sententia; *num.* 376.

149. Irregularitates autem ex defectu sunt octo. I. Ex defectu *Animæ*, ex quo irregulares sunt 1. Amentes, phrenetici, & epilectici, qui tamen si jam ordinati sint, & intra annum eo morbo non laborarint, præsumuntur liberati, & bene permittuntur Ordinem exercere. 2. Illiterati, juxta dicta *num.* 42. 3. Neophyti, seu recenter conversi; *lib.* 7. *num.* 397. *ad* 403.

150. II. Ex defectu *Corporis*, nempe si quis habet vitium quod vel impedit congruum exercitium Ordinis, vel notabilem affert indecentiam. Ex primo capite impediementi sunt irregulares cæci, surdi, muti, carentes manu, aut digitis omnibus, aut pollice, vel indice; *lib.* 7. *num.* 403. *ad* 409. Ex secundo autem capite *deformitatis*, leprosi, carentes nasu, & aliter monstruosi, puta habentes gibbum valde enormem; *num.* 409. *ad* 413.

151. III.

151. III. Ex defectu *Natalium*, quo sunt irregulares omnes illegitimi, ex *cap. 1. & fin. de Filiis Presbyt.* Hi tamen legitimantur, vel per subsequens Matrimonium, vel per Professionem Religiosam, vel per Dispensationem Pontificis; *lib. 7. num. 420. ad 427.* Cum illegitimo autem, etiam occulto, verius nequit Episcopus dispensare ad Ordines suscipiendos; sed bene potest ad ministrandum in susceptis; *num. 430. & 431.*

152. IV. Ex defectu *Ætatis*, de quo vide dicta *num. 52.*

153. V. Ex defectu *Sacramenti*, nempe ex Bigamia, ut patet ex toto titulo *de Bigamis*. Dicitur ex defectu *Sacramenti*, eo quod qui duas duxit uxores, nequit apte significare unionem Christi cum Ecclesia unica ejus sponsa. Bigamia triplex est, I. *Vera*, quando quis cum duabus successive verum contraxit Matrimonium. II. *Interpretativa*, quando quis sola fictione juris censetur duas habuisse uxores; Hec autem quatuor modis contingit: 1. Si quis ducit viduam jam cognitam: 2. Si ducit mulierem corruptam;

ptam : 3. Si quis cognoscit propriam uxorem , sed postquam illa adulterium commiserit : 4. Si quis duo Conjugia contrahit , & consummat , unum validum , alterum invalidum , III. *Similitudinaria* , quæ contrahitur ex attentatione Matrimonii (quamvis invalidi) cum corrupta , vel cum virgine , post votum sollemne emissam in Religione , vel post susceptionem sacri Ordinis ; *lib. 7. num. 436. ad 449.*

154. VI. Ex defectu Infamiae , de qua vide dicta *num. 147.* nam irregularitates ex defectu , & ex delicto in idem coincidunt.

155. VII. Ex defectu *Libertatis* ; unde sunt irregulares 1. Omnes servi proprie dicti . 2. Conjugati . 3. Curiales , obligati Curiae propter juramentum , aut stipendium . 4. Milites , saltem quandiu juramento tenentur ; *lib. 7. n. 455. ad 457.*

156. VIII. Ex defectu *Lenitatis* , scilicet ex licita mutilatione membri , quæ fit a Chirurgis cum incisione , vel adustione ; vel ex licito homicidio in bello justo offensivo , aut in judicio . Sed in judicio , ut quis fiat irregularis , requiritur

Ordinandorum. 9r

ritur ut ad mortem alterius, vel mutilationem cooperetur active, efficaciter, & proxime, per actionem ex natura sua ad id ordinatam, ex *Clement. un. Si fur, &c. lib. 7. n. 457 ad 462.*

SECTION II.

De Diaconatu.

157. **D**iaconatus est Ordo; quo confertur potestas immediate assistendi Sacerdoti in Missa, porrigendo ei patenam cum hostia, & calicem cum vino: item legendi Evangelium, & predicandi.

158. Materia est duplex, impositio manus dexteræ Episcopi, cum Forma: *Accipe spiritum Sanctum ad robur, &c.* Et traditio libri Evangeliorum, cum Forma: *Accipe potestatem legendi Evangelium &c.* Ambo autem sunt materiæ & formæ partiales, unum Ordinem constituentes. Valeret etiam traditio Bibliæ, quia ibi jam continentur Evangelia.

159. Sed dices: Ab initio quomodo ordinabantur Diaconi, quando

deerat liber Evangeliorum? Respondent alii, qui sat probabiliter tenent duplicem esse materiam Diaconatus, ut supra, Christum Dominum reliquisse Ecclesiæ potestatem determinandi in specie materias & formas Sacramentorum; sed alii probabilius id negant, cum materia essentialis hujus Ordinis sit sola manuum impositio. At quia prima sententia etiam est probabilis, ideo utraque materia & forma, ut supra, adhibenda est in Ordinatione Diaconorum. Et juxta hanc sententiam, Character imprimitur in prolatione secundæ Formæ; *lib. 6. num. 748.*

160. Officia Diaconi (præter dicta) sunt 1. sollemniter baptizare, sed nonnisi de licentia Parochi, & in magna, saltem gravi necessitate; alias qui baptizat sollemniter sine commissione, etiam in necessitate, irregularitatem incurrit. 2. Ministrare Eucharistiam; sed pariter id non licet, nisi fiat ex commissione Parochi, & in necessitate gravi, nempe si Populus sit communicaturus, & desit Sacerdos; *lib. 6. num. 237.* Alias, si ministrat sine commiss-

missione, etiam fit irregularis ; *num.* 234. 3. Deferre Pyxidem, aut Ostensorium cum Eucharistia. 4. Prædicare, & lavare corporalia in defectu Subdiaconi.

161. Diaconus censura ligatus irregularitatem incurrit, si ministrat, juxta dicta *num.* 144. Qui vero irretitus censura Diaconatum suscipit, non fit irregularis, nisi in Missa Ordinationis, ultro Ordinem susceptum exerceret; vide dicta *num.* 54.

162. Quæritur, an obliget poenitentia imposita Diaconis & Subdiaconis ab Episcopo, recitandi Nocturnum diei currentis, & Sacerdotibus tres Missas celebrandi? Alii affirmant; sed probabiliter alii negant, saltem quod obliget sub gravi, cum de tanta obligatione non constet; *lib.* 6. *num.* 829.

S E C T I O III.

De Presbyteratu.

§. I.

De Ordine Presbyteratus.

163. **P**resbyteratus est Ordo, quo confertur potestas consecrandi Corpus & Sanguinem Jesu-Christi, & absolvendi Fideles a peccatis. Ordo autem Sacerdotii institutus fuit a Christo in Cœna, cum dixit: *Hoc facite in meam commemorationem.* Et post Resurrectionem, quando dixit: *Quorum remiseritis peccata, &c.*

164. Quænam est materia Presbyteratus? Juxta nostram probabilior sententiam, est unica, nempe secunda impositio manuum Episcopi cum Presbyterio. Sed probabilis est sententia quod sit duplex, nempe traditio calicis cum vino, superposita patena cum hostia, cujus Forma est: *Accipe potestatem offerendi Sacrificium, &c.* Et tertia impositio manuum, cujus forma:

ma : *Accipe Spiritum-Sanctum, quorum remiseris peccata, &c.* Et hæc sententia, cum sit probabilis, omnino in praxi tenenda est; vide dicta lib. 6. num. 749.

165. Hinc dicimus I. quod in Ordinatione Sacerdotum, una cum Calice & Patena, tradenda est utraque species, nempe panis, & vini; aliter non daretur directa potestas ad integrum Sacrificium; & eodem tempore debet tradi, cum potestas Sacerdotalis, ad sacrificandum sit indivisibilis; ita probabilior sententia, quæ omnino tenenda est : lib. 6. num. 750. Dicimus II. Quod non sufficit tangere tantum Calicem, & non Patenam; cum probabilis sit sententia, utrumque esse tangendum; n. 753. Dicimus III. quod, licet ex communi sententia valide ordinetur qui tantum hostiam, & non Patenam tangit, quia hostia & vinum sunt materia substantialis, & Calix & Patena tantum ob decentiam adhibentur; attamen consultum est, ut talis Ordinatio repetatur, cum quatuor DD. de ea dubitent; & in Pontificali, ubi fit sermo de materia, dicitur: *Et cupam*

pam calicis, & patenam simultangant; num. 751. Idem videtur dicendum de eo qui tangit tantum Patenam & Calicem, & non hostiam; num. 752.

166. Quæritur, quando defectus suppleri debeant in Ordinatione Presbyteratus? Si defectus est circa *essentialia*, nempe circa materiam & formam, omnino Ordinatio repetenda est: Et quidem tota, si defectus, sive ejus dubium, vertat quoad traditionem primæ potestatis supra Corpus Christi Reale; si vero quoad secundam circa Corpus Mysticum, tantum secunda repeti debet. Si autem defectus est circa *accidentalìa*, tunc si est de re levi, puta si ordinatus non dixerit Canonem, talis cæremonia aut similis non oportet repeti. Si autem in re gravi, puta si defuerit unctio manuum, vel si Neo-Presbyter non protulerit verba consecrationis cum Episcopo, tunc defectus quamprimum supplendus est ab eodem Episcopo (si fieri potest), alias graviter peccaret ordinatus id negligendo, aut in Ordine ministrando; *lib. 6. num. 758.* Quonam autem tem-

tempore præfati defectus suppleri debeant; respondetur quod si sint circa accidentalia, probabiliter quovis tempore suppleri possunt; si vero circa essentialia, idem dicunt *Salmant.* cum aliis, sed ex probabiliori & communiori sententia suppleri sunt tempore Ordinationum, ut habetur ex *cap. Presbyter. de Sacr. non iter.* Nisi agatur de solo dubio validitatis Ordinationis, ut probabiliter plures DD. opinantur; *num. 759.*

§. II.

De Sacrificio Missæ.

167. **S**acrificium (loquendo in genere) est Oblatio rei sensibilis facta Deo per immolationem in signum ejus supremi Domini.

168. Quatruplex potest esse Sacrificium: *Lautreticum*, ad Deum colendum: *Eucharisticum*, ad gratias agendas: *Impetratorium*, ad beneficia accipienda. *Propitiatorium*, ad veniam impetrandam.

169. Missa autem est Corporis, & Sanguinis Domini Jesu-Christi consecra-

E

secre-

secratio, & *oblatio*. Et est verum Sacrificium, omnium aliorum rationem complectens: Eademque est Hostia, quæ in Cruce oblata fuit, *sola ratione offerendi diversa*, ut docet Trident. *sess. 22. cap. 2.* Essentiam autem Sacrificii alii dicunt consistere in *Consecratione*, alii in *Oblatione*, alii in *Sumptione*, alii demum probabilius in *Consecratione* simul, & *Sumptione* cum Bellarm. Soto, Bonac. Tournely, &c. n. 305. Ad essentiam autem Sacrificii probabilius requiritur Consecratio utriusque Speciei, nempe panis, & vini; aliter non exprimeretur Commemoratio Sacrificii cruenti Crucis; num. 306.

170. Quær. I. Quæ requirantur ad Missam perficiendam? Tria sunt necessaria Intentio, Materia, & Forma. Requiritur *Intentio* consecrandi, sive conficiendi Sacramentum saltem virtualis, scilicet quæ perseverat ex actuali prius habita; quam certe habet, qui paratur, & accedit ad celebrandum, juxta dicta num. 14. Plura nunc sunt notanda de Materia, & Forma. *Materia* est ipse Christus Dominus reali-

realiter existens sub speciebus panis & vini .

171. Panis consecrandus debet esse usualis & communis; ex farina triticea & aqua naturali (saltem pro majori parte) confectus, igneque coctus, ac non corruptus; alias non est materia apta. Ut autem sit materia licita, in Ecclesia Latina debet esse azymus, in Græca fermentatus; & non cum alia materia admixtus, nec corruptioni proximus; *lib. 6. num. 198. ad 205.*

172. Vinum autem debet esse ex uvis expressum; cui ex gravi præcepto Ecclesiæ modica aqua est in Calice admiscenda (ad significandam unionem Fidelium cum Christo) quæ saltem non excedat tertiam vini partem; quamvis hanc opinionem aliqui DD. non admittant, nisi vinum sit generosum; sufficit vero admiscere unam aquæ guttam; *lib. 6. numer. 210.* Non est materia apta vinum ex agresta, nec acetum, nec vappa (idest vinum cujus vis evanuerit) nec lora, vulgo *acquata*. Vinum vero, cum alio modico liquore mixtum, vel mustum, aut vinum, quod

incipit aclescere vel corrumpi, ut ait Rubrica, est materia quidem apta, sed non licita nisi in necessitate; *num. 205. O. 207.* Et idem dicendum de vino congelato, nisi liquefiat dum consecratur; *cit. num. 207. Qu. II.* quid si celebrans in sumptione advertat vinum esse corruptum? Alii dicunt sufficere, ut sola fiat Consecratio vini; sed melius est juxta Rubricam iterum vinum & novam hostiam consecrare, incipiendo, *Qui pridie O.c.* Et in dubio an fuerit materia apta, etiam repetenda Consecratio vini, ut probabilius ajunt *Croix, Pasqual. &c. num. 206.*

173. Insuper ad validam consecrationem requiritur, ut materia 1. sit sensibiliter & moraliter præsens; unde invalide consecratur materia valde modica, aut valde remota, vel posita post tergum aut parietem, aut sub Corporali. Requiritur 2. ut sit certa, & determinata, saltem aliquo modo; tunc autem jam consecratur ex intentione virtuali, licet de ea Sacerdos consecrando obliviscatur; *l. 6. n. 211 ad 216.* Si autem Ciborium tempore Consecrationis reman-

remanferit extra Altare , probabilius ipsum rursus est sub conditione consecrandum ; *num. 217.* Quoad guttas autem vini separatas , sed intra Calicem existentes , melius est semper intendere eas consecrare , ut ait *La-Croix lib. 6. p. 1. n. 449.* expedire , ut Sacerdos intendat eas consecrare , ne quid sit in Calice non consecratum . Sed melius mihi videtur id intendere de guttis proximis fundo , non vero de remotis ; *lib. 6. num. 205.*

174. Forma autem Eucharistiæ sunt verba , quæ proferuntur in consecratione panis & vini . An in consecratione vini sola verba , *Hic est calix Sanguinis mei* , sint de essentia , vel etiam alia verba ? Utraque sententia est probabilis ; sed certe graviter peccat reliqua omit- tens . An vero ad Consecrationem requirantur de necessitate Sacramenti verba præcedentia : *Qui pridie quam pateretur , &c.* Communis sententia negat : Sed Scotus dubitat , ejusque sententiam *Du-pasquier* , & Continuator *Tournely* dicunt non carere omni probabilitate ; & ego dicere improbabilem non audeo ;

deo; *lib. 6. num. 220. ad 224.* Forma autem Eucharistiæ debet proferri *recitative, & significative; d. n. 220. in fin.* Si dubium sit (modo sit probabile) an Forma non sit bene prolata, repetenda est sub conditione; vide *lib. 6. num. 224. in fin.*

175. Quær. 2. Quotuplex est Fructus Missæ? Resp. Fructus Missæ alius est ex opere operato, nempe ex merito Christi; alius ex opere operantis ex merito Sacerdotis. Item alius est Meritorius, alius Satisfactorius, alius Impetratorius. Item alius Generalis, qui obtingit omnibus Fidelibus, vivis & defunctis; alius specialis sive medius, obtingens assistentibus Missæ, & ei cui applicatur; alius specialissimus, obtingens soli Celebranti; pro quo non licet ullum stipendium accipere, ex Prop. 8. damnata ab Alexandro VII.

176. An Missa sit infiniti valoris, tam intensive, quam extensive? Plures Doctores negant; plures vero alii probabilius affirmant, & pro his est etiam D. Thomas: cum Missa sit idem quam Crucis Sacrificium, quod fuit infiniti valoris.

loris . Licet autem valor sit infinitus , effectus tamen Missæ finitus est , ex finita capacitate hominum pro quibus offertur , quorum unusquisque percipit fructum juxta suam capacitatem . Sed quia prima sententia etiam est probabilis , nequit Sacerdos accipere duplex stipendium a duobus , applicando eis Missam ambobus , ut habetur ex Prop. 10. damnata ab eodem Alex. VII. Nec potest eam danti elemosynam applicare in generali cum aliis , nisi hoc faciat sub conditione , scilicet ; *lib. 6. num. 312.*

177. Quær. III. Quid de Stipendio Missæ ? Stipendium accipere licet Sacerdotibus , etiam divitibus , ut communiter docent *Suar. Lugo, Concina, Tournely, cum Gerson , & Thomassin.* & alii plurimi (contra *Genett.* & alios paucos) : quia quisque operarius dignus est mercede sua , ex Apost. 1. Cor. 9. vide *lib. 6. num. 317. Qu. I.*

178. Sacerdos peccat graviter , si differat Missam promissam sub stipendio per duos menses ; imo Missam Defunctorum si differat per integrum mensem , ut dicunt *Salmant.*

Concin. Escob. Sporer, Roncaglia, & Tournely; cit. num. 317. Qu. II. Item si Missa dicenda sit pro instanti necessitate, puta imminentis mortis, vel alterius damni, tunc etiam dilatio hebdomadæ potest esse mortalis; vide *Cabrin. cap. 34. num. 236.*

179. Nulli licet dare aliis Missas ad celebrandum, retenta parte stipendii, sub pœna ipso facto incurrenda suspensionis Papæ reservatæ, si est Clericus, & excommunicationis, si Laicus, ut habetur in Bulla, *Quanta cura*, Benedicti XIV. Et pars retenta probabilius debet restitui Sacerdoti celebranti, quam largiri pauperibus. Excipe, nisi pingue illud stipendium detur alicui ratione personæ, vel Beneficii, aut Capellanix (etiam amovibili), sive legati perpetui. Administratores autem Ecclesiarum ex Decr. S. C. confirmato ab Innoc. XII. nil possunt retinere, nec etiam pro expensis in celebratione Missarum, nisi Ecclesia alios non habeat redditus; *lib. 6. num. 321. & 322.*

180. Parochi ex Bulla *Cum semper*, ejusdem Bened. XIV. tenentur

tur applicare Missam pro Populo omnibus diebus festis, etiamsi congruam non habeant. Si vero pingues habent redditus, non tenentur sæpius Missas applicare, ut in eadem Bulla declaratur; *lib. 6. n. 325. Qu. II.*

181. Applicatio debet fieri ante celebrationem, vel ante consecrationem. Verius autem (quicquid alii dicant) sufficit applicatio Missæ habitualis, ut communiter docent *Suar. Lugo, Bonac. Tournely, Hølemann. Concina*, & alii plures; *lib. 6. num. 335. Qu. I.* Si Missa nulli applicetur, fructus manet in thesauro Ecclesiæ. Applicatio autem sub conditione jam impleta, valida est. Si vero fiat pro primo, qui offeret eleemosynam, non solum est illicita ex prohibitione Clementis VIII. sed etiam probabilius sæpe erit invalida; vide *num. 337. v. Dicunt.*

182. Quær. IV. An sacerdos teneatur aliquando celebrare in anno? Negant, præciso scandalo, *S. Bonav. Cajet. Lugo*, & probabile putant *Suar. Laym. & Palaus*. Alii tamen communius cum *D. Thoma*

(quibus ego magis adhæreo) affirmant, cum verba Christi, *Hoc facite in meam commemorationem*, contineant verum præceptum, ut declarat *Trident. sess. 22. cap. 1.* Hicquæ DD. dicunt teneri ad celebrandum, saltem ter vel quater in anno, in Festis sollemnioribus. Parochi vero debent sacrum facere in quolibet Festo, quo tenentur oves illud audire; *lib. 6. n. 313.*

183. Quær. V. An Rubricæ Missalis sint omnes præceptivæ, vel aliquæ sint tantum directivæ, sive de consilio? Diversæ in hoc sunt sententiæ. Nos dicimus sequendam esse sententiam *Quarti, Merati, & Tournely*, qui recte dicunt, Rubricas de agendis intra Missam, omnes esse præceptivas, & obligare juxta gravitatem materiæ; ex Bulla S. Pii, ubi dicitur: *Districte præcipientes, ut Missam juxta ritum, modum, & normam in Missali præscriptam decantent, ac legant.* Rubricas autem de agendis extra Missam, probabiliter dicunt non omnes esse præceptivas; *lib. 6. num. 399.*

184. Quær. VI. Quando Missa dici possit? Sic dicitur in Rubrica:

Mis-

Missâ privata saltem post Matutinum, & Laudes, quacunque hora ab aurora usque ad meridiem dici potest. Communiter autem dicunt DD. licere Missam terminare in aurora, & illam incipere parum ante meridiem. Imo Benedictus XIII. & Clemens XII. declararunt posse in hoc tolerari latitudinem tertiæ partis horæ, tum ante auroram, tum post meridiem; lib. 6. num. 341. v. Omnes. Præterea communius & probabilius dicunt Sylvius, Palas, Bonac. Roncaglia, Viva, Salmant. &c. quod celebrans non peccat mortaliter; nisi incipiat Missam integra hora ante auroram, vel hora post meridiem; alias tantum veniale committit, a quo excusat quævis causa rationabilis; imo causa gravior, prout esset dandi Viaticum, sollemnitatis, itineris, vel funeris, omnino excusat, etiam si dilatio sit per integram horam; lib. 6. num. 343. ad 346. Ministrare autem Communionem licet usque ad Vesperas exclusive; & etiam in Vesperis si adsit aliqua causa specialis, modo non sit intempesta nocte; num. 252.

185. Celebrare autem ante Matutinum & Laudes, alii dicunt esse mortale; alii nullum peccatum; alii vero probabilius & communius, ut *Suar. Sotus, Sylvest. Tournely, Bellarm. &c.* quibus assentitur *Benedictus XIV. de Sacr. Missæ lib. 3. cap. 13. ajunt non esse mortale; quia talis gravis obligatio neque exprimitur in Rubrica, neque communiter sub gravi est recepta. Sed non excusari sentiunt a veniali, cum id in Rubrica jam inter defectus numeretur. num. 347. Missam autem Conventualem dicere ante Matutinum & Laudes, non excusatur a mortali, ut communiter & verius docent DD. contra Sanchez; num. 348.*

186. Celebrare in die Coenæ Domini & Sabbati Sancti (quicquid alii dicant) nullo modo licet, nec etiam privatim, ut patet ex Decreto Clementis XI. quod refertur *lib. 6. n. 350. Quodque confirmatum fuit ab Innoc. XII. apud Merati in Indice Decret. num. 501.*

187. Quæritur VII. Ubi liceat Missam celebrare? Respondetur: In Oratoriis ab Episcopo benedictis, & desi-

designatis ad usus sacros in Seminariis, Conservatoriis, & Hospitalibus, & etiam in domibus privatis, modo Oratorium habeat januam in via publica: item in Oratoriis Religiosorum, necnon in erectis in Palatiis Episcoporum, omnes possunt celebrare, & quovis tempore, etiam festis sollemnioribus, quia illa sunt veræ Ecclesiæ. In Oratoriis autem privatis, in quibus tantum ex privilegio Pontificio celebrari potest, non licet sacrum facere diebus in Indulto exceptis, idest sollemnioribus. Nec potest in eis celebrari, nisi intersit aliqua ex Personis, quibus directe concessum est indultum; ut declaravit Bened. XIV. in Bulla, *Cum duo Nobiles*; vide l. 3. num. 319. v. *Probabilem*. Nec possunt ibi plures celebrari Missæ, si ibi dicitur (ut consuetum est), *una Missa quotidie celebretur*; declaravit enim Benedictus XIV. in Bulla, *Magno*, sub die 2. Jun. 1751. *To una*, idem esse ac unica; vide lib. 6. num. 359. circa fin.

188. An autem in his privatis Oratoriis possit ministrari Communio? Alii affirmant, alii communius

nius negant, & Benedictus XIV. in Epist. Encycl. ad Episcopos Poloniae sub eodem die 2. Jun. prohibuit dari Communionem in privatis Oratoriis sine licentia Episcopi; *cit. num. 359. v. Queres.*

189. Celebrans in Ecclesia polluta per notoriam effusionem sanguinis, vel seminis, aut per sepelitionem Infidelis, Hæretici, vel excommunicati, antequam reconcilietur ab Episcopo, vel a Sacerdote ab Episcopo delegato, si Ecclesia fuerit tantum benedicta, graviter peccat; sed nullam incurrit poenam, ut probabilius dicunt *Suar. Laym. Lugo*, & alii cum *Bened. XIV. de Sacr. Missæ*; vide *lib. 6. num. 361. ad 367.* Sic etiam est mortale, celebrare in Ecclesia execrata, nempe si eodem tempore demoliti in majori parte sint parietes, vel crassa ablata; *num. 368.*

190. Quær. VIII. Quæ requirantur sub gravi præcepto ad rite Missam celebrandam? Requiritur 1. *Altare*, vel *Ara* lapidea ab Episcopo consecrata, cum Sepulchro Reliquiarum, & sigillo; ubi omnino reponendæ sunt Hostia & Particulæ

consecrata, lib. 6. n. 372. & 373.
 Execratur autem Altare, ita ut
 mortale erit in eo celebrare, si men-
 sa consecrata removetur ab inferio-
 ri structura, vel si Ara notabiliter
 frangitur, aut ab ea auferuntur Re-
 liquiæ, & sigillum, prout habetur
 in Decreto S. C. Rituum; *num.*
 369. In Altari requiruntur etiam
 tres Mappæ; nec sufficiunt duo, ut
 aliqui dicunt; sufficiunt tamen una
 separata, & altera duplicata; *num.*
 374. & 375.

191. Requiritur 2. Calix, & Pa-
 trena consecrata. Execratur autem
 Calix, si notabiliter fractus sit in
 cuppa, vel sit in fundo perforatus;
 non vero si pereat ejus inauratio,
 ut probabilius & communiter do-
 cent Lugo; Suar. Sylvest. Tournely,
 Laym. &c. Hinc probabilius est Ca-
 licem de novo inauratum non indi-
 gere nova consecratione. Celebrare
 autem in Calice nunquam deaurato
 probabilius est esse illicitum, sed
 nonnisi veniale, ut dicunt Lugo, &
 Tournely. Si Calix separetur a pe-
 de, amittit utique consecratio-
 nem, si cuppa est pedi fixa;
 Secus si pes est tornatilis, &
 de

de se separabilis: *lib. 6. num. 370.*

192. Requiritur 3. *Vestes* sacræ, benedictæ ab Episcopo, vel ab alio habente facultatem a Pontifice. Graviter peccat celebrans sine Alba, aut stola, aut Manipulo, aut cum ipsis non benedictis (nisi gravis excuset necessitas); secus tamen plures DD. non improbabiliter dicunt de Celebrante sine Cingulo, aut Amictu; *lib. 6. n. 377.* Vestes autem execrantur, quando usum suum perdunt, nempe si ab Alba manica abscindatur; vel si stola non possit humeros operire, vel pars ejus ita scindatur, ut deperdatur forma: nec sufficit eam resarcire; destructa enim forma desinunt partes esse sacræ; *num. 368. ad 371.* Color autem Vestium probabilius est quod sit de præcepto non tamen gravi; *num. 378. Dub. 5.*

193. Requiritur 4. *Corporale* benedictum ex lino, vel cannabe; *lib. 6. n. 386.* Execratur autem Corporale, si ita frangitur ut non possit amplius decenter continere Calicem, & Patenam cum Hostia; *lib. 6. cit. n. 371.* Cavendum est, ne Corporale sit valde immundum,
in

in quo dicunt *Suar. Laym. & Tambur.* posse etiam graviter peccari, quamvis addat *Tambur.* ex eodem *Suar.* illud *valde immundum*, difficulter evenire. Ceterum, uti Corporali, & aliis paramentis immundis aut fractis, sed non valde, est tantum veniale, & nullum, si alia haberi nequeant, ut *Croix cum Suar. & Gob.* Imo ait *Tournely*, quod in necessitate, nempe si Sacerdos aut alii deberent omittere Missam de præcepto, licet uti Corporali etiam notabiliter immundo; vide *ibid.*

194. *Palla* etiam debet esse benedicta, & ex lino vel cannabe, saltem ex parte inferiori, ut ait *Suarez*; sed ex Decr. S. C. dictum fuit: *Non adhibenda est Palla a parte superiori drappo serico cooperta.* Non autem improbabiler dicunt *Sotus* & alii, quod celebrare sine *Palla* non est mortale, cum ipsa sacras species non tangat immediate; *lib. 6. n. 388.*

195. Requiritur 5. *Purificatorium*, quod probabilius non oportet ut sit benedictum; *num. 389.* Requiritur 6. *Missale Romanum*, continens saltem integrum *Canonem*. Dicunt
au.

autem communissime, & probabiliter *Suar. Vasqu. Laym. Palaus, Lugo, Salm. Croix, &c.* non peccare Celebrantem sine Missali, si memoriter beneficiat dicenda, & ob præteritam experientiam non esset ei periculum errandi. Uti vero Missali Regularium (scil. celebrando juxta eorum ritum) est mortale, etiam in ipsorum Ecclesiis; *num. 390.* Requiritur 7. Minister sub gravi obligatione, saltem usque ad Oblationem; nisi urgeret necessitas dandi Viaticum, vel etiam ne omittatur Sacrum in die Festo. Debetque esse masculus, nam foeminae graviter prohibentur immediate ministrare in Altari; *lib. 6. n. 391. & 392.* vide etiam *Cabrin. c. 37. n. 259.*

196. Requiritur 8. *Cruce cum Crucifixo*, etiamsi in Altari expositum sit SS. Sacramentum, ut habetur ex Cæremoniali Episcoporum, & Decr. S. C. Utrum autem sit mortale celebrare sine Cruce? Negant communissime *Laym. Suar. Bonac. Tournely: Concina, Habert, Merassi, &c.* Sed de probabilitate hujus opinionis dubito, dum Benedictus XIV. in quodam Decreto præcepit,

pit, ut sine Crucifixo nullo modo fiat sacrificium: ibique addidit, quod Imago non sit ita exigua, ut sacerdotis & Populi oculos pene effugiat; num. 393. Requiritur 9. Duplex Candela accensa, ex cera, non ex sebo vel oleo; nisi celebrandum sit ex necessitate, non autem ex devotione; num. 394. Requiruntur 10. & ultimo, Bursa, Velum, Pulvillus sive Legile, & Manutergium; at sine istis celebrare, ait La-Croix nullum esse peccatum; num. 395. Celebrare capite cooperto per totam Missam, est mortale: Secus usque tantum ad Canonem; num. 397.

197. Notandum 1. quod Neo-Presbyteri consecrando cum Episcopo vere celebrant, licet unum sacrificium faciant: in quo primarius celebrans est Episcopus, & Sacerdotes sunt etiam causæ totales consecrationis, sed morales, quæ unum effectum pariunt, ad differentiam causarum totalium physicarum, quæ diversos causant effectus. Quisque autem Ordinatus in Sacerdotium debet proferre verba consecrationis, cum intentione consecrandi; sed sub conditione, si conformentur sua eodem

dem tempore cum verbis Episcopi, alias graviter peccaret; vide *lib. 6.*

198. Notandum 2. quod Episcopus Neo-Presbyteris tres injungit Missas celebrandas, unam de Spiritu-Sancto, aliam de B. Virgine, tertiam pro Defunctis; has autem Missas probabile est non esse obligationem dicendi, neque eas applicandi pro Episcopo, cum ipse subdat: *Et etiam pro me orate; lib. 6. num. 829.*

199. Notandum 3. quod Missa celebrari debet, ut communiter traditur: *Alte, Breviter, Clare, Devote, & Exacte.* *Alte*, idest ne dicantur submisso, quæ alte dicenda sunt; ita saltem *ut a circumstantibus audiantur*, prout habetur in Rubrica, alioquin committitur culpa, sed nonnisi venialis. Idem dicendum de eo qui alte recitat, quæ submisso dici debent. Imo probabiliter ait *La-Croix*, quod si quis in Consecratione aut in magna parte Canonis vocem ita elevaret, ut audiretur ad quadraginta passus, graviter peccaret; alias venialiter tantum peccat: *lib. 6. num. 415. & 416.*

200. Bre-

200. Breviter, idest ut non excedatur media hora; cum moneat Rubrica, ut Missa non dicatur *nimis morose*, ne audientes tardio afficiantur; nec *nimis festinanter*. Hinc rationabiliter ait Benedictus XIV. *Notif. 34. n. 30.* cum aliis communiter, Missam non debere esse longiorem dimidia hora, nec brevioris triente; idest tertia horæ parte; alias celerius eam persolvens, non excusatur saltem a veniali. Et recte addunt *Roncaglia de sacr. Miss. cap. 3. q. 4. in fine*, *Quarti part. 1. tit. 16. Diff. 3.* & *Pasqualig. quest. 229. n. 7.* cum Gobat, Sacerdotem, qui Missam solveret minori spatio quadrantis horæ, non excusari a peccato mortali: cum in tam brevi spatio non possit illa celebrari vel sine magna corruptione verborum & ceremoniarum, vel sine saltem magna indecentia; vide dicta *lib. 6. num. 100.*

201. *Clare*, idest sine verborum mutilatione; qua si sensus varietur, potest esse etiam mortalis, si sit notabilis; *num. 405.*

202. *Devote*, idest sine distractione, quæ si voluntaria sit in Canone,

ne, & signanter in consecratione, & sumptione, erit mortalis, ut probabiliter ait *Tamburinus*, quicquid alii dicant. Si autem habeatur extra Canonem dicitur idem, quod dictum est de Officio; *n.* 114.

203. *Exacte*, idest ne omittantur quæ dicenda sunt. Si omittuntur partes ordinariæ nempe quæ in Missa semper dicuntur, est mortale, si materia sit gravis, ut esset omittere in Canone quamlibet Orationem, vel *Pater noster*, vel fractionem Hostiæ cum illius mixtione in Calice, vel purificationem Patenæ & Calicis post sumptionem, vel octo aut decem verba Canonis. Et sic pariter est mortale extra Canonem omittere totum Introitum, vel duas ex Collectis principalibus, vel Epistolam, Evangelium, Offertorium, vel infusionem aquæ in vino consecrando. Veniale tamen erit omittere solum Psalmum *Judica*, vel *Kyrie eleison*, unam tantum ex Collectis, unam vel alteram crucem super Oblata,unctionem pectoris, vel abluitionem digitorum, & idem probabiliter dicunt *de Lugo* & alii de Evangelio S. Joannis; vide *lib. 6. num.*

num. 403. ad 406. Sicut tantum veniale est etiam, omittere partes extraordinarias, ut sunt *Gloria*, *Credo*, sequentia, *Tractus*, *Præfationem*, aut *Communicantes*; & *Hanc igitur* propria; num. 409.

204. Notandum 4. quod *Missæ* *Votivæ*, vel *de Requiem* vetantur in *Dominicis*, & *Festis Duplicibus*, & in *Octavis privilegiatis*, nisi graves urgeant causæ, de quibus vide *lib. 6. n. 421*. An autem vetentur tunc sub gravi? Negant communiter *Suar. Lugo, Bonac. Salmant. Escob. Roncaglia*, & alii plures; Recte vero hi duo ultimi limitant, si festum sit sollemne, saltem propter grave *Populi scandalum*. Imo *Missæ de Requiem* in *Festis duplicibus* districte prohibentur in *Decreto S. C. approbato ab Alexandro VII. vide num. 420*. Exceptis autem *Festis duplicibus*, & aliis ut supra, dicit *Rubrica* quod *Missæ* *Votivæ in Missis privatis dici possunt pro arbitrio Sacerdotum*; sed addit: *Id vero passim non fiat, nisi rationabili de causa*: prout esset specialis devotio *Sacerdotis*, vel petitiō de *Votiva dantis eleemosynam*;
alias

alias difficulter excusatur a veniali ;
num. 419.

205. Notandum 5. Christum in Eucharistia non esse præsentem per productionem, nec per adductionem de Cœlo, sed per conversionem substantiæ panis in substantiam Corporis Christi, cui conversioni convenienter aptatum est nomen *Transubstantiationis*. Christus autem sub panis & vini speciebus continetur Sacramentaliter, & ineffabili modo, qui debet credi, sed intelligi non potest; Salvator enim existit ibi sine extensione partium in ordine ad locum, & tamen est ibi totum Christi Corpus, cum Anima, & Divinitate per concomitantiam, & unaquæque pars existit extra aliam. Atque Christus est *totus & integer* sub *quavis speciei parte*, ut docet Trident. *sess. 13. cap. 3.* In Eucharistia autem, licet non sumatur Persona Patris, nec Spiritus-Sancti, prout sumitur Persona Verbi, quæ est hypostatice Humanitati unita, tamen sunt in Eucharistia etiam Personæ Patris, & Spiritus-Sancti, ob naturalem unionem sive Naturæ Divinæ identitatem, quam habent cum Verbo.

206. No.

206. Notandum 6. Quod tres sunt in Sacrificio Missæ Offerentes : Christus, qui est principalis offerens, Ecclesia, & Sacerdos, qui offert ut Minister Christi & Ecclesiæ ; vide *Bellarmin. l. 2. de Miss. c. 4.*

207. Notandum 7. Non licere pluries in die sacrificare, nisi in duobus casibus, 1. ad dandum Viaticum, 2. ne Populus careat Missa in Festo de præcepto ; ita *Navarr. Suar. Azor. ap. Cabrin. c. 34. num. 216.*

208. Notandum 8. Quod si dum celebratur, Ecclesia polluitur, vel accedit excommunicatus vitandus, qui monitus nolit discedere, Sacerdos ante Consecrationem Missam dimittere debet ; post vero Consecrationem pergat usque ad sumptionem, & statim discedat. Peracta enim Consecratione, non est Missa interrumpenda, nisi tantum ad baptizandum, aut absolvendum hominem mox moriturum, ita omnes communiter.

§. III.

*De Potestate, & Munere
Sacerdotis.*

209. **S**implex Sacerdos ex *Potestate Ordinis* suscepti, tantum Eucharistiæ Sacramentum conficere potest, & etiam ministrare, accedente Parochi consensu, qui hodie universe præsumitur adesse, excepta Communione Paschali: Nam ad alia Sacramenta ministranda, requiritur insuper *Potestas Jurisdictionis*. Hinc Sacerdotes sine licentia Parochi. nequeunt baptizare, nec Extremam-Uñctionem, aut Viaticum dare, nec Matrimonio assistere. Et sine licentia Episcopi expressa, vel saltem præsumta de præsentis, nequeunt Confessiones excipere, ne venialium quidem, aut mortalium jam confessorum, ut patet ex Decreto Innocentii XI. vide l. 6. n. 543. vers. *Quar.* Ratio, quia (ut dicitur in Trident.) ratio iudicii quod exercetur in administratione Pœnitentiæ, exposcit ut jurisdictio non exerceatur nisi in sub-

subditos, qui ab Episcopo per suam
licentiam Sacerdoti subjiciuntur.

210. Diximus autem n. 41. quod
Initiandi ad Presbyteratum debent
habere scientiam rerum, saltem quæ
communiter occurrere possunt in ex-
cipienda Confessione Moribundi.
Ideo circa id ultimo loco pauca
principaliora refert hic adnotare.

211. Notandum I. Sacerdos sim-
plex nequit absolvere Infirmum in
præsentia Confessarii approbati, ut
probavimus lib. 6. num. 562. Ex-
cipiuntur tamen sequentes Casus,
1. Si approbatus nequireret, vel nol-
let Confessionem excipere. 2. Si
approbatus esset excommunicatus,
vel suspensus. 3. Si ille approbatus
esset tantum in alia Dicecesi. 5. Si
Infirmus ita horreret confiteri apud
Confessarium approbatum, ut esset in
periculo occultandi sua peccata. 5.
Si approbatus superveniret post Con-
fessionem jam inceptam apud sim-
plicem Sacerdotem. 6. Si approba-
tus fuisset complex Infirmi in pec-
cato turpi, tunc enim præferendus
est simplex Sacerdos approbatus, & ap-
probatus, si vellet Confessionem illius
excipere, quamvis non invalide, il-
licite

licite tamen exciperet (nisi urgeret necessitas vitandæ infamiæ, aut scandali) & eandem excommunicationem reservatam non effugeret, ut declaravit Benedictus XIV. in Bullis *Sacramentum*, & *Apostolici*; Vide omnia hæc *lib. 6. num. 563.*

212. Notandum II. Si Moribundus Absolutionem petit, vel dat signum poenitentiae Sacerdoti præsentanti, absolute est absolvendus. Si vero est sensibus destitutus, & adfit alter qui testetur ipsum petiisse Confessarium, vel signum dedisse doloris, alii dicunt posse absolvi absolute; sed tutius cum aliis dicimus absolvendum sub conditione; *lib. 6. num. 481.* Semper vero censemus Moribundum sub conditione absolvendum, etiamsi nullum dederit signum, & quamvis destitutus sit in actu peccati; *num. 482. & 483.*

213. Notandum III. Sacerdos simplex absolvere potest Fideles a quibusvis peccatis, & censuris, si approbatus absit, ut diximus, non solum in articulo, sed etiam in probabili periculo mortis. Censetur autem in periculo mortis esse, non tantum qui laborat morbo proxime peri-

periculoso mortis, sed etiam qui longam navigationem aggreditur, vel mulier quæ est in difficili partu: item qui est in periculo incidendi in amentiam, & etiam qui est captivus apud Infideles, carens spe libertatis, & habendi Confessarium approbatum; *lib. 6. num. 561.*

214. Notandum IV. Quisque (ut diximus) in extrema necessitate potest absolvi a quocumque Sacerdote a quibuscunque peccatis, & censuris; sed hic notandum, quod Infirmus, si absolvitur a censuris reservatis, & postea convalescit, debet se præsentare Superiori, alias reincidet in easdem censuras. Secus si tantum absolvitur a peccatis reservatis; *lib. 6. num. 91. & 567.* Insuper notandum id quod diximus *num. 41.* quod quisque Sacerdos, ut sit idoneus ad excipiendas Confessiones Moribundorum & consequenter idoneus ad Presbyteratum suscipiendum, debet non ignorare saltem principia universalis scientiæ Moralis, ut saltem dubia magis obvia discernere possit.

215. IV. Notandum quod si in aliquo Oppido talis esset Confessa-

riorum inopia, ut Indigenæ essent in gravi necessitate spirituali, tunc Sacerdotes etiam simplices non sunt tuti in conscientia, si renunt Confessiones excipere, & idoneos ad hoc manus se reddere. Vide dicta lib. 6. num. 627.

§. IV.

De Munere docendi, & prædicandi.

216. **C**Um autem Sacerdotis etiam sit docere Populos, & prædicare Evangelium, refert hic adnotare quæ Sacerdotes docere, & quomodo Evangelium explicare debeant.

217. Quoad primum, notum est quatuor esse necessaria ad salutem, nempe Fides, spes, Charitas, & Opera bona. Et I. Quia Deus ea revelavit Ecclesiæ, quisque tenetur explicite credere Deum esse, & Remuneratorem esse; & valde probabiliter etiam de necessitate medii Mysteria Trinitatis, & Incarnationis, ac Mortis Jesu-Christi. De necessitate autem præcepti quisque scire

scire & credere debet Paternoster, Ave Maria, Præcepta Decalogi, & Ecclesiæ, item Sacramenta, & præsertim illa quæ omnibus necessaria sunt ut Baptisma, Eucharistia, & Pœnitentia, & alia saltem dum ea suscipiuntur. II. Quia Deus promisit propter Merita Redemptoris, quisque tenetur sperare a Deo æternam Beatitudinem, & media ad eam consequendam, nimirum veniam peccatorum, & perseverantiam finalem. III. Quia Deus est infinita Bonitas, quisque tenetur Eum super omnia diligere. Huic autem præcepto alterum adjungitur Charitatis erga Proximos, quos sicut nos ipsos amare debemus. IV. Ad salutem obtinendam sunt etiam necessaria bona Opera, observando mandata Dei, & Ecclesiæ, quæ continentur in Decalogi & Ecclesiæ Præceptis.

218. Quoad secundum munus explicandi Scripturam, sciendum duos Ipsam sensus habere, Litteralem & Mysticum. *Litteralis* est ille, qui per ipsa verba significatur. *Mysticus* qui non significatur per verba, sed per rem ipsis verbis signi-

catam, ex. gr. cum dicitur: *Si oculus tuus scandalizat te, abscinde eum* &c. hic non quidem præcipitur abscissio oculi, sed scandalii, si-
ve occasionis. Sensus autem Mysti-
cus in tres alios subdividitur, 1. in *Allegoricum*, scil. spectantem ad res
credendas: 2. in *Anagogicum*, scil.
spectantem ad bona speranda: 3. in
Tropologicum, scil. spectantem ad
mores. Regulariter verba Scripturæ
in Litterali sensu accipi debent,
nisi adsit absurdum, ut cum dici-
tur, *Petra autem erat Christus*. Sæ-
pe autem textus utrumque sensum
habent Litteralem, & Mysticum:
quo mystico sæpius sacerdos in Con-
cione uti debet, præsertim si est
moralis. Licitum est etiam aliquan-
do uti sensu dicto *Accommodatio*,
modo id pie & prudenter agatur.

SACRORUM
RITUUM,

Qui tum a Sacerdotibus, tum ab
inferioribus Ecclesiæ Ministris,
in obeundo proprio munere
sunt servandi,

EPITOME,

*Ex variis, selectisque auctoribus,
ad eorundem Ministrorum usum*

Collecta, & concinnata primum

AB JOSEPHO CABRINO

Sac. Theol. Doct.

Nunc vero pluribus aucta

A STEPHANO
DOMINICINO

Ecclesiæ Patriarchalis Venetæ
Sacerdote Alumno.

*Maledictus , qui facit opus Dei
negligenter . Jeremiæ cap.
48. vers. 10. juxta versio-
nem Septuaginta Interpre-
tum .*

I N D E X

C A P I T U M,

Quæ in hac Epitome continentur.

- D**E Ritibus a Clerico, in obeun-
do Thuriferarii munere, servan-
dis. Cap. 1. pag. 133
De ritibus, qui ab Acolytho, in exer-
cendo proprio munere, sunt servan-
di. Cap. 2. 145
De Ritibus, quos Subdiaconus, in
obeundo proprio officio, debet adhi-
bere. Cap. 3. 155
De Ritibus in privata Horarum Ca-
nonicarum recitatione servandis.
Cap. 4. 181
De Ritibus, qui a Diacono, in exer-
cendo proprio munere, debent serva-
ri. Cap. 5. 191
De Ritibus, seu Rubricis generatim in ce-
lebratione Missæ servandis, Cap. 6. 228
De Missis Votivis. Cap. 7. 243
De Ritibus a Sacerdote tota actione
Missæ servandis. Cap. 8. 246
De Ordine Ministrandi Sacram Com-
munionem extra Missam. Cap. 9. 311

De Missa privata coram SS. Sacramento exposito. Cap. 10. 319

De Missa privata coram Summo Pontifice, coram Prelatis, & Principibus in loco sue Jurisdictionis. Cap. 11. 327

De Ritibus a Celebrante servandis in Missa solemni. Cap. 12. 334

De Rubricis preceptivis in celebratione Missæ sub culpa mortali servandis. Cap. 13. 359

De Rubricis prope preceptivis, & dubiis sub culpa veniali, in celebrando Sacro servandis. Cap. 14. 372

De Rubricis dumtaxat directivis, in celebratione Missæ servandis. Cap. 15. 381

Quando sit peccatum Rubricas directivas omittere. Cap. 16. 384

De Defectibus evitandis in celebratione Missæ circa Rubricarum observationem. Cap. 17. 388

De Ministro Missæ privata. Cap. 18. 396

Declarationes aliquot Sacre Congregationis Concilii Tridentini super decretis ejusdem Sacre Congregationis autoritate Urbani VIII. editis de Celebratione Missarum. Cap. 19. & ultimum. 421

DE RITIBUS A' CLERICO,

In obeuñdo Thuriferarii munere
servandis.

C A P U T I.

*Clericus Thuriferarius quomodo por-
tare debet Thuribulum?*



Ortare debet, leviterque
agitare manu dextera; in
annulum majorem polli-
ce immisso, annulum ve-
ro catenæ mediæ, sive
operculi digito annulari ejusdem dex-
teræ manus sustentando, aliquantu-
lum elevata operculi catenula, ne
ignis extinguatur.

Navicula vero quo pacto deferenda?

Naviculæ clausæ cum Thure, & co-
chleari, pedem tenere debet Clericus
sinistra manu, inter indicem, & polli-
cem, si simul cum Thuribulo eam
deferat, si seorsim dextera, ita ut
pars, quæ aperitur, a parte exte-
riori sit, non pectus respiciat.

*Thuriferarius in ingressu, ac re-
gressu ab Altari, & in processionibus
quem locum sibi vendicat?*

Præ-

Præcedat ante omnes, tam inferiores, quam paratos Ministros; idque observandum etiam in absolutione pro Defunctis.

In facienda incensatione quomodo se gerit Thuriferarius?

Porrigat Diacono sine osculis naviculam apertam dextera manu, ita ut pars clausa respiciat ipsum Diaconum, aut alium, cui etiam traditurus sit, & interea sustentet sinistra manu anulum majorem Thuribuli, & elevato altero annulo operculi pollice dexteræ manus, eademque manu dextera complectatur catenulas circa medium earum, flexoque quasi genu dextero offerat Thuribulum æqualiter elevatum ad Naviculæ altitudinem, Celebranti, ut commode possit in illud immitteri thus. Imposito thure, ac benedicto, claudat Thuribulum, sinistra tenens majorem anulum, cum qua etiam reaccipiat a Diacono sine osculis naviculam, eidemque interim porrigat in dextera catenularum summitatem, & Thuribulum in sinistra, ut ipse commodius ad manus celebrantis contrario modo porrigat, videlicet catenu-

tenulas in sinistra, Thuribulum in dextera. Advertat, ut non omnino genuflectat, dum celebrans imponit thus, sed sit quasi genuflexus, nisi ministret Episcopo, quia tunc genuflectat ei, dum thus imponit in Thuribulum. Si vero Thuriferarius teneat naviculam sinistra, Thuribulum dextera tantum manu porrigat per catenularum summitatem; nimis incommodum esset illud ambabus manibus porrigere.

Quomodo se gerit Thuriferarius in Vesperis solemnibus?

Sine Thuribulo vadat in Chorum, ex quo circa finem ultimi Psalmi Vesperarum discedat, & pergat ad Sacristiam ad præparandum ignem in Thuribulo, & inde cum Thuribulo, & navicula, post versum, qui sequitur Hymnum redeat ad Altare, ubi facta genuflexione expectet Celebrantem, eum quo, & aliis genuflectat, & statim ascendat ad suppedaneum Altaris, ubi facta iterum genuflexione, porrigat, ut supra, quasi flexo genu naviculam primo assistenti, & Thuribulum sustineat ante Celebrantem, ut in illud thus immitat, & postea tradat illud assistenti, ut
etiam

etiam supra. Cum autem tradiderit Thuribulum assistenti, facta genuflexione, descendat in planum ad cornu Epistolæ, ubi stet versus Altare, deposita navicula supra Credentiam, finita incensatione ibi etiam recipiat Thuribulum ab assistente, & mox facta genuflexione cum aliis tradat iterum Thuribulum primo assistenti, cujus fimbriam pluvialis dextera elevet, dum Celebrantem incensat, quo incensato eundem comitatur, incensaturum omnes de Choro, se inclinans cum illo reverentiam faciente pro dignitate personarum; qua incensatione peracta, ipse accipiat de manu primi assistentis Thuribulum, ut illum incenset duplici ductu, mox assistentes ad credentiam Acolythos unico ductu, deinde facta genuflexione ante Altare, ter populum incenset, primo in medio, deinde a dextris, tertio a sinistris ejusdem populi, ante, & post se convenienter inclinando, factaque rursus Altari genuflexione redeat in Sacristiam, depositurus Thuribulum cum navicula, & deinde in chorum revertatur, ut ministret Candelam, aut librum celebranti, si opus sit.

Quo-

Quomodo se gerit in Missa Solemni?

Antequam exeant e Sacristia, porrigat naviculam Diacono, & ministret Thuribulum Celebranti; tum imposito thure in Thuribulum procedat ante omnes, portans Thuribulum eum navicula modo, quo diximus. Hoc intelligendum est, cum Sacerdos planeta indutus immediate celebraturus pergat. Cum pervenerit ante infimum gradum Altaris, retrahat se versus cornu Epistolæ, adiutum præbens Ministris, & Celebranti, & cum omnibus genuflectat, retro post Celebrantem, deinde se erigens procedat prope Credentiam, ubi genuflexus cum Acolythis stet, dum fit Confessio, thuribulum leviter agitans. Si tamen facienda sit aquæ benedictæ aspersio, procedat ad Altare, cum Sacerdos incepturus sit Missam. Facta Confessione, & ascendentibus ministris ad Altare, ascendat & ipse ad medium Altaris super suppedaneum, ubi facta genuflexione, se erigat quasi flectens genu dexterum, ac stans a dextris Diaconi ante Celebrantem, naviculam semi apertam tradat Diacono dextera, & ministret

ministret Celebranti Thuribulum, ut supra, dum ponit incensum, quo facto recipiat Naviculam sinistra de manu Diaconi sine osculis, & statim tradat illi Thuribulum clausum. Dum Celebrans incensat Altare, facta genuflexione, descendat in planum ad cornu Epistolæ, ibique ad ipsum conversus, stans, expectat finem incensationis. Interim deficiente Caremoniaro, vel assistente, amoveat de Altari librum cum cussino, deposita prius navicula super credentiam; & incensato plano Altaris ejusdem cornu Epistolæ, reponat librum, cum debitis genuflexionibus. Quo facto descendat in planum juxta cornu Epistolæ, & peracta incensatione Celebrantis, recipiat Thuribulum a Diacono a dextris ejus stans, quod in loco congruo collocet, & redeat ad credentiam, vel cum Thuribulo redeat in Sacristiam, quia non habet locum stabilem in presbyterio.

Thuriferarius insuper post Epistolam, lecto etiam a Celebrante Evangelio ascendat ad Altare cum debitis genuflexionibus, ibique ministret naviculam, & Thuribulum ut
su-

supra. Imposito, & benedicto thure receptaque navicula manu sinistra, descendat tenens dextera Thuribulum, & eandem naviculam, sinistra, & facta genuflexione cum Acolythis præeat. Diacono canturo Evangelium porrigat pro incensatione libri Evangeliorum, cum dixerit *Initium*, vel *Sequentia*, &c. Thuribulum hoc modo: summitatem catenularum illi in sinistra manu porrigat, in dextra vero easdem simul unitas prope Thuribulum clausum absque osculis, & reverentiis. Dum cantatur Evangelium, stet post Diaconum ad sinistram ejusdem, & agitet leviter Thuribulum elevata aliquantulum operculi catenula, ne ignis extinguatur. Finito Evangelio, tradat Thuribulum Diacono, & stet in plano quasi a dextris Diaconi, dum Celebrantem incensat, deinde accepto Thuribulo de manu Diaconi, genuflectat iterum, illudque loco congruo deponat, ac statim ad credentiam redeat, vel Sacristiam cum Thuribulo, ut diximus.

Peracta oblatione, ascendat ad Altare cum solitis reverentiis ministraturus naviculam, & Thuribulum,
ut

ut supra, & statim dato **Thuribulo** Diacono, facta genuflexione descendat in planum, & deposita navicula supra **Credientiam**, deficiente cæremoniario, vel assistente, librum cum cussino de **Altari** amoveat cum reverentiis ante, & post, & descendat in planum, juxta cornu **Evangelii**, quo incensato reponat librum, & redeat per planum **Cappellæ**, genuflectens in medio, ad cornu **Epistolæ**, ibique stet post **Diaconum** incensantem **Celebrantem**.

Hoc peracto comitetur **Diaconum** in chorum, præcedendo, ad quem cum pervenerit, salutatis **Clericis** ab utraque parte, accedat ad digniorem, & reliquos gradatim de choro, quos **Diaconus** thurificat de more, factis ab utroque debitis reverentiis ante, & post, pro dignitate personarum; qua incensatione peracta, redeat præcedens ad **Altare**, ibique facta genuflexione, post eundem stet, dum **Subdiaconum** incensat, deinde accepto de manu **Diaconi** **Thuribulo**, eundem **Diaconum** thurificet duplici ductu, cum debitis inclinationibus ante,

te, & post, deinde Acolythos stantes ad credentiam unico ductu, postea populum eo modo, quo supra dictum est.

Finita hac incensatione redeat vel in Sacristiam, vel ad credentiam, ut diximus, expectaturus elevationis tempus, quo pervento accedat ad infimum gradum in plano, ante cornu Epistolæ, ibique genuflexus, immisso per seipsum thure in Thuribulum sine benedictione, ter incenset SS. Sacramentum in utraque elevatione, scilicet cum Celebrans illud adorat, cum illud elevat & cum illud deponit, profunde se inclinans ante & post incensationem, deinde facta iterum genuflexione cum navicula, & Thuribulo redeat in Sacristiam, ubi deposito Thuribulo cum navicula, se conferat iterum ad credentiam, ut deficiente Cæremoniaro, vel alio Ministro recipiat ambabus manibus sub finem Orationis Dominicæ velum Subdiaconi reportandum super credentiam, ac plicandum, genuflectens in accessu, & recessu ab eodem Altari, ut comitetur Subdiaconum pacem datu-

daturum in chorum . Data pace Choro , redeat ad Altare , ubi facta genuflexione , eam capiat ab eodem Subdiacono cum osculo , factaque iterum genuflexione , eam separatim det aliis Acolythis , si sint a se invicem distantes a lateribus credentiae , vel solum digniori , si sunt contigui , per mutuum amplexum , & osculum : deinde laicis cum instrumento , si opus sit . In fine Missae , cum non adsit Cæremoniaris , porrigat Diacono birretum Celebrantis , deinde illud ipsius Diacono , sicut etiam Subdiacono . Completa Missa , & facta cum aliis genuflexione , præcedendo Ceroferarios manibus junctis redeat in Sacristiam , ibique facta Cruci debita reverentia , adjuvet ministros sacros paramenta sua deponentes .

Quomodo se gerit in absolute , & exequiis Defunctorum ?

Initio Missae procedat absque Thuribulo , & maneat ad confessionem genuflexus prope credentiam , ad Orationem , seu plures pariter genuflectat , sicut Chorus . Ministret librum Subdiacono , eumque comitetur ad Epistolam , & ea finita post genuflexio-

flexionem, illum recipiat, & ponat super credentiam; præcedatque ad Evangelium, & accepto in fine Evangelii libro a Subdiacono, post factam genuflexionem illum reponat super credentiam. Hæc omnia facienda sunt Thuriferario, deficiente Cereemoniario: post oblationem ministret naviculam, & Thuribulum, ut supra, quod incensato Celebrante recipiat. Ad elevationem accedat ad cornu Epistolæ, ibique Thuribulum porrigat Subdiacono, in eodem cornu genuflexo, qui prius stans, ibidem posuit thus in eo, ut Sanctissimum Sacramentum incenset modo, quo diximus, & tunc Thuriferarius maneat genuflexus in plano. Post elevationem recipiat Thuribulum cum navicula, quod statim reportet in Sacristiam, ubi curet, ut ignis pro absolutione non deficiat. Ad absolutionem deferat thuribulum ante crucem, facta prius Altari genuflexione cum socio suo, portante vas aquæ benedictæ a sinistris ejus; & cum pervenerit prope caput lecticæ, sinens abire Subdiaconum ad pedes ipsius lecticæ, retro post Celebrantem firmet se

se a dexteris focii sui in cornu Epistolæ. Cum cantatur ultimus versus Responsorii *Libera me Domine*, facta genuflexione in medio, porrigat Diacono naviculam, stans a dexteris ejus, & ante Celebrantem, cui ministret thuribulum, ut in illud thus imponat. Deinde recedat ad priorem locum genuflectendo prius in medio, & facta aspersione lecticæ a Celebrante, thuribulum tradat eidem Diacono, factaque incensatione illud recipiat. In exequiis eadem agat, sed cum post Resp. *Libera &c.* incensationem corporis, & Orationem, corpus ad locum sepulturæ defertur, ipse præcedat iterum Crucem, ibique stet post Celebrantem, ut supra, & porrigat naviculam, & thuribulum Diacono, ut illud ministret Celebranti, quando opus est, ad incensandum corpus, & locum defuncti ante Canticum *Benedictus*.

Quomodo denique se gerit Thuriferarius in Processionibus.

Ad Processionem SS. Sacramenti duo Thuriferarii assistant, quantum fieri possit ambo procedant moventes continue, & tractum manibus dextris
sua

sua thuribula de iisdem pendentia ,
& fumantia , altera manu pectori
posita , terga minime vertentes SS.
Sacramento. Idem servari potest in
translatione solemni Reliquiarum .
In aliis Processionibus Thuriferarius
unicus præcedat crucem , portans
thuribulum dextera , naviculam si-
nistra æqualiter elevata usque ad pe-
ctus. Hæc omnia ad litteram , pau-
cis immutatis , hausimus ex Ma-
nuali Eruditissimi Michaelis Baul-
dry , *part. 1. cap. 15. art. 1. 2. 3.*
4. & 5.

De Ritibus , qui ab Acolytho ,
in exercendo proprio mu-
nere , sunt servandi .

C A P U T II.

*Acolythi solemni officio inservien-
tes , quomodo incedere , cande-
labraque deferre debent ,*

A Colythi , cum Ceroferariorum
munere funguntur , quoad fie-
ri potest , sint statura pares , parique
motu incedant , ita ut qui a parte
dextera incedit , teneat dextera can-
delabri globum medium , sinistra
vero ejusdem pedem , qui cin-
gulo

gulo respondeat; qui autem a sinistris procedit, e converso manu sinistra candelabri nodum, dextera vero pedem sustineat. Cum autem ea sumpturi sint, semper ea manibus nudis, & discoopertis sumant, æquali altitudine illa tenentes elevata, & recta, non inclinata. Si vero isti accendere cereos tam ad Vesperas, quam ad Missam, & aliud officium solemne debeant, ambo facta genuflexione ante, & post, Altari, accendant a parte sua primum cereos, qui sunt medio Altaris, seu Cruci proximiores, deinde remotiores. Si vero extinguendi sunt prædicti cerei, extinguant ordine retrogrado, incipientes a remotioribus a Cruce. Adverto, quod si unus tantum sit, qui cereos accendit, incipiat ab iis, qui sunt a parte Epistolæ, Cruci altaris proximiores, tum eos qui sunt a parte Evangelii, & pari modo, & eos extinguat modo contrario, incipiendo a remotioribus a Cruce.

Ad Vesperas solemnes quomodo procedunt Acolythi?

Ad Vesperas, antequam ultimum signum detur, superpelliceis indu-

ti accendant cereos in duobus candelabris, & ante ostium sacristiæ expectent Celebrantem, quo cum ille pervenerit, caput inclinent, & procedant pares detecto capite, gestantes candelabra eodem modo, quo diximus, qui ante altare se sistentes, formantesque cum Ministris paratis, quasi lineam rectam, cum illis genuflectant ad angulos infimi gradus omnium postremi, & aliquantulum orantes; interim deponant candelabra super Credentiam, vel si non adsit super Altare, ipsi vero procedant ad propria loca, cantentque cum aliis in Choro Antiphonas, & Psalmos.

Dicto versiculo *Gloria Patri* ultimi Psalmi, ad quem sive in via, sive in suo proprio loco sint, sistant se, & inclinent se profunde Altari, sumant candelabra cum cereis accensis, accedant ad Celebrantem, & facta ei debita reverentia, coram eo stent in plano hinc inde, facie ad invicem, vel ad eundem Celebrantem versa, si commode fieri potest, ita ut neque Altari, neque Celebranti terga vertant, atque maneant, donec Celebrans, dicto Capitulo, inchoaverit Hymnum, quo in-

choato, facta Celebranti inclinatione, recedant, & Candelabra, ubi prius, deponant, facta prius, & post, debita genuflexione Altari, tum ad loca sua recedant. Si Celebrans intonat hymnos *Veni Creator*, vel, *Ave Maris Stella*, non recedant, nisi post absolutam strophem, ad quam non genuflectant sed firmi stent, oculis ad terram demissis, ac si duo marmorea simulacra essent; licet omnes alii genuflectant.

Circa finem Antiphonæ repetitæ post Magnificat, resumptis candelabris cum cereis accensis, accedant rursus cum debitis reverentiis ad Celebrantem, coram quo stant modo, quo diximus, completisque Vesperis discedant eodem modo, quo venerunt. Quod si officium terminetur ad Vesperas, reponant candelabra, & postea, completa Antiphona Beatæ Virginis, recipiant, & reducant Celebrantem in Sacristiam, ubi facta debita reverentia Cruci, & ipsi Celebranti, depositis candelabris, adjuvent assistentes dum se exuunt.

In officio Defunctorum solemnî, ad Vesperas dum repetitur Antiphona post Magnificat, capiant candelabra,

labra, ea teneant ante Celebrantem
stantes eo modo, quo ad Vesperas.
Adverto, quod si locus, per quem
transeundum est, sit angustior;
Ceroferarii semper post Thuritera-
rium præcedant alios; & si alteri
tantum aditus pateat, junior regula-
riter præcedat, subsequatur senior.

*Missæ solemnæ qua ratione assistunt
Acolythi?*

Cum candelabris suis accensis pro-
cedant ad Altare e Sacristia modo,
ut supra ad Vesperas. Cum perve-
nerint ad Altare, genuflectant hinc
inde, ritu, quo supra, ante infi-
mum gradum a lateribus aliorum,
tum surgant, & reponant candelab-
ra sua accensa super cornua poste-
riora credentiæ, vel super cornua
mensæ anteriora, ad differentiam
candelabrorum, quæ collocantur in
Altari, & ut rursus ea commode
reaccipere possint: si vero, qui
transit a cornu Evangelii ad cornu
Epistolæ, nec genuflectere in me-
dio, nec inclinare iterum debeat,
quia prima genuflexio sufficit; de-
positis candelabris genuflectant hinc
inde a lateribus credentiæ, facie-
bus ad Altare conversis, & ma-

nibus junctis. Facta confessione, dum Celebrans ascendit ad Altare, surgant, & stent in plano prope credentiam, versis faciebus ad Altare, & manibus junctis, vel pectori decenter admotis: neque unquam diurnale, vel quoscumque libros, aut Rosaria præ manibus teneant.

Dictis orationibus alter ex Ceroferariis comitetur Subdiaconum cantaturum Epistolam, qua terminata, dumque Diaconus, accepta benedictione a Celebrante pro Evangelio, descendit de Altari cum libro, & non prius, accipiant candelabra sua utrique, & sequantur Thuriferarium ad Altare per planum, in quo Acolythi genuflectant, dum reliqui Ministri genuflectunt super gradum infimum: tum procedant ad locum Evangelii, ibique alter a dextris; alter a sinistris Subdiaconi, staret utque ad finem Evangelii, facie ad Diaconum conversa, nullo modo signantes, nec capita unquam inclinantes, nec genuflectentes, cum candelabra immobilia repræsentent, licet alii genuflectant.

Cantato Evangelio, statim sine mora præcedentes Diaconum redeant ad
cre-

credentiam deposituri candelabra, genuflectentes Altari cum eodem Diacono, & sese Celebranti stanti in Cornu Epistolæ inclinantes.

Ad Offertorium inchoatum alter ex Ceroferariis adjuvet ad Credentiam Subdiaconum in tegendis ejus humeris cum velo, & sequatur illum, deferens pelviculam cum ampullis vini, & aquæ, easque, cum pervenerit ad Altare, successive tradat Subdiacono, prius ampullam vini, deinde illam aquæ sine osculis, easdemque etiam ab eodem Subdiacono receptas deferet ad credentiam, ubi stet, dum Celebrans incensat Altare.

Dum Diaconus incensat Celebrantem, unus ex Acolythis accipiat de credentia pelviculam manu sinistra, & dextera ampullam aquæ, eaque deferat ad Altare, comite alio Acolythis a sinistris suis manutergium plicatum portante, ibique stant post Diaconum incensantem Celebrantem, post cujus incensationem, primus ministret aquam ad digitorum ablu-tionem, fundens eam super indices, & pollices illius, supposita pelvicula; alter vero subministrat manuter-

gium, servatis ab utroque debitis reverentiis absque genuflexione, & cum quasi osculis ampullæ, & manutergii ante, & post. Deinde facta reverentia recedant eo modo, quo venerant, & reponant omnia super credentiam, effusa aqua ex pelvicula in locum congruum, & plicato manutergio.

Ad Sanctus, & ad elevationem, alter ex Acolythis pulsat campanulam, ut moneantur ii, quibus pulsandæ sunt majores campanæ, ubi est hæc laudabilis consuetudo, aliter abtineat, cum organum pulsetur ejus vice. Post præfationem accendantur duo saltem intortiria ab Acolythis, quæ extinguuntur post sumptionem utriusque speciei, vel ut alii volunt, post elevationem Calicis, nisi aliqui sint communicandi. Sed primus ritus est in praxi servandus.

Circa finem Orationis Dominicæ, deficientibus aliis ministris, unus ex Acolythis accedat cum debita genuflexione accepturus ambabus manibus velum oblongum ab humeris Subdiaconi, quod, facta iterum genuflexione, reportat ad credentiam, super quam illud plicatum prius collocat.

cat. Acolythi vero stent, vel genu-
flectant, prout Chorus, excepto tem-
pore, quo peracturi sint munus
suum. Deficientibus ministris, di-
gnior facta genuflexione comitetur
Subdiaconum ad Chorum eum præ-
cedendo, ad pacem deferendam omni-
bus iis, quos incensavit Diaconus.
Postea si danda sit Pax cum instru-
mento aliis, quos Diaconus non in-
censavit, illo instrumento Pacis ac-
cepto, det ipse pacis instrumentum
Laicis osculandum. Si in Missa so-
lemni fiat communio Cleri, vel Po-
puli, dicto Confiteor, Acolythi a
lateribus Altaris in superiori gradu
extendant linteum mundum genu-
flexi, facie sibi invicem versa. Si
non sit communio, dum Celebrans
sumit Sanguinem pretiosum, alter
Acolythorum deferat ampullas vi-
ni, & aquæ cum pelvicula ad Al-
tare sine genuflexione, quas sine
osculis Subdiacono successive porri-
gat, easque receptas referat ad creden-
tiam. Ille vero, qui comitatus fuit
Subdiaconum, portat interim parvum
velum plicatum de credentia ad Alta-
rare in cornu Evangelii, genuflectens
in medio, ut tegat Calicem Subdiacono-
G 5 nus,

nus, qui, nisi redierit ad Purificationem, suppleat Acolythus in ministrandis urceolis pro Calicis purificatione.

Ad Benedictionem Celebrantis in fine Missæ genuflectant Acolythi signantes se, sinistra manu apposita infra pectus. Ad Evangelium stent, se signent, & ad *Verbum caro* genuflectant versus librum, non Crucem.

Finito Evangelio, & non prius, resumptis e credentia candelabris cum cereis accensis, accedant per planum ad cornua hinc inde infimi gradus, ubi genuflectant cum aliis, & salutato choro, si fieri potest, recedant ordine, quo venerant, in Sacristiam, ibique facta iterum reverentia imagini, & Celebranti, ponant candelabra in locis suis, & adjuvent ministros, dum deponunt sacras vestes.

In Missis Defunctorum, & Sabbato Sancto ad Evangelium, nec non ad illam partem passionis, quæ dicitur in tono Evangelii, assistant sine candelabris, junctas tenentes manus, hinc inde a lateribus Subdiaconi, & in Dominica Palmarum, si talis sit consuetudo, ad prædicam
etiam

Etiam partem stantes teneant palmas.

Ad absolutionem in fine Missæ deferant candelabra habentes Subdiaconum medium. Cætera peragant, ut in aliis Missis.

In omnibus processionibus, etiam in exequiis, regulariter habeant medium Subdiaconum, aut alium Clericum Crucem deferentem. Ita hæc omnia ex laudato Bauldry, ex Piscara, Castaldo, & ex Corsetto.

De Risibus, quos Subdiaconus, in obeundo proprio officio, debet adhibere.

C A P U T III.

Recense ceremonias, quibus in Missa solemni uti debet Subdiaconus.

Dato signo campanarum pro Missa solemni, accedat ad Ecclesiam, ubi aliquantulum oret, vel in Sacristia, quo facto, Epistolam perlegat, & signaculo notet, lotis prius, ac terfis manibus, Calicem aptet, purificatorium super expandens, super quod ponat patenam cum hostia integra, ac bene terfa, dein-

de pallam, postea velum parvum, ac barsam desuper, cum Corporali intus incluso. Tum accedens ad Mensam paramentorum induat se Amictu, cujus crucem osculetur, Alba, & Cingulo, dicens si velit, quod tamen non est necesse, orationes ad singula paramenta, postea Celebrantem se induentem una cum Diacono stans a sinistris ejus adjuvat, & induto Celebrante ipse, & non prius, accipiat Manipulum, osculando ejus Crucem, & Tunicellam, quam in diebus jejuniorum non induat.

Subdiaconus, propriis indutus paramentis, facta prius cum aliis imagini principali in Sacristia, & Celebranti profunda reverentia, demissis oculis, junctis manibus, antepectus, coopertoque capite præcedens immediate Diaconum, & hic Sacerdotem, procedat ad Altare. Si vero celebrans procedat cum pluviali, aut stola tantum, ut passim accidit, incedat a sinistris illius, elevans sinistram fimbriam pluvialis, si eo utatur. Si transeat ante Altare majus, ad quod Missa non sit celebranda, semper genuflectant nudo capite una cum Diacono

cono (excepto Celebrante, qui solus caput profunde inclinat). Si vero ibi adsit Tabernaculum, in quo sit Sanctissimum Sacramentum, omnes genuflectant.

Ubi pervenit ad Altare, se sistat a sinistra Celebrantis, detectoque capite, tradendo biretum suum Cæremoniario, formando cum cæteris Ministris quasi lineam rectam, genuflectat semper (si non sit Canonicus, qui non genuflectit Cruci, sed tantum caput profunde inclinat) licet non sit Tabernaculum Sanctissimi Sacramenti.

In minus solemnibus, ubi pervenit ad Altare, facta genuflexione, ascendat ad ipsum, depositeque ad cornu Evangelii Calice, quem detulit e Sacristia, explicat Corporale, ita ut ora Corporalis oram Altaris tangat, collocetque in medio calicem, sic velo coopertum, ut in anteriori parte lateat totus Calix. In Missa vero solemnibus collocatur calix instructus necessariis super Credentia. Hoc peracto, junctis manibus, descendat, ubi denuo genuflectat.

De-

Deinde erectus stans a sinistra celebrantis signet se cum celebrante, & pari voce una cum Diacono submisso respondeat, & quoties se celebrans signat, seipsum signet, & quoties celebrans se inclinat, & ipse inclinet. In confessione inclinatus respondeat: *ad tibi pater; & te pater*, inclinet versus celebrantem. Dicens *mea culpa*, ter dextera percutiat pectus, sinistram infra pectus tenendo; ad *Misereatur* adhuc inclinatus maneat, ad *Indulgentiam* se erigat, postea inclinatus versus Altare maneat.

Cum Sacerdos ascendit ad Altare, Subdiaconus dextra manu albam, & vestem anteriorem celebrantis parum eleuet, ne implicetur; & cum pervenerit ad Altaris mensam, dum Sacerdos osculatur Altare, ipse non osculando, neque tangendo Altare, manibus junctis genuflectet suo loco, & statim surgat, quod semper observare debet.

Dum celebrans benedicit, & ponit thus in thuribulum stet quasi a sinistris ejus, aliquantulum post eum; in ipsa vero incensatione, dextera eleuet eam planetæ partem, quæ est circa

circa brachium sinistrum celebrantis, ne impediatur, alteram vero manum pectori admoveat, & semper Cruci genuflectat cum Diacono, dum per medium transeunt.

Facta incensatione Altaris, sine genuflexione, accedat ad latus Epistolæ, ubi dum celebrans incensatur a Diacono, stet a sinistris Diaconi manibus junctis, nec cum Diacono inclinet caput celebranti.

Deinde per planum accedat ad dexteram Diaconi in recta linea, ibique nihil dicens, stet manibus junctis, ea distantia, qua Diaconus distat a celebrante, quod semper servatur, quando statur. Ad principium introitus se signet, sicut mediocriter se inclinat ad *Gloria Patri* versus Crucem.

Ad *Kyrie* respondeat alternatim celebranti una cum Diacono in eodem cornu Epistolæ, ubi maneat usque ad ultimum *Kyrie*, quod in choro cantatur, quo cantato accedat per planum ultimum omnium ad medium Altaris, ibique stet in plano ante gradum infimum post Diaconum, formans rectam lineam. Ubi celebrans intonnerit Hymnum

An-

Angelicum *Gloria in excelsis*, inclinet caput ad verbum, *Deo*, & postea facta genuflexione in medio, (non alia iterum ad Altare) accedat ad Altare, & stans a sinistris celebrantis, cum quo, & Diacono manibus junctis, & submissa voce recitet Hymnum totum usque ad finem, inclinans se, & in fine se signans cum eis, non præveniando, sed potius subsequendo vocem celebrantis, quod servatur etiam in symbolo.

Hymno Angelico dicto, si sedendum non sit, remaneat ibidem a sinistris celebrantis, paululum retro, & circa finem Hymni, facta genuflexione, descendat in planum post Diaconum. Si vero sedendum sit, facta a Subdiacono genuflexione, præcedat Diaconum, eundo ad sedem paratam per breviorē viam, idest per gradus laterales Epistolæ, ad quam perveniens inclinet se debite accedendo celebranti, ac posteriorem planetæ illius partem a latere suo elevans, sic eam aptet, ut a tergo concinne dependeat, deinde sibi met similiter elevet manū sinistra posteriorem Tunicellæ partem, ne de-
super

super sedeat: tum facta celebranti capitis inclinatione, sedeat a sinistris ejus, corpore convenienter erecto, manibus super Tunicellam decenter compositis, & insertis inter se digitis, atque cooperto capite, quod tamen toties aperiat cum inclinatione, quoties aperit, & inclinat celebrans, quod observandum est etiam in symbolo.

Dum cantatur in Choro: *Cum Sancto Spiritu*, surgat, deponat biretum, & facta celebranti inclinatione, procedat ante Diaconum ante medium Altaris; per planum Capellæ, ubi genuflectat a sinistris celebrantis in ipso gradu infimo, & ad secundum ascendens, anteriores ejus vestes aliquantulum elevet a parte sua, ac mox descendat in planum post Diaconum.

Quoties celebrans in Missa solenni vertit se ad populum, & dicit *Dominus vobiscum*; Subdiaconus stet in plano Capellæ formando lineam rectam.

Dicto a celebrante *Dominus vobiscum*, accedens ad cornu Epistolæ stet post Diaconum, ibique quando dicitur *Flectamus genua*, cum aliis statim

genuflectens, & primus omnium
furgens, eadem voce, eodemque
tono subdat: *Levate.*

Circa finem ultimæ Orationis,
Subdiaconus accipiat ab assistente,
vel Acolytha ambabus manibus li-
brum Epistolarum, quem portet
ante pectus, quidem erectum, sed
a superiori parte, nonnihil super pe-
ctus reclinatum, tenens eum per
angulos inferiores, atque ita inces-
sum suum temperet, ut genuflectat
super infimum gradum eo tempore,
quo verba, *Jesum Christum*, dicun-
tur in clausula Orationis, hinc fa-
cta genuflexione in medio Altaris
procedat ad cantandam Epistolam
in cornu ejusdem Altaris in plano,
tenens sibi ipsi librum utraque manu.

Epistola cantata, Subdiaconus clau-
dat librum, eumque modo, quo su-
pra, deferens ante pectus redeat ad
medium Altaris, ubi præmissa rur-
sus genuflexione, accedat ad Cele-
brantem in cornu Epistolæ, ubi ge-
nuflexus deflectens partem superio-
rem ipsius libri, superpositam ce-
lebrantis manum reverenter oscule-
tur, capiteque inclinato stet, cum
ab eo benedicitur.

Tum

Tum idem Subdiaconus surgat, reddat librum Epistolarum ministro comiti, & accipiat Missale celebrantis, quod deferat clausum, ante pectus elevatum, ad cornu Evangelii ex parte, qua aperitur, ad sinistrum suum latus conversa, & transiens ante medium Altaris per planum genuflectat retro Diaconum. Missale vero ita locet, apertum in cornu Evangelii, ut medium libri respondeat angulo ipsius Altaris, & pars inferior Altare tangat, superior vero pulvino adhæreat. Deinde stans ad sinistram celebrantis in secundo gradu, vel alio commodiori, ministrat ei, tenens librum manu sinistra, & illud elevans, si opus sit, & folia vertens dextera, qua etiam indicat Evangelium, & alia signans, & inclinans se, & genuflectens cum eo, (nisi teneat librum) & eidem respondens, *Et cum Spiritu tuo, Gloria tibi Domine, & in fine, Laus tibi Christe.* Tum deferat Missale cum pulvino circa medium Altaris prope Corporale. Tum facta genuflexione ibidem, descendat in planum, ubi stet retro post celebrantem, non omnino ante medium Altaris, sed inter ipsum

ipsum medium ipsius, & cornu Evangelii.

Cum Diaconus petit benedictionem, Subdiaconus stat, nisi coram Episcopo celebretur, quia eo casu, & ipse genuflectat. Tum facta prius Altari a sinistris Diaconi genuflexione, simul cum eo incedat a sinistris manibus junctis, ad locum Evangelii, ubi accipiat librum a Diacono, eumque ambabus manibus apertum teneat ante pectus, & elevatum, ita ut pars superior libri sit oculis suis aliquantulum altior, nec umquam ibi se inclinet, aut genuflectat, nec se signet, cum immobile, ac marmoreum legile repræsentet.

Cantato Evangelio, Subdiaconus statim recta via tenens adhuc librum apertum, nulli se inclinando, neque Altari, etiam, in quo sit Sanctissimum Sacramentum, & hoc ob reverentiam Sancti Evangelii, celebranti osculandum in loco ubi est principium Evangelii cantati, offerat; clauso deinde libro, paululum se retrahens, celebranti se inclinat profunde, atque in medium ante infimum gradum reversus, facta ibi Altari genuflexione, reddat librum Acolytho.

Dum

Dam celebrans intonat symbolum; stet retro post Diaconum, ad verbum, *Deum*, inclinet caput, & facta genuflexione, ascendat cum Diacono ad Altare, ubi stans a sinistris Celebrantis prosequatur cum eodem submissa voce Symbolum eo ritu, quo Hymnum Angelicum, simul cum ipso se inclinans, & genuflectens: ad verba; *Et vitam venturi seculi*, se signat; & ad verbum *Amen*, jungat manus. Post symbolum recitatum, si celebrans velit sedere, sedem suam petat, ut ad *Gloria in excelsis*; & cum cantatur in Choro: *Et incarnatus est &c.* capite detecto profunde se inclinet. In tribus vero Missis *Natiuitatis Domini*, & in festo *Annuntiationis Mariae Virginis*, genuflectat cum Diacono, & Celebrante. Versu completo, surgat, stetque nudo capite, dum Diaconus defert bursam corporalium ad Altare, idemque expectet adventum Diaconi, ac redeunti inclinet caput, & sedeat cum eo, & caput tegat, sicut prius. Circa finem symboli, quod cantatur a Choro, redeat cum celebrante ad Altare eo modo quo ad *Gloria in excelsis*; factaque genuflexione

ne retrocedat post Diaconum in plano, ubi stet dum Celebrans dicit: *Dominus Vobiscum*. Si autem celebrans non sedeat, maneat stans a sinistris illius paululum retro, & paulo antequam dicatur a Choro: *Et incarnatus est*, descendens ad secundum gradum genuflectat ab eodem latere, & cum eodem Diacono a parte sua Planetæ partem posteriorem celebrantis adaptet super pedes ejus; deinde surgat, & stet, ut prius, a sinistris ejus; cum vero accedat Diaconus Bursam Corporalium ad altare deferens, recedat paululum versus cornu Evangelii, cedens locum celebranti, ut medium altaris quasi totum relinquat Diacono. Circa finem Symboli cantati a Choro, facta prius genuflexione, descendat post Diaconum in planum, ubi stet dum celebrans dicit *Dominus vobiscum*.

Dicto a celebrante *Oremus*, genuflectat, & ad credentiam accedat ubi juvante Acolytho, vel Cæremoniario, velum oblongum super humeros accipiat, ita ut pendeat longius a parte dextra, & aciculis firmetur, ut non defluat: deinde parvo Calicis velo super Credentiam de-

po-

posito, ipsum Calicem sinistra manu eaque nudâ, accipiat per nodum, cum Purificatorio, Patena, Hostia, & Palla: & quando non dicitur *Credo*; bursam etiam deferat, & hæc omnia, longiori parte veli a collo pendentis operiat, apponensque manum dexteram super ipsum velum, & Calicem, caute advertat, ne aliquid forte decidat, accedat ad Altare per viam breviorē, idest per latus Epistolæ, comitatus ab Acolytha cum urceolis vini, & aquæ.

Cum accedat ad Altare, non genuflectat, nisi Sacramento exposito, sed ascendens recto itinere, deponat Calicem in cornu Epistolæ; atque statim remota per Diaconum longiori parte veli, quæ tegebat Calicem. Si bursam Corporalium simul attulerit, continuo tradat illam Diacono, qui extrahit ex illa Corporale, ac explicat in medio; tum amota etiam per Diaconum Palla, & Patena, interim Subdiaconus purificatorio absterget intus Calicem per nodum caput, quem statim extersum tradat Diacono sine osculis, ampullamque vini ab Acolytha sibi traditam Diacono

cono porrigat, ac eo vinum infundente in Calicem, ipse accipiat ampullam aquæ ab eodem Acolytho, quam tenens dextera aliquantulum elevatam per manubrium, ostendat celebranti, ac parum inclinatus submissa voce dicat: *Benedicite Pater Reverende*, a quo super eam facto signo Crucis, ipse paucas aquæ guttas infundat in Calicem, statimque sinistra recipiat ampullam vini de manu Diaconi, & utramque simul reddat Acolytho.

Post oblationem Calicis, Subdiaconus adhuc stans in cornu Epistolæ, recipiat in dextera manu nuda patenam a Diacono, quam ille extremitate veli pendentis ab ejus humeris contegit, ita ut pars interior, seu concava Subdiaconum respicere debeat. Quo facto sine genuflexione descendat in planum post celebrantem ad medium Altaris, ubi facta genuflexione, immotus stet sustinens eam elevatam ob oculos, & sinistra manu sustentans brachium dextrum, si opus sit, quam sic teneat usque ad finem Orationis Dominicæ, non genuflectens, nec se inclinans, quoties celebrans cum Diacono genuflectit, neque

neque etiam folia Missalis vertens, absente Diacono, vel alio. Cum celebrans dicit *Orate fratres*, ipse respondeat *Suscipiat*, & cum a Diacono incensatur, conversus ad illum caput inclinet ante, & post incensationem, & aliquantulum demittat patenam ad pectus, quam postea iterum elevat.

Dum celebrans dicit in præfatione *Deo nostro*, inclinet caput stans retro in suo loco, & paulo antequam dicatur *Sanctus*, facta genuflexione in loco suo, Subdiaconus cum Diacono ascendat ad Altare ad sinistram celebrantis, ubi mediocriter inclinatus cum illo dicet *Sanctus*, & quæ sequuntur, & ad *Benedictus*, qui venit, se erigat, nec tamen se signat, quia patenam sustinet. Dicto ultimo *Hosanna in excelsis* facta genuflexione, revertatur ad locum suum post celebrantem.

Paulo ante elevationem SS. Sacramenti genuflectat ibidem super infimum gradum in medio post celebrantem eodem tempore, quo Diaconus, sicque genuflexus remaneat, usque ad elevationem Calicis, & genuflexionem celebrantis post eam inclu-

H

sive,

sive, qua facta surgat, ac ibi remaneat semper stans, nec genuflectat, nec se signet, nec se inclinet, nisi post depositam patenam, Celebrante, & Diacono etiam genuflectentibus.

Quando in Oratione Dominica celebrans dicit *Et dimitte nobis debita nostra &c.* facta ibidem genuflexione, ascendat ad Altare, & stans in cornu Epistolæ porrigat Diacono patenam, quam ipse Diaconus prius detegens accipiat, tum amoto per seipsum, & non per alium velo, quod ab humeris ejus pendeat, illud tradat in manus Cæremoniarum, vel Acolythy deferendum super Credentiam; deinde ibidem genuflectat, & redeat ad locum suum in medium post celebrantem.

Cum dicitur *Pax Domini &c.* iterum genuflectens ascendat ad Altare ad sinistram celebrantis, cum quo iterum genuflectat, ac mediocriter inclinatus dicat ter submissa voce, *Agnus Dei &c.* dextera pectus percutiens cum ipso celebrante, ad verbum *nobis*, tenens interim sinistram infra pectus, deinde facta prius Sacramento genuflexione, redeat post celebrantem, ubi stet, ut prius, donec a Diacono pacem acceperit.

Post-

Postquam Diaconus acceperit pacem a celebrante, eam det Subdiacono, sinistro genui mutuo amplexu sibi invicem appropinquantibus sine contactu, ita ut brachia sua supponat brachiis Diaconi eique dicentis: *Pax tecum*, respondeat, *Et cum Spiritu tuo*. Accepta pace a Diacono, & facta Altari genuflexione, comitatus ab Acolytho vadat ad Chorum, & det pacem primo ejusque Ordinis, dignioribus prius, deinde minus dignis per mutuum complexum eo modo, quo accepit a Diacono. Nulli, quamvis in dignitate constituto, reverentiam faciat, nisi post datam pacem.

Post datam pacem in choro, Subdiaconus statim cum socio, facta choro inclinatione redeat ad Altare, ubi in infimo gradu genuflectat, & stans det pacem socio, qui ipsum comitaverat. Tum facta iterum genuflexione vadat ad dexteram celebrantis, & profunde se inclinet versus Altare, dum celebrans se communicat sub utraque specie, & dum celebrans incipit *Quid retribuam Domino*, discooperiat Calicem, genuflectat, surgatque. Deficiente Subdiacono, Diaconus suppleat vices i-

pius. Cum sumpserit Sanguinem, Subdiaconus accipiens dextera manu ampullam vini de manu Acolythi, vinum infundat ad purificationem in Calicem super Altare porrectum a celebrante, cum osculo ampullæ, & debitis reverentiis, statimque sumens ampullam aquæ sinistra, & ampullam vini retinens dextera, fundat rursus ad ablutionem modicum vini, & protinus modicum aquæ super indices, & pollices celebrantis, prius ampullas singulas deosculans, & parum versus celebrantem se inclinans. Deinde redditis ampullis Acolytho, vel depositis intra pelviculam, pergat ad cornu Evangelii, facta in medio super infimum gradum genuflectione, cedens gradum superiorem Diacono transeunti cum libro, ibique extergat Calicem purificatorio, & extersum cooperiat eodem purificatorio, patena, & palla, plicatum corporale reponat in Bursam, & accepto parvo velo plicato ab Acolytho, extendat illud super prædictum Calicem, tum superponat bursam, & anteriorem veli partem, super oram bursæ replicet, solusque sine socio non tradens alicui Acolythorum

rum reportet illum per viam brevior-
rem ad Credentiam, genuflectens in
medio plani super infimum gradum,
quo reposito cum eodem velo parvo
illud cooperiat a parte anteriori, ne
amplius videatur, ut in principio
Missæ, quod non caret mysterio.

Reposito Calice super Credentiam,
confestim absque ulla genuflexione
redeat ad latus Epistolæ, ubi stet
post Diaconum, dum dicuntur Ora-
tiones, & in fine earum procedat
cum eodem celebrante ad medium
Altaris, ubi stet immotus post *Do-
minus vobiscum*, ad *Ite, Missa est*, ad
quod nec se inclinet, neque se ver-
tat ad dexteram, vel ad sinistram.
Inclinet se tamen, dum Diaconus
dicit *Humiliate capita vestra Deo*,
& ad Orationem, quæ sequitur.

Si aliquod peculiare Evangelium
sit legendum in fine, dicto *Ite, Mis-
sa est*, vel *Benedicamus Domino*,
facta genuflexione accedat ad cor-
nu Epistolæ, accipiat Missale, quo
deferat ad cornu Evangelii genu-
flectens a sinistris Diaconi, dum
celebrans dat benedictionem, ad
quam tunc non se signet, quia te-
net Missale, & data benedictione,

furgat, & deponat in cornu Evangelii, & celebranti assistat, ut ad primum Evangelium, se signans, aut genuflectens cum eo, nisi teneat librum, quia tunc a genuflectione, & signo Crucis ablineat, & respondeat ei in fine *Deo gratias*.

Cum non dicitur peculiare Evangelium, paulo ante Benedictionem, ascendat. ad secundum gradum Altaris, in quo est Diaconus, ad cuius sinistram stet, æqualiter cum eo distans a medio, & simul cum ipso genuflectat, seque signet ad celebrantis benedictionem; tum accedens ad cornu Evangelii, & stans a sinistris celebrantis, respondeat, & ministret illi, sicut ad primum Evangelium, & ad verba: *Et verbum caro factum est*, genuflectat versus librum, quoque lecto, respondeat, *Deo gratias*.

Finito Evangelio, accedat ad medium Altaris, se sistens a sinistris celebrantis, cum quo faciat profundam, vel mediocrem inclinationem Cruci, deinde descendat una cum eo in planum, vertens faciem versus cornu Epistolæ, ubi facta genuflectione super infimum gradum cum
omni-

omnibus aliis, surgat, capiat biretum, tectoque capite, eodem ordine, quo venerat, junctis manibus, & salutato choro, si fieri possit, redeat in Sacristiam, ubi facta prius Imagini, tum celebranti reverentia, pariter cum aliis, nudo capite, adjuvet eundem celebrantem cum Diacono, dum deponit paramenta, quibus depositis salutet eum iterum, ut decet, ac deinde exuat se paramentis suis, ab aliquo Acolyto adjutus.

Quando Subdiaconus diebus per Rubricam Missalis præscriptis, utitur planeta eam dimittat, cum lecturus est Epistolam (antequam accipiat librum Epistolarum) quam cantet in Alba, & cantata Epistola, & osculata manu celebrantis, priusquam deferat librum ad Cornu Evangelii, eam resumat, nec amplius deponat.

Observanda ne sunt supradictæ ceremoniæ etiam in Missa solemnî pro defunctis?

Subdiaconus in Missa solemnî pro Defunctis, initio se gerat, ut in aliis Missis. Ad introitum non se signet, nec post Epistolam cantatam osculetur manum celebrantis, quia

oscula omnia in hac Missa omittuntur: statim finita Epistola, & facta genuflexione ante medium altaris, tradat librum non Diacono, sed Acolyto, & Missale celebrantis deferat ad cornu Evangelii, ut in aliis Missis.

Ad Evangelium incedat cum Diacono a sinistris ejus more solito, & loco consueto sistens, teneat librum, ut in aliis Missis; & Evangelio finito, non deferat librum celebranti osculandum, sed statim illum a Diacono clausum, facta genuflexione altari, tradat Ministro. Ad Offertorium Calicem coopertum velo parvo tantum cum bursa ex Credentia accipiat, & ad Altare deferat, infundens aquam in Calicem non petat benedictionem, sed infusa aqua in calicem, non recipiat patenam, sed pergat ad sinistram celebrantis, genuflectens in medio, atque assistat ad incensationem Oblatorum & Altaris, ut in aliis Missis: & celebrante incensato, ministret mappulam ad tergendas manus in ablutione ipsarum. Hac peracta descendat in planum; ubi post celebrantem stet junctis manibus sine velo, & sine patena, nec, illo dicente *Orate.*
fra-

fratres, ipse respondeat Suscipiat, sed Diaconus.

. *Ad Sanctus* ascendat ad sinistram Celebrantis, quo dicto, & facta genuflexione revertatur ad locum suum. Paulo ante elevationem, quia non tenet Patenam, facta genuflexione in medio accedat ad cornu Epistolæ, ubi stans imponat thus in thuribulo, ministrante Thuriferario cochlear, & thuribulum sine benedictione, quo facto genuflexus accipiat ab eodem Thuriferario Thuribulum, & tempore elevationis incenset Sanctissimum Sacramentum triplici ductu ad unamquamque elevationem, nimirum ad adorationem, & depositionem hostiæ, vel Calicis, cum debitis etiam inclinationibus ante, & post incensationem. Postea reddat Thuriferario thuribulum, & ad medium altaris rediens, in loco suo genuflectet, ubi stet, non genuflectens cum celebrante.

Ad Agnus Dei non percutiat pectus, nec recipiat aut det pacem, sed tantum a sinistris celebrantis inclinatus maneat manibus junctis illud dicens. Deinde mutet locum, hoc est a sinistra ad dexteram cele-

brantis, genuflectens, quando accedit, & recedit, ibique stet, & inclinet se, dum celebrans dicit: *Domine non sum dignus*, detegatque Calicem, quando opus est. Cætera, ut in aliis Missis, respective peragat.

Si facienda sit absolutio in fine Missæ, adjuvet, si opus sit Celebrantem stantem ad latus Epistolæ, dum exiit se Casula, & manipulo, ac ipse etiam suum manipulum deponat, tradatque Ministro. Tum deferens crucem sine ulla reverentia ad tumulum procedat post Thuriferarium, quem respicere debet imago crucis. At cum pervenerit medius inter cerosferarios ad caput lecticæ, per latus suum dextram progrediatur ad pedes ejus, idest per latus Evangelii, & ibi stet ad pedes lecticæ vertens faciem ad Altare, & ad Celebrantem, immobilis, distans tamen ab ipsa lectica tribus, aut quatuor passibus, ut Celebrans, & Diaconus postea facilem inter crucem, & lecticam habeant transitum. Dicto a cantoribus *Requiescat in pace*, redeat in Sacristiam eodem ordine, quo venerat, non genuflectens etiam SS. Sacramento, licet ante illud transeat.

In

In exequiis eadem facit, quæ supra, præterquam quod sistat se semper cum Cruce ad caput Defuncti. & numquam ad pedes cujuscumque defuncti etiam Sacerdotis, ex Rituali Romano, & seipsum, & imaginem Crucifixi convertens ad Celebrantem sic stet usque ad finem.

Dum inchoatur Antiphona: *In paradisum deducant*, si corpus deferendum sit ad sepulchrum, procedat eodem ordine, quo supra ad locum sepulturæ, & ibidem, eodem modo se collocet, si situs loci permittat, & data sepultura, eodem etiam ordine in Sacristiam revertatur. Hæc omnia vero fiant a Subdiacono tantum, quando Missa solemnis in Exequiis dicitur, quia extra Missam non debet ministrare in paramentis, sed Acolythus tunc portet Crucem, & numquam Subdiaconus paratus.

Quomodo se gerit Subdiaconus in Processionibus?

In processionibus ordinariis ipse tantum, qui ministrat ad Missam, paratus sine Manipulo deferat Crucem, ita ut imago Crucifixi terga vertat eidem Subdiacono, & Clero sequenti, medius inter duos ce-

roferarios, & ubi angustia loci simul cum ceroferariis incedere non permittit, præcedant Ceroferarii.

Ministrans in processionibus Sanctissimi Sacramenti dum Celebrans immittit incensum in Thuribulum assistat, elevans fimbriam Pluvialis. Cum vero thurificat, genuflexus a sinistris fimbriam anteriorem Pluvialis elevet, cum eo, dum opus est, se inclinans; post thurificationem, velum oblongum ab Acolytho accipiens ejus humeris imponat, adjuvante Cæremoniario, ac aciculis firmet. Statim autem ac ille recipit Sacramentum, surgens a sinistris ejus anteriorem fimbriam Pluvialis elevat. Procedens alternatim cum Celebrante, Psalmos, & Hymnos submissa voce recitet: cum vero reversi fuerint, statim ac ille Sacramentum in manus Diaconi tradiderit, velum recipiens, Acolytho tradat, & dum iterum thurificatur Sacramentum, assistat, ut supra. Dum celebrans recitat Orationem, vel plures, una cum Diacono genuflexus teneat librum apertum, quibus dictis imponat denuo velum oblongum ejus humeris, & cum ab

eo datur benedictio cum Sacramen-
to, genuflexus in supremo gradu
Altaris, a latere fimbriam pluvialis
anteriorē elevet, vertens faciem
ad SS. Sacramentum. Data bene-
dictione a Celebrante, velum oblon-
gum illius amoveat, & det Cære-
moniaro deferendum super Creden-
tiam. Denique omnibus completis
revertatur in Sacristiam.

Qui plura desiderat, videat Ga-
vantium, Bauldres, Corsettum,
Buongiovanni, Piscaram, ex quibus
hæc pauca prælibavimus fere ad lit-
teram.

De Ritibus in privata Cano-
nicarum Horarum recita-
tione servandis.

C A P U T IV.

*Cum in privata Canoniarum Ho-
rarum recitatione aliquando conve-
nienter stet, aliquando genuflecten-
dum sit, aliquando etiam sedere liceat,
rogo in primis quando standum sit?*

STatur, ita ut convenienter sedere
non liceat, ad Orationem Do-
mini-

minicam, Salutationem Angelicam, quia sunt de textu Evangelico, ac ad symbolum Apostolorum, ut ad fidei confessionem promptiores videamur. Item ad horarum initia, scilicet a principio Orationis Dominicæ inclusive, & ad Completorium, ab iis verbis: *Iube domne benedicere*, donec inchoatus sit primus versus primi Psalmi. Ad Invitatorium, ad hymnos, inter quos *Te Deum laudamus* quoque numeramus, ad quoscunque Versiculos post Hymnos, & ante Nocturnum, ad textum Evangelii ante Homilias, donec hæc verba: & *reliqua*, prolata fuerint, ad Capitula, ad Cantica *Magnificat*, *Benedictus*, & *Nunc dimittis*, per totum. Ad singulas orationes, (excepto triduo majoris hebdomadæ) Ad suffragia, & ad preces, quæ præcedunt Orationes. Item ad Symbolum, *Quicumque vult salvus esse*. Ad Antiphonas Beatæ Mariæ, quæ dicuntur in fine Officii, vel Horarum, tempore Paschali, & in omnibus Dominicis a primis earum Vesperis inclusive usque ad finem Completorii post secundas Vesperas etiam inclusive, & præterea ad Paternum,

ter, Ave, & Credo, toto illo, tempore, & dictis Dominicis. Ad Psalmos, Lectiones, Homilias, Responsoria, &c. laudabiliter quidem standum esset, sed quia plurimi docti, & timorati Sacerdotes, sedent, ideo ad supradicta non incongrue sedetur.

Quanda autem genuflectendum, ita ut convenienter stare non debeat?

Genuflectendum est ad ea Invitatorii verba: *Adoremus, & procidamus ante Deum*; ad preces feriales in laudibus, Vesperis, & Horis, diebus, quibus Ecclesia præcepit jejunium, quæ dicuntur flexis genibus, usque ad *Benedicamus Domino* inclusive; ad preces in officio Defunctorum, ad Litanias quascumque, & pro privata recitatione, diebus Rogationum, & Divi Marci. Item in Hymnis ad hos versus: *Veni Creator Spiritus: Ave Maris Stella: O Crux Ave spes unica: Tantum ergo Sacramentum: O Salutaris Hostia: Te ergo quasumus, &c.* in Hymno *Te Deum*, etiam tempore Paschali (genuflexiones enim tunc temporis non prohibentur, ad ea quæ adorationem requirunt). Item ad Antiphonas
B. Vir.

B. Virginis, quæ dicuntur in fine officii, vel Laudum, vel Horarum, & ad Orationem Dominicam, Salutationem Angelicam, & Symbolum Apostolorum, quæ dicuntur in fine Completorii, exceptis Dominicis, & tempore Paschali, ut supra dictum est, genuflectendum erit.

Quando caput inclinandum, sed non genuflectendum?

Caput inclinandum est, quoties nominatur Sanctissimum Nomen Jesu, Maria, & Sancti; de quo fit officium; ad nomen Jesu profundius; item ad versum *Gloria Patri*, &c. & quoties SS. Trinitatis expresse fit mentio, præsertim per enumerationem Personarum divinarum, tam in fine Hymnorum, & Orationum, quam in Antiphonis, quæ in festo SS. Trinitatis dicuntur, & etiam aliis diebus, detecto capite fit inclinatio. Item ad hos versus, *Sit nomen Domini Benedictum. Sanctum, & terribile Nomen ejus. Benedictus Dominus die quotidie. Sit nomen ejus benedictum in secula. Benedictum nomen Majestatis ejus. Benedicat nos Deus Deus noster. Benedictus es Domine Deus Patrum nostrorum. Benedicamus*

Pa.

Patrem, & Filium, & Benedictus es Domine in firmamento cæli. Item cum dicitur *Confiteor Deo* usque ad *Misereatur* inclusive, & ab eo, qui dicit, & cui dicitur, ut in *Missa*. Caput regulariter denudandum est, quoties statur, aut genuflectitur, aut inclinatur, licet sedeatur.

In recitatione officii Divini quando signum Crucis adhiberi debet?

Solo pollice dextro, reliqua manu extensa mediocriter, sinistra vero infra pectus posita signatur os, in principio Matutini ad hæc verba, *Domine labia mea aperies*, & eodem pollice initio Completorii formando signum Crucis in pectore, ad *Converte nos Deus salutaris noster*. Manu vero eadem erecta, & extensa, ejus digitis simul etiam cum pollice junctis, fit signum Crucis a fronte ad pectus, & a sinistro humero usque ad dexterum, cum dicitur *Deus in adjutorium*, initio omnium horarum, non autem quando repetuntur in Psalmis, aut Precibus ferialibus, hæc verba, nec quando ad primam dicuntur ter post Orationem S. Mariæ, quæ sequitur post Martyrologium. Item ad versum: *Ad-*

juto-

jutorium nostrum in nomine Domini, ante Confessionem ad Primam, & Completorium, non vero ad Psalmos. Similiter ad Confessionem dum dicitur *Indulgentiam*, &c. & ad ea verba in fine Primæ: *Dominus nos Benedicat*; & in fine Completorii: *Benedicat, & custodiat nos*, &c. Laudabiliter etiam fit signum Crucis ad Antiphonam de Cruce, in feriali officio, scilicet *Per signum Crucis*. Item demum signum Crucis fit initio Canticorum *Magnificat*, *Benedictus*, & *Nunc dimittis*.

In privata Horarum recitatione qui non servat Breviarii Rubricas de stando, aut genuflectendo, de se inclinando, aut cruce signando, cujus culpe redditur reus?

Nulli, neque veniali culpæ censendus est obnoxius, si contemptus, vel scandalum absit. Quia Breviarii Rubricæ non obligant nisi eos, qui in Choro recitant. Suarez tom. 2. de relig. lib. 4. cap. 27. num. 2. Comitol. lib. 4. qu. 64. Bonac. de Horis Canon. disp. 1. quæst. 3. punct. 6.

Optimum tamen est juxta Christi consilium in cubiculo, vel Oratorio

torio orare, eumque modum proportionaliter servare, quem servat Ecclesia in Choro juxta Rubricas, modo stando, modo genuflectendo, &c. Sicuti monent præter citat. Doctores Tol. lib. 2. c. 13. Nav. de Orat. cap. 4. & 5. Fill. tr. 23. c. 8. n. 265.

In officio canonico persolvendo, quot lectiones recitantur?

In festis primæ, & secundæ Classis cum suis octavis, in duplicibus, & semiduplicibus: item in Dominicis semper leguntur novem lectiones; excepta Dominica Resurrectionis, & Pentecostes cum suis octavis, in quibus leguntur tantum tres lectiones de Homilia.

Infra octavas Epiphaniæ, Paschæ, & Pentecostes de simplicibus fit tantum commemoratio, omissis lectionibus. Idemque dicendum intra octavam Corporis Domini ex decreto Sacræ Congregationis, quod bene notat Kalendarium Ecclesiasticum Venetiarum, licet alia Kalendaria id non moneant, & aliqui revocent in dubium.

In festis vero simplicibus, & feriis

riis per annum tres recitantur lectiones.

Unde sumuntur hujusmodi lectiones?

In officio novem lectionum tres primæ sumuntur de Scriptura eo die occurrente in proprio de tempore, nisi aliæ in proprio Festorum, vel in Kalendario notentur. In secundo Nocturno sumuntur de proprio, si positæ sint in Breviario, si secus, de communi Festorum. In tertio Nocturno leguntur tres lectiones de Homilia, vel de proprio, si assignentur, vel de communi, juxta præscriptum Kalendarii.

In officio autem trium lectionum, in Festis simplicibus, prima, vel etiam secunda lectio sumitur de scriptura eo die occurrente, tertia, vel de proprio, si extet, vel de communi.

In Officio autem de feria leguntur tres lectiones in Breviario, vel Kalendario assignatæ. De hoc consule Rubricas Breviarii, earumque commentaria a Bartholomæo Gavanto in lucem edita.

In Officio de feria quæ oratio dicitur?

Quando fit officium de feria, semper dicitur Oratio Dominicæ præceden-

cedentis, cum propria non assignatur.

Hic obiter Sacerdotes, aliosque Divini officii recitandi obligatione adstrictos, monendos censui, ex indulto Leonis X. defectus omnes, & culpas ex humana fragilitate contractas in eo persolvendo, sibi remitti, si post unamquamque recitationem Divini Officii, devote dicant hanc Orationem.

Sacrosanctæ, & individue Trinitati, Crucifixi Domini nostri Jesu Christi humanitati, Beatissimæ, & Gloriosissimæ, semperque Virginis Mariæ secundæ integritati, & omnium Sanctorum universitati, sit sempiterna laus, honor, virtus, & gloria ab omni creatura, nobisque remissio omnium peccatorum, per infinita secula seculorum. Amen.

V Beata Viscera Mariæ Virginis, quæ portaverunt æterni Patris Filium.

R Et Beata Ubra, quæ lactaverunt Christum Dominum. Pater noster, &c. Ave Maria, &c.

Ad hoc autem, ut quis fruatur tali gratia, videtur requiri, ut dictæ Orationis recitatio Divini officii recitationi moraliter jungatur, ut
scili.

scilicet dicatur, antequam recitans se adducat ad alias actiones.

Circa cujus orationis recitationem notant Doctores, nominatim Bordon. *tom. 1. resol. 29. n. 27.* per eam remitti tantum defectus veniales in recitatione Divini Officii commissos, non vero culpas mortales, ad quarum remissionem non sufficit voluntas Papæ, sed per se requiritur Sacramentum Pœnitentiæ vel in re, vel in voto (hoc est saltem contritionis actus cum voto Sacramenti) ut docent omnes Theologi.

Præterea opus est, ut is, cui facienda est remissio, non existat in mortali, cum non possint remitti venialia, manentibus mortalibus.

His addendum est, præfatam orationem remittere defectus veniales, quatenus est quoddam Sacramentale. Sacramentalia autem non delent venialia ex opere operato, cum non sint a Christo instituta, sed ex opere operantis, excitando scilicet recitantem ad actum contritionis, seu dilectionis Dei, quo mediante, delentur culpæ veniales, ut tenet communior Doctorum sententia apud Bonac. *de Sacram. disp. 5. q.*

6. p. 3.

6. p. 3. n. 6. Unde hæc Oratio remittit defectus veniales in recitatione Horarum commissos per modum cujusdam Sacramentalis, non autem indulgentiæ, quæ numquam remittit culpam, sed solum culpæ jam remissæ poenam. De disciplina servanda in Choro, vide Bauldry.

De Ritibus, qui a Diacono, in exercendo proprio munere debent servari.

C A P U T V.

Recense ceremonias, quas in Missa solemni servare debet Diaconus?

A Udito signo Campanarum pro Missa solemni accedat ad Ecclesiam Diaconus, ubi præmissa brevi Oratione, Sacristiam ingressus, accipiat Missale celebrantis, perquirat Missam, & signacula suis locis disponat: similiter in alio Missali, vel Evan-

Evangeliorum libro perquirat suum Evangelium, illudque legat, ne forte postea erret illud cantando, & signaculo ad id notato tradat hos libros Acolytho deferendos ad Altare, seu credentiam. Deinde lotis, ac tersis manibus induat se, aliquando Acolytho adjuvante, paramentis Ordinis sui positus a latere dextero paramentorum Celebrantis. Amictum ergo accipiat per latera am-
babus manibus, cujus Crucem osculetur, non se signans cum eo; mox albam, cingulum, stolam, cujus Crucem etiam osculetur, eamque super humerum sinistram imponat, & sub suo brachio dextro ligari faciat; demum Dalmaticam, vel planetam plicatam. Potest ad singula paramenta Orationes in Missali positas recitare, sed tamen non est necesse: Manipulum hic non capiat, sed postquam celebrans fuerit omnino indutus. Sic paratus, una cum Subdiacono, adjuvet celebrantem, dum sacras accipit vestes, quo induto omnibus sacris vestibus, & ipse manipulum suum capiat cum osculo crucis ipsius. Mox, nisi adsit Presbyter assistens, Naviculam,

calam, & Cochlear cum debitis osculis, & reverentiis, pro thuris impositione ministret celebranti, dicens: *Benedicite, Pater Reverende*. Imposito, ac benedicto incenso faciat celebranti reverentiam, postea cum illo profunde se inclinet Imagini principali, quæ est in Sacristia: atque statim tecto capite procedat ad Altare, post Subdiaconum ante Celebrantem, junctis manibus, devote, incessu gravi, oculis demissis, & erecto corpore. In minus solemni Missa portet librum elevatum ante pectus ambabus manibus.

At vero, si ob aspersionem aquæ benedictæ, candelarum benedictionem, & alia hujusmodi ipse celebrans pluviali, vel etiam tantum Alba cum stola indutus sit, a dextris illius incedat, fimbrias pluvialis ejus attollens, quod faciat etiam Subdiaconus a sinistris.

Si, dum procedit, transire contingat ante Tabernaculum SS. Sacramenti, a dextris Celebrantis, nudo capite, flectat unicum genu; sed si sit expositum, utrumque. Idem de Subdiacono dicendum est.

Cum pervenerit ante infimum gradum

dum altaris, caput detegat, & de manu Celebrantis biretum accipiat cum quasi osculo ipsius bireti, illudque statim eum suo tradat Cæremoniario, vel alicui Acolythorum, qui illud, ubi sunt sessuri, deponat, & cum eodem Celebrante a dextris ejus super infimum gradum, vel in plano, formando quasi lineam rectam, genuflectant unico genu etiam absente Sanctissimo Sacramento, & etiam licet celebrans non genuflectat, quia Diaconus debet semper genuflectere Cruci in tota Missa.

Mox ascendat ad Altare, depositoque; & aperto in cornu Epistolæ libro, descendat ad dexteram celebrantis. In Missa vero solemni, de qua hic agitur, sistat se a dextris ejusdem celebrantis.

Cum celebrans se signat initio, etiam se signat cum eo, & ei respondeat ad Psalmum *Judica me Deus*: dum celebrans dicit *Adjutorium* se signet, cum facit confessionem, stet, qua finita, se ad celebrantem inclinatus profunde convertat, dicens *Miserereatur tui*, usque ad finem. Dicto a celebrante *Amen*, profunde se in-

inclinat ad *Confiteor*, & percutiat pectus ter ad *mea culpa*, manu sinistra infra pectus posita, dicens vero *Tibi pater*, & *te pater*, se convertat ad Celebrantem, eique se profunde inclinet. Ad *Indulgentiam* stans se signet: dum celebrans dicit *Deus tu conversus*, se inclinet profundius, quam celebrans: dum dicit *Oremus* non deducat manus, quia solius est celebrantis.

Confessione facta, & dicto *Oremus*, ascendat ad Altare cum Celebrante. Albam, & vestes illius anteriores sinistra manu paululum elevans, dextera pectori admota, quod in simili casu semper faciat. Dum Celebrans osculatur Altare, ipse genuflectat manibus junctis, advertens, ut neque tangat, neque osculetur Altare, quod semper observet, & statim surgens sistat se ad celebrantis dexteram, acceptaque de manu Thuriferarii Navicula incensi, tenens eam semiapertam versus celebrantem parum inclinatus, dicat *Benedicite Pater Reverende*, deinde cochlear vacuum sumens per inferiorem manubrii partem de navicula, illud porrigat ei cum
 I 2 oscu-

osculis partis superioris ipsius cochlearis, & manus Celebrantis, in parte exteriori ipsius: imposito vero, benedictoquo incenso recipiat cochlear, primo manum illius osculando, deinde ipsum cochleare, quod reponit statim in naviculam, quam clausam dextera reddat Thuriferario, a quo eadem dextera recipiat thuribulum per summitatem catenularum, & sinistra per partem inferiorem prope vas ipsius. Tum eandem summitatem catenularum, quam osculetur prius, ponat in sinistra celebrantis, & extremitatem prope vas ponat in dextera ipsius, quam etiam osculetur in parte exteriori, ita tamen, ut ipsa sinistra Diaconi sit subter dexteram Celebrantis, qua thuribulum accipit.

Cum Celebrans incensat, assistat ei Diaconus ad dexteram aliquantulum retro stans, elevando eam planetæ partem posteriorem, quæ est circa ejus brachia, ne impediatur, alteram vero manum pectori admoveat, & cum transit ante Crucem, licet Celebrans tantum se inclinet, semper genuflectat. Si forte Calix sit super Altare, Diaconus illum

illum amoveat, ut infra ad oblata,
& facta incensatione Crucis, illum
reponat.

Finita Altaris incensatione, Dia-
conus stans a latere Epistolæ in se-
cundo gradu, vel alio, prout fert
situs loci, accipiat thuribulum a ce-
lebrante, osculando manum ejus dex-
teram, deinde catenularum summi-
tatem, quam teneat Diaconus fini-
stra, & dextera prope vas thuribu-
li; tum retrocedens tantillum extra
altare in planum ipsius partis Epi-
istolæ, triplici ductu ipsum Celebran-
tem incenset, profunda capitis in-
clinatione, ante, & post incensatio-
nem, postea sinistra manu reddat
thuribulum Thuriferario.

Deinde locat se in secundo gradu,
vel infimo a latere Epistolæ secun-
dum situm altaris, ad dexteram ce-
lebrantis, ubi stans junctis manibus
ante pectus assistat eidem celebranti
legenti Introitum, cum ipso se si-
gnans, & ad *Gloria Patri* medio-
criter inclinans versus Crucem, ni-
hil tamen dicens usque ad *Kyrie*,
quod alternatim in eodem loco, sub-
missa voce, recitet cum ipso, tenens
junctas manus, prout celebrans.

Dicto Kyrie, ibidem maneat cum aliis, donec cantetur ultimum Kyrie in Choro, in cuius fine, celebrantem prodeuntem ad medium Altaris comitetur æquali passu cum eo progrediens per secundum gradum, & in eodem secundo gradu, post eum se sistat in medio, donec inchoetur *Gloria in excelsis*; quo inchoato, mox ut celebrans dicit *Deo*, statim facta genuflexione in medio, aliquantulum secedat ad cornu Epistolæ, ibique paululum expectet Subdiaconum, & tunc ambo simul ascendant ad Altare hinc inde ad latera Celebrantis, ibique stans sine alia nova genuflexione una cum celebrante, & Subdiacono, submissa voce Hymnum prosequatur manibus junctis, advertens ne præveniat in ipsa recitatione, sed potius subsequatur vocem ipsius celebrantis, totiesque caput inclinet, quoties Celebrans, & simul cum eo se signet dicens *Cum Sancto Spiritu*, & in fine dicens *Amen*, jungat manus.

Hymno dicto si sedendum sit, facta genuflexione Altari manibus junctis (quod semper faciat in simili casu) pergat per breviorē viam sequens
Sub-

Subdiaconum, ac præcedens Celebrantem, ad sedem paratam in plano, ibique accipiat biretum Celebrantis, quod ei porrigat cum quasi osculo illius, & elevet partem posteriorem planetæ, ne super eam sedeat, tum accepto suo bireto, elevataque etiam parte posteriori dalmaticæ suæ, & facta profunda inclinatione Celebranti jam sedenti, & parva Subdiacono stanti adhuc, sedeat, a dextris ipsius Celebrantis tecto capite, & manibus hinc inde super genua extensis, & digitis simul junctis, prout Celebrans. Ibi autem caput nudet, & inclinet ad Cæremoniarum nutum, vel toties aperiat cum inclinatione, quoties aperit, & inclinat Celebrans, & Chorus. Hoc ipsum observandum est etiam in Symbolo.

Dum cantatur in Choro *Cum Sancto Spiritu*, Diaconus accipiat biretum Celebrantis dextera cum quasi osculo ipsius, illudque super scamno ponat, & similiter suum, factaque Celebranti reverentia, & sequens Subdiaconum redeat per planum ad Altare. At dum Diaconus est prope corpus infimum gradus Altaris, retrocedat paululum, ut Celebranti, cui se incli-

net, locum præbeat transeunti, a cuius dexteris ibidem genuflectat in infimo gradu, ac illius vestes modice attollat, ut initio Missæ, ascendesque ad secundum gradum Altaris cum illo, sistat se ibi, & post eum stet, formando lineam rectam, cum ab eo dicitur *Dominus Vobiscum*, quo dicto, mox eundem celebrantem euntem ad cornu Epistolæ, comite-
tur manibus junctis, incedens æquali passu, & ibidem stet post eum; & deficiente Cæremoniario vertat folia, si opus sit, non genuflectens in accessu, & recessu, sistendo se ad dexteram Celebrantis. Si dicendum sit *Electamus genua*, prior omnibus illud cantando, genuflectat ambo-
bus genibus super oram suppedanei, tum respondente Subdiacono *Levate surgat*.

Hymno Angelico dicto apud Altare, si non sedeat Celebrans, Diaconus ibidem remaneat ad Celebrantis latus paululum retro; & cum cantatur in choro: *Cum Sancto Spiritu*, facta genuflexione, se recipiat post ipsum Celebrantem in secundo gradu, cum ab eo dicitur *Dominus vobiscum*, Reliquæ ut supra.

Cum

Cum Subdiaconus incipit Epistolam, statim, & non prius Diaconus accedat ad dexteram Celebrantis, ipsique ministrat non junctis manibus, sed si opus sit, tenens librum, & vertens folia, se inclinans cum celebrante, & genuflectens, si opus sit, & in fine respondeat submissa voce *Deo gratias*, ibique remaneat usque dum Subdiacono accedenti locum cedat, se retrocedens post Celebrantem, ut ab eo benedicatur ipse Subdiaconus.

Cum Celebrans dicit in medio Altaris *munda cor meum*, Diaconus adhuc stans in suo loco de manu Acolythi, vel Cæremoniarum, aut de Credentia, iis deficientibus, accipiat librum Evangeliorum clausum, tenens ambabus manibus per angulos inferiores erectum ante pectus, ea parte, qua liber aperitur, ad sinistram suam conversa. Tum solus per planum Presbyterii illum deferat ad medium Altaris, facta prius super infimum gradum genuflexione, & Choro prius inclinatione ab utraque parte, si ante illum transeat, & ad Altare ascendens, ipsum librum quasi jacentem collocet super illud prorsus in

medio, idest ubi Calix collocatur ita, ut pars eadem, qua liber aperitur, respiciat latus Evangelii. Si vero adest Calix in medio, collocet illum juxta Corporale a parte Epistolæ modo dicto. Deinde, facta ibidem genuflexione, accedat ad sinistram Celebrantis, & ad dexteram Subdiaconi, eique assistat, manibus junctis, quasi medius inter illum, & Subdiaconum, dum legit Evangelium, genuflectens cum eo, & se inclinans, quando opus est.

Finito Evangelio, ministrat incensum, ut initio Missæ, redditaque navicula Thuriferario, descendat ad secundum gradum Altaris, ubi genuflexus ante medium Altaris in ora suppedanei, manibus junctis dicat inclinatus *Munda cor meum &c.* quo dicto ascendat ad Altare, & accipiat utraque manu librum de Altari, & iterum descendat ad secundum gradum, ubi genuflexus, & conversus ad Celebrantem, petat benedictionem dicens intelligibili voce: *Jube Domne benedicere: non Domine;* qua recepta inclinans tantisper partem superiorem libri ad Celebrantem, osculetur reverenter in parte exteriori illius dex-

dexteram manum libro superpositam: tum surgat, iterum Celebranti se inclinet, & portans ambabus manibus librum clausum ante pectus, ut supra, & conversus se per eam partem, quæ respicit cornu Epistolæ, descendat in planum, ubi facta genuflexione super infimum gradum cum Subdiacono, procedat cum eodem a sinistris ad locum Evangelii versus Aquilonem secundum communio-rem consuetudinem majorum Ecclesiarum Romæ, ita interpretantium illud contra *Altare*, ut nec terga vertat Altari, nec Populo, ad quem locum perventus Diaconus tradat Subdiacono librum, in cujus manibus illum aperiat, & accommodet, ut legere apte possit. Finito cantu in Choro stans junctis manibus ante pectus, sonora voce dicat *Dominus vobiscum*: Cum dicit *Initium*, vel *Sequentia Sancti Evangelii*, sinistra super librum posita, atque operta, & digitis simul junctis, signet illum in principio Evangelii pollice dexteræ, manum reliquam interim teneat extensam, digitis simul junctis, deinde vola manus ad seipsum conversa, eodem pollice signet sibi ipsi frontem, os, & pectus,

sinistra pectori admota: advertens, ut signet tam librum, quam se, non ungue pollicis, sed pulpa. Dicens, *Initium*, vel *Sequentia*, signet librum: Dicens *Sancti Evangelii*, signet frontem; tum quasi respirando pausans aliquantisper, (ita tamen, ut astantes id minime advertant) signet os. Deinde reliquum titulum proseguendo, signet pectus. Accepto Thuribulo de manu Thuriferarii stantis post eum a dexteris ejus ter librum incenset, primum in medio, tum a dextris, denique a sinistris ipsius libri, inclinans se ante, & post incensationem ob reverentiam Sacri Textus, redditoque Thuriferario thuribulo, incipiat, atque proseguatur Evangelium junctis manibus, inclinans se, & genuflectens, ubi opus sit, versus librum, profundius tamen ad nomen *Jesu* se inclinet, quam ad alia.

Finito Evangelio digito indicet Subdiacono principium Evangelii cantati, quod osculari debet Celebrans, & si illud principium sit in pagina præcedente, volvat folium, & statim per planum Presbyterii, sequens Ceroferarios, manibus junctis, accedat omnino ad medium Altaris, ubi

ubi facta genuflexione cum illis, stat habens post se Thuriferarium, a quo recipiat Thuribulum a dextris, ac statim, ut Celebrans osculatus fuerit librum se retrahens paululum ad latus Evangelii, thurificat eundem Celebrantem triplici ductu cum debitis inclinationibus ante, & post; redditoque thuribulo Ministro ascendat ad secundum Altaris gradum, ibique stet post Celebrantem, donec intonet *Credo*, & ad verbum *Deum*, inclinet caput, & statim genuflectat, & accedat ad dexteram Celebrantis, ubi cum eo, & Subdiacono, submissa voce prosequatur Symbolum eodem modo quo Hymnum Angelicum, se inclinans, & genuflectens, quando opus sit; ac in fine ad verba: *Et vitam venturi seculi*, se signet: & dicens *Amen* jungat manus.

Post finem symboli, adhuc ibidem stat, vel sedeat, ut ad Hymnum Angelicum; at si stet ad Altare quando in Choro cantatur *Descendit de Cælis &c.* simul cum Celebrante vertens faciem ad cornu Evangelii descendat ad secundum gradum Altaris, ubi genuflectat a dextris ipsius

Ce-

Celebrantis, & a parte sua partem posteriorem Planetæ illius super pedes decenter aptet; at si sedeat, profunde se inclinet nudo capite ad verbum prædictum, usque ad: & *Homo factus est* inclusive, exceptis tribus *Missis Nativitatis Domini, & Annuntiationis B. Mariæ Virginis*, in quibus semper genuflectat, capite aliquantulum inclinato; quod facit ante sedem suam versus Altare.

Cantato versu: *Et Incarnatus est*, &c. si Diaconus stet ad Altare, genuflectat, & via breviori accedat ad Credentiam; si vero sedeat, surgat, & facta Celebranti inclinatione debita, pergat similiter nudo capite via breviori ad Credentiam, ubi de manu Ministri accipiat bursam Corporalium, & eam quasi jacentem ambabus manibus elevatam portet, tenens eam per latera ipsius, pollicibus, & indicibus desuper, sed reliquis digitis subtus eam positus, & ita, ut pars, quæ aperitur, faciem ejus respiciat, sicque per planum sine comite, gravi, & decoro incessu, inclinans se Celebranti, & etiam Choro ab utraque parte, si ante eum transeat, procedat ad medium Altaris, & facta genuflexio-

flexione super infimum gradum, ascendat ad Altare (ad dexteram Celebrantis, si ibi adsit, ubi faciat primo Cruci reverentiam, deinde capitis inclinationem Celebranti, quas inclinationes omittat, quando Celebrans non stat ad Altare), & ibi extrahat Corporale de bursa, quam statim collocat erectam in cornu Evangelii sic, ut non impediat Altare, neque e cereis effluente cera, maculari possit; & corporale extendat in medio, ita, ut ora Corporalis Altaris ora tangat. Postea ibidem genuflectat, ut recedat paululum versus cornu Epistolæ, ubi stet a latere Celebrantis, & dum Chorus cantat ultimum versum Symboli, facta genuflexione, descendat ad secundum gradum post Celebrantem. Si vero Celebrans sedeat, facta genuflexione super suppedaneum post explicatum Corporale, redeat per viam breviorē ad Celebrantem, cui profunde se inclinet, & mediocriter Subdiacono stanti, deinde operto capite sedeat, ut initio: & circa finem Symboli Celebrantem ad Altare redeuntem præcedat, ut dictum est ad finem Hymni Angelici.

lici. Si vero Calix sit in Altari a principio Missæ, & Celebrans sedeat post versum: *Et Incarnatus &c.* cum debitis reverentiis, & genuflectionibus extrahat Corporale de bursa, & illud extendat super Altare, ut supra. Quando vero non dicitur Symbolum, Subdiaconus deferat burfam Corporalium ad Altare simul cum Calice, ut infra.

Celebrante dicente *Dominus vobiscum* Diaconus in secundo gradu stet post eum, & dicto *Oremus* ante Offertorium, genuflectat, & ascendat ad Altare a sinistris Celebrantis, eique, dum legit offertorium, assistat, quo lecto, genuflectat, & transeat ad dexteram ejus in cornu Epistolæ, ibique stans expectet Subdiaconum, & eo accedente cum Calice illum accipiat de manu ipsius Subdiaconi, & ipse Diaconus eundem Calicem detegat, amovens partem longiorem Veli desuper, & palla reposita juxta Corporale, accipiat Patenam cum Hostia, & extremis utriusque manus digitis eam tenens decenter, & commode offerat Celebranti, cum osculo prius patenæ, tum manus dexteræ ejusdem.

Si

Si vero Subdiaconus afferat bursam cum Calice, accipiat eam Diaconus, & in medio Altaris collocet Corporale, & bursam ponat ad Cornu Evangelii, & patenam offerat Celebranti ut supra. Si autem Calix sit à principio Missæ super altare, illum de medio accipiat, & collocet super cornu Epistolæ, & amoveat velum, quod tradat Subdiacono, ut eum tradat Acolytho, cætera peragens, ut supra.

Dum Celebrans Hostiam offert, Diaconus accipiens sinistra Calicem a Subdiacono prius extersum per nodum, & manu dextera ampullam vini de manu ipsius, infundat vinum in prædictum Calicem, aliquantulum ad Celebrantem conversus, ut inspiciat quantum vini sufficiat. Tum; post admixtas vino per Subdiaconum paucas guttas aquæ, prius a Celebrante benedictæ, ipse Diaconus, si guttæ appareant dispersæ intra Calicem, eas vel circumactio vino, vel Purificatorio absterget. Tum porrigat ad manus Celebranti Calicem cum osculis pedis illius Calicis, & manus Celebranti dextera pedem, sinistra nodum ipsius tenens, vel alio commodiori modo, ita
ut

ut Celebrans facilius illum dextera per nodum, sinistra per pedem accipere valeat, & tenere: Cumque Celebrans dicit *Offerimus tibi Domine*, ipse etiam cum eo dicat eadem, dextera pedem Calicis, seu brachium dextrum Celebrantis sustentans. Oratione dicta, & reposito Calice a solo Celebrante, Diaconus palla cooperiat, deinde in dextera manu nuda Subdiaconi stantis adhuc ibidem in cornu Epistolæ, inter indicem, & pollicem ponat patenam de Altari sublatam, ita ut pars interior patenæ respiciat Subdiaconi pectus, & manum simul cum patena operta extremitate veli ab ea parte pendentis.

Dicto per Celebrantem, *Veni sanctificator, &c.* Diaconus stans adhuc in cornu Epistolæ; naviculam ministret Celebranti, & porrigat thuribulum, ut initio Missæ, & dum Celebrans incensat oblata, ipse pedem Calicis dextera manu teneat, ne cadat, & posteriorem planetæ partem circa humeros aliquantulum eleuet sinistra, & cum incensatur Crux, facta prius genuflexione, amoveat Calicem de medio ad partem Epistolæ, non tamen extra corporale,

si capax sit; qua incensata, illum reponat in loco suo, facta postea genuflexione: deinde post incensationem Altaris, recepto thuribulo a Celebrante in cornu Epistolæ, ipsum Celebrantem ter incenset, ut initio Missæ. Deinde reddito thuribulo Thuriferario, & facta genuflexione Altari, præcedente Thuriferario, procedet ad incensandum Chorum manibus junctis, & suo ordine Canonicos duplici ductur, Sacerdotes unico, thurificet inclinans caput omnibus ante, & post; postea vero ante Altare incenset Subdiaconum, & ipse incensetur a Thuriferario stans in secundo gradu Altaris; facta prius in eodem gradu genuflexione, ibique stat usque ad finem Præfationis, vertat tamen folia Missalis, si opus sit, genuflectens antequam accedat, & iterum antequam recedat.

Cum dicitur Præfatio, Diaconus stet retro post celebrantem, & dum dicitur *Deo nostro*, caput inclinet, & paulo antequam dicatur *Sanctus*, genuflectens in medio accedat ad Altare, ubi ad dexteram Celebrantis dicat inclinatus cum eo *Sanctus* manibus

nibus junctis, & quæ sequuntur; & ad *Benedictus* se erigens signet se, tum jungat manus; quo dicto, facta ibidem genuflexione, accedat ad sinistram Celebrantis, ubi iterum genuflectat, non in medio Altaris; ibique erectus assistat Celebranti dicenti Canonem, non junctis manibus, sed librum Missalem tenens aliquantulum, elevatum manu sinistra & dextera vertens folia, cum opus fuerit, & digito indice indicans, quæ sint a Celebrante dicenda, ubi necesse viderit.

Cum Celebrans dicit: *Quam oblationem &c.* genuflectat ibidem ante librum, & accedat ad dexteram ejusdem Celebrantis, ubi genuflexus in superiori Altaris gradu maneat, aliquantulum tamen retro post eum, & Celebrante elevante SS. Sacramentum, posteriorem planetæ illius partem; per infimam partem in medio capiat sinistra, modice elevans dextera pectori admota; eoque super Altari deposito, demittat planetam sine, osculo, deinde cum Celebrante post adoratam Hostiam surgat, discooperiat Calicem, & statim iterum genuflexus in eodem loco,

co, dum Celebrans elevat Calicem, posteriorem ejusdem planetæ partem elevet, atque statim deponat, dum Celebrans Calicem deponit, surgensque sine mora illum cooperiat, ac simul cum eodem Celebrante genuflectat, deinde ad librum redeat, ubi iterum genuflectat, & assistat Celebranti vertens folia, quando opus est, & sustinens librum, nec inclinet se cum Celebrante ad verba; *supplices te rogamus, &c.* bene vero ad verba: *omni Benedictione*, se signet, & pectus percutiat, ad *Nobis quoque peccatoribus*.

Cum autem Celebrans dicit: *Per quem hæc omnia*, genuflectat prope librum, & ad dexteram Celebrantis ita opportune accedat, ut unicam genuflexionem faciat in accessu, scilicet postquam Celebrans signaverit Calicem, & Hostiam simul ad verba *Sanctificas, &c.* tum eundem Calicem detegat, genuflectat cum Celebrante, & surgat adjuvans eum in omnibus genuflexionibus, ipsum dextera manu elevando: dum vero Celebrans signat Calicem cum Hostia, dicens: *Per ipsum, & cum ipso*, duobus digitis dexterae manus, indice ni-

mirum, & medro, firment pedem Calicis, usque ad verba: *Omnis honor, & gloria* exclusive; reposita per Celebrantem Hostia super Corporale, iterum tegat Calicem, genuflectat cum Celebrante, cum eodem se erigat, & ibi stans assistat Celebranti, vel si opus sit vertere folia, ad librum accedat cum debitis genuflectionibus. Statim, ut Celebrans incipit *Pater noster*, Diaconus genuflectat, & vadat post eum ad secundum gradum, ubi stet manibus junctis; & dum Celebrans dicit: *Et dimitte nobis debita nostra*, genuflectat in loco suo, & ascendat ad dexteram Celebrantis, ubi stans, & paululum se convertens removeat partem veli, quæ est super patenam, & eam sibi porrectam a Subdiacono capiat, ipsamque per se extersam purificatorio, postquam dixerit *Amen*, osculata ora illius, ponat inter indicem, & medium digitos manus dexteræ ipsius Celebrantis, & mox ipsam dexteram osculetur.

Quando Celebrans se signat patena, Diaconus etiam se signet. Cum Celebrans submittit patenam hostiæ, Diaconus detegat Calicem, genuflectat,

stat, surgat, & immissa per eundem Celebrantem particula in Calicem, iterum eum cooperiat; & cum Celebrante genuflectat, & surgat. Postea inclinatus versus SS. Sacramentum, dicat cum eodem ter *Agnus Dei*, etiam ad verba *Miserere nobis*, & *dona nobis pacem*, pectus percussiens sibi dextera, sinistra infra pectus admota. Mox genuflexus ibidem a dexteris Celebrantis, expectet pacem manibus junctis, & circa finem primæ Orationis: *Domine Jesu Christe, qui dixisti, &c.* surgat, & cum celebrans osculatur Altare ipse simul osculetur illud extra Corporale, manibus junctis ante pectus, & non super Altare positis, deinde conversus ad Celebrantem, sinistra gena prope sinistram genam Celebrantis admota, sine tamen ullo contactu, ambas manus scapulis illius supponens, ita tamen, ut extremitatibus tantum digitorum eum attingat, & eidem dicenti: *Pax tecum* respondeat, *Et cum Spiritu tuo*, eique caput inclinet ante, & post. Accepta pace a Celebrante, Diaconus, facta iterum genuflexione Sacramento, vertat se ad Subdiaconum per latus suum sin-

nistrum, ne terga vertat Sacramen-
to, & similiter det ei pacem per
mutuum amplexum, dicens, *Pax te-
cum*, ac eidem data pace, & non
prius, mediocriter se inclinet, in
amplexu autem extremitatibus tan-
tum digitorum utriusq; manus tangat
brachia Subdiaconi circa humeros, non
vero supponat scapulis illius. Et si de-
ferendum sit pacis instrumentum ad
laicos, illud ipse osculetur, & tra-
dat ministro comitanti Subdiaconum,
statim ac illud osculatus fuerit.

Post datam Subdiacono pacem,
Diaconus ibidem statim accedat ad
librum, ubi genuflectat, & assistat Ce-
lebranti; & dum ipse dicit: *Domine
non sum dignus*, manibus junctis in-
clinet se, illud dicens ter submissa
voce cum Celebrante, & ter percutiens
pectus: dum se communicat de utra-
que specie (non autem tempore in-
termedio) profunde se etiam incli-
net Diaconus, & devote, & versus
Altare non omnino versus SS. Sa-
cramentum.

At si Subdiaconus non redierit e
Choro, sumpta a Celebrante Hostia,
genuflectat in loco & accedens ad
ejus dexteram iterum genuflectat,
& de-

& detegat Calicem dum opus est: quo detecto, genuflectat, surgat, & inclinet se profunde, ut supra, dum Celebrans sumit pretiosum sanguinem, quo sumpto infundat vinum pro purificatione in Calicem, & iterum vinum dextera, & aquam eadem etiam dextera, reposita ampulla vini super bacile, aut altare, pro ablutione manuum Celebrantis in cornu Epistolæ cum solitis inclinationibus, & quasi osculis ampullarum.

Hæc quidem ad Subdiaconum pertinent, non ad Diaconum, modo ipse Subdiaconus redierit de Choro. Si dum hæc fiunt, Subdiaconus redeat de Choro, Diaconus statim genuflectat, & redeat ad librum.

Facta digitorum ablutione, Diaconus deferat ambabus manibus Missale clausum ad cornu Epistolæ, incedens per secundum gradum, & genuflectens in medio, & delatum librum aperiat super pulvinum, ubi est antiphona, quæ dicitur *Communio*, quam indicet Celebranti, ibique maneat a dextris, dum Celebrans eam legit, qua lecta, accedat post illum ad medium Altaris, ubi stet ver-

sus ipsum, dum versus populum dicit *Dominus vobiscum*; tum redeat cum eo ad idem cornu Epistolæ, ubi etiam stet post Celebrantem manibus junctis, usque ad finem Orationis, nisi vertenda sint folia, vel dicendæ sint aliæ Orationes, quia tunc accedit ad dexteram Celebrantis, & eas illi ostendat; deinde redeat post eum ad medium altaris.

Si dicendum sit, *Humiliate capita vestra Deo*, nulla facta genuflexione, stans in cornu Epistolæ post Celebrantem, convertat se ad populum per latus suum dexterum, & illud cantet junctis manibus, & demissis oculis, quo dicto vertat se per eandem viam ad idem cornu Epistolæ, ubi ad orationem sequentem stet post Celebrantem in eodem loco.

Finitis orationibus claudat librum nisi dicatur aliud Evangelium peculiare, quia tunc relinquat apertum, si vero non sit dicendum Evangelium peculiare, dum dicitur conclusio Orationis, Diaconus accedens ad dexteram Celebrantis, claudat librum manu dextera, ita ut pars clausa respiciat cornu Evangelii. Deinde procedat cum Celebrante ad medium Altaris,

taris, ubi dicto per eundem Celebrantem: *Dominus vobiscum*, genuflectat, seque vertat ad populum, sicut Celebrans, & cantet junctis manibus, ac demissis oculis: *Ite Missa est*, & absque ulla inclinatione, statim se convertat ad Altare. Si autem dicendum sit *Benedicamus Domino*, aut *Requiescant in pace*, non se vertat versus populum, sed eum cantet, manibus junctis, in suo loco facie versa ad Altare.

Dum celebrans dicit *Placeat tibi &c.* genuflectat supra secundum gradum ad dexteram Celebrantis, paululum versus cornu Epistolæ, impingatque sibi Crucem a fronte ad pectus, uti mos est laicis, ad benedictionem Celebrantis.

Data Benedictione surgat, & accedat ad cornu Evangelii, ubi quasi a dextris Subdiaconi super secundum gradum, aliquantulum post ipsum Celebrantem stet se signans, inclinans, & genuflectens cum Celebrante versus librum, quando opus est, ut ad primum Evangelium.

Denique, dicto per Subdiaconum *Deo gratias*, accedat ad cornu Epi-

stolæ a dextris Celebrantis , & in medio Altaris , & facta Cruci inclinatione , descendat in planum , vertens se per eam partem , quæ respicit cornu Evangelii , ubi cum aliis genuflectat , surgat , biretum a Ministro acceptum Celebranti porrigat cum quasi osculo , & suo etiam accepto , redeat eodem modo , & ordine , quo venerat , in Sacristiam , salutans Chorum , ut initio Missæ , si fieri potest , ibique salutata imagine , & etiam Celebrante postea cum inclinatione profunda , eum adjuvet , dum deponit paramenta sua . Acolythi vero ministrent ipsi Diacono , dum exiit se . Tum facta Oratione , lotisque manibus , cum aliis Ministris discedat in pace .

Quando Diaconus diebus per Rubricam Missalis præscriptis , utitur planeta plicata , eam dimittat , cum lecturus est Evangelium (idest priusquam librum Evangeliorum deferat ad Altare) vel eum tum super sinistrum humerum plicet in longum , aut convolutam super stolam complicet : aut loco illius ponat (& hoc est usitatus) super stolam communem , aliam stolam latior-
rem ,

rem, in modum planetæ plicatæ, sicque ministret Celebranti usque ad factam communionem, & manuum abluionem, omnibusque peractis, priusquam Missale deferat ad latus Epistolæ, deposita latiori Stola, resumat planetam plicatam, nec eam deponat amplius.

Diaconus, si absoluta Missa, aliquando sibi opus sit sociare Celebrantem in processionibus, deponere debet Manipulum, etiam in processionibus Corporis Domini, in quibus pauci servant Rubricam.

Servare ne debet Diaconus easdem Ceremonias etiam in Missa solemni pro Defunctis.

Diaconus in Missis Defunctorum, facta Confessione, ascendat ad Altare cum celebrante, ut in aliis Missis solemnibus, & ibidem genuflectat, cum idem Celebrans osculatur Altare: tum accedens ad cornu Epistolæ, eidem Celebranti assistat. Non ministrat incensum, nisi ad oblata, non se signet ad Introitum, nec osculetur ea, quæ porrigit Celebranti, nec illius manum.

Deferat autem de more librum Evangeliorum ad Altare, & circa fi-

nem Tractus, aut Sequentiæ, genuflexus super oram suppedanei, dicat: *Munda cor meum*: statimque accipiens librum de Altari, non petita benedictione, sed facta genuflectione super infimum gradum, præcedentibus Acolythis sine Candela-bris, vadat cum Subdiacono a sinistris ad Evangelium cantandum, ad quod stent omnes eodem modo, quo aliis in Missis.

Dum Celebrans incipit offertorium, Diaconus explicet Corporale delatum cum bursa a Subdiacono simul cum Calice, bursam ad cornu Evangelii collocet, Hostiam supra patenam celebranti porrigat, & vinum more solito ministret; non det patenam Subdiacono; sed statim facta oblatione Hostiæ, eandem patenam ponat aliquantulum subrus corporale, & reliquam partem ipsius Purificatorio, post exteriorem Calicis, cooperiat.

Ad Oblata petens Benedictionem, ministret incensum, & thurificato Altari, solum Celebrantem incenset, & Episcopum, si adsit. Ut celebrans tergat manus, cum debitis reverentiis, & sine osculis, ministret manutergium. Cum celebrans dicat:

cit: *Orate Fratres*, ipse respondeat: *Suscipiat Dominus &c.* Reliqua peragat, ut in aliis Missis, usque dum celebrans dicit: *Et Dimitte nobis &c.* & tunc patenam accipiat ab Altari, & extersam det Celebranti sine osculis. Ad *Agnus Dei* morem gerens Celebrantis non sibi percutiat pectus, neque accipiat pacem, sed eo dicto, & facta genuflectione accedat ad librum, ubi iterum genuflectat, & ministret, ut in aliis Missis.

Post Orationem, dicto a celebrante *Dominus vobiscum* Diaconus stans retro post eundem Celebrantem, non se vertens ad populum, dicat junctis manibus: *Requiescant in pace*, semper in numero plurali, etiam si pro uno tantum celebrata sit Missa. Cætera omnia peragat Diaconus, ut in aliis Missis, exceptis iis, quæ supra diximus.

Ad absolutionem in fine Missæ, si facienda sit, deposito tantum suo manipulo in cornu Epistolæ, adjuvet Celebrantem in eodem cornu Epistolæ exuentem se Planeta, & manipulo, & ei imponat Pluviale. Deinde facta in medio Altaris super

infimum gradum genuflexione a sinistris Celebrantis, una cum illo procedat ad Tumulum a sinistris ejusdem nudo capite, ubi stet aliquantulum retro post eum etiam a sinistris. Dum vero resumitur Resp. *Libera me Domine &c.* sub finem transiens a tergo ad dexteram ipsius Celebrantis, sine genuflexione, una cum Thuriferario, ministret incensum de more, porrigens sine osculis cochlear, dicens tamen *Benedicite Pater Reverende.*

Intonato, & dicto a Celebrante *Pater Noster*, porrigat illi de manu Ministri acceptum aspersorium sine osculis a dextris, & elevans firmariam anteriorem dexteram Pluvialis manu sinistra, facta Altari genuflexione procedat aliquantulum post eum a dextris ejus, dum faciat asperisionem lecticæ, transiensque ante Crucem Processionalem genuflectat, licet Celebrans tantum profunde se inclinet.

Completo circulo receptum aspersorium reddat Ministro, acceptumque Thuribulum tradat etiam Celebranti sine osculis, & eodem modo, quo supra ad asperisionem, comite-
tur

tur illum, & reversus ad pristinum locum, accipiat thuribulum, idque reddat Thuriferario, deinde accipiat librum de manu Ministri, & stans ante faciem Celebrantis, facta ei prius inclinatione debita, paulo tamen a sinistris ejus tenet librum apertum, ex quo dicit versus, & orationem cum suis conclusionibus, quibus dictis recedat, facta Celebranti iterum inclinatione, & clausum librum reddat Acolytho, & statim pergat ad dexteram ejus paululum retro: Et cum celebrans dicendo in fine Vers. *Requiem æternam*, &c. format signum Crucis super lecticam, ipse tantillum elevet anteriorem pluvialis fimbriam, & dicto *Requiescant in pace*, recedat cum aliis incedens a sinistris Celebrantis ordine, quo venerat, in Sacristiam. Ad Exequias etiam, modo fiant post Missam immediate, ministret, & assistat eodem modo.

Quomodo se gerit Diaconus in Processionibus?

In Processionibus communibus Diaconus nudo, vel tecto capite, procedat a sinistris Celebrantis, & ideo non elevet pluviale ejus, quia illud

K 5 non

non elevat, quando Subdiaconus defert Crucem. In aliis vero processionibus solemnibus procedat a dextris, & Subdiaconus a sinistris, ambo elevantes pluviale Celebrantis a parte sua.

In Processione SS. Sacramenti ministret stans a dextris Celebrantis sine osculis, neque benedictionem petat ad incensum. Dum vero Sacramentum thurificatur, genuflexus a dextris Celebrantis, pluvialis fimbriam utraque manu elevet. Porrecturus SS. Sacramentum Celebranti, antequam ex Altari illud accipiat, utroque genuflectat, & postquam tradiderit Celebranti, genuflexus rursus reverenter illud adoret, & feria quinta, & sexta majoris hebdomadae extremitatibus veli Calicem cooperiat.

Dum deferitur Sacramentum, procedat a dextris Celebrantis, sinistra manu fimbriam pluvialis elevans, altera brachium Celebrantis sustentans; feria tamen sexta in Parasceve, quia Celebrans non utitur pluviali, sinistra manu illius brachium sustentet, si commode possit, & altera pedem Calicis teneat, & sic procedens alternatim cum Celebrante, sub-

submissa voce recitet Psalmos, & Hymnos; quod semper observatur in omni Processione SS. Sacramenti.

Cum vero pervenerit ad locum, ubi reponendum est Sacramentum, accepturus Ostensorium, vel Calicem a Celebrante, genuflectat totus super suppedaneum in cornu Epistolæ, ibique accipiat ambabus manibus SS. Sacramentum; tum se erigens, stet aliquantulum ante Celebrantem, ut illud adoret, mox super altare illud deponat, iterum genuflectat, surgensque descendat, & ministret incensum, & adjuvet Celebrantem, dum Sacramentum incensat, ut supra omittens oscula solita.

Ad Orationem genuflexus ad dexteram Celebrantis librum sustineat cum Subdiacono ad sinistram, quem clausum postea reddat Acolytho.

Ad Benedictionem, si danda est, fimbriam pluvialis a parte sua aliquantulum elevet genuflexus super suppedaneum in cornu Epistolæ; reposito tabernaculo cum hostia super Altare a Celebrante post benedictionem surgat, & ipsum intra tabernaculum majus cum consuetis genuflexio-

nibus reponat, clavique obferat ostio-
lum, & factis debitis reverentiis, cum
Celebrante recedat. Vide fusius Diaco-
ni ritus apud Bauldry, Piscaram, Cor-
fettum, & Buongiovanni, ex qui-
bus hæc parva ad litteram habuimus.

De Ritibus, seu Rubricis ge-
neratim in celebratione
Missæ servandis.

C A P U T VI.

*Cum admodum turpe sit, Sacerdo-
tes ignorare ea, quæ circa omnium
Christianarum actionum sacratissimam
scitu sunt necessaria; nam hujusmodi
ignorantia culpa annumeratur; idcir-
co requiro in primis: Quomodo Missa
est celebranda?*

Missa celebranda est cum quin-
que literis *A, B, C, D, E*,
videlicet *Alte, Breviter, Clare, De-
vote, & Exacte*, quæ omnia sic ex-
plicantur.

Alte, ut audiatur; ita tamen, ut
alios in eodem loco tunc temporis
celebrantes non impediat. Cum ve-
ro plures Sacerdotes simul concele-
brant,

brant, temperare vocem debent, ne se invicem perturbent: decet tamen, ut minus dignus, & inferior digniori cedat celebranti, & humiliori voce proferat: at quando sunt æquales, cedat qui in minori Altari, Sacerdoti, qui in majori sacrum facit.

Breviter, ut ultra mediam horam non protrahatur. Doctores vero hic asserunt, quod *qui Missam precipitant, in infernū precipitant*; ideo melius est in Missæ celebratione ad moderatam prolixitatem declinare, quam ad indecentem accelerationem. Sciant isti abbreviatores, duas horas in celebratione primitivæ Ecclesiæ Sacerdotes impendere consuevisse.

Clare, ut omnia verba integre proferantur; ita tamen ut distincte, expediteque legat, ad puncta, & commata brevem aliquam morulam interponat juxta sensum rei, quam legit; non nimis tarde, nec celericursu, sed mediocritatem in omnibus servet, affectationem, & levitatem fugiat; dicat tandem voce quidem nec omnino depresso, neque admodum elevata, vel clamorosa, sed gravi, ac decora, ut circumstantibus devotionem pariat.

De-

Devote, ut sacrificans attendat ad ea, quæ peragit, & dicit; idest ut in se non admittat ullam internam voluntariam distractionem.

Exacte; ut servantur omnia in Rubricis præscripta. In Celebratione enim Missæ non est attendendum quid ab aliis fiat, sed quid faciendum sit.

In celebranda Missa sufficit, si Sacerdos dicat, & recitet mente, quæ secreto sunt dicenda?

Etsi nonnulli, ut Navar. *de hor. can. c. 29. num. 14.* id revocent in dubium, dicantque sibi, speculative loquendo, improbable non videri. Contrarium tamen omnino est statuendum, quod satis confirmant tum Rubricæ Missalis præceptivæ; tum usus, & praxis totius Ecclesiæ proferendi ore, non autem recitandi mente, quæ secreto sunt dicenda.

Sacerdos ita submisso celebrans Missam, ut a circumstantibus non audiatur, est ne jdcirco alicujus culpæ damnandus?

Sacerdos, qui ea submissa voce celebrat, profecto reprehenditur a Navar. quem citat, & sequitur Sa V. *Missæ n. 50.* Quia contrafacit Rubricis, quæ præscribunt, ut exceptis secre.

secreto dicendis, Missa intelligibili, claraque voce dicatur. Sed talem Sacerdotem a peccato excusari, rectius censet Bonac. *de Sacram. disp. 4. q. ult. punt. 11. n. 20.* Quia in jure sive præcepto, audiendi Missam, *audire* accipitur pro interesse; proindeque sufficit, si fideles Missæ devote interfint, quamvis Celebrantem non audiant.

Quid, si Celebrans etiam consecrationis verba tam alte proferat, ut a circumstantibus audiantur?

Si a Ministro Missæ duntaxat Consecrationis verba audiantur, omnino est excusandus. Si ad sex, vel octo passus, venialis gravis; si ad quadraginta passus audiantur, lethalis culpæ damnatur a pluribus Doctoribus cum Gavanto *p. 1. tit. 16. n. 1.* Tum quia agit contra ritum communissimum in actione omnium gravissima. Tum quia præbet occasionem scandalij, & offensionis, quod signanter notari debet a celebrantibus.

Quinam est tonus Missam legendi?

Pluribus tonis legitur Missa, nimirum clara voce, convenienti, vel intelligibili voce, alta voce, mediocri voce, submissa voce, aliquantulum elevata voce, & secreto; Idem tamen

men est *clara*, *convenienti*, & *intelligibili voce*, videlicet voce tali, ut commodè a circumstantibus percipi possit, ut supra diximus *litera C.* Alta voce utitur Cæremoniale pro his, quæ in officio, vel Missa cantari debent: *mediocri vero, submissa, & aliquantulum elevata voce* pro eodem accipienda sunt, idest, ut non interdentes dicatur, nec rursus alte, sed taliter ut a ministris, & aliquibus tantum ex circumstantibus percipi possit. Quod vero secreto dicendum est, ita a Sacerdote intra se recitari debet, ut distinctè quidem, ac labiorum motu proferatur, non tamen a circumstantibus intelligatur.

Clara voce dicuntur omnia in Missis privatis ab initio Missæ usque ad *Aufer a nobis, &c.* exclusive. Item ab Introitu usque ad *Munda cor meum, &c.* exclusive; ab Evangelio usque ad Offertorium inclusive: dicitur tamen *Per Evangelica dicta &c.* secreto. Item Præfatio usque ad *Sanctus* exclusive. Item a *Per omnia &c.* ante Orationem Dominicam usque, & *ne nos inducas in tentationem* inclusive. Item *Per omnia &c. Pax Domini &c. Agnus Dei &c. Antiphona,* quæ

quæ dicitur Communio ; Orationes post Communionem , *Benedicamus Domino*, vel *Ite Missa est*, & *Requiescant in pace* : *Benedicat vos* , & *Evangelium* .

— *Mediocri voce* dicitur finis Præfationis , videlicet cum dicitur , *Sanctus* uno tantum tono deprimendo vocem .

Aliquantulum elevata voce dicuntur inter secreta aliquæ particulæ , ut sunt *Orate Fratres* : *Nobis quoque peccatoribus* , & *Domine non sum dignus* , quæ tantum verba parum elevata voce dici debent, reliqua vero, quæ sequuntur , secreto prosequi oportet . Secreto vero dicuntur reliqua in Missa , quæ submissa voce dicenda sunt .

Semper ea omnia ex libro vel tabella secretorum legi debent , exceptis aliquibus , quæ memoriter sunt dicenda , cujusmodi sunt , ab initio Missæ omnia usque ad Introitum Missæ exclusive ; *Munda cor meum* , &c. *Jube Domine Benedicere* . *Dominus sit in corde meo* , &c. ante Evangelium : *per Evangelica dicta* &c. post Evangelium , *Deus qui humanæ substantiæ* , cum vinum , & aquam infundit in Calicem ; *Lavabo inter innocentes* , &c. in lotionem manuum ; *Panem cele-*

coelestem &c. Domine non sum dignus, &c. Corpus Domini nostri &c. Quid retribuam Domino, &c. Sanguis Domini nostri &c. Quod ore sumpsimus &c. Corpus tuum Domine &c. Benedicat vos omnipotens Deus &c. & quædam alia verba, quæ infra actionem dici debent. Convenit tamen etiam, ut Sacerdos quilibet sciat memoriter ea omnia, quæ ordinarie dicuntur in Missa, ut Gloria in excelsis: Credo: Suscipe Sancte Pater: Offerimus: In spiritu humilitatis: Veni Sanctificator: Suscipe Sancta Trinitas: Canonem: Placeat tibi, & alia; ut melius, & decentius celebret: legere tamen debet semper omnia ad Altare, quantum fieri potest, ne aliquid ei ex memoria decingat.

Missæ non tantum breviter, sed festinanter a Sacerdote peragitur, est ne excusandus?

~ Sacrificium Missæ, regulariter loquendo, rite, & devote vix potest peragi breviori spatio, quam media hora. Propterea Sacerdos, qui ita festinanter celebrat, ac si vel esset a tergo, qui festinare urgeret, vel præmio certandum foret de Missa, ut solet dici, venatoria, intra horæ quadrante-

drantem absolvenda, a culpa gravi non videtur excusari. Ita Molina *in instruct. Sacerdot. tr. 2. cap. 13. sess. 2.* Nec facile quis mihi persuadebit, se communiter cum debita devotione, etsi multis imperfectionibus, intra horæ quadrantem, Sacrum absolvere.

Quid de illo, qui non devote, hoc est sine debita attentione, sed animo divagante peragit Sacrum?

Extra canonem qui voluntarie distrahitur, non est immunis a veniali, quia aliquam irreverentiam admittit. In canone vero, qui diu lubens; & volens mente divagatur, profanas fovendo cogitationes, non vacat culpa mortali. Tum quia in canone continetur essentia Sacrificii. Tum quia evagatio eo temporis est causa errorum circa caeremonias reales, ac verbales, quarum observationem severe urgent Theologi. Vide Tambur. *de exped. Sacrif. lib. 3. c. 3. n. 6. & 8.*

Quæ sunt justæ causæ cœptam Missam vel relinquendi, vel interrompendi?

Sunt sequentes. Prima, si Sacerdos recordetur se non jejunum, vel excommunicatum aut irregularem esse, & Canon nondum cœptus sit, secluso

cluso tamen scandalo, & gravi nota. Secunda, si ante inceptum Canonem superveniat interdictum speciale, vel cessatio a divinis, neque habeatur privilegium januis clausis celebrandi, vel interdictum generale; nec permittatur claudere januas, & interdictos excludere; vel excommunicatus aliquis denunciatus, qui expelli nequeat, potest, immo tenetur a Sacrificio incepto desistere. Tertia, si gravis morbus, vel alia gravis corporis necessitas, quæ sustineri non possit, superveniat, potest Sacrificium inceptum, etiam post consecrationem interrumpi, & morbo, vel necessitate cessante, Sacrificium continuari. In hoc casu constituendus est Clericus, vel vir gravis, qui species consecratas custodiat. Si morbus vero sit diuturnus, ut nequeat Sacrificium inchoatum perfici, debet alius Sacerdos etiam non jejunus, cum jejunus non adsit, substitui, si consecratio facta fuit. Quarta, ob adventum Episcopi, Ducis, vel Processionis populi, quos decet integre Missam audire, neque est alius Sacerdos, qui celebret, potest Missa inchoata, dummodo

modo oblatis nondum facta sit, relinqui, & iterum a principio inchoari.

Quinta, ut post Evangelium fiat prædicatio ad populum, vel propter Ordines conferendos, sicuti usu receptum est. Sunt etiam aliæ, ad quas sciendas remitto lectores ad moralis Theologiæ auctores, cum scientia harum hic parum referat.

Sacerdos debet ne repetere ea, quæ non recordatur se dixisse, quando est jam aliquantulum progressus?

Respondeo cum D. Th. 3. p. 2. q. 83. art. 6. ad. 5. quod licet Sacerdos non recolat se dixisse aliqua eorum, quæ dicere debuit, non tamen debet ex hoc mente perturbari, non enim qui multa dicit, recolit omnia, quæ dixit: nisi forte aliquid in dicendo apprehenderit sub ratione jam dicti; sic enim aliquid efficitur memorabile. Unde si aliquis attente cogitet illud, quod dicit, non tamen cogitet se dicere illud; non multum postea recolit se dixisse; sic enim fit aliquid objectum memoriæ, in quantum accipitur sub ratione præteriti. Unde scrupulosi debent omnino quiescere in hoc, nec repetere, etiam si non recordentur. Si tamen Sa-

cerdoti probabiliter constet se aliqua omisisse, siquidem non sunt de necessitate Sacramenti: non est existimandum, quod propter hoc debeat resumere immutando ordinem Sacrificii, sed debet ulterius procedere. Si vero certificetur se omisisse aliquid eorum, quæ sunt de necessitate Sacramenti scilicet formas consecrationis, cum forma consecrationis sit de necessitate Sacramenti, resumenda est forma saltem sub tacita conditione, & cætera per ordinem recitanda, ne mutetur ordo Sacrificii. Si autem non sunt de necessitate Sacramenti, non resumat, sed procedat ulterius, dummodo vero moraliter commode fieri non possit, ut cum jam aliquantulum progressus est Sacerdos, & in hoc casu Sacerdos omisas preces ex inadvertentia supplere debet in Sacrificia. Si vero dum orat, post pauca verba, ut sine incommodo posset fieri repetitio, certo advertat se aliquid notabile omisisse: v. g. die Paschæ, communicantes, paululum regrediendum est, & repetendum. *Tambur. de expedit. Sacrificii, l. 2. c. 5.*

Qualis Missa dicenda est singulis diebus?

Mis-

Missæ, & officium divinum cujuslibet diei debent concordare, præsertim diebus festis, & Dominicis. Quando vero non est dies festus, nec exceptus, possunt dici Missæ votivæ pro occurrente necessitate. Qua de re fusius infra cap. 7. Vide Barbos. *de offic. & potest. Parochi* cap. 11. n. 25. Dian. p. 4. tr. 4. resol. 39.

Potest ne Sacerdos in loco, ubi celebratur festum, dicere Missam de festo, officium autem juxta præscriptum Kalendarii?

Non facit contra Rubricam id faciendo, & potest in illa Ecclesia dicere Gloria, & Credo, etsi non dicatur extra illam, Vide Arnaud. 3. part. tit. 10. n. 20. & fusius Gavant. 3. p. tit. 10. n. 15.

In festo duplici est ne liberum Sacerdoti celebrare Missam de Requiem?

Olim Missæ de Requiem tolerari poterant in festo duplici pro implenda testatorum voluntate, & ita censuisse Sacram Congregationem die 1 Septemb. 1607. & 20. Junii 1627. refert Barbos. *de offic. & potest. Paroch.* cap. 11. num. 26.

Hodie vero Missæ de Requiem privatae

vatae in festo duplici, etiam si non sit de praecepto, non possunt dici, neque pro implenda testatorum voluntate, ut patet ex sequenti decreto novissime a Sacra Congregatione iussu Alexandri VII. die 5. Augusti 1662. edito, ejus, qui sequitur, tenoris.

Cum Sanctissimus Dominus noster in visitatione Ecclesiarum Urbis, acceperit in plerisque Ecclesiis abusum irrepsisse celebrandi Missas privatas pro Defunctis etiam in festis duplicibus, contra praescriptum Rubricarum Missalis Romani; eundemque abusum decreto Congregationis eliminari praeceperit. Innotuerit vero Sacrorum Rituum Congreg. hujusmodi abusum in aliis Ecclesiis ubique gentium existentibus inducitur pariter irrepsisse. Sacra eadem Congregatio, ut Missalis Rubrica inviolatae servantur, districte praecipit omnibus, & singulis Sacerdotibus, tam secularibus, quam regularibus cujusvis ordinis, Congregationis, Societatis, & Instituti etiam necessario exprimendi, ut imposterum omnino dictam Rubricam servant, ita ut Missas privatas pro defunctis, seu de Requiem, in duplicibus nullatenus celebrare audeant,

deant, vel præsumant. Quod si ex benefactorum præscripto Missæ hujusmodi celebranda incidant in Festum duplex, tunc minime transferantur in aliam diem impeditam, ne dilatio Animabus suffragia expectantibus detrimento sit, sed dicatur de Festo currenti cum applicatione Sacrificiæ juxta mentem eorundem benefactorum. Curentque Ecclesiarum Rectores, Sacristæ, aliique, ad quos pertinet, ut hujusmodi decretum inviolabiliter servetur, & in Sacristia affixum retineatur, scilicet ubi commodè ab omnibus celebrare volentibus conspici, & legi possit. In eos autem, qui contra facere ausi fuerint, vel præmissa adimplere neglexerint, locorum Ordinarii tum seculares, tum regulares, pro modo culpæ animadvertant.

Die 5. Augusti 1662.

Jo. Episc. Sabinen. Card. Sacchetus.

Quod decretum ut firmiter permaneret, faciliusque in observationem deduceretur, Sanctiss. D. N. Clem. IX. alio decreto emanato die 23. Sept. 1669. declaravit, ut Missæ, quæ de festo duplici currente celebrantur in Altari privilegiato, animabus in Purgatorio existentibus ita prosint, & suffragentur, ac si Missæ illæ de Requiem, vel Defunctorum jux-

ta formam privilegiorum celebratæ fuissent. Cujus declarationis Sacerdotes tam Sæculares, quam Regulares memores esse debent.

Si insepultum, & in Ecclesia præsens sit corpus, possunt ne in Festis duplicibus dici Missæ de Requiem, non obstante prædicto decreto?

Tali casu etiam in Festis de præcepto, & Dominicis diebus, possunt dici Missæ de *Requiem*, ubi est consuetudo sepeliendi defunctos simul cum Missa. Ita declarasse Sacram Rituum Congregationem die 23. Maii 1603. refert Barbof. *loc. cit. n. 25.*

Ufus tamen, & consuetudo pluribus in locis, & potissimum hic Venetiis recepta, interpretatur mentem Sacræ Congregationis esse, ut eo casu Missa tantum sollemnis cantetur de *Requiem*, reliquæ dicantur de Festo currente, sine Oratione funebri. Siquidem in Missis spectatur principalis fructus ex opere operato, qui idem est singulis.

DE
MISSIS VOTIVIS
CAPUT VII.

*Quibus diebus permittuntur
Missæ votivæ?*

Missæ votivæ nuncupantur, quæ pro voluntate, & desiderio dicuntur. Voluntas tamen debet esse prudens, & non irrationalis, puta, ut Sacerdos breviorē celebret Missam. Gavant. *de Missis Votivis part. 1. tit. 4.*

Missæ itaque votivæ private non possunt dici, quando officium est duplex, nec in Dominicis, ex nova rubrica in recognitione Missalis (quod intelligendum est de die Dominico, non de officio Dominicæ) nec infra octavas Epiphaniæ, Paschæ & Pentecostes, nec in majori hebdomada, nec feria quarta Cinerum, nec in Vigilia Nativitatis Domini, & Pentecostes. Ita declaravit Sacra Rituum Congregatio 28. Augusti 1627.

Prædictis octavis, in quibus non possunt celebrari Missæ votivæ, Sanctissimus D. N. Clemens X. decreto suo novissimo Romæ edito die
L 2 13. Se-

13. *Septemb.* 1670. addidit octavam Corporis Christi; & sic infra illam octavam prohibitæ manent, Missæ votivæ quæcumque.

Hiscæ diebus, & octavis exceptis Missæ votivæ possunt dici pro occurrente necessitate, vel celebrantis voluntate. Gavan. *loc. cit.* Barbof. *cit. cap. 11. num. 25.*

Objeçtio: *Sacerdos tenetur recitare Officium, quod pro unoquoque die in Kalendario præscribitur; ergo etiam celebrare Missam, quæ pro unoquoque die in eodem Kalendario notatur. Ergo non potest pro sua voluntate Missas votivas dicere vel de Requiem?*

R. Non est par ratio. Quia Sacerdos ex vi Sacræ Ordinationis obligatur quotidie ad recitationem Divini officii, illudque recitare tenetur, prout unoquoque die in proprio Kalendario præscribitur. Ad celebrandam vero Missam quotidie non obligatur Sacerdos ex vi suæ ordinationis, sed ter, vel quater dumtaxat in solemnioribus, ut supra dictum est de *Presbyteratus ordine*. Ideoque potest dicere Missas votivas, vel de *Requiem*, quoties hæ non sunt prohibitæ a Sacra Rituum Congregatione.

In

In Missis votivis privatis, exceptis assignatis in Rubrica, non dicitur Hymnus Angelicus, nec *Credo*, neque legitur Evangelium Feriæ, neque currentis Festi in fine Missæ, etiamsi sit tempus Paschale, aut infra octavas, vel celebrentur in Ecclesia propria.

In Missis votivis Beatæ Virginis excepta ea, quæ juxta Missalis Rubricas dicitur Sabbato, numquam dicitur *Gloria in excelsis*, & *Credo*, etiamsi in Altari, vel Ecclesia Beatæ Virgini dicatis celebretur.

Missæ de Spiritu Sancto, de B. Virgine, & pro Defunctis, quæ imponuntur Presbyteris, post celebrationem primæ eorum Missæ celebrandæ, sequuntur leges Missarum votivarum; ideoque non possunt dici iis diebus, quibus prohibentur Missæ votivæ; in eisdemque debet omitti *Gloria*, & *Credo*: & pro Defunctis dicitur Missa quotidiana cum tribus Orationibus.

Infra Octavam B. Virginis non convenit dicere Missam votivam de eadem, sed si sit officium de octava B. Virginis, dicitur Missa Festi conveniens officio cum *Gloria*, & *Credo*; si vero sit Officium de Sancto, dicitur

Missæ de octava B. Virginis, sub ritu votivo, hoc est, sine *Gloria*, & *Credo*. Idem observandum est etiam infra octavas Sanctorum.

Cum a laicis petitur Missæ votivæ de Assumptione B. Virginis, de Nativitate ejusdem, & ejusmodi; dici potest Missæ de B. Virgine ex quinque votivis pro diversitate temporum accommodatis, ad honorem Assumptionis, vel Nativitatis, sicuti monet Gavantus *tom. 1. p. 4. tit. 17. n. 8.* Alioquin valde dedeceret audire: *Gaudemus, &c. diem festum celebrantes*; vel mutare diem festum in commemorationem. Neque enim ex indiscreta laicorum devotione violandæ sunt Rubricæ.

De Ritibus a Sacerdote tota actione Missæ servandis.

C A P U T VIII.

Complettere caeremonias a Sacerdote in peragendo Sacro servandas.

Cæremonia est vox græca, & significat ritum, modum, seu circumstantiam Sacrificii.

Sa-

Sacerdos igitur celebraturus, si confessione indigeret, confiteri debet, antequam vestiatur indumenta sacerdotalia, quæ si enormiter sint immunda, peccat mortaliter, cum eis celebrando. Confessio vero facienda est, nisi quotidie, saltem frequenter, quamvis lethalia peccata non habeantur. Matutino cum laudibus saltem absoluto accedat ad locum in Sacristia, ubi orationi aliquantulum vacet; & Orationes in Tabella positas dicat pro temporis opportunitate; advertat vero, Orationes privilegiatas. *Ego volo celebrare Missam, &c. & Gaudium cum pace &c.* numquam omittendas esse, sicut pium est, ultra commune *Memento vivorum, & mortuorum*, adhuc facere particularem commemorationem, imo etiam individualem applicationem Sacrificii, quod intendit offerre. Peracta præparatione, & habita ex Kalendario cognitione ordinandi Missam, accipiat Missale, prælegat Missam, sicut solebat Angelicus Doctor S. Thomas: tum ut Indulgentias a summis Pontificibus concessas lucretur, tum ne adstantes tædio Missam ad Altare quærendo, & scandalo eam

male lætando afficiat, & denique ut opportuna, vel necessaria mutationi, vel rectæ celebrationi provideat, & signacula ordinet ad ea quæ dicturus est. Postea lavet manus dicens: *Da Domine*, &c. Deinde præparet Calicem, super cuius os ponat purificatorium mundum, & super illud, Patenam cum Hostia integra, quam leviter extergat, opus sit, a fragmentis, & eam tegat parva palla lineæ, tum velo serico, super velo ponat bursam, ita ut ejus pars aperta respiciat Celebrantem, intra quam omnino includat Corporale, quod extra Bursam deferre non licet. Accommodato Calice, super quem nihil ponat, velum super Bursam, ab anteriori parte, revolvat; sed si perspicillis utatur, ponat super Bursam, & tegat velo, quod super ipsam plicat.

Induens se Sacerdos sacris vestibus, orationes, quæ dicuntur ad singula paramenta, voce omnino submissa dicat. Osculetur Cruces, ubi adsunt, in honorem Sanctæ Crucis. Accipiens Amictum circa extremitates, & chordulas, osculetur illud in medio, ubi est Crux, omisso signo

gno Crucis, quam aliqui sibi faciunt manu, & amictu simul, quod est contra Rubricam, & ponat super caput, & mox declinet ad collum, & eo vestium collaria circumtegens, ducat chordulas sub brachiis, & circumducens per dorsum, ante pectus reducat, & liget. Tum albam induat, caput submittens, deinde manicam dexteram brachio dextero, & sinistram sinistro imponens; si vero ab alio accipiat, caput submittat junctis manibus. Albam ipsam corpori adaptet ante, & a lateribus hinc inde, & cingulo per Ministrum a tergo sibi porrecto, se cingat. Minister eleuet Albam super cingulum circumcirca, ut honeste dependeat, & tegat vestes; ac ejus fimbrias diligenter aptet, ut ad latitudinem digiti, vel circiter super terram æqualiter fluat. Sacerdos accipiens manipulum osculetur Crucem in medio, & imponat brachio sinistro, ac liget infra cubitum, non supra, nec longius a manu. Deinde ambabus manibus accipiens stolam simili modo deosculetur, & imponat medium ejus collo, ita, ut non sit longe a collo,

L 5 & ut

& ut a Planeta, quæ super imponenda est, tegatur, ac transverfando eam ante pectus in modum Crucis, ducat partem a sinistro humero pendentem ad dextram, & partem a dextro humero pendentem ad sinistram. Sicque utramque partem stolæ extremitatibus cinguli, hinc inde ipsi cingulo jungat. Postremo Sacerdos accipiat planetam, quam firmet ante pectus aliquo ligamine ab intus posito.

Sacerdos omnibus paramentis indutus salutet alios Sacerdotes aperto capite, & capite cooperto accipiat manu sinistra Calicem per nodum, quem portet elevatum ante pectus, bursam manu dextra super Calicem tenens extensa, ac facta profunda reverentia Cruci, vel imagini principali in Sacristia positæ, capite cooperto accedat ad Altare. Procedat autem oculis demissis, incessu gravi, erecto corpore, neminem salutet, aut resalutet aperto capite, sed tantum Prælati, & Magnatibus caput inclinet. Idem faciat, cum transit per medium Chori, ubi adsit Clerus, vel ante illum. Si vero obvium habeat alium Sacerdotem redeuntem
ab

ab Altari, sequens viam suam a latere suo dextro cum capitis cooperti inclinatione saluter. Si vero transeat ante Altare majus in quo non sit SS. Sacramentum, capite cooperto inclinetur, sed non profunde. Si ante Altare, ubi sit Sacramentum in Tabernaculo inclusum, genuflectat unico genu, sed caput non aperiat. Si vero ante Altare ubi sit expositum Sacramentum, vel post Consecrationem, vel ubi ministretur, genuflectat unico genu, capite detecto. Si ante Altare, ubi elevetur Sacramentum, utroque genu flectat detecto capite, usque ad depositionem Calicis super Corporale. In his casibus tamen caput non detegat, nisi prius genuflexus, & illud tegat, antequam surgat, caute se gerens, dum amovet manum dextram ad detegendum caput, ne aliquid de Calice cadat. Si denique transeat ante Altare, in quo sit exposita solemniter insignis Reliquia Sancti, de quo sit festum ibidem, antiquia in magno honore est apud populum, detecto capite illi profunde inclinetur. Insignis Reliquia est caput, brachium, crus, vel pars, in

L 6 qua

qua passus est Martyr, modo sit approbata, integra, & non parva.

Sacerdos, cum pervenerit ad Altare, stans ante illius infimum gradum, caput detegat, biretum Ministro porrigat, & Altari, seu Imagini Crucifixi desuper positæ, profunde inclinet. Si autem in eo sit Tabernaculum SS. Sacramenti unico genu flectat super infimum gradum. Tunc ascendens ad medium Altaris, sistat Calicem ad cornu Evangelii, extrahat Corporale manu dextra de bursa, quod extendat in medio Altaris, & si sit Crux acu picta in ora ejus, ponat ad anteriorem partem Altaris, ut illam osculetur, & ora ipsius Corporalis oram Altaris tangat, & super illud Calicem velo undequaque coopertum, aut saltem contegat partem anteriorem, si velum sit nimis breve: bursam autem ponat manu sinistra ad cornu Evangelii, ita ut non deturpetur liquecente cera, parte ejus aperta respiciente medium Altaris, dummodo imagines in ea fortasse depictæ, capite inverso non ponantur. Si sit consecraturus plures particulas pro communione facienda, quæ ob quantitatem

tem super patena manere non possint, locet eas in aliquo Calice consecrato, vel Pyxide, ponat eas retro post Calicem, & alia patena, aut proprio operculo Pyxidis cooperiat. Collocato Calice in Altari, & facta inclinatione Cruci, accedat ad cornu Epistolæ, aperiat Missale per se, reperiatur Missam, & signacula suis locis accommodet, ac ita illud locet, ut pars inferior Altare tangat, & superior pulvino adhæreat. Deinde rediens ad medium Altaris manibus junctis, facta primum Cruci reverentia, retrahat se aliquantulum ad cornu Evangelii, ne directe terga vertat Cruci, & vertens se ad cornu Epistolæ, descendat post infimum gradum Altaris. Vadens ad cornu Epistolæ, vel Evangelii, & rediens ad medium Altaris, sive aliquo alio modo se movens, semper procedat manibus junctis. Si autem perspicillis utatur, ponat super Altare loco congruo, numquam vero super Corporale, deponens eos in utraque consecratione.

Sacerdos, cum primum descenderit ad infimum gradum Altaris, convertat se ad ipsum Altare, ubi stans
in

in medio, junctis manibus ante pectus, extensis & junctis pariter digitis, quorum extremitates neque terram, neque faciem directe respiciant, sed sint per gestum naturalem mediocriter elatæ, & pollice dextero super sinistrum posito in modum Crucis, (quod semper servetur, quando junguntur manus, præterquam post consecrationem) detecto capite facta prius Cruci, vel Altari profunda reverentia, vel, si in eo sit Tabernaculum SS. Sacramenti, facta genuflexione, erectus incipiat Missam. Si facta debita reverentia, sed nondum inchoato, *In Nomine Patris*, elevetur Sacramentum in Altari vicino, tunc genibus flexis super infimum gradum illud adoret, nec surgat, nisi post depositum Calicem. Si vero elevetur, quando ad Altare accommodat Calicem, vel reperit Missam, perficiat quæ facienda sunt, & postea descendens genuflectat, si tempus suppetat.

Stans igitur Celebrans ante infimum gradum Altaris, producat manu dextra a fronte ad pectus signum Crucis, manu sinistra infra pectus su-

supra cingulum posita, dicat intelligibili voce: *In Nomine Patris &c.* Et postquam id dixerit, non advertat quemcumque in alio Altari Celebrantem, etiam si Sacramentum elevetur, sed continue proseguatur Missam suam usque ad finem.

Cum seipsum signat semper sinistram ponat infra pectus, & post signum Crucis jungat manus, quod est intelligendum, si ea, quæ signum Crucis sequuntur, dicenda sint manibus junctis; in aliis benedictionibus cum est ad Altare, & benedicit oblata, vel aliquid aliud, ponat eam super Altare, nisi aliter notetur. Signum Crucis supra res, quæ benedicuntur, formetur non per quatuor puncta, sed per duas lineas non excedentes mensuram palmi communis manus, alteram rectam, & alteram transversam, digitis simul junctis, & manu prorsus in utraque linea extensa, & recta. Seipsum benedicens vertat ad se palmam manus dexteræ, & omnibus illis digitis junctis, & extensis, a fronte ad pectus, & ab humero sinistro ad
dex-

dextrum, signum Crucis formet. Si vero alios, vel rem aliquam benedicit, parvum digitum vertat ei cui benedicit; ac benedicendo, totam manum dexteram extendat, omnibus illius digitis pariter junctis extensis, quod in omni benedictione observetur.

Postquam dixerit: *In Nomine Patris, &c.* stans erectus, junctis manibus, pronunciet clara voce antiphonam: *Introibo ad Altare Dei*, & prosequatur alternatim cum Ministro Psalmum: *Judica me Deus*, usque ad finem cum: *Gloria Patri*, ad cujus *Gloria Patri* prolationem Cruci caput inclinet; quo finito repetat antiphonam: *Introibo &c.* Ad verba: *Adjutorium nostrum &c.* faciat sibi dextera manu Crucem a fronte ad pectus, deinde profunde Altari inclinat, manibus junctis dicat confessionem, percutiendo ter ad verba: *mea culpa*, pectus digitis dexteræ simul junctis, ac clausis in extremitatibus, sinistra infra pectus posita, non se vertens ad Ministrum, cum dicit: *Vobis fratres, & Vos fratres, & Misereatur vestri*. Eodem modo maneat inclinatus, donec a Ministro dictum sit:

fit: *Misereatur*, in cuius fine Sacerdos respondeat: *Amen*. Incepto a Ministro *Confiteor*, se erigat, quo finito Celebrans stans erectus dicat: *Misereatur vestri &c.* Deinde producens manu dextera a fronte ad pectus signum Crucis, dicat: *Indulgentiam &c.* & stans minus inclinatus, quam ad *Confiteor*, junctis manibus prosequatur: *Deus tu conversus*, & quæ sequuntur in ordine Missæ, clara voce ad Orationem: *Aufer a nobis &c.* Dicens: *Oremus* eadem voce, & inclinatione, extendat manus ad latitudinem corporis, non ultra, & statim jungat, non autem elevet.

Dum dicit: *Aufer a nobis &c.* Celebrans junctis manibus ascendat ad medium Altaris, & ibi inclinatus (ut vero apte se inclinet, aut genuflectat, paululum retrocedat ab Altari: idem faciat ad ipsum osculandum, ut possit osculari in medio, non ad latera; manibusque item junctis super ea positis, ita ut digiti parvi ab aliis non disjuncti dumtaxat frontem, seu medium anterioris partis tabulæ, seu mensæ Altaris tangant, residuo manuum inter Altare, & se retento, pollice dextro super sinistrum in
mo-

modum Crucis posito : quæ omnia semper observentur, cum manus junctæ super Altare ponuntur) secreto dicat : *Oramus te, Domine, &c.* & cum dicit : *quorum Reliquia hic sunt*, osculetur Altare in medio, manibus extensis æqualiter hinc inde super eo positis, quæ manus extensæ ante consecrationem, sive ad osculandum, sive alia de causa, ponantur supra Altare extra Corporale, nisi Corporale sit adeo magnum, ut gestus fieret inconcinnus; quod semper servetur, quando osculatur Altare : se post consecrationem pollices ab indicibus non disjungantur.

Osculato Altari, accedat ad cornu Epistolæ, absque nova inclinatione, ubi stans versus Altare, & impingens sibi signum Crucis e fronte ad pectus, incipiat introitum Missæ, & prosequatur junctis manibus. Cum dicit : *Gloria Patri*, junctis manibus, Cruci caput inclinet, & repetat introitum, omisso Crucis signo. Repetito introitu accedat junctis manibus ante pectus ad medium Altaris, ubi stans caput Cruci inclinet, deinde, & non prius, incipiat similiter manibus junctis : ter : *Kyrie eleison*,
ter :

ter: *Christe eleison*, & iterum ter: *Kyrie eleison* alternatim cum Ministro. Quoties Sacerdos accedit ad medium Altaris, vel ab eo recedit, aut transit per ipsum, caput Cruci inclinet, nisi paulo ante recessum, vel paulo post accessum, inclinatio præscribatur a Rubrica. Dicto ultimo *Kyrie eleison*, Sacerdos stans in medio Altaris, & manus extendens ad *Gloria*, elevansque usque ad humeros ad *In excelsis*, (quod in omni manu elevatione observetur) ad *Deo* junges manus, & caput Cruci inclinans, dicat, si dicendus est, Hymnum Angelicum, capite erecto stans junctis manibus ante pectus, prosequatur usque ad finem. Dicens: *Adoramus te: Gratias agimus tibi: Jesu Christe: Suscipe deprecationem nostram*, & iterum *Jesu Christe*, Cruci caput inclinet. Dicens in fine: *Cum Sancto Spiritu*, se signet signo Crucis, & in verbo *Amen* jungat manus.

Dicto Hymno Angelico, vel, si non sit dicendus, eo omisso, celebrans osculetur Altare in medio, manibus hinc inde super eo, ut supra; extensis, tum illis ante pectus junctis,

Etis & demissis ad terram oculis, vertat se toto corpore a sinistro latere Altaris, quod est dextrum ipsius celebrantis, ad populum, & extendens, ac jungens manus ante pectus, ut prius, dicat: *Dominus vobiscum*; quo dicto, junctis manibus redeat per eandem viam ad librum, ubi eas extendens, & jungens ante pectus, caputque Cruci inclinans, dicat: *Oremus*. Deinde manus extendens ante pectus, ita, ut palma unius manus respiciat alteram, & digitis simul junctis, quorum summitas humerorum altitudinem, distantiamque non excedat, (quod in omni extensione manuum ante pectus servetur) dicat Orationem. Dicens; *Per Dominum nostrum*, jungat manus, easque junctas teneat usque ad finem, nisi dicendæ sint plures Orationes; nam hoc casu post manuum junctionem, & capitis inclinationem versus Crucem, potest reperiri alia Oratio, antequam terminetur conclusio, & ita servetur in praxi. Si aliter concludatur Oratio: *Qui tecum*, vel *Qui vivis*, dicens: *in unitate*, jungat manus, & nullo modo inclinet caput, nec se convertat ad Crucem.

cem . Ad solum nomen *Jesus* , caput inclinet versus Crucem , sed cum nominetur in Evangelio , versus librum . Ad nomen *Mariae* ubicumque nominetur , inclinet caput non Cruci , nisi sit in medio Altaris ; sed ad nomen aliorum Sanctorum , solum quando nominantur in Oratione , in Canone , dummodo vero de istis dicatur Missa , vel fiat commemoratio . Ad nomen Papae viventis caput inclinet etiam in canone versus librum , non Crucem . Quando folium Missalis vertendum , detegendus , vel tegendus , Calix , aut quid simile agendum est , Celebrans una manu id faciat , altera non suspensa in aere , sed vel super librum , aut super Altare posita , vel pectori admota . In Oratione *A cunctis* litera *N.* exigit nomen Patroni , seu Titularis , qui si esset *S. Michael* , vel similis , vel *S. Joannes Baptista* , nominetur ante Apostolos . Quod si dicatur Missa de Patrono , vel fuerit nominatus ante Apostolos , nominetur Compatronus , si adsit , alioquin alius Sanctus ad libitum . In quatuor Temporibus , vel alias quando dicendae sunt plures Orationes

nes cum propriis, dicto *Kyrie eleison* in medio Altaris, facta prius Crucis reverentia, redeat ad cornu Epistolæ, ubi stans ante librum, extensis, & junctis ante pectus manibus, & caput Cruci inclinans, dicat: *Oremus, Flectamus genua*, & illico manibus super Altare extensis, ut seipsum ad Altare sustineat, genuflectat, & sine mora surgens, eadem voce Ministro respondente *Levate*, manibus extensis, dicat *Orationem*, ut supra, & in conclusione eas jungat. Dum autem legit prophetias, teneat manus hinc inde positas super librum, vel Altare. Toties, quoties se convertit ad populum, caveat, ne caput inclinet versus populum, vel a tergo innitatur Altari.

Dictis orationibus, Celebrans positis super librum, vel super Altare manibus, ita ut palmæ librum tangant, vel, ut placuerit librum teneans, legat Epistolam, & similiter stans eodem modo, prosequatur Graduale, *Alleluja*, & Tractum, ac Sequentiam, si dicenda sint. Quibus dictis, dum Minister portat librum, redeat ad medium Altaris, ibique

que stans junctis manibus ante pectus, non super Altare, levatisque ad Deum oculis, & statim demissis, tum profunde se inclinans, dicat secreto: *Munda cor meum, & Jube Domine benedicere, Dominus sit in corde meo, &c.* ut in ordinario. Quibus dictis, ad librum Missalis vadat, & locet illud ita, ut posterior pars libri respiciat ipsum cornu Altaris, & non ad parietem, sive ad partem ejus contra se directam, ubi stans versus illum junctis manibus ante pectus, dicat: *Dominus Vobiscum.* Deinde pollicis pulpa dextere manus signo Crucis signat, primo librum super principio Evangelii, quod est lecturus, sinistra posita super eum, postea seipsum in fronte, ore, & pectore, sinistra posita infra pectus, dicens: *Sequentia vel Initium Sancti Evangelii.* Tum junctis iterum manibus ante pectus, stans ut supra, prosequatur Evangelium usque ad finem. Si legendo Evangelium occurrat genuflectere, vel inclinare, genua: stat, & se inclinet versus librum. Quo finito Sacerdos parum- per elevans librum, & inclinans aliquantulum caput, osculetur il-
lam

lum in Evangelii principio dicens : *Per Evangelica dicta , &c.* Deinde eundem super cussinum depositum locet juxta Corporale , ut facilius ex eo legere possit Offertorium , & ea , quæ dicenda sunt in medio. Dominica palmarum , & feriis tertia , & quarta , lecta Epistola cum Graduali ac Tractu Sacerdos accedat ad medium , donec per Ministrum transferatur liber , nihil interim dicens , sed ubi fuerit liber translatus , convertens se ad cornu Evangelii , non signando seipsum , neque librum , immediate incipiat : *Passio Domini nostri , &c.* & continuo prosequatur verba Evangelii , inclinans se , cum profertur sanctum nomen *Jesu* , versus librum , & cum perventus fuerit ad illa verba : *Jesus autem exclamans voce magna emisit Spiritum* , genuflectat utroque genu versus librum junctis manibus , ac capite humiliter declinato , ubi per spatium *Pater noster* sub silentio contemplato mysterio , facto prius signo , manu super Altare , ipse surgat , & eodem modo prosequatur legendo reliqua usque ad illam partem , quæ dicitur in tono Evan-

Evangelii. Antequam legat partem illam, quæ in tono Evangelii dicitur, accedens ad medium Altaris more solito inclinatus, ac manibus junctis ante pectus dicat: *Munda cor meum, &c. & Jube, Domine, benedicere, Dominus sit, &c.* quibus dictis rursus ad librum rediens non signando librum, neque seipsum, quæ sequuntur in tono Evangelii prosequatur usque in finem.

Dicto Evangelio, si dicendum sit Symbolum, stans in medio Altaris versus Crucem, elevans, & extendens manus, non vero caput, aut oculos, incipiat *Credo*: dicens *in unum Deum*, jungat manus, & caput Cruci inclinet, quo erecto stans ibidem junctis ante pectus manibus, ut prius, prosequatur usque ad finem. Dicens *Jesum Christum*, caput Cruci inclinet. Dicens *Et incarnatus est*, usque ad *Et Homo Factus est* inclusive dextrum genuflectat, tenens manus hinc inde super Altare extensas, & erectus capite, & reliquo corpore non extendat extra Altaris planum crus, neque accipiat anteriorem partem planetæ præ manibus, illam elevando, dum genuflectit. (Hic mo-

M

dus

duſ obſervari debet in omnibus genuflexionibus). Caput Cruci inclinet ad verbum *ſimul adoratur*, ſed non ad illud ſequens *Conglorificatur*. Dicens *Et vitam venturi ſaculi*, ſignet ſeipſum ſigno Crucis, & ad verbum: *Amen*, jungat manus.

Dicto Symbolo, vel ſi non ſit dicendum, poſt Evangelium celebrans osculetur Altare in medio, & junctis manibus ante pectus, ibidem, a manu ſiniſtra Altaris ad dextram (ut dictum eſt ſupra) vertat ſe ad populum, & extendens, ac jungens manus, demiſſis oculis ad terram dicat: *Dominus Vobiscum*, & junctis manibus revertatur per eandem viam ad medium Altaris, ubi extendens, & jungens manus, caputque Cruci inclinans, dicat *Oremus*: tum junctis, ut prius, manibus, ſtans ibidem in medio, dicat Offertorium.

Dicto Offertorio, diſcooperiat Calicem, dum adhuc eſt ſuper corporale, velo tantum amoto, quod plicatum reponat extra Corporale prope tabelam ſecretarum in cornu Epistolæ, & manu dextera ſiſtat eundem Calicem ad cornu Epistolæ extra Corporale, ſiniſtra interim poſita ſuper Altare

tare ex parte Evangelii pariter extra Corporale, amotaque palla, tegente Hostiam eadem dextera, accipiat digitis pollice, indice, & medio ipsius manus patenam cum Hostia, & utraque manu eam tenens elevatam ante pectus, oculis ad Deum elevatis, & statim demissis in Hostiam, dicat: *Suscipe Sancte Pater &c.* Quibus finitis, & non antea, faciat signum Crucis cum Patena per lineas æquales, non per puncta, nec Corporale tangat, & deponat e Patena per anteriorem partem Hostiam, distantem ab extremitate Altaris, palmo circiter, & Patenam ad manum dexteram aliquantulum subtus Corporale, quam exterso Calice omni ex parte cooperiat purificatorio

Si plures sint Hostiæ, idest particulæ consecrandæ in Calice, aut in Pyxide, Sacerdos dextera discooperiat eam, antequam accipiat patenam, imo antequam pallam amoveat a Patena, eamdemque collocet in medio Corporalis, inter locum Calicis, & Tabellam Secretarum, & ad eam offerendam, absque eo quod elevet, dirigat suam intentionem. Facta autem oblatione Hostiæ, ante-

quam accipiat Calicem , eandem cooperiat , & ponat prope Tabellam Secretarum in medio super Corporale . Si particulæ consecrandæ sint super eandem patenam , eo quod non sunt in magno numero , offerat una cum Hostia , qua deposita , ponat eas a parte Evangelii super Corporale , e regione majoris Hostiæ , aliquantulum ab ea distantes .

Antequam accedat ad cornu Epistolæ , faciat reverentiam Cruci manibus junctis , in quo cornu accipiat Calicem sinistra , & purificatorio exergat dextra capto , & statim posito purificatorio inter digitos sinistra , qua tenens per nodum Calicem admotum prope ampullas , & parumper inclinatam , ne guttæ cadant super mappam Altaris , accipiat de manu Ministri ampullam vini , ex qua vinum in parva quantitate infundat in Calicem . Deinde eodem modo tenens Calicem , profucat dextera signum Crucis super ampullam aquæ , dicens interim : *Deus qui humana substantia* , &c. & capta dextera manu ampulla , infundat duas , aut tres guttas aquæ in Calicem : ad verba : *Da nobis per hujus aqua* &c. quæ di-

cat usque ad finem, inclinet cruci caput, dicendo: *Jesu Christus*. Si guttæ vini, & aquæ dispersæ appareant intra Calicem, purificatorio abstergantur, & post abstersionem prædictam patenam secundum partem non coopertam cooperiat purificatorio duplicato.

Imposita aqua in Calice, deponat manu sinistra Calicem prope Corporale, deinde accedat ad medium Altaris, manibus junctis, & facta cruci reverentia, accipiat Calicem manu dextera, & stans ante medium Altaris, utraque manu tenens illum elevatum, videlicet sinistra pedem, dextra nodum infra cuppam, ita ut summitas Calicis non excedat oculos, neque sit infra os, intentis ad Deum oculis offerat, dicens: *Offerimus tibi, Domine, &c.* qua Oratione dicta, & non prius, faciat signum Crucis cum Calice super Corporale, sed illud non tangat, & ipsum in medio post Hostiam collocet, ab ea distantem per spatium alterius Hostiæ, & palla cooperiat, interim tenens illum manu sinistra per pedis oram, quod observandum est, quoties cooperiendus, aut discooperiendus

est Calix, ad vitandum periculum revolutionis, aut manu, aut anima faciendæ.

Deinde junctis manibus super Altare positis more solito, & supra dicto, aliquantulum inclinatus, dicat secreto: *In Spiritu humilitatis &c.* Postea erectus, elevans oculos, manusque expandens, & statim jungens ante pectus (quod semper facit, quando aliquid est benedicturus. Quam Rubricam ita commentatur Bauldry: illa elevatio intelligitur manibus tantum, non de oculis, qui post consecrationem sunt potius defigendi in Hostiam consecratam; & item illa junctio manuum intelligitur, quando utraque manus est libera, nec altera earum est occupata, cum eam tenet, seu Calicem, quod accidit paulo ante eorum consecrationem: neque enim debet deponi hostia, vel Calix in eo casu, ut manus jungantur ad benedictionem faciendam) dicat *Veni Sanctificator, &c.* Dicens: Et benedic, signet manu dextera communiter super Hostiam, & Calicem, sinistra posita super Altare. Signum Crucis fiat per duas lineas, non per quatuor puncta, & utraque linea æqualiter alta fiat

fiat a Calice ad Hostiam, non deprimendo manum, & linea transversa ducatur prope oram anteriorem Pallæ, quæ media esse solet inter Calicem, & Hostiam, & ut servetur dicta æqualitas, prima linea inchoetur a medio Pallæ, & utraque Crucis linea non excedat mensuram palmi communis manus; & pars transversa Crucis fiat manu recta: interim sinistra teneatur extensa super Altare, nisi Corporale sit adeo magnum, ut gestus fieret inconcinnus, quia tunc teneatur super Corporale; post consecrationem vero omnino teneatur super illud.

Postquam benedixit oblata, antequam accedat ad cornu Epistolæ, caput Cruci inclinet, quæ reverentia opportune accidit, dum dicitur: *Tuo Sancto Nomini præparatum.* Tum junctis ante pectus manibus, accedat ad cornu Epistolæ, ubi stans, Ministro aquam fundente, lavet manus, idest extremitates digitorum pollicis, & indicis tantum, dicens Psalmum: *Lavabo inter innocentes*, cum *Gloria Patri*, &c. ad quem versum caput inclinet ad Crucem, licet sit in cornu Epistolæ, vel in medio Altaris. Ita

autem lente prosequatur versus Psalmi: *Lavabo*, ut eos cum abstersione finiat. Celebrans lotis manibus eas tergat, & illis, tradito manutergio Ministro, ante pectus junctis revertatur ad medium Altaris, ubi stans, oculosque ad Deum elevans, & statim demittens, manibus junctis super Altare, aliquantulum inclinatus dicat secreto Orationem: *Suscipe Sancta Trinitas, &c.* Quae dicta, manibus hinc inde extensis, & super Altare positis, osculetur illud in medio: tum junctis manibus ante pectus, defixisque ad terram oculis, a cornu Epistolæ vertat se ad populum, & versus eum extendens more solito, & jungens manus, dicat voce mediocri: *Orate Fratres*, & secreto prosequens: *ut meum, ac vestrum Sacrificium &c.* perficiat circulum, revertens junctis manibus ante pectus a cornu Evangelii ad medium Altaris. Non prius respondeat submisit *Amen*, quam Minister finierit totum *Suscipiat*. Deinde stans in medio manibus extensis eodem modo, quo supra, conversus ad librum, prope corporale aptatum, dicat *sine Oremus* Orationem, vel Orationes

nes secretas, & in fine primæ, & ultimæ orationis dicat conclusionem integram, sicut in orationibus ante Epistolam, & cum dicuntur duæ, vel plures secretæ, ipse in fine conclusionis primæ illarum respondeat sibi secreto: *Amen*. Dicens: *Per Dominum nostrum*, jungat manus. Dicens: *Jesum Christum*, caput inclinet Cruci.

Ubi pervenit Celebrans ad verba illa ultimæ secretæ: *Per omnia secula seculorum*, exclusive, stans in medio Altaris, depositis super eo manibus hinc inde extensis, dicat Præfationem. Dicens: *Sursum Corda*, elevet manus hinc inde extensas, usque ad pectus, ita ut palma unius manus respiciat alteram. Dicens: *Gratias agamus Domino*, jungat manus. Dicens: *Deo nostro*, oculos elevet, & statim Cruci caput inclinet. Responso: *dignum, & justum est*, elevatis, & extensis, ut prius, manibus, prosequatur Præfationem usque ad verba: *Sanctus*. Ad verba *Sanctus*, usque ad *Benedictus* exclusive, junctis ante pectus manibus, non pectus percutiat, nec manus super Altare ponat, sed aliquantulum

lum inclinatus voce mediocri, & inferiore tono ordinario prosequatur. Ad *Benedictus, qui venit, &c.* se erigat, & signet, a fronte ad pectus.

Finita præfatione, Sacerdos stans ante medium Altaris, versus ad illud aliquantulum elevet manus, oculisque elevatis ad Deum, & sine mora devote demissis dicat: *Te igitur clementissime Pater; dicendo: per Jesum Christum Filium tuum Dominum nostrum, jungat manus, & profunde inclinatus ponat illas super Altare. Ad verba: supplices rogamus, ac petimus, ponat manus hinc inde extensas super Altare, & osculetur in medio, dicens: Uti accepta habeas & benedicas, (Celebrans jungat semper manus antequam signet imposterum Oblata, nisi manus sinistra sit occupata, ut supra) deinde se erigat, & stet junctis manibus ante pectus. Dicens: hæc ✠ dona; hæc ✠ munera, hæc Sancta, ✠ Sacrificia, dextera manu signet ter communiter supra Hostiam, & Calicem, sinistra posita super Altare. Deinde extensis manibus ante pectus, ut supra, prosequatur: In primis quæ tibi offerimus &c. Dicens: una cum famulo tuo*

tuo Papa nostro N., caput inclinet
versus librum, & exprimat nomen
Papæ regnantis: Sede autem vacan-
te, verba prædicta omittuntur. Di-
cens: *Et Antistite nostro N.* nomi-
net Episcopum loci, in quo cele-
bratur, non proprium Celebrantis,
nisi in sua diocesi; cuius si ignoret
nomen proprium, dicat simpliciter:
Antistite nostro. Si vero Episcopus
loci, in quo Missa celebratur, vita
functus sit prædicta verba omittan-
tur. Venetiis post Nomen Patriar-
chæ immediate jungatur: & *Duce*
nostro, expresso nomine: & *pro bono*
Statu Venetiarum.

Ad *Memento, Domine*, &c. elevet
manus, sed non oculos, non tangat
Altare, aut Corporale, & statim
iunctas manus teneat usque ad pe-
ctus, vel faciem, non tamen eorum
summitas mentum transeat, & te-
nens caput, ac oculos demissos, vel
clausos, faciat commemorationem
Christi Fidelium ad suam volun-
tatem, & renovet applicationem
Sacrificii. Ne sit morosus circum-
stantibus, hanc commemorationem
faciat ante Missam, & hoc loco
generaliter unico contextu ipso-

nes cum propriis, dicto *Kyrie eleison* in medio Altaris, facta prius Crucis reverentia, redeat ad cornu Epistolæ, ubi stans ante librum, extensis, & junctis ante pectus manibus, & caput Crucis inclinans, dicat: *Oremus, Flectamus genua*, & illico manibus super Altare extensis, ut seipsum ad Altare sustineat, genuflectat, & sine mora surgens, eadem voce Ministro respondente *Levate*, manibus extensis, dicat Orationem, ut supra, & in conclusione eas jungat. Dum autem legit prophetias, teneat manus hinc inde positas super librum, vel Altare. Toties, quoties se convertit ad populum, caveat, ne caput inclinet versus populum, vel a tergo innitatur Altari.

Dictis orationibus, Celebrans positis super librum, vel super Altare manibus, ita ut palmæ librum tangant, vel, ut placuerit librum teneans, legat Epistolam, & similiter stans eodem modo, prosequatur Graduale, *Alleluja*, & Tractum, ac Sequentiam, si dicenda sint. Quibus dictis, dum Minister portat librum, redeat ad medium Altaris, ibique

que stans junctis manibus ante pectus, non super Altare, levatisque ad Deum oculis, & statim demissis, tum profunde se inclinans, dicat secreto: *Munda cor meum, & Jube Domine benedicere, Dominus sit in corde meo, &c.* ut in ordinario. Quibus dictis, ad librum Missalis vadat, & locet illud ita, ut posterior pars libri respiciat ipsum cornu Altaris, & non ad parietem, sive ad partem ejus contra se directam, ubi stans versus illum junctis manibus ante pectus, dicat: *Dominus Vobiscum*. Deinde pollicis pulpa dextere manus signo Crucis signat, primo librum super principio Evangelii, quod est lecturus, sinistra posita super eum, postea seipsum in fronte, ore, & pectore, sinistra posita infra pectus, dicens: *Sequentia vel Initium Sancti Evangelii*. Tum junctis iterum manibus ante pectus, stans ut supra, prosequatur Evangelium usque ad finem. Si legendo Evangelium occurrat genuflectere, vel inclinare, genuflectat, & se inclinet versus librum. Quo finito Sacerdos parumper elevans librum, & inclinans aliquantulum caput, osculetur illum

lum in Evangelii principio dicens :
Per Evangelica dicta , &c. Deinde
eundem super cassinum depositum
locet juxta Corporale , ut facilius
ex eo legere possit Offertorium , &
ea , quæ dicenda sunt in medio. Do-
minica palmarum , & feriis tertia ,
& quarta , lecta Epistola cum Gra-
duali ac Tractu Sacerdos accedat ad
medium , donec per Ministrum trans-
feratur liber , nihil interim dicens ,
sed ubi fuerit liber translatus , con-
vertens se ad cornu Evangelii , non
signando seipsum , neque librum ,
immediate incipiat : *Passio Domi-
ni nostri , &c.* & continuo prose-
quatur verba Evangelii , inclinans
se , cum profertur sanctum nomen
Jesu , versus librum , & cum per-
ventus fuerit ad illa verba : *Jesus
autem exclamans voce magna emisit
Spiritus* , genuflectat utroque genu
versus librum junctis manibus , ac
capite humiliter declinato , ubi per
spatium *Pater noster* sub silentio
contemplato mysterio , facto prius
signo , manu super Altare , ipse
furgat , & eodem modo prosequa-
tur legendo reliqua usque ad il-
lam partem , quæ dicitur in tono
Evan-

Evangelii. Antequam legat partem illam, quæ in tono Evangelii dicitur, accedens ad medium Altaris more solito inclinatus, ac manibus junctis ante pectus dicat: *Munda cor meum, &c. & Jube, Domine, benedicere, Dominus sit, &c.* quibus dictis rursus ad librum rediens non signando librum, neque seipsum, quæ sequuntur in tono Evangelii prosequatur usque in finem.

Dicto Evangelio, si dicendum sit Symbolum, stans in medio Altaris versus Crucem, elevans, & extendens manus, non vero caput, aut oculos, incipiat *Credo*: dicens *in unum Deum*, jungat manus, & caput Cruci inclinet, quo erecto stans ibidem junctis ante pectus manibus, ut prius, prosequatur usque ad finem. Dicens *Jesum Christum*, caput Cruci inclinet. Dicens *Et incarnatus est*, usque ad *Et Homo Factus est* inclusive dextrum genuflectat, tenens manus hinc inde super Altare extensas, & erectus capite, & reliquo corpore non extendat extra Altaris plantam crus, neque accipiat anteriorem partem planetæ præ manibus, illam elevando, dum genuflectit. (Hic mo-

M

du

duſ obſervari debet in omnibus genuflexionibus). Caput Cruci inclinet ad verbum *ſimul adoratur*, ſed non ad illud ſequens *Conglorificatur*. Dicens *Et vitam venturi ſæculi*, ſignet ſeipſum ſigno Crucis, & ad verbum: *Amen*, jungat manus.

Dicto Symbolo, vel ſi non ſit dicendum, poſt Evangelium celebrans oſculetur Altare in medio, & junctis manibus ante pectus, ibidem, a manu ſiniſtra Altaris ad dextram (ut dictum eſt ſupra) vertat ſe ad populum, & extendens, ac jungens manus, demiffis oculis ad terram dicat: *Dominus Vobiscum*, & junctis manibus revertatur per eandem viam ad medium Altaris, ubi extendens, & jungens manus, caputque Cruci inclinans, dicat *Oremus*: tum junctis, ut prius, manibus, ſtans ibidem in medio, dicat Offertorium.

Dicto Offertorio, diſcooperiat Calicem, dum adhuc eſt ſuper corporale, velo tantum amoto, quod plicatum reponat extra Corporale prope tabelam ſecretarum in cornu Epistolæ, & manu dextera ſiſtat eundem Calicem ad cornu Epistolæ extra Corporale, ſiniſtra interim poſita ſuper Altare

tare ex parte Evangelii pariter extra Corporale, amotaque palla, tegente Hostiam eadem dextera, accipiat digitis pollice, indice, & medio ipsius manus patenam cum Hostia, & utraque manu eam tenens elevatam ante pectus, oculis ad Deum elevatis, & statim demissis in Hostiam, dicat: *Suscipe Sancte Pater &c.* Quibus finitis, & non antea, faciat signum Crucis cum Patena per lineas æquales, non per puncta, nec Corporale tangat, & deponat e Patena per anteriorem partem Hostiam, distantem ab extremitate Altaris, palmo circiter, & Patenam ad manum dexteram aliquantulum subtus Corporale, quam exterfo Calice omni ex parte cooperiat purificatorio

Si plures sint Hostiæ, idest particulæ consecrandæ in Calice, aut in Pyxide, Sacerdos dextera discooperiat eam, antequam accipiat patenam, imo antequam pallam amoveat a Patena, eamdemque collocet in medio Corporalis, inter locum Calicis, & Tabellam Secretarum, & ad eam offerendam, absque eo quod elevet, dirigat suam intentionem. Facta autem oblatione Hostiæ, ante-

quam accipiat Calicem , eandem cooperiat, & ponat prope Tabellam Secretarum in medio super Corporale. Si particulæ consecrandæ sint super eandem patenam, eo quod non sunt in magno numero, offerat una cum Hostia, qua deposita, ponat eas a parte Evangelii super Corporale, e regione majoris Hostiæ, aliquantulum ab ea distantes.

Antequam accedat ad cornu Epistolæ, faciat reverentiam Cruci manibus junctis, in quo cornu accipiat Calicem sinistra, & purificatorio exergat dextra capto, & statim posito purificatorio inter digitos sinistra, qua tenens per nodum Calicem admotum prope ampullas, & parumper inclinatum, ne guttæ cadant super mappam Altaris, accipiat de manu Ministri ampullam vini, ex qua vinum in parva quantitate infundat in Calicem. Deinde eodem modo tenens Calicem, producat dextera signum Crucis super ampullam aquæ, dicens interim: *Deus, qui humana substantia, &c.* & capta dextera manu ampulla, infundat duas, aut tres guttas aquæ in Calicem: ad verba: *Da nobis per hujus aqua &c.* quæ dicat

cat usque ad finem, inclinet cruci caput, dicendo: *Jesu Christus*. Si guttæ vini, & aquæ dispersæ appareant intra Calicem, purificatorio abstergantur, & post absterfionem prædictam patenam secundum partem non coopertam cooperiat purificatorio duplicato.

Imposita aqua in Calice, deponat manu sinistra Calicem prope Corporale, deinde accedat ad medium Altaris, manibus junctis, & facta cruci reverentia, accipiat Calicem manu dextera, & stans ante medium Altaris, utraque manu tenens illum elevatum, videlicet sinistra pedem, dextra nodum infra cuppam, ita ut summitas Calicis non excedat oculos, neque sit infra os, intentis ad Deum oculis offerat, dicens: *Offerimus tibi, Domine, &c.* qua Oratione dicta, & non prius, faciat signum Crucis cum Calice super Corporale, sed illud non tangat, & ipsum in medio post Hostiam collocet, ab ea distantem per spatium alterius Hostiæ, & palla cooperiat, interim tenens illum manu sinistra per pedis oram, quod observandum est, quoties cooperiendus, aut discooperiendus

est Calix, ad vitandum periculum revolutionis, aut manu, aut anima faciendæ.

Deinde junctis manibus super Altare positis more solito, & supra dicto, aliquantulum inclinatus, dicat secreto: *In Spiritu humilitatis &c.* Postea erectus, elevans oculos, manusque expandens, & statim jungens ante pectus (quod semper facit, quando aliquid est benedicturus. Quam Rubricam ita commentatur Bauldry: *illa elevatio intelligitur manibus tantum, non de oculis, qui post consecrationem sunt potius defigendi in Hostiam consecratam; & item illa junctio manuum intelligitur, quando utraque manus est libera, nec altera earum est occupata, cum eam tenet, seu Calicem, quod accidit paulo ante eorum consecrationem: neque enim debet deponi hostia, vel Calix in eo casu, ut manus jungantur ad benedictionem faciendam*) dicat *Veni Sanctificator, &c.* Dicens: *Et benedic, signet manu dextera communiter super Hostiam, & Calicem, sinistra posita super Altare. Signum Crucis fiat per duas lineas, non per quatuor puncta, & utraque linea æqualiter alta*
 fiat

fiat a Calice ad Hostiam, non deprimendo manum, & linea transversa ducatur prope oram anteriorem Pallæ, quæ media esse solet inter Calicem, & Hostiam, & ut servetur dicta æqualitas, prima linea inchoetur a medio Pallæ, & utraque Crucis linea non excedat mensuram palmi communis manus, & pars transversa Crucis fiat manu recta: interim sinistra teneatur extensa super Altare, nisi Corporale sit adeo magnum, ut gestus fieret inconcinnus, quia tunc teneatur super Corporale; post consecrationem vero omnino teneatur super illud.

Postquam benedixit oblata, antequam accedat ad cornu Epistolæ, caput Cruci inclinet, quæ reverentia opportune accidit, dum dicitur: *Tuo Sancto Nomini præparatum.* Tum junctis ante pectus manibus, accedat ad cornu Epistolæ, ubi stans, Ministro aquam fundente, lavet manus, idest extremitates digitorum pollicis, & indicis tantum, dicens Psalmum: *Lavabo inter innocentes*, cum *Gloria Patri*, &c. ad quem versum caput inclinet ad Crucem, licet sit in cornu Epistolæ, vel in medio Altaris. Ita

autem lente prosequatur versus Psalmi: *Lavabo*, ut eos cum abstersione finiat. Celebrans lotis manibus eas tergat, & illis, tradito manu tergio Ministro, ante pectus junctis revertatur ad medium Altaris, ubi stans, oculosque ad Deum elevans, & statim demittens, manibus junctis super Altare, aliquantulum inclinatus dicat secreto Orationem: *Suscipe Sancta Trinitas, &c.* Quae dicta, manibus hinc inde extensis, & super Altare positis, osculetur illud in medio: tum junctis manibus ante pectus, defixisque ad terram oculis, a cornu Epistolæ vertat se ad populum, & versus eum extendens more solito, & jungens manus, dicat voce mediocri: *Orate Fratres*, & secreto prosequens: *ut meum, ac vestrum Sacrificium &c.* perficiat circulum, revertens junctis manibus ante pectus a cornu Evangelii ad medium Altaris. Non prius respondeat submisit *Amen*, quam Minister finierit totum *Suscipiat*. Deinde stans in medio manibus extensis eodem modo, quo supra, conversus ad librum, prope corporale aptatum, dicat sine *Oremus* Orationem, vel Orationes

nes

nes secretas, & in fine primæ, & ultimæ orationis dicat conclusionem integram, sicut in orationibus ante Epistolam, & cum dicuntur duæ, vel plures secretæ, ipse in fine conclusionis primæ illarum respondeat sibi secreto: *Amen*. Dicens: *Per Dominum nostrum*, jungat manus. Dicens: *Jesum Christum*, caput inclinet Cruci.

Ubi pervenit Celebrans ad verba illa ultimæ secretæ: *Per omnia secula seculorum*, exclusive, stans in medio Altaris, depositis super eo manibus hinc inde extensis, dicat Præfationem. Dicens: *Sursum Corda*, elevet manus hinc inde extensas, usque ad pectus, ita ut palma unius manus respiciat alteram. Dicens: *Gratias agamus Domino*, jungat manus. Dicens: *Deo nostro*, oculos elevet, & statim Cruci caput inclinet. Responso: *dignum, & justum est*, elevatis, & extensis, ut prius, manibus, prosequatur Præfationem usque ad verba: *Sanctus*. Ad verba *Sanctus*, usque ad *Benedictus* exclusive, junctis ante pectus manibus, non pectus percutiat, nec manus super Altare ponat, sed aliquantulum

lum inclinatus voce mediocri, & inferiore tono ordinario prosequatur. Ad *Benedictus, qui venit, &c.* se erigat, & signet, a fronte ad pectus.

Finita præfatione, Sacerdos stans ante medium Altaris, versus ad illud aliquantulum elevet manus, oculisque elevatis ad Deum, & sine mora devote demissis dicat: *Te igitur clementissime Pater*; dicendo: *per Jesum Christum Filium tuum Dominum nostrum*, jungat manus, & profunde inclinatus ponat illas super Altare. Ad verba: *supplices rogamus, ac petimus*, ponat manus hinc inde extensas super Altare, & osculetur in medio, dicens: *Uti accepta habeas & benedicas*, (Celebrans jungat semper manus antequam signet imposterum Oblata, nisi manus sinistra sit occupata, ut supra) deinde se erigat, & stet junctis manibus ante pectus. Dicens: hæc ✠ *dona*; hæc ✠ *munera*, hæc *Sancta*, ✠ *Sacrificia*, dextera manu signet ter communiter supra Hostiam, & Calicem, sinistra posita super Altare. Deinde extensis manibus ante pectus, ut supra, prosequatur: *In primis quæ tibi offerimus &c.* Dicens: *una cum famulo tuo*

tuo Papa nostro N., caput inclinēt
versus librum, & exprimat nomen
Papæ regnantis: Sede autem vacan-
te, verba prædicta omittuntur. Di-
cens: *Et Antistite nostro N.* nomi-
net Episcopum loci, in quo cele-
bratur, non proprium Celebrantis,
nisi in sua diœcesi; cujus si ignoret
nomen proprium, dicat simpliciter:
Antistite nostro. Si vero Episcopus
loci, in quo Missa celebratur, vita
functus sit prædicta verba omittan-
tur. Venetiis post Nomen Patriar-
chæ immediate jungatur: & *Duce*
nostro, expresso nomine: & *pro bono*
Statu Venetiarum.

Ad *Memento, Domine*, &c. eleuet
manus, sed non oculos, non tangat
Altare, aut Corporale, & statim
junctas manus teneat usque ad pe-
ctus, vel faciem, non tamen eorum
summitas mentum transeat, & te-
nens caput, ac oculos demissos, vel
clausos, faciat commemorationem
Christi Fidelium ad suam volun-
tatem, & renovet applicationem
Sacrificii. Ne sit morosus circum-
stantibus, hanc commemorationem
faciat ante Missam, & hoc loco
generaliter unico contextu ipso-

rum commemorationem vivorum agat, pro quibus ante Missam orare proposuit in Missa, & hoc faciat interna animi cogitatione per sparium unius *Pater noster*. Hæc verba: *Memento Domine, &c.* & reliqua secreta, pronunciet voce secreta. Meminisse debet etiam celebrans, se participare de valore Missæ: & quidem in majori quantitate, quam illum, qui celebrare eundem jubet, ideoque sibi providere non negligat.

Commemorationem vivorum facta, demissis, & extensis, ut prius, manibus, continuet: *Et omnium circumstantium, &c.* Similiter stans prosequatur: *Communicantes*. Dicens: *Domini nostri Jesu Christi caput Crucis inclinet*. In conclusione, quando dicit: *Per eundem*, jungat manus. Ad *Hanc igitur &c.* expandens manus super oblata simul, ita ut palmæ sint apertæ versus, ut supra, Calicem, & Hostiam, quas teneat elevatas duobus quasi digitis super Pallam, habens pollicem dexterum transversum super sinistrum in modum Crucis, ita tamen, ut pollices sint super reliquos digitos extensos,

tenso, & simul junctos, quorum extremitates perveniant ad medium pallæ. Ad illa verba: *Per Christum Dominum nostrum*, manus non jungat, sed solum claudat, & retrahat ante pectus. Prosequens

Quam oblationem tu Deus in omnibus quasumus, & dicens: *bene ✠ dictam, adscri ✠ ptam, ra ✠ tam*, communiter signet ter super Hostiam, & Calicem simul: deinde dicens: *ut nobis Corpus*, separatim signet semel super Hostiam tantum: & dicens: *✠ Sanguis*, semel super Calicem tantum: deinde elevans, & jungens manus ante pectus, prosequatur: *Fiat dilectissimi Filii tui Domini nostri Jesu Christi*, & inclinans caput Cruci, extergat, si opus fuerit, pollices, & indices super extremitates corporalis, & dicat secreto, ut prius: *Qui pridie quam pateretur*. Dicens: *accepit panem*, indice sinistro oram Hostiæ aliquantulum premat, ut eam facile dextera capere valeat, (idem observans quoties Hostiam sumere debeat). Dicens: *in sanctas, ac venerabiles manus suas*, eam accipiat, etiam sinistra, eamque paululum elevatam a corporali erectam.

non

non quasi jacentem teneat, ita tamen, ut a populo non videatur, ne ante consecrationem adoretur: dum autem tenet sic Hostiam inter pollices, & indices, reliquos digitos teneat extensos, & simul junctos. Elevans ad Deum oculos, ac statim demittens, dicat: *Et elevatis oculis ad te Deum Patrem suum omnipotentem, caputque aliquantulum inclinans dicat: Tibi gratias agens, & tenens Hostiam inter pollicem, & indicem sinistræ manus, dextera producat signum Crucis super eam, dicens: Bene ✠ dixit, fregit, &c.*

Si Pyxis sit retro post Calicem, antequam capiat Hostiam, retrahat illam ad latus ipsius Calicis versus partem Epistolæ, & dextera discooperiat, ut propius verba consecrationis proferat etiam super eam. Cum autem finierit supradicta verba, proferens verba consecrationis stet capite inclinato, & cubitis super Altare positus, manibus vero corporale non tangentibus ob decentiam, cum ibi poni debeat Hostia consecrata, & caveat, ne afflet, aut ne barba, vel ore contingat Hostiam, vel Calicem, neque in eundem barbam immit-

mittat, neque moveat caput ad singula verba, nec signet cum eo Hostiam, neque eam, aut Calicem post utriusque consecrationem osculetur, neque verba magno conatu, & aspiratione proferat, sed unico contextu, & nulla interposita mora inter singula verba, eaque distincte, reverenter, & ita secreto proferat, ut a nemine audiatur; pares retineat pedes super suppedaneum Altaris, dextero ultra sinistram, reverentiæ causa, nullatenus remoto, aut reflexo. Quibus prolatis tenens Hostiam inter pollices, & indices prædictos super altare, reliquis digitis manuum extensis, & simul junctis, eam adoret unico genu, (quod fiat, & in sequentibus genuflexionibus) cubitis extra Altare positis, & manibus tenentibus Hostiam super Corporale positis, prope extremitatem Altaris, ut commodius genuflectat usque ad terram. Tunc se erigens elevet in altum Hostiam, ut videri, & adorari possit ab omnibus, & intentis in eam oculis (quod & in elevatione Calicis faciat) populo reverenter ostendat adorandam, & mox sola manu dextera reverenter ipsam deponat super
Cor-

Corporale, sinistra posita super eodem, in eodem loco, unde eam levavit, & deinceps pollices, & indices non disjungat, nisi quando Hostiam consecratam tangere, aut tractare debeat, usque ad abluitionem digitorum inclusive post Communionem. Tam Hostiam, quam Calicem elevet perpendiculariter, hoc est recta linea, non supra caput, nec Hostiam supra Calicem, nec Calicem super Hostiam, nec nimis lente, nec nimis properanter.

Reposita Hostia consecrata super Corporale, genuflexus ipsam veneretur. Tunc assurrectus antequam detegat Calicem, cooperiat Pyxidem, vel aliud vas Hostiarum, proprio operculo, vel patena, aut palla, & retro post Calicem suo loco reponat. Adorato Sacramento surgat, & discooperiens Calicem, pallam capiat digitis indice, & medio, & ipsius extremitatem admoveat velo Calicis, ut facilius eam capere possit. In Calicem, si opus sit extergat digitos in aere, non ad labium ipsius fricando, quod semper faciat, si aliquod fragmentum digitis adhæreat. Et stans erectus, dicat: *Simili modo postquam*
cena-

tenatum est, & ambabus manibus scilicet sinistra infra nodum, dextera ipsum nodum tenens accipiat Calicem, & aliquantulum elevans, ac statim deponens dicat: *Accipiens & hunc præclarum, &c.* Dicens: *item tibi gratias agens*, caput inclinet: dicens *Benedixit*, sinistra Calicem per nodum tenens, dextera signet signo Crucis super eum, & prosequens: *Deditque Discipulis &c.* ambabus manibus teneat Calicem aliquantulum elevatum, videlicet tribus ultimis digitis manus sinistræ pedem, dextera nodum, cubitis super Altare positus, & capite inclinato, ut diximus ad consecrationem Hostiæ, proferat attente, continue, & secreto verba consecrationis Sanguinis: *Hic est enim &c.* Quibus dictis, reponat Calicem super Corporale, & dicens secreto: *Hæc quotiescumque feceritis &c.* genuflexus Sanguinem reverenter adoret. Tum se erigat, & accipiens Calicem discoopertum cum Sanguine, ambabus manibus, ut prius, elevet eum, & erectum, quantum commode possit, ostendat populo adorandum: mox ipsum reponat reverenter super Corporale in locum pri-

pristinum, & manu dextera Palla cooperiat eodem modo, quo discooperuit, ac genuflexus Sacramentum veneretur.

Reposito Calice, & adorato Sacramento; Sacerdos stans post factam genuflexionem ante Altare extensis manibus modo ordinario, ut supra, ante pectus, dicat secreto: *Unde, & memores &c.* Dicens: *de tuis donis, ac datis*, jungat manus ante pectus, non pollice dextero super sinistrum posito, sed junctis pollicibus, & indicibus inter se. Dicens: *Hostiam* ✠ *puram*, *Hostiam* ✠ *Sanctam*, *Hostiam* ✠ *immaculatam*, manu sinistra posita super Corporale, dextera signet ter communiter super Hostiam, & Calicem, & semel super Hostiam tantum, & semel super Calicem tantum, dicens: *Panem* ✠ *Sanctum vite æternæ*, & *Calicem* ✠ *salutis perpetuæ*. Deinde stans ut prius extensis manibus prosequatur: *Supra quæ propitio*. Dicendo: *Supplices te rogamus*, inclinet se profunde ante medium Altaris, manibus junctis super illo positis, non vero teneat manus totaliter super Corporale, sed solum, parvis digitis frontem Altaris tangentibus,

ribus, extremitates annularium quod in sequentibus observandum. Dicens: *Ex hac altaris participatione*, osculetur altare in medio manibus hinc inde super Corporale positis. Dicens: *Sacrosanctum Filii tui &c.* jungat manus, & dextera signans semel super Hostiam tantum, & semel super Calicem, sinistra super corporale posita dicat: *Corpus* ✠ *& Sanguinem* ✠ *sumpserimus*, & dicendo: *Omni benedictione celesti*, leipsum signet a fronte ad pectus digitis medio, annulari, & auriculari tantum extensis, & simul junctis, sinistra infra pectus posita, & prosequatur *Et gratia repleamur*, advertens, ne pollex, & index tangant planetam. Dicens: *per eundem Christum &c.* jungat manus absque capitis inclinatione.

Dicens: *Memento, Domine, famulorum, famularumque tuarum &c.* extensis, & junctis manibus ante pectus, & usque ad faciem elevatis, sed infra mentum, & demisso capite, ac intentis oculis ad Sacramentum super altare, pauset post verba: *Somno pacis*, faciens commemorationem fidelium Defunctorum, de quibus sibi videtur, eodem modo, ut dictum est

est de commemoratione vivorum,
Qua commemoratione facta, stans,
ut prius, extensis manibus prosequatur:
Ipsis, Domine, &c. & in fine
ad *Per eundem Christum*, jungat
manus, & caput inclinet.

Deinde erectus dicat voce medio-
cri: *Nobis quoque peccatoribus*, dex-
tera manu pectus sibi percuiens,
sinistra posita super Corporale (per-
cussio pectoris post consecrationem
fiat solum tribus digitis inferioribus
simul junctis, & semiextensis,
& caveatur, ne pollex, & in-
dex tangant planetam: ita ad *A-*
gnus Dei, & Domine, non sum di-
gnus), & dictis prædictis verbis
stans manibus extensis, ut prius,
prosequatur secreto: *Famulis tuis,*
&c. Dicens: *Per Christum Domi-*
num nostrum. Per quem hæc omnia,
Domine, &c. jungat manus ante
pectus. Deinde posita sinistra super
Corporale, dextera ter signans com-
muniter super Hostiam, & Calicem
dicat: *Sancti ✠ ficas, vivi ✠ ficas,*
bene ✠ dicis, & præsta nobis, postea
discooperiat manu dextera Calicem,
tenens ejus pedem digitis inferioribus
sinistræ, ut viterur omne revolutionis
peri-

periculum, & extensis hinc inde super corporale manibus, pollicibus, & indicibus vero junctis genuflectat, adorans Sacramentum.

Tum se erigat, & reverenter accipiat Hostiam aliquantulum infra medium dexteræ partis, inter pollicem, & indicem dexteræ manus, & cum ea super Calicem, quem manu sinistra teneat circa nodum infra cuppam, signet non tangens Calicis labia ter a labio ad labium dicens: *Per ✠ ipsum, & cum ✠ ipso, & in ✠ ipso*, & similiter cum Hostia signet in eadem proportionem, & altitudine sicut cruces, quæ fiunt a labio ad labium, bis inter Calicem, & pectus, incipiens a labio Calicis, & dicat: *Et tibi Deo Patri ✠ omnipotenti, in unitate Spiritus ✠ Sancti*. Deinde statim non in gyrum, sed recta linea ducat Hostiam, & tenens eam manu dextera super Calicem, & sinistra tenens Calicis nodum, elevet non ultra quatuor digitos eum simul cum Hostia a corporali dicens: *Omnis honor, & gloria*, & statim utrumque deponens, Hostiam collocet super Corporale loco suo, & si opus sit, digitos extergat, ut supra (certe convenit, ut semper Celebrans extergat digitos

tos in medium Calicis suspensos, non ad labium ipsius fricans, postquam Hostiam sacram tetigit) & pollices, & indices, ut prius jungens, Calicem palla cooperiat digitis indice, & medio capta, & genuflexus Sacramentum adoret.

Celebrans, cooperto Calice, adoradoque Sacramento, erigat se, & manibus extensis hinc inde super altare, intra corporale, positus, dicat: *Per omnia secula seculorum*. Dicens: *Oremus*, jungat manus Sacramento caput inclinans, & erectus tenens manus junctas ante pectus prosequatur: *Præceptis salutaribus &c.* Incipiens: *Pater noster*, extendat manus more solito, & stans erectus in medio Altaris, oculis ad Sacramentum intentis, prosequatur usque ad *Et ne nos inducas in tentationem*, inclusive. Responso a Ministro: *Sed libera nos a malo*, & a Celebrante submissa voce: *Amen*, extrahat Patenam, quæ est subtus Corporale, medio digito dexteræ ejus concavo applicato, & eam extergens, sinistram non adhibeat, purificatorio, quod post extersam Patenam relinquatur in cornu Epistolæ prope

pe Corporale, aliquantulum vero remotum, ut inter ipsum, & corporale collocari possit Calix post ablutionem digitorum. Accipiat, & teneat post extersionem Patenam inter indicem, & medium digitos elevatam, non jacentem, ita tamen, ut tangat mappam Altaris extra corporale, & manus tenens patenam, non adhæreat mappæ, sed sit elevata desuper Patenam, sinistra super corporale posita, dicendo secreto: *Libera nos quæsumus, &c.*

Antequam Celebrans dicat; *Da propitius pacem &c.* ponat manum sinistram infra pectus, & elevet manu dextera Patenam de Altari, & seipsum cum ea signet a fronte ad pectus, dicens: *Da propitius pacem in diebus nostris*, deinde patenam ipsam in parte superiori, & interiori osculetur, nec post osculum eam iterum abstergat, & prosequens *ut ope misericordie tuæ &c.* submittat patenam Hostiæ, quam indice sinistro accommodet ex parte superiori paululum extra concavum Patenæ, quæ ponatur in medio corporalis, ita ut ejus pars superior sit elevata super pedem Calicis. Postea discooperiat
manu

manu dextera Calicem , & genu-
flexus Sacramentum adoret : tunc se
erigens accipiat Hostiam inter indi-
cem, & pollicem dexteræ manus, &
cum illis, ac pollice, & indice si-
niſtræ manus eam super Calicem te-
nens reverenter frangat per medium,
incipiens a parte superiori ipsius, di-
cendo: *Per eundem Dominum nostrum*
Jesum Christum Filium tuum, & sta-
tim his dictis, mediam partem quam
inter pollicem, & indicem dexteræ
manus tenet, ponat super Patenam :
de alia media, quam sinistra manu
tenet, frangat a parte inferiori cum
pollice, & indice dexteræ manus
particulam, prosequens: *qui tecum*
vivit, & regnat, & eam particu-
lam inter ipsos dexteræ manus polli-
cem, & indicem retinens, partem
majorem, quam sinistra tenet, ad-
jungat mediæ super Patenam positæ
ita, ut una non sit tota super aliam;
sed illa, quæ est a sinistra celebran-
tis, sit tantillum super aliam, adeo
ut semper ambæ efficiant figuram
rotundam, (hoc idem observandum,
cum accipiat ambas partes Hostiæ ad
verba : *Domine, non sum dignus*), &
interim dicens *In unitate Spiritus*
San-

Sancti Deus, & particulam Hostiæ, quam in dextra manu retinuit, tenens super Calicem, quem sinistra per nodum infra cuppam retineat, intelligibili voce dicat: *Per omnia secula seculorum*. Responso: *Amen*, & cum ipsa particula signans ter a labio ad labium Calicis sine tactu illius, dicat: *Pax ✠ Domini sit ✠ semper vobis ✠ cum*. Responso per Ministrum: *Et cum Spiritu tuo*, particulam, quam dextera manu tenet, immittat in Calicem, dicens secreto: *Hæc commixtio &c.* Deinde hac oratione dicta, pollices, & indices super medium Calicis aliquantulum tergat, quibus excussis, & junctis, Calicem cooperiat, & genuflexus manibus hinc inde super Corporale positum Sacramentum adoret, & statim assurrectus stans junctis manibus ante pectus, capite inclinato dicat intelligibili voce: *Agnus Dei, qui tollis peccata mundi*, & dexteræ tribus inferioribus digitis percutiens sibi pectus, sinistra super Corporale posita, dicat *Miserere nobis*, advertens, ne extendat dexteram ultra latitudinem Corporalis, & deinde non jungat manus, sed iterum per-

N

cu-

cutiat sibi pectus, dicens secundo : *Miserere nobis*, quod & tertio faciat, dicendo *Dona nobis pacem*.

Tunc manibus junctis super Altare positis, oculisque ad Sacramentum intentis, inclinatus, sed non profunde, dicat secrete tres solitas orationes, idest : *Domine Jesu Christe, qui dixisti Apostolis tuis &c. Domine Jesu Christe, Fili Dei vivi &c. Perceptio corporis tui, &c.* Quibus orationibus dictis, genuflectens Sacramentum adoret, & se erigens dicat secreto : *Panem celestem accipiam, &c.* quo dicto vel dum profert hæc verba, parum inclinatus dextera manu accipiat de Patena reverenter ambas partes Hostiæ, & collocet illam, quæ est a parte sinistra celebrantis, tantillum super aliam, ut efficiant figuram rotundam, inter indicem, & pollicem, sinistræ manus, quibus Patenam inter eundem indicem, & medium digitos supponat, & eadem manu sinistra tenens partes hujusmodi super patenam inter pectus, & Calicem, stans pariter parum inclinatus; tribus inferioribus digitis dextræ percutiat tribus vicibus pectus suum, & ad singulas percussiones, voce mediocri, &
de-

devota dicat: *Domine, non sum dignus,*
 & secr to prosequatur: *ut intres, &c.*
 Advertat in dicendo: *Domine, non sum*
dignus, quod nullatenus genuflectat,
 nec pedem incurvet, neque brachium,
 aut cubitum super Altare sustineat,
 neque ipsa dextera post singulas per-
 cussiones tangat Altare, aut Corpo-
 rale, neque teneat Hostiam eleva-
 tam ad latus, ut a populo videatur,
 & adoretur, neque corpus intor-
 queatur, sed sufficit, si Patenam
 teneat elevatam ad altitudinem no-
 di Calicis, & parum inclinatus ma-
 neat. Quibus verbis tertio dictis ac-
 cipiat ambas partes prædictas Ho-
 stia inter pollicem, & indicem dex-
 teræ manus, & cum illa supra Pate-
 nam signet erectus seipsum signo cru-
 cis, non movens Patenam, sed Ho-
 stiam tantum, ita tamen ut Hostia
 altitudine crucis medium non egre-
 diatur, & Crucis latitudine pariter
 non egrediatur limites Patenæ, dicens:
Corpus Domini nostri, &c. Ad nomen
Jesu, ante utramque sumptionem,
 caput non inclinet, quia habet
 præ manibus Sacramentum. Qui-
 bus dictis se inclinet cubitis super
 altare positus, reverenter easdem am-

bas partes sumat, quibus sumptis, deponat patenam super corporale, ita ut ejus extremitas pede Calicis sustentetur, & erigens se, junctis pollicibus, & indicibus, ambas quoque manus ante faciem jungat infermentum, & caput inclinet, sicut dictum est ad utrumque Memento, & demissis oculis aliquantulum quiescat in meditatione SS. Sacramenti: deinde depositis manibus dicat secreto: *Quid retribuam Domino pro omnibus, quæ retribuit mihi?* & interim discooperiat Calicem, genuflectat, surgat, accipiat manu dextera Patenam inter indicem, & medium, inspiciat Corporale, & ab eodem colligat fragmenta cum patena, non revolvendo corporale super ipsam, nec movendo Calicem a suo loco. Deinde manu sinistra inter indicem, & medium sumat patenam, non in ea parte, quæ collegit fragmenta, sed prope dexteram, & elevatam super Calicem, non rectam, sed jacentem, ne fragmenta decidant, admoveat ori Calicis eam partem, quæ fragmenta collegit, & pollice, & indice manus dexteræ tantum fragmenta in Calicem demittat, non
mu.

mutando Patenam de manu sinistra in dexteram, & caveat, ne Patena Calicem pulset, neque eam super ipsum revolvat, & postea ipsos digitos extergat in medio Calicis non fricans ad ejus oram, & hoc diligenter faciat, ne quid fragmentorum in eis remaneat.

Post extersionem Patenæ, junctis pollicibus, & indicibus, Calicem dextera manu inter indicem, & medium per nodum accipiat, & Patenam sinistra posita super Corporale, quam non supponat Calici, nisi tunc quando Sanguinem sumat, dicens: *Calicem salutaris, &c.* quo dicto signet signo crucis cum Calice; dicens: *Sanguis Domini nostri, &c.* & manu sinistra supponens patenam merito sub Calice, stans reverenter summat totum Sanguinem cum particula in Calice posita unico haustu, vel ter Calicem ori admoveat, sed hoc laudabile non est, nec labia Calicis, nec sua, nec ipsos digitos lambat, ut inepte quidam, nam, si quid remanserit, purificatione, & ablutione sumat. Sumpto Sanguine, tum Calicem, tum Patenam deponat, manus tamen ab iis non amoveat, interim dicens orationem:

N 3

Quod

Quod ore sumpsimus Domine &c. qua dicta stans in medio Altaris manu dextera porrigat Calicem Ministro in cornu Epistolæ extra corporale, sed super Mensam Altaris, (hoc observandum ad purificationem, & ablutionem, nisi forte minister sit nimis exiguæ staturæ; quia tunc etiam extra ipsum licet porrigere) sed mensam non tangat, sinistra tenente Patenam posita super corporale. Pro purificatione accipiat tantum vini, quantum fuerit præconsecratum, alioquin Sacerdos illud circumagat intra Calicem, ut eluantur, & absumantur species Sanguinis vino ex illius partibus, quas sacrosanctus Sanguis attigit. Dum Celebrans se purificat: adhuc teneat Patenam sub Calice, sicut ad sumptionem Sanguinis. Sumpta purificatione, accipiat Calicem per cuppam ambabus manibus tenens super Calicem pollices, & indices conjunctos, & facta Cruci reverentia, aliquantulum procedat versus cornu Epistolæ, & elevet Calicem super Mensam; extra vero Corporale, ut dixi, & accipiat a Ministro vinum, & aquam, insumens minus vini, quam aquæ, & abluat prædictos digitos pol-

pollices, & indices, cavens ne labia Calicis, & os suum digitis expurget. Post hanc ablutionem collocet Calicem inter Corporale, & Purificatorium, & prius dexteram excussis digitis, amoveat a Calice, & sumpto Purificatorio amoveat, & sinistram, cui statim Purificatorium supponat, & hic ritus est maxime accommodatus, ne cadentes guttæ Mappam, aut Corporale commaculent, quod omnino cavendum. Sed in medium reversus, facta iterum reverentia, purificatorio digitos abstergens interim dicat: *Corpus tuum Domine, quod sumpsi, &c.* qua dicta supponens sinistra Calici purificatorium, & dextera per nodum accipiens Calicem, ablutionem sumat, sicut & purificatio sumenda est per eandem partem Calicis, per quam Sanguis Christi haustus est. Ablutione autem sumpta, purificatorio extergat oris sui labia, postea sinistra tenens per nodum Calicem, manu dextera eadem purificatorio extergat Calicem intra cuppam, quo exterso, & deposito super Corporale, superimponat Purificatorium, Patenam desuper, & super Patenam

parvam pallam eodem tempore, illam sinistra, hanc dextera: frustra igitur aliqui ponunt pallam super Patenam ante ablutionem digitorum. Deinde Calicem ponat versus cornu Evangelii, vel Epistolæ extra corporale, & ambabus manibus plicet Corporale, quo plicato, sinistra accipiat bursam, in qua dextera recondat Corporale, quo recondito, Calicem velo ita tegat, ut a parte anteriori, saltem totum cooperiat, eique Bursam super imponat, cujus pars aperta respiciat ipsum Celebrantem, quo facto accipiat Calicem sinistra per nodum ipsius, & dextera desuper bursam, & collocet in medio Altaris, velo non revoluto, ut initio Missæ.

Si Sacerdos eodem die celebraturus sit plures Missas, ut in die Nativitatis Domini, post sumptionem Sanguinis, deposito Calice super corporale, ipsum non purificet vino, neque aqua, nec purificatorio abstergat, sed ablutionem digitorum faciat in aliquo vase mundo, ad hoc in Altari præparato, in prima, & secunda Missa: in tertia vero sumat purificationem, & postea si velit, ex vase ablutionis

tionis infundat in Calicem ablu-
tionem, qua infusa per se abluat more so-
lito super Calicem pollices, & indices,
& postea sumat, ut supra. Si particula
remaneat in fundo Calicis, potest vel
adduci cum digito ad labium Calicis,
vel sumi cum purificatione, etiam
pluries, si opus sit, iterata, & hic
secundus modus est decentior. In pri-
ma vero, & secunda Missa diei Nati-
vitat^{is} Domini, primus modus, idest
adducere eam digito ad labium Cali-
cis, omnino observandus est, si hoc
eveniat. In hac prima, & secunda
Missa Nativitat^{is}, si non sumit pu-
rificationem, & ablu^{tionem}, quia
non potest, dicat tamen solitas ora-
tiones, quibus dictis Calicem super
Corporale extensum cooperiat Patena
cum Hostia Palla, & velo, ut in
principio Missæ, relicto purificatorio
prope corporale in cornu Epistolæ.
Hostiæ vero pro aliis duabus Missis
ante oblationem primæ ponendæ sunt
subtus Corporale ex parte Epistolæ,
quod corporale relinquatur extensum
subtus Calicem usque ad ultimam
Missam inclusive, ut dixi.

Si qui sint communicandi in Mis-
sa, Sacerdos post sumptionem Sau-

guinis, antequam se purificet, palla Calicem cooperiat, nec dicat Orationem: *Quod ore sumpsimus*, sed facta genuflexione (hic supponimus, quod particulæ in parvo numero sint super Corporale.) ponat particulas consecratas super Patenam, quam collocet in medio corporalis, ita ut ejus pars superior sit elevata super pedem Calicis, quod fit, ne fragmenta, si quæ essent super corporale, eidem Patenæ adhæreant. Interim Minister ante eos extendat linteam, seu velum album, & pro eis faciat Confessionem dicens: *Confiteor Deo, &c.* Tunc Sacerdos iterum genuflectat, & manibus junctis vertens se ad populum retrahat se aliquantulum versus cornu Evangelii, & dicat, quamvis unus tantum communicandus sit: *Miserere vestri &c.* quo dicto, manu dextera faciat signum Crucis super eos, sinistra infra pectus posita, interim dicens: *Indulgentiam, absolutionem, & remissionem peccatorum vestrorum, &c.* Postea vertat se ad medium Altaris, genuflectat, & accipiat manu sinistra Patenam cum Sacramento, dextera vero sumat unam particulam, quam
in-

inter pollicem, & indicem teneat aliquantulum elevatam super Patenam, ita tamen, ut dextera manus adhæreat Patenæ, & conversus ad communicandos in medio Altaris dicat: *Ecce Agnus Dei, ecce qui tollit peccata mundi.* Deinde dicat integre, clara voce, & semper in genere masculino: *Domine non sum dignus, ut intres sub tectum meum, sed tantum dic verbo, & sanabitur anima mea.* Quibus verbis tertio repetitis, accedat ad eorum dexteram, hoc est ad latus Epistolæ, & unicuique porrigat Sacramentum, faciens cum eo, signum Crucis super Patenam eo modo, quo supra seipsum cum Hostia signavit, advertens, ne nimium eleve, & simul dicens: *Corpus Domini nostri Jesu Christi custodiat animam tuam in vitam æternam. Amen.* Omnibus communicatis, Sacerdos digitos pollices, & indices, junctos adhuc teneans super Patenam, revertatur ad Altare nihil dicens, & Patenam deponat super Corporale, detegat Calicem, & quia particulæ super Corporale positæ erant, diligenter cum patena colligat fragmenta,

illud extergendo, & ea immitat in Calicem. Si in fundo Calicis unitæ vini species adhuc post communionem fidelium reperiantur, sumantur ante infusionem vini in Calicem. Pariter si omnibus communicatis, adhuc remaneant particulæ super Patenam, easumat ante purificationem. Deinde secreto dicat: *Quod ore sumpsimus &c.* & porrigat Ministro Calicem more solito, ac Missam prosequatur. Post hanc communionem non datur communicatis benedictio, quia danda est in fine Missæ.

Si ministrando communionem fragmenta adhæreant digitis, celebrans excutiat illa super Patenam, vel Pyxidem, si vero ob magnum calorem, digiti sint humidi præ sudore, & non solum fragmenta, sed etiam particulæ adhæreant, redeat ad Altare, & digitos purificet in vase super ipsum posito, & purificatorio abstergat; deinde redeat ad ministrandum iterum communionem; numquam autem teneat præ digitis purificatorium, dum ministrat Communionem ad digitos abstergendos, quia est contra Rubricam.

Si vero adsit supra mensam Altaris
in-

intra corporale Pyxis posita in initio Missæ habens particulas consecratas reponendas intra Pyxidem, quæ quotidie stat intra Tabernaculum ad usum Fidelium, statim post sumptionem Sanguinis Sacerdos collocet intra Corporale Calicem palla cooperatum versus cornu Evangelii, aperiatur Tabernaculum, genuflectat, Pyxidem extrahat, discooperiat, ac iterum genuflectat, (vel si scabello opus habeat, antequam descendat, & postquam descenderit, solummodo genuflectat) tum particulas veteres e Pyxide primum distribuatur, si Fideles communicandi adsint, deinde facta communione astantium, si remanserint aliquæ ex veteribus particulis, has ponat super Patenam, deinde recenter consecratas reponat intra pyxidem, super quas ponat e Patena veteres, ut sint primæ distribuendæ, quo facto cooperiat Pyxidem, & reponat in Tabernaculum, quod clave obseret, præmissis debitis genuflectionibus. Deinde diligentissime colligat omnia fragmenta quamvis minima e Patena, dummodo hac usus fuerit, & postea colligat omnia in fundo Pyxididis, in qua erant particulæ
re-

recentiores consecratę , cum indice dexterę manus , & consumat omnia collecta , eodem digito cum fragmentis linguę admoto , ita ut nullum fragmentum remaneat. Deinde porrigat pyxidem Ministro , ut infundat parum vini , quo circumacto infra pyxidem , tota illius pars interior indice abstergatur , qua absterfa lotio ipsa effundatur in Calicem , & purificatorio undequaque Pyxis interior exsiccet , quam exsiccatam cooperiat operculo suo , & retro Calicem prope Tabellam secretarum ponat . Idem faciat , etiamsi sit aliud vas pro pyxide . Reliqua peragat , ut supra .

Si autem Sacerdos ipse ad renovandum Sacramentum velit particulas consumere , extracta Pyxide prædicto ritu , post sumptionem Sanguinis eas consumat cum omnibus fragmentis antequam se purificet , illamque , si opus sit , vino lotam abstergat purificatorio , lotio vero ipsa effundatur in Calicem , hinc particulas recenter consecratas ponat intra ipsam , & cætera præstet , ut supra .

Collocato jam Calice , ut supra dictum est , in medio Altaris , jungat

gat manus ante pectus more solito, & inclinato capite Cruci, accedat ad cornu Epistolæ, ubi stans junctis manibus clara voce legat Antiphonam, quæ dicitur Communio, qua lecta, junctis item manibus ante pectus, vadat ad medium Altaris, & eo osculato, extensis hinc inde manibus, se erigat, ac manibus junctis vertat se ad populum a manu sinistra ad dexteram, idest a parte epistolæ ad cornu Evangelii, & ibi stans in medio extendens manus modo solito, dicat demissis oculis: *Dominus vobiscum*, quo dicto junctis ante pectus manibus per eandem viam redeat ad librum & clara voce dicat: *Oremus*, Cruci caput inclinans, postea legat Orationem, vel Orationes post communionem, eisdem modo, numero, & ordine, ut supra dictæ sunt collectæ, quibus finitis, claudat librum tantum post conclusionem Orationis completam, vel saltem circa finem conclusionis post factam reverentiam Cruci, dummodo non accedat ad medium Altaris, nisi finita conclusione, & responso, *Amen* a Ministro. Claudat vero librum

brum manu dextera, ita ut pars clausa Calicem respiciat. Si vero aliud Evangelium sit legendum, librum apertum relinquat, nec accedat ad medium Altaris, nisi dum Minister respondeat: *Amen*. Clauso libro, jungens manus ante pectus, revertatur ad medium Altaris, ubi, eo osculato, vertat se ad populum, & dicat ut supra: *Dominus vobiscum*, quo dicto, stans junctis manibus ante pectus versus populum, dicat, si dicendum est: *Ite Missa est*, & per eandem viam revertatur ad Altare. Si vero non sit dicendum, dicto *Dominus vobiscum*, revertatur eodem modo per eandem viam ad medium Altaris, ubi stans versus ad illud, junctis ante pectus manibus, dicat: *Benedicamus Domino*.

In Quadragesima autem a feria quarta Cinerum, usque ad feriam quartam majoris Hebdomadæ, in feriali officio, postquam Celebrans dixit Orationes post communionem cum suis solitis conclusionibus, antequam dicat: *Dominus vobiscum*, stans in eodem loco ante librum, dicat: *Oremus: Humiliate capita vestra Deo*, caput inclinans unica inclinatione

tione versus Crucem, & extensis manibus subjungat eadem voce Orationem super populum ibidem positam, qua finita, revertatur ad medium, osculetur Altare, & vertens se ad populum, dicat: *Dominus vobiscum*, & alia ut supra.

Dicto: *Ite Missa est*, vel: *Benedicamus Domino*, ut supra, Celebrans ante medium Altaris, manibus junctis super eo, & capite inclinato, dicat secreto: *Placeat tibi, Sancta Trinitas, &c.* Quo dicto extensis manibus hinc inde super Altare positis, ipsum in medio osculetur: tum erigens se, adhuc stans versus illud, elevans ad cœlum oculos, & manus, easdemque extendens, ac jungens, Cruci caput inclinans, dicat voce intelligibili: *Benedicat vos Omnipotens Deus*, mox vertens se ad populum a cornu Epistolæ, junctis manibus ante pectus, demissis ad terram oculis, & perventus ad circuli medietatem, statim sinistra infra pectus posita, extensa manu dextera, cujus digitis simul junctis, & extensis, parvum digitum vertens ad populum, cui benedicit, semel benedicat populo dicens: *Pater, & Filius, & Spi-*

& *Spiritus Sanctus*. Dicens: *Pater*,
 ducat primam lineam a fronte; di-
 cens: & *Filius*, ducat ad pectus;
 dicens: *Et Spiritus Sanctus*, ducat
 secundam lineam transversam ab hu-
 mero sinistro ad dexterum. Respon-
 so: *Amen*, & circulum perficiens
 accedat ad cornu Evangelii, ubi
 stans versus ejusdem cornu dicat:
Dominus vobiscum: quo statim di-
 cto, posita sinistra super Missale,
 vel si non adsit, super Altare, pol-
 lice dextero signans signo Crucis ini-
 tium Evangelii, quo signato ponat
 sinistram intra pectus, & eodem pol-
 lice dextero signet frontem, os, &
 pectus sui ipsius, interim dicens: *I-*
nitium, vel *Sequentia Sancti Evan-*
gelii secundum, &c. Quo dicto jun-
 gat manus ante pectus, & legat E-
 vangelium; *In principio*, vel aliud
 pro qualitate Missæ. Dicens: *Et ver-*
bum caro factum est, genuflectat ver-
 sus cornu Evangelii, & surgens, pro-
 sequatur ut prius, quo finito, non
 osculetur librum, si usus est, & il-
 lum claudat dextera manu, ita ut pars
 aperta libri respiciat cornu Evangelii,
 non Calicem; similiter non osculetur
 Tabellam ordinariam Evangelii S.
 Joan.

Joannis; neque Altare, si libro usus non est.

Finito ultimo Evangelio, rediens Celebrans manibus junctis ante pectus ad medium Altaris, Cruci caput inclinet, deinde revoluta ambabus manibus anteriore parte veli super Calicem, accipiat eundem Calicem per nodum manu sinistra, dexteram extensam ponens super bursam, ne aliquid cadat, retrahens se aliquantulum ad partem Evangelii, in planum Capellæ discendat, & ibi in medio vertens se ad illud, caput Cruci inclinet, vel si in eo est Tabernaculum SS. Sacramenti, genuflectat, & facta inclinatione, vel genuflexione, se erigat, accipiat biretum a Ministro, caput cooperiat, & præcedente eodem Ministro, eodem modo, quo venerat, redeat ad Sacristiam, interim dicens Antiphonam: *Trium puerorum*, & Canticum: *Benedicite*.

Perventus in Sacristiam capite cooperto profundam faciat reverentiam Cruci, vel principali Imagini, non benedicens Ministrum manu, sed, si velit, voce benedicat, dicens: *Dominus te benedicat*, quo facto, deponat Calicem in locum pristinum,
in

in quo erat ; quo deposito , & capite detecto Sacerdotes ibi præsentes salutet , si adsint : deinde exuat se ordine retrogrado , Cruces osculetur ad singula paramenta , in quibus adsunt . Advertat Sacerdos , quod in depositione Albæ , primum exuat brachium dexterum , eoque subtus eandem Albam immisso , inferiorem ipsius Albæ partem elevet ab eodem latere supra caput , ac ea sinistro humero superposita , brachium sinistrum exuat , tum relinquat eam Ministro , postea tollens Amictum prius osculatum ad Crucem , tradat eidem Ministro , & statim ob reverentiam Sacramenti , utriusque indicis , & pollicis summitatem abluat aqua diffundenda postea in locum mundum , & manutergio ad hoc destinato abstergat , & genuflexus in loco opportuno , ubi antea fecit præparationem , gratias agat recitans Psalmos , & Orationes extensas in prædicta Tabella præparationis . Memoriale Sacerdotum frequenter revise . Missalis Rubricas , & præcipue illas , quæ tractant de *Defectibus in Celebratione Missarum occurrentibus* . Si plura desideres , vide librum , cuius

ius titulus est : *Avvertimenti ai Sacerdoti per l'osservanza esatta de' Sacri Riti, e ceremonie nella celebrazione della S. Messa privata, stampati per ordine dell' Eminentiss. e Reverendiss. Sig. Cardinale Gregorio Barbarigo Vescovo di Padova, &c.*

Servandæ ne sunt ejusmodi ceremonie, etiam in Missis pro defunctis?

In Missis pro defunctis ante Confessionem non dicatur Psalmus: *Judica me Deus*, sed pronunciata Antiphona: *Introibo ad Altare Dei*, & responso a Ministro: *Ad Deum, qui letificat*, &c. dicatur versus: *Adjutorium nostrum*, & confessio cum reliquis, ut supra.

Cum Celebrans ad Altare incipiat introitum, non signet se, sed manu dextera extensa faciat signum Crucis in aere super librum, quasi aliquem benedicens, sinistra super Missali posita.

Non dicatur: *Gloria Patri*, sed post Psalmum repetatur: *Requiem æternam*, nec dicatur: *Gloria in excelsis* &c. nec *Alleluja*.

Ante Evangelium non dicatur: *Jube, Domine, benedicere*, nec *Dominus sit in corde meo*, &c. nec osculetur

letur librum, nec dicatur: *Per Evangelica dicta, &c.* in fine Evangelii.

Non dicatur: *Credo, &c.* nec benedicatur aquæ ampullæ in Calicem fundendæ: dicatur tamen Oratio: *Deus qui humane substantiæ dignitatem, &c.*

Cum lavat manus, in fine Psalmi: *Lavabo inter innocentes, &c.* non dicatur: *Gloria Patri, &c.* Ad: *Agnus Dei* non dicatur: *Miserere nobis*, sed ejus loco dicatur: *Dona eis Requiem*, nec tertio: *Dona nobis pacem*, sed ejus loco: *Dona eis requiem sempiternam*, nec percutiatur pectus, sed dicatur manibus ante pectus junctis, non vero super Altare positis.

Non dicatur prima Oratio ante Communionem, scilicet: *Domine Jesu Christe, qui dixisti Apostolis tuis, &c.* nec detur Pax.

In fine non dicatur: *Ite Missa est*, nec: *Benedicamus Domino*, sed in plurali numero: *Requiescant in pace*, etiamsi pro uno tantum celebrante sit Missa. Et non detur Benedictio, sed dicto: *Placeat, &c.* & osculato Altari dicatur: *Dominus vobiscum, & In principio erat Verbum, &c.* Alia omnia servantur, ut in aliis Missis.

Ad-

Advertat postremo Celebrans, ne quid addat, vel detrahat, aut mutet in Missa circa Ritus, & caeremonias in Missali præscriptas; alioquin mortaliter delinquet, etiamsi ex devotione tantum id agere præsumat, ut etiam infra dicetur, & colligitur ex Bulla Pii V. Missali præfixa.

De Ordine Ministrandi Sacram
Communione extra Missam.

C A P U T IX.

Explica ordinem comunicandi extra Missam, quem Sacerdos observare debet?

CUm igitur extra Missam est ministranda sacra Communio, prius paretur in Altari, ubi est Tabernaculum SS. Sacramenti, per Sacristam, Bursa coloris convenientis festo, cum corporali intus, vel saltem Palla major, quam quæ adhibetur ad tegendum Calicem, & purificatorium prope medium Altaris, juxta corporale, vel pallam ad latus Epistolæ, & ad idem cornu in medio prope Tabernaculum ponatur vas aquæ
ad

ad abluendos digitos Sacerdotis, ablutio vero effundenda est postea in Sacrarium; ibi etiam paretur clavis Tabernaculi, & mappæ lineæ extendantur super cancellos, si necesse sit, ante communicandos: item si opus sit, paretur scabellum, de quo infra ad cornu Epistolæ in plano Altaris. Hæc omnia ita parata manere debent a mane usque ad meridiem, si frequentia communicandorum adsint.

His itaque paratis, & accensis duabus candelis in Altari, Sacerdos lotis prius manibus, si non sit sacris vestibus indutus, induatur superpelliceo, & Stola e collo pendente coloris officio diei convenientis, (ita decrevit Sac. Congreg. Rit. 12. Julii 1628.) & præcedente Ministro cotta induto, pergat ad Altare capite cooperto, & manibus ante pectus junctis cum incessu gravi; quo cum pervenerit, dato bireto Ministro, genuflectat in plano usque ad terram, & Minister cum eo aliquantulum retro, & surgat, & rursus flexis genibus super infimum gradum Altaris parumper oret, si velit, dicens Orationem: *Aures tue pietatis*, aut aliam convenientem. Statim assurrectus ascendat

ad Altare, extrahat corporale de Bursa, eaque ad latus Evangelii deposita, illud, vel pallam prædictam extendat, purificatorium sibi prope vas purificationis paret, & accepta clave (si opus sit, Minister ministret parvum scabellum, ut supra illud Sacerdos ascendens, commode, & facile extrahat Pyxidem e Tabernaculo quod statim removeat post ejusdem Pyxidis extractionem) aperiat Tabernaculum, genuflectat, (hæc genuflexio vero, si utatur Scabello, facienda tantum est ante ascensum, & post descensum) surgat statim, & extrahat Pyxidem, quam reverenter deponat super corporale, vel pallam in medio, & eam aperiat, ac iterum genuflectat, & stet ad Altare conversus, si nondum fuerit finita confessio, quam nomine omnium faciat Minister genuflexus in latere Epistolæ dicens. *Confiteor, &c.* ac rursus genuflectat, antequam se convertat: vel si facta fuerit confessio, statim manibus junctis ante pectus vertat se ad communicandos, advertens, ne terga vertat Sacramento, & ad cornu Evangelii stans dicat: *Misereatur vestri, &c.* etiam si sit unus tantum

communicandus, & prosequatur: *Indulgentiam, absolutionem, & remissionem peccatorum vestrorum tribuat vobis omnipotens, & misericors Dominus*, producens manu dextera signum Crucis super communicandos, sinistra infra pectus posita. Data vero ad *Indulgentiam* benedictione, Sacerdos ad Altare se convertat, & facta genuflexione, capiat sinistra nodum Pyxidis firmiter, ne decidat, & duobus digitis, scilicet pollice, & indice dexterae manus, accipiat sacram Particulam, & eam elevet super Pyxidem, ita tamen, & dextera manu adhæreat Pyxidi, & conversus ad populum in medio Altaris, oculis ad Sacramentum intentis, dicat clara voce: *Ecce agnus Dei, ecce qui tollit peccata mundi*, mox subdat: *Domine, non sum dignus*, &c. quod iterum, ac tertio repetat; qua formula utendum est, cum foeminae etiam communio ministratur.

Postea ad communicandos accedat, incipiens ab iis qui sunt ad partem Epistolæ, sed primo Ministrum communicet, si sit paratus, vel Sacerdotes, vel alios de clero, si adsint ad id parati, genuflexos ad gradus Altaris,

taris, quia quantum fieri potest, intra sepimentum Altaris, sint a laicis distincti. Sacerdotes vero cum stola communicent, & Clerici cum cottis suis. Tunc descendens ad cancellos, si cancelli adsint, secus ad gradus Altaris, versus latus Epistolæ incipiens, unicuique laicorum porrigat Sacramentum, faciens cum eo signum Crucis, eo modo, quo se signat, ita ut limites Pyxidis non egrediatur, simul dicens: *Corpus Domini nostri Jesu Christi &c.* addens & ipse. Amen. Porro Sacerdos, dum tenet particulam pollice, & indice dexteræ manus, alios tres digitos inflexos, & intra manum complicatos teneat.

Tandem omnibus communicatis, Sacerdos redeat ad Altare, digitos adhuc tenens junctos super Pyxidem, quibus tetigit, & ministravit Sacramentum, quam Pyxidem super Corporale, vel pallam in medio collocet, excutiat diligenter in illam fragmenta, si quæ forsan digitis adhæserint, abluat digitos, quibus tetigit Sacramentum, & eos abstergat purificatorio: digitis exteris, Sacerdos genuflectat, surgat, cooperiat Pyxidem, reponat in Tabernaculum,

lum, ministro rursus ministrante prædictum scabellum, si opus sit, genuflectat iterum, claudat Tabernaculum, illud clave obseret, minister scabellum removeat, & Sacerdos conversus ad communicatos manibus junctis, & stans in medio, extensa manu dextera, tenens sinistram pectori admotam, benedicat ipsis, dicens: *Benedictio Dei omnipotentis, Patris* ✠, *& Filii, & Spiritus Sancti, descendat super vos, & maneat semper:* cui Minister genuflexus respondeat: *Amen:* Antequam vero benedicat; interim faciens prædictas actiones dicat: *O Sacrum convivium &c.* Tum versum; *Panem de calo &c.* cui tempore Paschali, & etiam infra Octavam Corporis Christi addatur: *Alleluja:* & Minister respondeat: *Omne delectamentum &c.* Tum versus: *Domine exaudi &c.* & Dominus vobiscum, postea: *Oremus,* & Orationem subdat: *Deus qui nobis &c.* & tempore Paschali: *Spiritum nobis Domine &c.* ut in Rituali Romano. Data benedictione Sacerdos plicet Corporale, & reponat in bursam, quam collocet, ut prius, vel relinquat extensum ob frequentiam comunicandorum,

rum, & facta inclinatione Cruci, descendat in planum, ubi genuflectat, & surgens, ac accipiens biretum a Ministro, caput tegat, & revertatur in Sacristiam, pro ut venerat.

Gavantis vero in (*Cærem. Cleric. Regular. S. Pauli lib. 3. cap. 7.* vult, quod Sacerdos redeat ad Altare (communicatis jam omnibus), digitos adhuc tenens super pyxidem, quibus Sacramentum tetigit, deponat Pyxidem, genuflectat, surgat, & dicat: *O sacrum convivium, &c.* ut supra. Diligenter advertat, ne quid fragmenti digitis adhæreat, & illud in Pyxidem deponat; genuflectat, surgat, Pyxidem cooperiat operculo, digitos abluat, ministrante Clerico abluitionem in cornu Epistolæ, & purificatorio abstergat, genuflectens, dum recedit a medio, & ad medium rediens iterum genuflectat, surgat, & reponat Pyxidem in Tabernaculum, & rursus genuflectens clave obsecret: postea extensa manu dextera semel benedicat iis, qui communicaverunt, dicens. *Benedictio Dei Omnipotentis &c.* reliqua ut supra. Si alicui hic Gavanti ritus placeat, illum teneat, si non placeat, primum sequatur.

Regulariter nemini datur Communio ante Missam a Sacerdote mox celebraturo, sed si forte rationabili causa danda sit aliquibus ad altare, ubi est Tabernaculum, servantur ea supra dicta, & facta Communione, Sacerdos antequam incipiat Missam, det benedictionem ut supra, quia est extra Missam, & quia forte communicati non audituri sunt ipsam Missam sequentem.

Si aliqui vero petant communionem, finita Missa, quæ celebratur ad altare SS. Sacramenti, Sacerdos retenta planeta, & Stola cum manipulo, collocatoque calice in cornu Evangelii, extrahat corporale, dummodo non adsit palla, quia si adsit, non extrahat, Tabernaculum aperiat, cæteraque præstet ritu, quo supra. Hæc omnia, habuimus ex Bauldry, Bongiovanni, Tonello, & aliis.

De Missa Privata coram SS.
Sacramento exposito.

C A P U T X.

*Quinam ritus servandus est in
celebratione Missæ coram Sa-
cramento exposito?*

IN eo altari, in quo SS. Sacramen-
tum expositum est, celebrandum
non esset, ut habemus in Cæremon.
Episcop. lib. 1. cap. 12. Quia vero usu
receptum est, ut aliquando etiam
coram ipso solemniter exposito cele-
bretur, operæ prætium duxi ea omnia
præscribere, quæ in hujusmodi cele-
bratione servanda sunt, juxta ea,
quæ a recentioribus Cæremoniarum
Magistris, præsertim a numquam satis
laudatis Bauldry, Buongiovanni, &
Tonellio fusius indicantur.

Statim ac Sacerdos Presbyterium,
seu Cappellam dicti Altaris ingredi-
tur, aliquantulum consistens, caput
detegat, porrigens Ministro birre-
tum, & cum post Missam regreditur,
illud accipiat a Ministro, caputque
tegat ibidem, & perveniens ante

infimum gradum ad medium Altaris, genuflectat utroque genu in plana terra, caput quoque profunde inclinans: alia vero genuflexiones, præter hanc primam, & ultimam, fiant unico genu, absque capitis inclinatione, nisi aliter notetur.

Facta hac genuflexione, mox surgens recta ascendat ad Altare; & posito Calice in cornu Evangelii, antequam extrahat Corporale de Bursa, genuflectat, postea aperto, ac aptato Corporali, & Calice superposito, genuflectat iterum, & accedat ad cornu Epistolæ, unde aperto libro redeat ad medium Altaris, & genuflectat, nullaque interpolata mora aliquantulum retrahens se ad cornu Evangelii, advertens ne terga vertat Sacramento, descendat in planum, ibique genuflectens super infimum gradum, unico tantum genu, caput tamen eodem tempore inclinans, erectus incipiat Missam more solito.

Dicto vero Psalmo, & facta Confessione, &c. non genuflectat antequam ascendat ad Altare, sed postquam ascenderit, antequam incipiat orationem: *Oramus te Domine &c.* genuflectat, & postquam illam dixerit, oscu-

osculato prius Altari, iterum genuflectat; deinde accedat ad librum, & lecto Introitu, rediens in medium, antequam incipiat: *Kyrie eleison*, genuflectat.

Dicturus: *Dominus vobiscum*, osculetur prius Altare, genuflectat, & vertat se ad populum sistens se renibus ad cornu Evangelii semiverfis, ne terga vertat Sacramento, (quod semper faciat, quoties se convertit ad populum) quo dicto vertat se facie ad medium Altaris, ubi iterum genuflectat, antequam accedat ad librum.

Genuflectat ante, & post *Munda cor meum*, in medio Altaris, & eodem loco genuflectat, antequam incipiat: *Credo*, quo dicto osculetur prius Altare, postea genuflectat, & conversus ad populum ut supra, dicat *Dominus vobiscum*, & conversus ad Altare genuflectat iterum, & postea dicat *Oremus*.

Antequam accedat ad cornu Epistolæ, ut vinum in Calicem infundat, & iterum reversus ad medium, genuflectat.

Dicto: *Veni Sanctificator*, & benedictis oblatis non jungat manus, nec

in quo erat; quo deposito, & capite detecto Sacerdotes ibi præsentes saluter, si adsint: deinde exuat se ordine retrogrado, Cruces osculetur ad singula paramenta, in quibus adsunt. Advertat Sacerdos, quod in depositione Albæ, primum exuat brachium dexterum, eoque subtus eandem Albam immisso, inferiorem ipsius Albæ partem elevet ab eodem latere supra caput, ac ea sinistro humero superposita, brachium sinistrum exuat, tum relinquat eam Ministro, postea tollens Amictum prius osculatum ad Crucem, tradat eidem Ministro, & statim ob reverentiam Sacramenti, utriusque indicis, & pollicis summitatem abluat aqua diffundenda postea in locum mundum, & manutergio ad hoc destinato abstergat, & genuflexus in loco opportuno, ubi antea fecit præparationem, gratias agat recitans Psalmos, & Orationes extensas in prædicta Tabella præparationis. Memoriale Sacerdotum frequenter revise. Missalis Rubricas, & præcipue illas, quæ tractant de *Defectibus in Celebratione Missarum occurrentibus*. Si plura desideres, vide librum, cujus

ius titulus est : *Avvertimenti ai Sacerdoti per l'osservanza esatta de' Sacri Riti, e ceremonie nella celebrazione della S. Messa privata, stampati per ordine dell' Eminentiss. e Reverendiss. Sig. Cardinale Gregorio Barbarigo Vescovo di Padova, &c.*

Servandæ ne sunt ejusmodi ceremonie, etiam in Missis pro defunctis?

In Missis pro defunctis ante Confessionem non dicatur Psalmus : *Judica me Deus*, sed pronunciata Antiphona : *Introibo ad Altare Dei*, & responso a Ministro : *Ad Deum, qui letificat*, &c. dicatur versus : *Adjutorium nostrum*, & confessio cum reliquis, ut supra.

Cum Celebrans ad Altare incipiat introitum, non signet se, sed manu dextera extensa faciat signum Crucis in aere super librum, quasi aliquem benedicens, sinistra super Missali posita.

Non dicatur : *Gloria Patri*, sed post Psalmum repetatur : *Requiem æternam*, nec dicatur : *Gloria in excelsis* &c. nec *Alleluja*.

Ante Evangelium non dicatur : *Jube, Domine, benedicere*, nec *Dominus sit in corde meo*, &c. nec osculetur

letur librum, nec dicatur: *Per Evangelica dicta, &c.* in fine Evangelii.

Non dicatur: *Credo, &c.* nec benedicatur aquæ ampullæ in Calicem fundendæ: dicatur tamen Oratio: *Deus qui humana substantia dignitatem, &c.*

Cum lavat manus, in fine Psalmi: *Lavabo inter innocentes, &c.* non dicatur: *Gloria Patri, &c.* Ad: *Agnus Dei* non dicatur: *Miserere nobis*, sed ejus loco dicatur: *Dona eis Requiem*, nec tertio: *Dona nobis pacem*, sed ejus loco: *Dona eis requiem sempiternam*, nec percutiatur pectus, sed dicatur manibus ante pectus junctis, non vero super Altare positis.

Non dicatur prima Oratio ante Communionem, scilicet: *Domine Jesu Christe, qui dixisti Apostolis tuis, &c.* nec detur Pax.

In fine non dicatur: *Ite Missa est*, nec: *Benedicamus Domino*, sed in plurali numero: *Requiescant in pace*, etiamsi pro uno tantum celebrante sit Missa. Et non detur Benedictio, sed dicto: *Placeat, &c.* & osculato Altari dicatur: *Dominus vobiscum, & In principio erat Verbum, &c.* Alia omnia servantur, ut in aliis Missis.

Ad.

Advertat postremo Celebrans, ne quid addat, vel detrahat, aut mutet in Missa circa Ritus, & caeremonias in Missali præscriptas; alioquin mortaliter delinquet, etiamsi ex devotione tantum id agere præsumat, ut etiam infra dicetur, & colligitur ex Bulla Pii V. Missali præfixa.

De Ordine Ministrandi Sacram-
Communione extra Missam.

C A P U T IX.

Explica ordinem comunicandi extra Missam, quem Sacerdos observare debet?

CUM igitur extra Missam est ministranda sacra Communio, prius paretur in Altari, ubi est Tabernaculum SS. Sacramenti, per Sacristam, Bursa coloris convenientis fesso, cum corporali intus, vel saltem Palla major, quam quæ adhibetur ad tegendum Calicem, & purificatorium prope medium Altaris, juxta corporale, vel pallam ad latus Epistolæ, & ad idem cornu in medio prope Tabernaculum ponatur vas aquæ
ad

ad abluendos digitos Sacerdotis, ablutio vero effundenda est postea in Sacrarium; ibi etiam paretur clavis Tabernaculi, & mappæ lineæ extendantur super cancellos, si necesse sit, ante communicandos: item si opus sit, paretur scabellum, de quo infra ad cornu Epistolæ in plano Altaris. Hæc omnia ita parata manere debent a mane usque ad meridiem, si frequentia communicandorum adsint.

His itaque paratis, & accensis duabus candelis in Altari, Sacerdos lotis prius manibus, si non sit sacris vestibus indutus, induatur superpelliceo, & Stola e collo pendente coloris officio diei convenientis, (ita decrevit Sac. Congreg. Rit. 12. Julii 1628.) & præcedente Ministro cotta induto, pergat ad Altare capite cooperto, & manibus ante pectus junctis cum incessu gravi; quo cum pervenerit, dato bireto Ministro, genuflectat in plano usque ad terram, & Minister cum eo aliquantulum retro, & surgat, & rursus flexis genibus super infimum gradum Altaris parumper oret, si velit, dicens Orationem: *Aures tue pietatis*, aut aliam convenientem. Statim assurrectus ascendat
ad

ad Altare, extrahat corporale de Bursa, eaque ad latus Evangelii deposita, illud, vel pallam prædictam extendat, purificatorium sibi prope vas purificationis paret, & accepta clave (si opus sit, Minister ministret parvum scabellum, ut supra illud Sacerdos ascendens, commode, & facile extrahat Pyxidem e Tabernaculo quod statim removeat post ejusdem Pyxidis extractionem) aperiat Tabernaculum, genuflectat, (hæc genuflexio vero, si utatur Scabello, facienda tantum est ante ascensum, & post descensum) surgat statim, & extrahat Pyxidem, quam reverenter deponat super corporale, vel pallam in medio, & eam aperiat, ac iterum genuflectat, & stet ad Altare conversus, si nondum fuerit finita confessio, quam nomine omnium faciat Minister genuflexus in latere Epistolæ dicens. *Confiteor, &c.* ac rursus genuflectat, antequam se convertat: vel si facta fuerit confessio, statim manibus junctis ante pectus vertat se ad communicandos, advertens, ne terga vertat Sacramento, & ad cornu Evangelii stans dicat: *Misereatur vestri, &c.* etiam si sit unus tantum

communicandus, & prosequatur: *Indulgentiam, absolutionem, & remissionem peccatorum vestrorum tribuat vobis omnipotens, & misericors Dominus*, producens manu dextera signum Crucis super communicandos, sinistra infra pectus posita. Data vero ad *Indulgentiam* benedictione, Sacerdos ad Altare se convertat, & facta genuflexione, capiat sinistra nodum Pyxidis firmiter, ne decidat, & duobus digitis, scilicet pollice, & indice dexteræ manus, accipiat sacram Particulam, & eam elevet super Pyxidem, ita tamen, & dextera manu adhæreat Pyxidi, & conversus ad populum in medio Altaris, oculis ad Sacramentum intentis, dicat clara voce: *Ecce agnus Dei, ecce qui tollit peccata mundi*, mox subdat: *Domine, non sum dignus, &c.* quod iterum, ac tertio repetat; qua formula utendum est, cum foeminae etiam communio ministratur.

Postea ad communicandos accedat, incipiens ab iis qui sunt ad partem Epistolæ, sed primo Ministrum communice, si sit paratus, vel Sacerdotes, vel alios de clero, si adsint, ad id parati, genuflexos ad gradus Altaris,

taris, quia quantum fieri potest, intra sepimentum Altaris, sint a laicis distincti. Sacerdotes vero cum stola communicent, & Clerici cum cottis suis. Tunc descendens ad cancellos, si cancelli adsint, secus ad gradus Altaris, versus latus Epistolæ incipiens, unicuique laicorum porrigat Sacramentum, faciens cum eo signum Crucis, eo modo, quo se signat, ita ut limites Pyxidis non egrediatur, simul dicens: *Corpus Domini nostri Jesu Christi &c.* addens & ipse. *Amen.* Porro Sacerdos, dum tenet particulam pollice, & indice dexteræ manus, alios tres digitos inflexos, & intra manum complicatos teneat.

Tandem omnibus communicatis, Sacerdos redeat ad Altare, digitos adhuc tenens junctos super Pyxidem, quibus tetigit, & ministravit Sacramentum, quam Pyxidem super Corporale, vel pallam in medio collocet, excutiat diligenter in illam fragmenta, si quæ forsan digitis adhæserint, abluat digitos, quibus tetigit Sacramentum, & eos abstergat purificatorio: digitis exteris, Sacerdos genuflectat, surgat, cooperiat Pyxidem, reponat in Tabernacu-

lum, ministro rursus ministrante prædictum scabellum, si opus sit, genuflectat iterum, claudat Tabernaculum, illud clave obseret, minister scabellum removeat, & Sacerdos conversus ad communicatos manibus junctis, & stans in medio, extensa manu dextera, tenens sinistram pectori admotam, benedicat ipsis, dicens: *Benedictio Dei omnipotentis, Patris* ✠, *& Filii, & Spiritus Sancti, descendat super vos, & maneat semper:* cui Minister genuflexus respondeat: *Amen:* Antequam vero benedicat; interim faciens prædictas actiones dicat: *O Sacrum convivium &c.* Tum versum; *Panem de calo &c.* cui tempore Paschali, & etiam infra Octavam Corporis Christi addatur: *Alleluja:* & Minister respondeat: *Omne delectamentum &c.* Tum versus: *Domine exaudi &c.* & Dominus vobiscum, postea: *Oremus,* & Orationem subdat: *Deus qui nobis &c.* & tempore Paschali: *Spiritum nobis Domine &c.* ut in Rituali Romano. Data benedictione Sacerdos plicet Corporale, & reponat in bursam, quam collocet, ut prius, vel relinquat extensum ob frequentiam comunicandorum,

rum, & facta inclinatione Cruci, descendat in planum, ubi genuflectat, & surgens, ac accipiens biretum a Ministro, caput tegat, & revertatur in Sacristiam, pro ut venerat.

Gavantus vero in (*Carem. Cleric. Regular. S. Pauli lib. 3. cap. 7.* vult, quod Sacerdos redeat ad Altare (communicatis jam omnibus), digitos adhuc tenens super pyxidem, quibus Sacramentum tetigit, deponat Pyxidem, genuflectat, surgat, & dicat: *O sacrum convivium, &c.* ut supra. Diligenter advertat, ne quid fragmenti digitis adhæreat, & illud in Pyxidem deponat; genuflectat, surgat, Pyxidem cooperiat operculo, digitos abluat, ministrante Clerico abluitionem in cornu Epistolæ, & purificatorio abstergat, genuflectens, dum recedit a medio, & ad medium rediens iterum genuflectat, surgat, & reponat Pyxidem in Tabernaculum, & rursus genuflectens clave obsecret: postea extensa manu dextera semel benedicat iis, qui communicaverunt, dicens. *Benedictio Dei Omnipotentis &c.* reliqua ut supra. Si alicui hic Gavanti ritus placeat, illum teneat, si non placeat, primum sequatur.

Regulariter nemini datur Commu-
nio ante Missam a Sacerdote mox
celebraturo, sed si forte rationabili
causa danda sit aliquibus ad altare,
ubi est Tabernaculum, servantur ea
supra dicta, & facta Communionem,
Sacerdos antequam incipiat Missam,
det benedictionem ut supra, quia
est extra Missam, & quia forte
communicati non audituri sunt ipsam
Missam sequentem.

Si aliqui vero petant communio-
nem, finita Missa, quæ celebratur
ad altare SS. Sacramenti, Sacerdos
retenta planeta, & Stola cum ma-
nipulo, collocatoque calice in cornu
Evangelii, extrahat corporale, dum-
modo non adsit palla, quia si ad-
sit, non extrahat, Tabernaculum
aperiat, cæteraque præstet ritu,
quo supra. Hæc omnia, habuimus
ex Bauldry, Bongiovanni, Tonel-
lio, & aliis.

De Missa Privata coram SS.
Sacramento exposito.

C A P U T X.

*Quinam ritus servandus est in
celebratione Missæ coram Sa-
cramento exposito?*

IN eo altari, in quo SS. Sacramen-
tum expositum est, celebrandum
non esset, ut habemus in Cæremon.
Episcop. lib. 1. cap. 12. Quia vero usu
receptum est, ut aliquando etiam
coram ipso solemniter exposito cele-
bretur, operæ prætium duxi ea omnia
præscribere, quæ in hujusmodi cele-
bratione servanda sunt, juxta ea,
quæ a recentioribus Cæremoniarum
Magistris, præsertim a numquam satis
laudatis Bauldry, Buongiovanni, &
Tonellio fusius indicantur.

Statim ac Sacerdos Presbyterium,
seu Cappellam dicti Altaris ingredi-
tur, aliquantulum consistens, caput
detegat, porrigens Ministro birre-
tum, & cum post Missam regreditur,
illud accipiat a Ministro, caputque
tegat ibidem, & perveniens ante

infimum gradum ad medium Altaris, genuflectat utroque genu in plana terra, caput quoque profunde inclinans: aliae vero genuflexiones, præter hanc primam, & ultimam, fiant unico genu, absque capitis inclinatione, nisi aliter notetur.

Facta hac genuflexione, mox surgens recta ascendat ad Altare; & posito Calice in cornu Evangelii, antequam extrahat Corporale de Bursa, genuflectat, postea aperto, ac aptato Corporali, & Calice superposito, genuflectat iterum, & accedat ad cornu Epistolæ, unde aperto libro redeat ad medium Altaris, & genuflectat, nullaque interpolita mora aliquantulum retrahens se ad cornu Evangelii, advertens ne terga vertat Sacramento, descendat in planum, ibique genuflectens super infimum gradum, unico tantum genu, caput tamen eodem tempore inclinans, erectus incipiat Missam more solito.

Dicto vero Psalmo, & facta Confessione, &c. non genuflectat antequam ascendat ad Altare, sed postquam ascenderit, antequam incipiat orationem: *Oramus te Domine &c.* genuflectat, & postquam illam dixerit, oscu-

osculato prius Altari, iterum genuflectat; deinde accedat ad librum, & lecto Introitu, rediens in medium, antequam incipiat: *Kyrie eleison*, genuflectat.

Dicturus: *Dominus vobiscum*, osculetur prius Altare, genuflectat, & vertat se ad populum sistens se renibus ad cornu Evangelii semiversis, ne terga vertat Sacramento, (quod semper faciat, quoties se convertit ad populum) quo dicto vertat se facie ad medium Altaris, ubi iterum genuflectat, antequam accedat ad librum.

Genuflectat ante, & post *Munda cor meum*, in medio Altaris, & eodem loco genuflectat, antequam incipiat: *Credo*, quo dicto osculetur prius Altare, postea genuflectat, & conversus ad populum ut supra, dicat *Dominus vobiscum*, & conversus ad Altare genuflectat iterum, & postea dicat *Oremus*.

Antequam accedat ad cornu Epistolæ, ut vinum in Calicem infundat, & iterum reversus ad medium, genuflectat.

Dicto: *Veni Sanctificator*, & benedictis oblatis non jungat manus, nec

caput inclinet, sed genuflectat, deinde manibus junctis, recta incedens versus cornu Epistolæ, descendat in planum, ibique in plana terra non statim se convertat ad populum, sed vertendo faciem ad parietem Altaris, & successive ad cornu Evangelii, ne terga vertat ad Sacramentum, perficiat circulum, & sic facie conversus ad populum lavet manus, easque tergat, quibus lotis, & absterfis, redeat ad medium Altaris, ad quod reversus genuflectat. Hoc fit ad maiorem decentiam.

Dicturus *Orate fratres*, osculato prius Altari, genuflectat, & versus ad populum illud dicat eo modo, quo *Dominus vobiscum* in cornu Evangelii, quo dicto, circulum non perficiat, sed rediens per eandem viam, iterum genuflectat in medio Altaris. Reliqua peragat usque ad communionem, ut in aliis Missis.

Post sumptam purificationem posito Calice extra Corporale ad cornu Epistolæ, genuflectat, deinde accepto Calice, & in eo facta ablutione digitorum de more, non extra Altare, qua facta, & extensis digitis, reversus ad medium genuflectat iterum, ibi.

ibique in medio Altaris sumat ablu-
tionem more solito, licet aliqui con-
trarium dixerint. Hæc nostra opinio
firmiter tenenda est ex autoritate
Cærem. *Episcop. lib. 2. cap. 23.* cum
non videatur ulla irreverentia in
abluendis digitis super Calicem in
cornu Epistolæ, & in sumenda ablu-
tione Calicis in medio Altaris, sicut
& purificatione.

Antequam discedat a medio dictu-
rus *Communionem*, genuflectat, qua
dicta redeat ad medium Altaris, ge-
nuflectat prius, postea osculetur Al-
tare, & convertat se ad populum,
ut supra dicens: *Dominus vobiscum*;
quo dicto conversus ad Altare ite-
rum genuflectat, mox surgens vadat
ad librum lecturus Orationem, vel
Orationes.

Dictis orationibus accedat ad me-
dium, genuflectat, osculetur Altare,
& dicat versus ad populum: *Domi-
nus vobiscum*, & *Ite Missa est* semi-
vertens ad cornu Evangelii, ut supra,
& iterum conversus ad Altare genu-
flectat. Si vero dicturus sit: *Benedi-
camus Domino*, conversus ad Altare
post *Dominus vobiscum*, prius ge-
nuflectat, antequam illud dicat.

Ad Benedictionem dicto : *Placeat tibi Sancta Trinitas &c.* osculetur Altare , & dicto *Benedicat vos omnipotens Deus* , caput non inclinet , sed genuflectat , & conversus ad populum in cornu Evangelii eo modo quo supra ad : *Dominus vobiscum* illum benedicat more solito , & non perficiat circulum , neque redeat ad medium Altaris , ut genuflectat , sed statim in eodem cornu , ubi benedixit populum , conversus ad Altare circulum non faciens dicat : *Dominus vobiscum* , & legat Evangelium , non signans Altare ad *Initium* , sed librum solum , aut Tabellam , si adsit ; si neutrum adsit , signet solum seipsum , & hoc faciat , non solum quando Sacramentum est in plano Altaris , sed etiam si esset altius Altari .

Dicturus : *Et Verbum caro factum est* , genuflectat aliquantulum versus SS. Sacramentum , quod faciat etiam ad similia verba , ad quæ solet genuflecti tam in cornu Evangelii , quam in cornu Epistolæ .

Finito Evangelio , accedens ad medium , antequam capiat Calicem , genuflectat , quo capto descendat humeris versis ad cornu Evangelii ,

ut

ut in principio Missæ, & quando est in plano, genuflectat utroque genu, caput quoque profunde inclinans, & discedens caput tegat ibi, ubi adveniens detexerat, aliquantulum consistens, nec prius biretum recipiat a Ministro.

Regula generalis est, quoties celebrans accedat ad medium Altaris, aut ab eodem medio recedat, vel transit ante illud, toties genuflectat unico tamen genu.

Generaliter insuper, quando debet osculari Altare, genuflectique in hac Missa, servanda est hæc regula. Cum Celebrans est jam in medio Altaris, ut post *Kyrie*, & ante Offertorium, quando dictum est *Credo*, debet prius osculari Altare, postea genuflectere: cum vero venit a cornu Evangelii, ut quando post Evangelium, non dicitur *Credo*, vel a cornu Epistolæ, ut post Communionem, & post ultimam Orationem, tunc debet prius genuflectere, postea Altare osculari. Ratio horum est, quia genuflexio, accedendo ad medium Altaris, debet fieri primo loco, recedendo ab Altari, ultimo loco. Hæc omnia ad literam excerpimus

plimus ex prænotatis auctoribus .

Tonellius vero pro coronide hujus capitis notat, quod si urgente necessitate, in dicto Altari ministratur Eucharistia, Sacerdos vertens se ad populum cum Sacramento dicturus *Ecce Agnus Dei, &c.* stet in medio Altaris more solito, attendens solum ad illud, quod præmanibus habet, & item servatur feria quinta in Cœna Domini, in Communionem Cleri, cum ibi præscribatur conversio ad communicandos, more solito, & ita habetur in Cærimon. Episcop. lib. 2. cap. 23. Sed cum dicit: *Misereatur nostri, &c.* & cum dat benedictionem post ministratam Eucharistiam, stet in cornu Evangelii, ne terga vertat Sacramento. Hujusmodi tamen populi communio non esset in dicto Altari facienda .

De Missa privata coram Summo Pontifice, coram Prælatiſ, & Principi-
bus in loco ſuæ Jurisdictionis.

C A P U T XI.

*Quæ ſervanda ſunt in hac
privata Miſſa?*

Sacerdos, ſi celebret coram Cardinale ubique terrarum, coram Patriarcha, & Archiepiſcopo in tota ſua Provincia, coram Epſcopo in ſola ſua Diceceſi, coram Nuncio, & Legato Apoſtolico in loco ſuæ legationis, ſervet ſequentia, dummodo vero Prælatuſ, ut perſona publica, ſit genuflexuſ in Eccleſia ante medium altariſ, niſi aliud loci ſituſ impediatur, aut cornu Epistolæ. Si vero Prælatuſ ſit in loco remoto, ut perſona privata, & non ante altare, omnia omittantur a Sacerdote.

Monituſ Sacerdoſ de adventu Prælati paratuſ accedat ad altare, paret Calicem, quo præparato ſuper altare, more ſolito, (nam convenit, ut paret omnia ante Prælati adventum, ut ſtatim, ac Prælatuſ acceſſerit, inci-

incipiat Missam) redeat ad librum, & stans in cornu Epistolæ versus Altare, ipsum Prælatum expectet, quem advenientem conversus salutet debita reverentia, postea rediens ad medium, facta inclinatione Cruci, vel Sacramento genuflexione, descendat in planum, & sistat se non in medio, sed ad cornu Evangelii aliquantulum conversus ad Prælatum expectans ab eo signum incipiendi, quo dato, inclinet se Prælato profunde, & aliquantulum conversus ad Altare incipiat Missam more solito.

Si non esset ad Altare, antequam perveniat Prælatus, curet saltem, ut ante adventum Prælati paratus sit Calix in medio altaris super Corporale, simul cum Missali ad cornu Epistolæ: & in tali casu cum advenierit Prælatus, accedat ad Altare manibus junctis ante pectus, ubi dato bireto Clerico, non vertens terga Prælato, profunde se inclinet Cruci, vel genuflectat Tabernaculo SS. Sacramenti, & postea faciat profundam inclinationem Prælato, & stans in plano ad cornu Evangelii, semper expectet signum incipiendi, quo dato,

dato, iterum inclinet se Prælato profunde, & aliquantulum conversus ad Altare, incipiat Missam more solito.

Si vero Calix non sit paratus ad altare, celebrans exeat e Sacristia tecto capite, deferens Calicem præcedente Ministro, & transiens ante Prælatum se illi inclinet similiter tecto capite, postea factis debitis reverentiis omnia peragat, ut supra.

In Confessione ubi dicitur: *Vobis fratres*, &: *Vos fratres* dicat: *Tibi Pater*, &: *Te Pater*, quod dicens Prælato profunde se inclinet, & si sint plures Prælati æquales, dicat in numero plurali; *Et vobis Patres*, & *vos Patres*. Clericus vero more solito aliquantulum conversus ad Celebrantem dicat: *Tibi Pater*, &: *te Pater*.

Dicto: *Oremus*, inclinet se profunde Prælato, accedat ad medium Altaris, ante infimum gradum, & ibi incipiens, *Aufer a nobis*, &c. secreto, ut moris est, ascendat ad Altare, & alia peragat, ut in aliis Missis.

Finito Evangelio celebrans non osculetur librum, nec dicat; *Per Evangelica dicta*; &c. sed liber deferatur per Ministrum osculandus Præla-

to. Qui Minister ferat librum apertum, nec faciat reverentiam Prælato, nisi libro post osculum clauso, genuflectat, & reposito, ac rursus aperto super Altare, Celebrans prosequatur Missam. Si sint plures Prælati, osculetur librum solum dignior: si sint æquales, ut Cardinales, &c. nullus, neque ipse Celebrans osculetur.

Dicta a Celebrante prima Oratione post *Agnus Dei*, osculetur Altare in medio, & ambabus manibus tenens Instrumentum pacis, quod ei porrigitur a Ministro genuflexo a dexteris Celebrantis, illud osculetur vertens se ad Ministrum, ac dicens: *Pax tecum*, cui respondeat Minister: *Et cum Spiritu tuo*, quo dicto, surgat, & facta iterum genuflexione Sacramento, extergat, ubi osculatus est celebrans, prædictum Instrumentum pacis velo coloris paramentorum ipsius instrumenti manubrio appenso, & deferat illud osculandum Prælato sine ulla reverentia, dicens: *Pax tecum*: deinde post osculum genuflectat Prælato, & reportet cum debitis genuflexionibus, ante, & post, Instrumentum ad Altare, vel credentiam. Si plures sint Prælati, mini-

minister eis præbeat Instrumentum pacis, incipiens a dignioribus, & post osculum, non vero prius, debitam faciat reverentiam, & quolibet vice extergat illud ante osculum.

Antequam celebrans det Benedictionem, dicto *Benedicat vos Omnipotens Deus*, conversus ad Prælatum, eique profunde se inclinans, & quasi petens ab eo licentiam benedicendi populum, prosequatur dicens: *Pater, & Filius, & Spiritus Sanctus*, benedicens tantum assistentes a parte, ubi non sit Prælati, qui si sit in medio, benedicat versus cornu Evangelii.

Post finem ultimi Evangelii, Celebrans adhuc stans in cornu Evangelii, convertat se versus Prælatum, eique profunde se inclinet, nec prius discedat, quam Prælati abierit, quod si longam moram fecerit, accipiens Calicem, descendat in planum factaque Altari debita reverentia, tecto capite revertatur in Sacristiam, & si transierit ante Prælatum, capite inclinato, & cooperto illum salutet.

Si celebret autem Sacerdos coram

ram Summo Pontifice, accedens ad altare ei genuflectat, & antequam incipiat Missam genuflexus accipiat ab eo benedictionem. Item genuflectat ad Confessionem dicens: *Tibi Pater, & te Pater*. Item antequam ascendat ad Altare post Confessionem. Item antequam populo benedicat in fine Missæ. Denique post ultimum Evangelium. Cætera peragat, ut supra.

Si Sacerdos celebret coram Prælati extraneis, (dummodo non sint Cardinales, quia isti vere ubique terrarum aliquam jurisdictionem habent, & summam in toto Orbe præminentiam, tamquam consilarii Papæ, unde, & ubique Mozzetam induunt, indicium jurisdictionis) sive coram proprio in aliena Diœcesi, & si sit Archiepiscopus extra Provinciam, ita se gerat, ac si nulli adessent Prælati. Deferendum tamen est illis osculandum Instrumentum Pacis modo supradicto, & accedendo, & recedendo ab Altari, transeundo ante ipsos, facienda est eis reverentia, capite tamen tecto, tenendo manibus Calicem, secus capite aperto. Finito etiam ultimo Evangelio, honoris gratia semper illis est facienda

da reverentia. Quando vero coram proprio Episcopo extra Dioecesim, vel Archiepiscopo extra Provinciam, sed in privato Oratorio ipsiusmet Episcopi, præsente sola familia, celebratur, tunc omnia sunt observanda, ut supra, ac si esset in propria Diocesi, & nominandus est in Canone proprius Prælatus, & non Episcopus loci, in quo celebratur, cum neque ipsius Sacerdotis, neque audientium sit proprius Episcopus.

Quod servatur coram Prælati extraneis, servetur etiam coram magnis Principibus, quibus præter Instrumentum pacis, deferatur etiam liber osculandus post Evangelium, non quidem liber Altaris, quem ipse celebrans osculari debet, sed alius: nullus autem fæminis. Ante benedictionem in fine Missæ non est Principi, vel etiam Regi, facienda reverentia, quia ab eo peti non debet licentia benedicendi populum. Finito tamen Evangelio: ex consuetudine facienda est illi reverentia.

Non esset etiam facienda Confessio in cornu Evangelii coram Principibus, sed in medio Altaris. Prælato enim fit in cornu Evangelii, quia
ad

ad ipsum se debet Sacerdos convertere, dicens: *Tibi Pater, & Te Pater*. Sed hoc aliquibus in locis consuetudo jam introduxit, & ideo facienda est in hujusmodi locis, advertens vero quod ad confessionem conversio Principi facienda non est, sed more solito dicendum est: *Vobis fratres, & Vos fratres*. Hæc omnia collecta fuerunt ex Bauldry, Buon-
giovanni, Tonellio, Gavanto, & aliis in suis locis ad literam.

De Ritibus a Celebrante servandis in Missa solemni.

C A P U T XII.

O Mittere hoc caput, in quo tractatur de Ritibus servandis in Missa solemni a Celebrante, mihi erat intentio, cum hi ritus sint præter intentionem instituti: at nunc videns ego plerosque ex Clericis Missam suam primam canere, aut ad majorem Dei honorem, aut ad oblationes colligendas, stricto calamo pro Sacerdotum Missam canentium levamine hos perpaucos ritus exaro ex authoribus collectos summa bre-

brevitate, cui unice laboro, remittens prolixitatis amatores ad Bauldry, Buongiovanni, Corsettum, aliosque, in quorum libris fusius una cum Ritibus ab aliis Ministris Missæ solemnibus servandis hoc caput invenitur.

Paratis omnibus necessariis, tam pro Altari, quam pro Ministris, post tertiam, vel aliam horam juxta temporum opportunitatem, Celebrans solitis indutus paramentis, & pretiosioribus, sicuti & ministri, antequam exeat e Sacristia, stans versus imaginem, quæ est in eadem, nudo capite, & tunc ministrante Diacono naviculam, & Thuriferario thuribulum, accipiat de manu Diaconi cochlear, & sinistram tenens infrapectus positam, ter ex navicula sumat thus eadem cochleari, & ter ponat in Thuribulum tribus distinctis locis, dicens: *Ab illo benedicaris, in cujus honore cremaberis, Amen.* Quæ verba sic dispenset, ut in prima thuris impositione dicat: *Ab illo benedicaris, in secunda in cujus honore, in tertia cremaberis, Amen.* Et statim reddat Diacono cochlear. Deinde dextera signet signo Crucis thus in thuribulo adhuc aperto, nihil di-

dicens, Tum Celebrans incenso benedicto, profunde inclinetur cum Ministris, capite detecto, imagini principali in Sacristia positæ, ac statim capite tecto, procedat ad Altare cum iisdem Ministris præcedentibus, oculis demissis, manibus ante pectus junctis, incessu gravi, & corpore erecto, neminemque per viam salutans; sed si Episcopus, Cardinalis, &c. aut Magnus Princeps, &c. fiat ei obvius per Ecclesiam, tum illis inclinetur. Si vero transeat ante aliquod Altare, faciat id quod dictum fuit supra *de Missa Privata*. Perventus celebrans cum Ministris ante infimum gradum Altaris stans medius inter ministros caput detegat, & biretum Diacono det, quo facto, genuflectat super infimum gradum Altaris, si ibi sit Tabernaculum SS. Sacramenti, alioquin profunde se inclinet.

Erectus Celebrans cum Ministris sacris stans manibus junctis incipiat Missam, & dicens. *In Nomine Patris, &c.* se signet a fronte ad pectus, & ab humero sinistro ad dexterum, sinistra infra pectus posita, & jungens iterum manus ante pectus ad
par-

particulam, *Amen*, pronuntiet
 Antiphonam: *Introibo ad Alta-*
ri Dei: aliaque prosequatur, ut
 supra in Missa privata. Advertat
 autem Celebrans, ut ita moderate
 se gerat in iis, quæ sui sunt mu-
 neris, ut a ministris omnia mode-
 ste, & tempestive fiant, ne ni-
 mia festinatione peragant, quæ de-
 bent. Advertat item, ut recitet
 submissa voce, audientibus tamen
 ministris sacris, ea, quæ in Missis
 privatis dicuntur clara, & intelli-
 gibili voce, ne si attollat vocem, con-
 fusionem inter cantores pariat. Ex-
 ciipiuntur tamen ea, quæ sonora vo-
 ce cantare debet, scilicet: *Gloria in*
excelsis Deo, tantum: *Dominus Vo-*
biscum, & *Oratio*, seu plures,
Credo in unum Deum tantum, *Do-*
minus Vobiscum, *Oremus*, *Præfatio*,
Pater noster, *Per omnia sæcula*, *Pax*
Dominæ, & *Orationes post Commu-*
nionem.

Celebrans, dum facit Confessio-
 nem, Altari se profunde inclinet, &
 dum profert verba, *Vobis fratres*, &
vos fratres; & *Misereatur vestri*, ali-
 quantulum se convertat ad mini-
 stros stantes, primo ad Diaconum,
 P deinde

deinde ad Subdiaconum. Dicens secreto: *Aufer a nobis, &c.* ascendat manibus junctis ad medium Altaris, & dicens: *Oramus te, Domine &c.* osculetur more solito Altare, quo osculato, & dicto *Oremus &c.* stans erectus in medio convertat faciem suam ad cornu Epistolæ, & manu dextera accepto cochleari de manu Diaconi, sinistram tenens infra petus positam, ter e navicula thus accipiat eodem cochleari, & ter immittat in Thuribulum tribus distinctis locis, nempe in medio, a dextris, & a sinistris, dicens: *Ab illo benedicaris, in cujus honore cremaberis: Amen.* Quæ verba sic dispensat, ut in prima thuris immissione, dicat: *Ab illo benedicaris, in secunda, in cujus honore, in tertia, cremaberis, Amen:* & statim reddat Diacono cochlear, tum dextera manu producat signum Crucis super thus positum in Thuribulo adhuc aperto, nihil dicens, sinistra tunc super Altare posita. Prædicto ritu semper utatur Celebrans, quoties benedicit incensum, sed non eisdem verbis, ut ad oblata.

Thure imposito, & benedicto, de
ma-

manibus Diaconi accipiat Celebrans Thuribulum, sinistra manu complectens summitatem catenularum juxta manubrium, dextera vero catenulas simul junctas prope operculum. Deinde Celebrans sinistram, qua complectitur summitatem catenularum juxta manubrium, infra pectus admoveat, eamque teneat immobilem in tota incensatione, dextera vero tenens easdem catenulas simul junctas prope operculum, ita ut eadem dextera, quo fieri poterit, globulum prædictum operculi complectatur, sic teneat Thuribulum, ut proprio pondere in tota incensatione nullatenus moveatur, ac præter motum ab ipso celebrante impressum, nullum alium habeat; ita ut per totam incensationem versus, id quod incensat, ducat commode, & secure, & ad se cum gravitate, decore, & morâ competente reducat.

Tum ad Altare conversus profunde se inclinet Cruci, etiam si sit in ea particula veræ Crucis, sed Tabernaculo SS. Sacramenti, si adsit, genuflectat, extremitatibus manuum super Altare positis, ut facilius genuflectere, & surgere valeat. Elevato

deinde Thuribulo, ter incenset Crucem in medio tantum æquali ductu, ita ut ad unumquemque ictum tantillum quiescat, ac tractim ducat Thuribulum, nihil dicens, neque in tota hac incensatione, ac iterum facta Cruci reverentia, vel genuflexione Sacramento, quod si adsit in Tabernaculo omnino non est incensandum, secus si sit expositum incenset Altare, incipiens a latere Epistolæ, & faciem totam quasi ad illud convertens ducat Thuribulum versus posteriorem Altaris planitiem, quæ est illa pars Mensæ, ubi ponuntur Candelabra, recta linea, triplici ductu, & æquali distantia, prout Candelabra distribuuntur; eorum tamen ratio non habeatur, sive plura, seu pauciora fuerint, ad numerum incensationum, etenim ipsa tantum posterior planities, seu mensa Altaris, in qua sunt Candelabra, incensetur linea recta a medio ejus, usque ad cornu Epistolæ, non ipsa autem candelabra. Ducat vero Thuribulum, & simul procedat, movendo pedem illum prius, qui est proprius Altari, totque passus omnino faciat, quot thuribuli tractus, nisi
for-

forſan Altaris longitudo eos aliter metiri cogat: manus enim cum pede, quantum fieri poteſt, concordet motu, ut inceſſus inceſſu Thurificationi ex æquo reſpondeat. Advertat Celebrans, ut ſe in Thurificatione graviter, & cum decore ſe gerat, non perſonam, aut caput, dum Thuribulum ducit, reducitque, movens.

Cum celebrans pervenerit ad cornu Epistolæ, demiffa manu aliquantulum inclinatus thurificet partem illius inferiorem lateralem, tum ſuperiorem ejusdem lateris, bis ducendo Thuribulum, ſemel in parte inferiori, ac iterum ſemel in ſuperiori; deinde converſus ad Altare, & facie quaſi ad medium vertens, elevet manum, & incenſet ejus planitiem anteriorem, ſeu menſam Altaris in parte anteriori circa oram, ter ducens Thuribulum velut per tres ſemicirculos, uſque ad medium Altaris procedendo.

Perveniens ad medium profunde inclinet ſe Cruci, vel genuſſectat Santiffimo Sacramento, ac poſterio-rem Menſæ Altaris partem, ubi collocantur candelabra, thurificet a latere Evangelii ter ducens Thuri-

P 3 bulum

bulum recta linea a medio, usque ad Cornu Evangelii, ut in cornu Epistolæ, tum parum inclinatus incenset semel inferiorem, & semel etiam superiorem partem lateralem ipsius cornu Evangelii. Deinde stans adhuc, & elevans Thuribulum, nec ultra progrediens, nisi longitudo Altaris cogat aliquantulum procedere, incenset planitiem anteriorem, seu mensam circa oram in cornu Evangelii, triplici ductu ducens Thuribulum, quasi per tres semicirculos, ut supra, nisi quod in parte Epistolæ ducat Thuribulum a cornu Epistolæ ad medium, & hinc a cornu Evangelii ad medium Altaris, nec ibi faciat reverentiam altari debitam, quia tunc numquam accedat ad medium, sed statim quasi retrocedat ad cornu Evangelii, ubi manu tenente Thuribulum aliquantulum demissa, incenset partem illius anteriorem, seu Altaris frontem, vulgo *Parapetto*, ter ducens recta linea thuribulum a cornu Evangelii, usque ad medium Altaris, ad quod interim progrediatur.

Perveniens ad medium profunde se inclinet Cruci vel genuflectat Sacra-

cra-

crimento, & similiter incenset triplici ductu reliquam faciei, quæ est vulgo *Parapetto*, partem a medio usque ad cornu Epistolæ, quo facto, reddat utraque manu Thuribulum Diacono, & stans junctis manibus ante pectus, sinistro brachio quasi tangens frontem Altaris incensetur triplici ductu cum profundam inclinatione a Diacono ante, & post, cui Celebrans nec modicum quidem caput inclinet.

Si super Altare sint Reliquiæ inclusæ in capsulis, vel imagines Sanctorum majores argenteæ, aut aliæ sculptæ inter candelabra, (statuæ scilicet, non figuræ in muro, vel Tabellulis depictæ, vel circa Tabernaculum sculptæ,) incensata Cruce, & facta illi profunde reverentia, vel genuflexione SS. Sacramento antequam discedat e medio altaris, primo incenset eas, quæ a dextris sunt, idest in parte Evangelii, bis ducens Thuribulum tantum, quamvis plures, vel pauciores fuerint Reliquiæ, aut imagines, nec illis inclinat se ullo modo, ante, vel post incensationem, incipiens semper in thurificando ab eis, quæ Cruci, vel Tabernaculo

sunt proximiores, & facta iterum Cruci reverentia, vel Sacramento genuflexione, similiter, & eodem modo bis incenset eas, quæ sunt a sinistris, idest in parte Epistolæ: tum absque ulla reverentia, vel genuflexione, sine mora, altare modo supra dicto thurificet.

Si in Altari sit Tabernaculum SS. Sacramenti non expositi, Celebrans ei genuflectat ante, & post incensationem, & dum transit ante illud. Sed hoc tantum intelligendum est de solo transitu in ipso thurificationis actu, non autem de quovis alio transitu tempore Missæ.

Celebrans post incensationem Altaris, & sui ipsius, stans in cornu Epistolæ submissa voce legat Introitum in Missali, se signans cum Ministris, & ad versum, *Gloria Patri*, inclinet se Cruci cum iis. Dicto Introitu, adhuc ibidem cum iis, dicat alternatim: *Kyrie eleison*: quo dicto, ibidem etiam remaneat, donec cantetur ultimus *Kyrie* a choro. Dum autem chorus cantat ultimum *Kyrie*, celebrans vadat ad medium altaris, & ibi intonet: *Gloria in excelsis Deo*, disjungens, & ante pectus

Etus extendens manus ad verbum, *Gloria*, tum eas elevet usque ad humerorum altitudinem, dicens: *in excelsis*: & dicens: *Deo*, manus iterum jungat ante pectus, non elevans oculos, sed tantum caput inclinans; quem hymnum intonatum postea simul cum Ministris submissa voce prosequatur usque ad finem. Si, hymno dicto, Celebrans velit sedere, facta debita reverentia Altari, per latus Epistolæ, præcedentibus Ministris, procedat ad sedem præparatam, ubi medius sedeat inter Diaconum, & Subdiaconum, & caput birræto aperiat porrecto a Diacono. Sic sedens celebrans, manus super genua hinc inde expansas aliquantulum a se invicem distantes, digitis tamen junctis inter se teneat. Procedat ita tempestive ad sedem, ut non sit in via, dum cantatur in choro, *Adoramus te*, aut quid aliud ad quod inclinandum est; & si hoc eveniat, inclinet se ad altare. Dum Celebrans sedet, ac chorus cantat verba, ad quæ fieri debet inclinatio, caput nudum inclinet ipse cum Ministris, & postea tegat.

Advertat Celebrans, quod dum se-

P 5 det

det ad: *Gloria in excelsis*, & *Credo*, si elevetur SS. Sacramentum in Altari, quod sit proximum, & in conspectu ipsius celebrantis, debet assurgere cum Ministris, & detecto capite genuflectere, & adorare Sacramentum, donec Sacerdos deposuerit Calicem, & ratio est, quia non est impeditus; quod si id contingat, cum e sede sua redit ad Altare, non ideo sistat, sed prosequatur cœptum iter.

Circa finem Hymni Angelici, nimirum post ultimum: *Jesu Christe*, celebrans adhuc sedens det biretum suum Diacono, & surgens, præcedentibus omnibus Ministris, per planum Capellæ procedat ad altare, ubi ante infimum gradum profunde inclinet, vel genuflectat, si adsit Sacramentum, & manibus junctis ad medium altaris ascendat.

Si celebrans non sedeat ad Hymnum, stet in medio Altaris, donec fuerit integre decantatus, inclinans se quando opus est Hymno a Choro decantato, Celebrans osculetur altare in medio, manibus hinc inde super eo extensis, quo osculato, manibus junctis ad populum
se

se convertens, dicat, extendens, elevans, & iterum jungens manus: *Dominus vobiscum*, quo dicto rediens per eandem viam ad librum in cornu Epistolæ dicat inclinans se Cruci: *Oremus*, extendens, & jungens etiam manus, quas statim extendens, elevans, ac rectas ante petus tenens, ita ut palma unius respiciat alterum, & digitis simul junctis, quorum summitas humerorum altitudinem non excedat, dicat Orationem, seu orationes, voce canora; postea canente Subdiacono Epistolam, ipse illam interim submissa voce legat, & item Graduale, & Tractum, &c. usque ad: *Munda cor meum* exclusive, & a Subdiacono cantata Epistola, Celebrans stans adhuc in cornu Epistolæ, versa facie ad medium altaris porrigat illi dexteram manum super librum Epistolarum, ut eam osculetur, & illum benedicat nihil dicens, retenta manu sinistra super altare. Data benedictione Subdiacono, procedat ad medium altaris, manibus junctis, ibique profunde inclinatus dicat submissa voce: *Munda cor meum*, & *Iube Domine*, &c. ut supra in Mis.

sa privata: hinc accedat ad cornu Evangelii, ubi submissa voce legat Evangelium manibus junctis, librum, & seipsum in principio signando, sed in fine eum non osculetur, nec dicat: *Per Evangelica dicta, &c.* Lecto Evangelio, aliquantulum recedat Celebrans a cornu Evangelii, & accedat fere ad medium Altaris, ita ut sit inter medium altaris, & cornu Evangelii ante librum, & sic stans, ministrante Diacono naviculam, & Thuriferario Thuribulum, imponat, & benedicat incensum eo modo, quo supra dictum est in principio Missæ; quo facto statim Celebrans adhuc stans ut supra prope medium altaris, Diacono dicenti, *Jube Domne benedicere*, manibus junctis subjungat: *Dominus sit corde tuo, &c.* & cum dixit: *In Nomine Patris &c.* in fine ipse subdens *Amen* benedicat eum dextera, sinistra infra pectus posita, eandemque manum dexteram postea positam super librum in manibus Diaconi existentem tradat in parte exteriori ipsi osculandam.

Celebrans, data benedictione Diacono, statim facta Cruci profunda

da reverentia, vel Tabernaculo genuflexione, retrahat se ad cornu Epistolæ, & dum Diaconus incipit *Dominus vobiscum*, vertat se ad eum respiciens cornu Evangelii, & sic stet manibus junctis, donec absolvatur Evangelium; & cum Diaconus dicit *Sequentia &c.* signet se de more, & cum nominatur *Jesu*, caput inclinet versus Crucem. Si genuflectendum sit, genuflectat versus Altare. Evangelio completo, ibidem stans expectet Subdiaconum librum apertum Evangeliorum deferentem, quem librum ambabus manibus hic inde accipiat, & parum inclinatus osculetur principium Evangelii, dicens: *Per Evangelica dicta &c.* libro osculato, etiam ibidem stans expectet, ut a Diacono triplici ductu incensetur. Postquam incensatus fuerit, procedat manibus junctis ad medium Altaris, ubi intonet Symbolum, si dicendum sit, & dum dicit *Credo*, extendat, & elevet manus: dicens *in Unum*, jungat eas ante pectus: dicens denique *Deum*, caput Cruci inclinet, & statim post intonationem horum verborum prosequatur manibus junctis simul

mul cum Ministris submissa voce reliquum symboli, ut in Missa privata.

Finito Symbolo, si non sit sedendum, ibi stet in medio manibus junctis, & dum dicitur in choro: *descendit de Calis* cum Ministris descendat ad secundum Altaris gradum, ubi simul cum Ministris in superiori gradu genuflectat, cum dicitur: *Et homo factus est*, caput etiam inclinet profunde, quo dicto surgat, & vadat ad medium, ubi priuserat. Si statim, dicto Symbolo, velit sedere, eo absoluto, procedit ad sedem cum Ministris eo modo, quo ad Hymnum Angelicum dictum est, & quando cantatur in choro: *Et Incarnatus est &c.* caput tantum profunde inclinet apertum. In tribus vero Missis Festi *Nativitatis Domini*, & in die *Annuntiationis B. M. V.* quando cantatur a Choro *Et incarnatus est &c.* tunc celebrans, quamvis sedeat, semper genuflectat cum Ministris capite detecto, & manibus junctis, usque ad finem, prope sedem, vel super infimum gradum Altaris, si via sit brevis. Si Celebrans non velit sedere nisi post cantatum versum *Et Incarnatus est &c.* de-
cet,

cet, ut paulo antequam dicatur *descendit de Calis*, descendat in planum, ibique genuflectat super infimum gradum, & cantato: *Et Incarnatus est &c.* procedat ad Sedem. Si celebrans stet ad Altare, dum Diaconus defert bursam, ipse cum Subdiacono parum retrahat se ad cornu Evangelii, medium Altaris relinquens Diacono, ut explicet ibidem Corporale, quo explicato redeat, ut prius, ad medium.

Circa finem Symboli cum Ministris, surgat, si sedeat, & ad Altare redeat sicut ad Hymnum Angelicum, si stet ad Altare finito Symbolo, vel statim post Evangelium, si Symbolum non dicatur osculato Altari more solito, dicat canendo: *Dominus vobiscum*, & *Oremus*, quibus dictis, manibus junctis, & voce submissa prosequatur Offertorium, quo dicto, accipiat ambabus manibus patenam cum Hostia a Diacono, & offerat Hostiam more solito, & finita Oratione: *Suscipe Sancte Pater &c.* cum ea faciat signum Crucis super Corporale, & deponat Hostiam, & Patenam, & statim accedat ad infusionem vini, ut sit ad
suum

suum beneplacitum in quantitate, moxque, posteaquam Subdiaconus parum inclinatus dixit: *Benedicite Pater Reverende*, junctis manibus incipiat: *Deus qui humana substantia*; & dum dicit: *Da nobis per hujus aqua, & vini mysterium*, faciat signum Crucis versus aquam, sinistra super Altare posita. Hoc facto, de manibus Diaconi accipiat Calicem ambabus manibus, & eum tenens dextera per nodum, & sinistra per pedem, elevans oculos, & statim demittens, offerat dicens: *Offerimus tibi, Domine &c.* & deponat Calicem super Corporale, quem Diaconus cooperiat, officium cujus est cooperire, & discooperire eundem, quoties opus sit. Consuetas orationes: *In Spiritu humilitatis, & Veni Sanctificator &c.* interim prosequatur Celebrans.

Si facienda sit oblatio a populo, fiat statim post dictum a Celebrante Offertorium, non vero post oblationem Hostiæ & Calicis: & tunc celebrans aliquantulum retrahat se a medio Altaris, & si opus sit, ad infimum gradum descendat, vel etiam, si opus sit, procedat ad cancellos, & me-

& medius inter Diaconum stet, & Subdiaconum, qui colligat oblationes in sindone, si sit consuetudo. In fine non detur benedictio populo ullo modo, nec celebrans quicquam dicat; decet autem, ut populus osculetur rem offerendam, & postea manum celebrantis, ex Pontificali Romano in multis locis: servetur tamen consuetudo locorum. Potest tamen Crux, aut aliqua imago sacra dari osculanda ex more multarum Ecclesiarum.

Dicto *Veni Sanctificator*, ut supra ministrante Diacono naviculam, & dicente, *Benedicite, Pater Reverende*, & etiam ministrante Thuriferario Thuribulum ut initio Missæ, Celebrans, sinistra posita infra pectus, ter imponat thus in Thuribulum, nempe in medio, a dextris, & a sinistris, dicens: *Per intercessionem &c.* ut in ordine Missæ, sic dispensans verba, ut ad verbum *Benedicere* non ante, neque postea, reddito prius cochleari Diacono, signum Crucis super thus positum in Thuribulo manu dextera producat, sinistra tunc super Altare posita. Tum accepto de manu Diaconi Thuribulo, eodem modo,
& or-

& ordine, quo dictum est supra initio Missæ, nulla propterea facta Crucis reverentia, neque genuflexione Sacramento, etiam exposito. incenset oblata, ducens ter Thuribulum super Calicem, & Hostiam simul in modum Crucis recta linea, & transversa, non autem veluti quatuor puncta designando. Postea demittens aliquantulum Thuribulum, ita ut summitas operculi non altius elevetur quam summitas cuppæ ipsius Calicis, illud ter ducat circum Calicem, & Hostiam omnino, scilicet in circulum bis a manu dextera ad sinistram, transiens prius inter Calicem, & Crucem, & denique semel a sinistra ad dexteram; (dexteram hoc loco, & sinistram Celebrantis intellige) dispensans verba in qualibet incensatione hoc pacto. In prima incensatione, signando oblata dicat, *Incensum istud*, in secunda, *a te benedictum*, in tertia, *ascendat ad te Domine*, in quarta vero demittendo thuribulum, & illud ducendo circum oblata, *Et descendat super nos*, in quinta *Misericordia*, in sexta, & ultima, *Tua*, deinde facta de more Crucis profunda reverentia, vel si adsit

fit Sacramentum, genuflexione, incenset Crucem triplici ductu, Reliquias, seu Imagines, si adsint, Altare, ut supra initio Missæ, dicens interim *Dirigatur Domine oratio mea &c.* ut in ordine Missæ. Quæ verba sic distribuatur, & ita proferat, ut eodem tempore finiantur, quo absolvitur Altaris incensatio. Sic autem solent communiter distribui. Ad incensationem Crucis dicat: *Dirigatur Domine oratio mea*; ad incensationem Altaris a parte Epistolæ, *Sicut incensum, &c.* & a parte Evangelii: *Pone Domine &c.* Statimque incensatione finita, in cornu Epistolæ reddat Diacono thuribulum, ut supra, dicens: *Accedat in nobis &c.* & triplici ductu incensetur a Diacono, ut initio Missæ. Interim Celebrans, postquam incensatus fuerit, stans adhuc in cornu Epistolæ, lavet manus, ac tergat, ministrantibus Ceroferariis ampullam aquæ cum bacili, & Mapulam. Lotis, ac tersis manibus, redeat ad medium Altaris, ubi alia peragat, ut in Missa privata, dictisque secretis; decenti, & digno cantu in medio Altaris Præfationem canat usque ad *Sanctus*, exclusive, nam

nam a *Sanctus* usque ad ultimum *Hosanna in excelsis* dicat submissa voce cum Ministris. Postea reliqua, usque ad orationem Dominicam faciat, ut in Missa Privata, excepto quod non discoperiat, nec cooperiat Calicem.

Post verba *Per quem omnia &c.* & post consuetas cruces, adorato in Altari Sacramento cum solitis genuflexionibus, suavi voce canat Orationem Dominicam, in cuius fine, accepta inter indicem, & medium digitos a Diacono Parena, dicens: *Libera nos &c.* cum illa signet se, postea cum debitis reverentiis, facta hostiæ divisione, immittens in Calicem particulam solitam, dicat cum cantu: *Per omnia secula seculorum, & Pax Domini &c.* & iterum facta genuflexione, erectus cum Ministris capite inclinatus more solito, & submissa voce, dicat: *Agnus Dei &c.*

Dicta prima Oratione ante Communionem, videlicet: *Domine Jesu Christe, qui dixisti Apostolis tuis &c.* & osculato Altari in medio, & aliquantulum se convertens ad Diaconum, det ipsi Diacono pacem, extremitates digitorum super ponens Diaconi brachia prope humeros, sinistris
genis

genis sibi invicem appropinquantibus sine ullo contactu, dicensque: *Pax tecum*. Si vero adsit assistens pluviali paratus, det celebrans pacem, huic, quo facto, prosequatur cætera usque ad communionem, ut in missa privata.

Postquam Celebrans sumpsit ablu-
tionem, & os suum purificatorio
exterfit, relinquat Subdiacono Cali-
cem abstergendum, & parandum, ut
prius, & redeat ad cornu Epistolæ
lecturus Communionem, qua lecta
voce submissa, vadat ad medium Al-
taris, & eo osculato, dicat versus
populum solemni cantu: *Dominus
vobiscum*: & reversus ad cornu Epi-
istolæ similiter canat orationem, vel
orationes post Communionem, qui-
bus dictis omnino cum conclusioni-
bus suis relinquens librum apertum,
redeat ad medium Altaris, ut su-
pra, iterum canat dicens: *Dominus
vobiscum*: & ibi manibus ante pe-
ctus junctis, demissis ad terram ocu-
lis, stet, donec Diaconus perficiat
canere: *Ite Missa est*: tum cum eo
vertat se ad Altare, & dicat secre-
to: *Placeat tibi Sancta Trinitas
&c.* postea eodem modo, & voce
sub.

submissa, semel benedicat populum, postremo ministrante Subdiacono, si opus sit, dicat Evangelium S. Joannis, vel aliud juxta temporis diversitatem.

Finito Evangelio, Celebrans medius inter Diaconum a dextris, & Subdiaconum a sinistris, stans in medio Altaris, faciat cum eis Cruci-inclinationem, deinde descendat cum eisdem in planum ante gradus, sic, ut Celebrans cum Subdiacono vertat se per latus suum dexterum, Diaconus vero per sinistrum; tum Celebrans cum omnibus aliis sacris Ministris faciat debitam reverentiam, & accepto bireto a Diacono, caput regat, & junctis ante pectus manibus, eodem modo, quo venerat, facta salutatione Choro, ut initio Missæ, in Sacristiam redeat. At cum illuc pervenerit, facta Cruci, vel imagini reverentia simul cum Ministris detecto capite, eat ad locum, ubi sumpsit paramenta, ibique se exuat, & paramenta deponat, adjuvantibus sacris ministris, qui porrigant osculanda paramenta, quæ initio Missæ osculatus est.

Cæteras cæremonias, quas omisimus,

mus, ut non spectantes ad solemnem ritum, vide in Missa privata. Qui autem desiderat videre ritus servandos a sacris Ministris, & ab aliis, legat *cap. 1. 2. 3. & 5. hujus Epitomes*, vel fusius Manuale Bauldry, & Sylvam Buongiovanni, ubi præter prædictos ritus, inveniet etiam Celebrantis Sacrorum Ministrorum, & aliorum ritus simul descriptos, ex quibus hæc pauca ad literam per nos collecta fuerunt.

De Rubricis præceptivis in Celebratione Missæ sub culpa mortali servandis.

C A P U T XIII.

Ritus, & Rubricæ ad celebrandam Missam præscriptæ, obligant ne sub gravi culpa?

VEL Rubricæ sunt præceptivæ, vel directivæ tantum. Si præceptivæ, obligant sub peccato, & quidem mortali ex genere suo, nisi excuset parvitas materiæ, vel inadvertentia. Directivæ autem cum sint de consilio, non ita obligant, si scandalum, & contemptus excludatur.

Quæ-

Quomodo discerni potest, has, vel illas Rubricas esse præceptivas, ideoque obligare sub culpa gravi, vel directivas esse tantum, ideoque eximere a mortali?

Gavantus in *Rub. Miss. p. 3. tit. 11.* hanc regulam ponit: Illæ Rubricæ, in quibus dicitur *graviter*, vel *gravissime* peccari a transgressore, & illæ, in quibus agitur de integritate Sacrificii, vel Sacramenti, ut de pane, vino, aqua, intentione, forma, & sumptione utriusque speciei, & illæ in quibus Doctores communiter concordant, eas esse de re gravi, & sub mortali observandas esse, sunt præceptivæ, atque adeo eas non observans, peccat mortaliter: cæteræ sunt, vel prope præceptivæ, quæ sunt illæ, de quibus disputant Doctores, vel dubiæ, vel mere directivæ, atque ad hoc non peccat mortaliter transgressor.

De Lugo de *Euchar. disp. 20. sect. 2. num. 104.* March. de *or. tr. 3. p. 3. c. 6.* ponunt hanc expeditiorem regulam, dicentes, omnes Rubricas esse, ut tales, directivas: & solum illas censendas esse præceptivas, quæ præcipiunt, vel notant aliquid, quod alias ex Ju-

re , vel ex legitima consuetudine graviter præcipitur , vel quod expresse per ipsas Rubricas sub mortali notatur .

Hinc Rubricæ de servando jejuni-
ante celebrationem Missæ , De integritate Sacrificii , De loco celebrandi , De præmittenda Confessione peccati mortalis , De ara consecrata , De lumine , De hora celebrandi , De Ministro , De vestimentis , instrumentisque sacris , eorumque numero , munditia , integritate , & benedictione , De Canone integre , vocaliter , & secrete recitando , De prima purificatione cum vino , De Materia Sacramenti , idest , Pane triticeo , Vinoque de vite , De pane azymo in Ecclesia latina , De reverentia tanto Sacramento debita , & si quæ alia sunt similia , merito sunt præceptivæ , quia vel a jure naturæ , vel Divino Christi Domini , vel Ecclesiastico præcipiuntur .

Contra , Rubricæ de orando ante , vel post Missam , De numero Orationum , De servando officio duplici primæ Classis , vel secundæ , De Missa non approbata , nisi pro quibusdam Ecclesiis , De orationibus ad ve-

Q

tes

stes sacras induendas, De principio auroræ, & fine meridiei, De Cruce in altari, De pedibus calceandis, De veste talari, De Pileoli usu, a quo concedatur, extra Canonem, quæ vocantur a Gavanto *Dubie*; De Matutino, & Laudibus ante Missam, De mappis tribus, De Luminaribus, cereis, quæ ab eodem appellantur *prope præceptivæ*, & De similibus, cum non præcipiantur ab ullo jure solum erunt directivæ sine onere peccati mortalis; dummodo non negligantur hæ cum scandalo, vel ex contemptu, ad quem contemptum reducit Gavantus illam intolerabilem negligentiam, qua quis non curat eas perpetuo, seu, ut plurimum, non servare; hic enim implicite videtur contemnere. Contemptum vero, seu Scandalum judicabis peccata gravia, vel levia ex materia gravi, vel parva, & intentione Sacerdotis. Denique dummodo non negligantur animo inducendi novum ritum in Ecclesia, hoc enim per se grave est, graviter prohibitum a Pio V. initio Missalis, & Concilio Tridentino *sess. 22. in Decreto de observand. &c.* vel ob finem graviter peccaminosum, v. g. si quis ob finem turpiter placendi foeminae, brevius, &
 sine

sine cæremoniis sacrum legat, hoc enim ratione finis mali est mortale. Positis his regulis, deveniendum nobis est ad casus particulares, & in primis sit sermo de Rubricis præceptivis, quas violat.

I. Qui non consecrat utramq; speciem, sed solum panem, vel solum vinum.

II. Qui consecrat quidem utramque speciem, sed utramque non sumit.

III. Qui profert verba Consecrationis super materiã, quæ sacrificanti non sit moraliter præsens. Quæ de re supra *De Presbyteratus ordine c. 31. quæst. 164.*

IV. Qui consecrat materiam non certam, neque determinatam in particulari. Verum in his casibus non solum committitur culpa mortalis, sed etiam non conficitur Sacramentum, vel saltem non perficitur Sacrificium.

Quæ de re supra *de Presbyteratus ordine cit. cap. 31. quæst. 169. & seq.*

V. Qui scienter consecrat panem triticeum quidem, sed confectum ex aqua non naturali, seu rosacea, aut alio liquore in notabili quantitate. Tunc enim dubium redditur Sacramentum.

VI. Qui advertenter consecrat panem, vel vinum corruptum, vel in via ad corruptionem. Quid autem

Sacerdos agere debeat, si sumpturus Hostiam, vel vinum, advertat, Hostiam esse corruptam, vel aquam pro vino appositam, vide supra c. 31. *quæst.* 180. & *seq.* & *infra num.* 14.

VII. Græcus, qui in Ecclesia græca consecrat in azymo, & Latinus in Ecclesia Latina in fermentato. Qui non excusantur neque ob necessitatem communicandi infirmum.

VIII. Qui vino non miscet aquam, vel miscet non naturalem, vel miscet naturalem, sed in tanta quantitate, ut æquet, vel superet quantitatem vini.

IX. Qui extra necessitatis casum consecrat mustum, si multum facis admixtionem habeat. Quia tunc dedecet tanti Sacramenti dignitatem.

X. Qui in consecratione panis, vel vini omittit conjunctionem *enim*, & multo magis peccaret mortaliter, qui in forma Sanguinis diceret solum: *Hic est enim Calix Sanguinis mei*, omissis aliis consuetis.

XI. Qui in forma panis, vel vini adderet, vel demeret verbum aliquod, quamvis significationem non tolleretur.

XII.

XII. Qui dimidiat, vel etiam totaliter comprimit verba in Missa, in notabili quantitate, vel in aliqua parte principali Missæ, dummodo hoc fiat absque ulla necessitate, aut physica impotentia, qualis est in balbutiente.

XIII. Qui habens conscientiam peccati mortalis celebrat sine confessione, habens Confessoris copiam. Quod si urgeat celebrandi necessitas, & copia desit Confessarii, debet sub mortali elicere actum contritionis vel saltem attritionis, quæ prudenter existimetur contritio.

XIV. Qui aliqua censura innodatus, vel alio canonico impedimento detentus, scienter, & mala fide sacrum facit.

XV. Si Sacerdos celebret in jejuniis, præterquam in sequentibus casibus. Primo, si immemor cibi, vel potus sumpti jam accesserit ad Altare, a quo sine scandalo recedere non posset, vel facta esset consecratio. Secundo, si in sumptione Calicis deprehendat fuisse appositam aquam, non debet illam in Calicem effundere, vel in terram expuere, sed debet deglutire, aliudque vinum,

Q 3 & aquam

& aquam dissimulanter infundere ,
 mox verba consecrationis Calicis pro-
 ferre , incipiendo a *Simili modo* ,
 omiffaque elevatione , sanguinem fu-
 mere . Nam Sacrificium necessario
 perficiendum est , jejunium autem
 fervare eo casu est moraliter impossi-
 bile . Gavant. p. 3. tit. 4. Bonac. disp.
 4. q. ult. punct. 10. num. 7. Tertio ,
 si sumpta ablutione , inveniat parti-
 culas in corporali , quæ non possint
 in Altari asservari ; tunc enim debet
 eas sumere . Quarto , si post sum-
 ptam ablutionem , inveniat particulam
 consecratam adhuc inhærere Calici ,
 vel oris palato , melius est superin-
 fundere vinum , & sumere . Quia
 ejusmodi particulæ sumptio spectat
 ad unum , & idem sacrificium , &
 moraliter censetur unica actio .

XVI. Qui celebrat ante , vel post
 præscriptum ab Ecclesia tempus ,
 quod est ab aurora usque ad meri-
 diem , excepta nocte Nativitatis Do-
 mini . Per auroram intelligitur initium
 crepusculi , quod contingit ante So-
 lis ortum una hora cum dimidio . Ce-
 lebrantem præterea post meridiem
 tribus horæ quadrantibus , vel etiam
 integra hora a mortali excusat Bo-
 nac.

nac. *disp.* 4. de *Sacram. quæst.* ult. p. 9. num. 7. Navar. vero *cap.* 25. num. 81. vult licite celebrari etiam duabus horis post meridiem, ob causam itineris, vel solemnis Festi, aut publicæ functionis.

XVII. Qui Sacrificium Missæ celebrat in loco ab Episcopo non consecrato, vel non benedicto, aut saltem ad divina officia non deputato. Quibus autem casibus Ecclesia violetur, & polluat, vide in Directorio *cap.* 39. *quæst.* 412. & *seq.*

XVIII. Qui celebrat sine vestibus benedictis, integris, & mundis, quæ debent esse sex, scilicet Amictus, Alba, Cingulum, Manipulus, Stola, & Casula. Quæ vestes amittunt benedictionem, cum amplius non sunt aptæ ad usum, ad quem sunt institutæ. Qua de re vide in Directorio *cap.* 40. *quæst.* 418. 419. & 423.

XIX. Qui celebrat sine Altari, aliisque requisitis, quæ sunt decem, videlicet Ara, Mappa saltem duplex, Corporale, Palla, Calix cum Patena, Velum, Missale, lumen, Crux, & Minister. In necessitate tamen celebrare sine aliquo ex prædictis, non esse mortale, tenet Filliuc.

tr. 5. c. 4. q. 10. num. 127. de quo
in *cap. seq. num. 6.*

XX. Qui omittit partem notabilem, ad integritatem Missæ spectantem, v. g. Psalmum *Judica*, Confessionem, & preces, quæ dicuntur ante Altare, Introitum cum orationibus, vel principalem Missæ Orationem, Epistolam, Evangelium, Oblationem tum Hostiæ, tum Calicis, cum suis orationibus, Præfationem, vel quamlibet Canonis Orationem, imo aliqua verba, puta quatuor, vel quinque. Omissio vero minoris partis culpam venialem non excedit, de quo
in *cap. seq. num. 3.*

XXI. Qui sine justa causa diu celebrare differt susceptas Missas; post acceptum stipendium, vel præstita promissione, etiam non accepto stipendio. Bonac. *disp. 4. de Sacram. qu. ult. p. 7. sect. 5. num. 1.* de quo supra in Directorio c. 37. *quæf. 390.*

XXII. Qui celebrat feria sexta in Parasceve, quod prohibitum est *cap. Sabbato de consecrat. dist. 3.* Feria vero quinta, antequam ligentur campanæ, & Sabbato Sancto, post pulsationem Campanarum, privatim celebrare non esse illicitum, docet Barbos.
de

de offic. & potest Paroch. cap. i i. num. 42. Sed in hac respectanda est consuetudo locorum. Vide supra in Directorio cap. 38. quas. 392. 393. & 394.

XXIII. Qui sine privilegio, vel licentia celebrat capite operto: sicuti constat ex cap. Nullus Episcop. de consecrat. d. 3. Si tamen id suaderet necessitas, nec posset tunc commode peti, & obtineri dispensatio, secluso scandalo, & contemptu, nullum esset peccatum.

XXIV. Qui sine gravi, & urgente causa inchoata intermittit Missam. Gravis autem, & urgens causa esset, si celebrans recordaretur, se non esse jejunum, vel censura existere innodatum: aut adverteret ad stare Missæ excommunicatum, qui monitus nollet discedere: deberet enim inchoatam dimittere Missam, si nondum consecrasset, neque timeretur scandalum.

XXV. Addunt aliqui cum S. Thom. 3. p. 2. q. 83. art. 6. ad 2. si celebrans, dicto Evangelio, iteret Missam in gratiam personarum de novo advenientium, ipsum a mortali non excusari. Oppositum tamen videtur sentire Nav. Miscel. de cons. Quia nulla

lege (ait) videtur prohibitum, ne talis iteratio iusta de causa fiat. Sed opinio S. Thomæ omnino est tenenda.

XXVI. Peccare tandem mortaliter Sacerdotem: qui in Missa aliquid notabile (maxime dum publice orat) addit, vel detrahit, aut mutat, circa ritus, cæremonias, & rubricas in Missali præscriptas, colligitur ex *Bulla* Pii V. *Missali præfixa*, & docent communiter Doctores apud Reginald. *lib. 33. num. 210.* Bonac. *de Sacram. disp. 4. quest. ult. p. 7. paragr. 3. num. 3. & punct. 10. numer. 19.* Dian. *p. 5. tr. 5. resol. 63.* Quod verum est, etiamsi Celebrans aliquid adderet ex devotione tantum, aut quia id melius esse judicaret, teste Molin. *in Instr. Sacerd. tr. 3. cap. 11. paragr. ult.*

Dixi *dum publice orat.* Quia privatim, & secrete addere orationem aliquam mentalem, vel mixtam ex mentali, & vocali, maxime dum, peracta consecratione, adoramus Hostiam, & Calicem, eaque populo adoranda ostendimus, non solum licitum est, sed etiam laudabile, ut pie, & sapienter monet Navar. *cap. 19. de orat. num. 109.*

Fil-

Filliuc. *tr. 5. de Euchar. cap. 6. nu.*
 156. Gartia *tr. 3. diffic. 8. dub. 6. punct.*
 1. n. 7. Suarez *disp. 83. sect. 3.* alii-
 que dicunt, quod si Sacerdos non
 intendat aliquid addere officio Missæ,
 sed ut privata persona privatim ali-
 quam devotionem secrete recitet, erit
 indiscreta actio, & peccatum venia-
 le, sacrum ministerium privatis pre-
 cibus omnino ab illo distinctis inter-
 rumpendo. Ideo opinio Navarri su-
 pra data omnino est rejicienda.

XXVII. Postremo pro consolatio-
 ne Sacerdotum, quibus unice labo-
 ro, non omitam ex Escobar *lib. 1.*
Exam. 11. nu. 92. & Tambur. *lib.*
2. capit. 5. paragr. 2. num. 30. hanc
 tradere regulam, nimirum quoties ipsi
 ex ignorantia, vel perturbatione ani-
 mi transgrediuntur aliquam ex supra
 relatis Rubricis, & proinde in Mis-
 sa committunt errorem etiam gra-
 vem (dummodo bona fide procedant)
 iis non imputari ad mortalem cul-
 pam, ob defectum sufficientis adver-
 tentiæ, & deliberationis. Si tamen
 ignorantia sit habitualis, tenentur
 sub mortali dare operam, ut eam
 emendent. Ad Literam ex Cabrino
 duximus, aliquibus additis.

niter, omittere ea, quæ tempore Paschæ, aut alterius festivitatis interponuntur in *Communicantes*, vel in *Hanc igitur oblationem*, absolute, & absque ulla formidine docent esse tantum veniale.

Sed quæres, quando incipiat Canon, quandove desinat.

Resp. secundum communio-
rentiam incipere a verbis: *Te igitur clementissime Pater*; desinere autem olim ad *Pater noster* exclusive, nunc vero ad consumptionem Sacramenti. *Suar. cit. disp. 83. sect. 2. in princ.*

Quarto, Omittere Symbolum Apostolicum, quando est dicendum, vel *Gloria*, vel unam, alteramve orationem quæ non in omnibus Sacrificiis recitantur, sed in aliquibus, absolute venialem culpam non excedit; quia hæc non sunt partes integrantes Sacrificii absolute sumpti, sed hujus, vel illius diei, & quia sine simbolo, aut *Gloria* sæpe consueta Missæ forma consistit. Idem est, si Sacerdos omittat *Kyrie*, Tractum, Graduale, unam, vel alteram Crucem, aut aliquam commemorationem; quia sunt partes minus notabiles: qui tamen etiam ex his simul sum-

sumptis plures partes relinqueret, peccaret mortaliter contra præceptum integre recitandi Missam. Cæterum hoc præceptum integre recitandi Missam obligat sicut alia præcepta positiva jejunii, voti, & similium, in quibus parvitas materiæ excusat a lethali. Propter paritatem rationis, & ex levitate materiæ non est nisi veniale omittere *Evangelium S. Joannis* in fine Missæ, quia non est pars essentialis Missæ. Ita Card. de Lugo *de Euchar. disp. 20. sect. 4. n. 107.* Filliuc. *tom. 1. tr. 5. c. 5. n. 155.* Suarez, Granad. Dicastill. aliique quamplures primæ notæ.

Quinto, etsi pro digitorum ablutione in Missa adhibere solam aquam nullum inducat peccatum, fecus tamen dicendum de purificatione Calicis, in qua Sacerdotem, qui solam aquam adhibet, culpæ venialis gravis damnant Sanch. *lib. 4. mor. c. 11. n. 43.* Tambur. *lib. 3. c. 9.* citans Gavant. Quia jura de ablutione digitorum nihil statuunt: statuunt vero de purificatione Calicis facienda vino, non aqua, sed sub obligatione tantum veniali ex *cap. de celebrat. Missar.* Ego vero ex ipsomet Sanchez *loc. cit.* deduco meliori ratione

ne

stes sacras induendas, De principio auroræ, & fine meridiei, De Cruce in altari, De pedibus calceandis, De veste talari, De Pileoli usu, a quo concedatur, extra Canonem, quæ vocantur a Gavanto *Dubia*; De Matutino, & Laudibus ante Missam, De mappis tribus, De Luminaribus, cereis, quæ ab eodem appellantur *prope præceptivæ*, & De similibus, cum non præcipiantur ab ullo jure solum erant directivæ sine onere peccati mortalis; dummodo non negligentur hæ cum scandalo, vel ex contemptu, ad quem contemptum reducit Gavantus illam intolerabilem negligentiam, qua quis non curat eas perpetuo, seu, ut plurimum, non servare; hic enim implicite videtur contemnere. Contemptum vero, seu Scandalum judicabis peccata gravia, vel levia ex materia gravi, vel parva, & intentione Sacerdotis. Denique dummodo non negligentur animo inducendi novum ritum in Ecclesia, hoc enim per se grave est, graviter prohibitum a Pio V. initio Missalis, & Concilio Tridentino *sess. 22. in Decreto de observand. &c.* vel ob finem graviter peccaminosum, v. g. si quis ob finem turpiter placendi fœminæ, brevius, &
 sine

sine cæremoniis sacrum legat, hoc enim ratione finis mali est mortale. Positis his regulis, deveniendum nobis est ad casus particulares, & in primis sit sermo de Rubricis præceptivis, quas violat.

I. Qui non consecrat utramq; speciem, sed solum panem, vel solum vinum.

II. Qui consecrat quidem utramque speciem, sed utramque non sumit.

III. Qui profert verba Consecrationis super materiã, quæ sacrificanti non sit moraliter præsens. Qua de re supra *De Presbyteratus ordine c. 31. quæst. 164.*

IV. Qui consecrat materiã non certam, neque determinatam in particulari. Verum in his casibus non solum committitur culpa mortalis, sed etiam non conficitur Sacramentum, vel saltem non perficitur Sacrificium.

Qua de re supra *de Presbyteratus ordine cit. cap. 31. quæst. 169. & seq.*

V. Qui scienter consecrat panem triticeum quidem, sed confectum ex aqua non naturali, seu rosacea, aut alio liquore in notabili quantitate. Tunc enim dubium redditur Sacramentum.

VI. Qui advertenter consecrat panem, vel vinum corruptum, vel in via ad corruptionem. Quid autem

Sacerdos agere debeat, si sumpturus Hostiam, vel vinum, advertat, Hostiam esse corruptam, vel aquam pro vino appositam, vide supra c. 31. *quæst.* 180. & *seq.* & *infra num.* 14.

VII. Græcus, qui in Ecclesia græca consecrat in azymo, & Latinus in Ecclesia Latina in fermentato. Qui non excusantur neque ob necessitatem communicandi infirmum.

VIII. Qui vino non miscet aquam, vel miscet non naturalem, vel miscet naturalem, sed in tanta quantitate, ut æquet, vel superet quantitatem vini.

IX. Qui extra necessitatis casum consecrat mustum, si multum facis admixtionem habeat. Quia tunc dedecet tanti Sacramenti dignitatem.

X. Qui in consecratione panis, vel vini omittit conjunctionem *enim*, & multo magis peccaret mortaliter, qui in forma Sanguinis diceret solum: *Hic est enim Calix Sanguinis mei*, omissis aliis consuetis.

XI. Qui in forma panis, vel vini adderet, vel demeret verbum aliquod, quamvis significationem non tolleretur.

XII.

XII. Qui dimidiat, vel etiam totaliter comprimit verba in Missa, in notabili quantitate, vel in aliqua parte principali Missæ, dummodo hoc fiat absque ulla necessitate, aut physica impotentia, qualis est in balbutiente.

XIII. Qui habens conscientiam peccati mortalis celebrat sine confessione, habens Confessoris copiam. Quod si urgeat celebrandi necessitas, & copia desit Confessarii, debet sub mortali elicere actum contritionis vel saltem attritionis, quæ prudenter existimetur contritio.

XIV. Qui aliqua censura innodatus, vel alio canonico impedimento detentus, scienter, & mala fide sacrum facit.

XV. Si Sacerdos celebret in jejuniis, præterquam in sequentibus casibus. Primo, si immemor cibi, vel potus sumpti jam accesserit ad Altare, a quo sine scandalo recedere non posset, vel facta esset consecratio. Secundo, si in sumptione Calicis deprehendat fuisse appositam aquam, non debet illam in Calicem effundere, vel in terram expuere, sed debet deglutire, aliudque vinum,

& aquam dissimulanter infundere ,
 mox verba consecrationis Calicis pro-
 ferre , incipiendo a *Simili modo* ,
 omiffaque elevatione , sanguinem fu-
 mere . Nam Sacrificium necessario
 perficiendum est , jejunium autem
 fervare eo casu est moraliter impossi-
 bile . Gavant. *p. 3. tit. 4. Bonac. disp.*
4. q. ult. punct. 10. num. 7. Tertio ,
 si sumpta ablutione , inveniat parti-
 culas in corporali , quæ non possint
 in Altari asservari ; tunc enim debet
 eas sumere . Quarto , si post sum-
 ptam ablutionem , inveniat particulam
 consecratam adhuc inhærere Calici ,
 vel oris palato , melius est superin-
 fundere vinum , & sumere . Quia
 ejusmodi particulæ sumptio spectat
 ad unum , & idem sacrificium , &
 moraliter censetur unica actio .

XVI. Qui celebrat ante , vel post
 præscriptum ab Ecclesia tempus ,
 quod est ab aurora usque ad meri-
 diem , excepta nocte Nativitatis Do-
 mini . Per auroram intelligitur initium
 crepusculi , quod contingit ante So-
 lis ortum una hora cum dimidio . Ce-
 lebrantem præterea post meridiem
 tribus horæ quadrantibus , vel etiam
 integra hora a mortali excusat Bo-

nac.

nac. disp. 4. de Sacram. quest. ult. p. 9. num. 7. Navar. vero cap. 25. num. 81. vult licite celebrari etiam duabus horis post meridiem, ob causam itineris, vel solemnis Festi, aut publicæ functionis.

XVII. Qui Sacrificium Missæ celebrat in loco ab Episcopo non consecrato, vel non benedicto, aut saltem ad divina officia non deputato. Quibus autem casibus Ecclesia violetur, & polluitur, vide in Directorio *cap. 39. quas. 412. & seq.*

XVIII. Qui celebrat sine vestibus benedictis, integris, & mundis, quæ debent esse sex, scilicet Amictus, Alba, Cingulum, Manipulus, Stola, & Casula. Quæ vestes amittunt benedictionem, cum amplius non sunt aptæ ad usum, ad quem sunt institutæ. Qua de re vide in Directorio *cap. 40. quas. 418. 419. & 423.*

XIX. Qui celebrat sine Altari, aliisque requisitis, quæ sunt decem, videlicet Ara, Mappa saltem duplex, Corporale, Palla, Calix cum Patena, Velum, Missale, lumen, Crux, & Minister. In necessitate tamen celebrare sine aliquo ex prædictis, non esse mortale, tenet Filliuc.

tr. 5. c. 4. q. 10. num. 127. de quo
in *cap. seq. num. 6.*

XX. Qui omittit partem notabilem, ad integritatem Missæ spectantem, v. g. Psalmum *Judica*, Confessionem, & preces, quæ dicuntur ante Altare, Introitum cum orationibus, vel principalem Missæ Orationem, Epistolam, Evangelium, Oblationem tum Hostiæ, tum Calicis, cum suis orationibus, Præfationem, vel quamlibet Canonis Orationem, imo aliqua verba, puta quatuor, vel quinque. Omissio vero minoris partis culpam venialem non excedit, de quo
in *cap. seq. num. 3.*

XXI. Qui sine iusta causa diu celebrare differt susceptas Missas, post acceptum stipendium, vel præstita promissione, etiam non accepto stipendio. Bonac. *disp. 4. de Sacram. qu. ult. p. 7. sect. 5. num. 1.* de quo supra in *Directorio c. 37. quas. 390.*

XXII. Qui celebrat feria sexta in Parasceve, quod prohibitum est *cap. Sabbato de consecrat. dist. 3.* Feria vero quinta, antequam ligentur campanæ, & Sabbato Sancto, post pulsationem Campanarum, privatim celebrare non esse illicitum, docet Barbos.
de

de offic. & potest Paroch. cap. i. num. 42. Sed in hac respectanda est consuetudo locorum. Vide supra in Directorio cap. 38. quas. 392. 393. & 394.

XXIII. Qui sine privilegio, vel licentia celebrat capite operto: sicuti constat ex cap. Nullus Episcop. de consecrat. d. 3. Si tamen id suaderet necessitas, nec posset tunc commode peti, & obtineri dispensatio, secluso scandalo, & contemptu, nullum esset peccatum.

XXIV. Qui sine gravi, & urgente causa inchoata intermittit Missam. Gravis autem, & urgens causa esset, si celebrans recordaretur, se non esse jejunum, vel censura existere innodatum: aut adverteret ad stare Missæ excommunicatum, qui monitus nollet discedere: deberet enim inchoatam dimittere Missam, si nondum consecrasset, neque timeretur scandalum.

XXV. Addunt aliqui cum S. Thom. 3. p. 2. q. 83. art. 6. ad 2. si celebrans, dicto Evangelio, iteret Missam in gratiam personarum de novo advenientium, ipsam a mortali non excusari. Oppositum tamen videtur sentire Nav. Miscel. de cons. Quia nulla

lege (ait) videtur prohibitum, ne talis iteratio iusta de causa fiat. Sed opinio S. Thomæ omnino est tenenda.

XXVI. Peccare tandem mortaliter Sacerdotem: qui in Missa aliquid notabile (maxime dum publice orat) addit, vel detrahit, aut mutat, circa ritus, cæremonias, & rubricas in Missali præscriptas, colligitur ex *Bulla* Pii V. *Missali præfixa*, & docent communiter Doctores apud Reginald. *lib. 33. num. 210.* Bonac. *de Sacram. disp. 4. quæst. ult. p. 7. paragr. 3. num. 3. & punct. 10. numer. 19.* Dian. *p. 5. tr. 5. resol. 63.* Quod verum est, etiamsi Celebrans aliquid adderet ex devotione tantum, aut quia id melius esse judicaret, teste Molin. *in Instr. Sacerd. tr. 3. cap. 11. paragr. ult.*

Dixi *dum publice orat.* Quia privatim, & secrete addere orationem aliquam mentalem, vel mixtam ex mentali, & vocali, maxime dum, peracta consecratione, adoramus Hostiam, & Calicem, eaque populo adoranda ostendimus, non solum licitum est, sed etiam laudabile, ut pie, & sapienter monet Navar. *cap. 19. de orat. num. 109.*

Fil-

Filliuc. tr. 5. de Euchar. cap. 6. nu. 156. Gartia tr. 3. diff. 8. dub. 6. punct. 1. n. 7. Suarez disp. 83. sect. 3. alii-que dicunt, quod si Sacerdos non intendat aliquid addere officio Missæ, sed ut privata persona privatim aliquam devotionem secrete recitet, erit indiscreta actio, & peccatum veniale, sacrum ministerium privatis precibus omnino ab illo distinctis interrumpendo. Ideo opinio Navarri supra data omnino est rejicienda.

XXVII. Postremo pro consolatione Sacerdotum, quibus unice laboro, non omitam ex Escobar lib. 1. Exam. 11. nu. 92. & Tambur. lib. 2. capit. 5. paragr. 2. num. 30. hanc tradere regulam, nimirum quoties ipsi ex ignorantia, vel perturbatione animi transgrediuntur aliquam ex supra relatis Rubricis, & proinde in Missa committunt errorem etiam gravem (dummodo bona fide procedant) iis non imputari ad mortalem culpam, ob defectum sufficientis advertentiæ, & deliberationis. Si tamen ignorantia sit habitualis, tenentur sub mortali dare operam, ut eam emendent. Ad Literam ex Cabrino duximus, aliquibus additis.

De Rubricis prope præceptivis, & dubiis sub culpa veniali, & in celebrando Sacro servandis.

C A P U T XIV.

Expositis Rubricis sub mortali reatu præceptivis, recense modo Rubricas prope præceptivas, & dubias in celebratione Missæ sub culpa tantum veniali servandas?

Illæ Rubricæ censerī debent saltem sub culpa veniali prope præceptivæ & dubiæ.

Primo, quæ præcipit, ut Sacerdos celebraturus, Matutinum cum laudibus recitet ante Missam, ut habeatur in Missali jussu Pii V. edita. Quamvis enim nonnulli ex Doctoribus antiquis, ut Navar. in *manuali cap. 25. num. 83.* existiment, talem Rubricam esse præceptivam, & proinde obligare sub mortali. Nihilominus communis est Recentiorum persuasio, non esse receptam nisi sub obligatione veniali, quia est prope præceptiva. Imo si justa causa concurrat, etiam a veniali Celebrantem excu-

excusari. *Bonac. de Sacr. disp. 4. qu. ult. punct. 11. num. 105. Tambur. de Sacrif. l. 1. c. 9. sect. 2. Qua de re fufius fupra in Directorio c. 34. quæf. 288.*

Secundo, Rubrica, quæ est de dicendis orationibus ad indumenta Sacerdotalia præscriptis, quas Sacerdos facrificaturus, si absque ulla causa omittat, a veniali non excusatur. *Scortia de Sacrif. c. 8. Fagund. præcept. 1. l. 3. c. 21. contra Navar. cit. c. 25. num. 73. & Gavant. p. 2. tit. 1. litt. B. qui omittentem damnant culpæ lethalis.*

Tertio, etsi non desint, qui afferunt, Celebrantem, qui vel minimum verbum omittit in canone, culpam mortalem non effugere, eo quod hæc sit pars sacratiois sacri, majoremque mereatur religionem. Nihilominus omittere unum, aut alterum verbum, vel unum, aut alterum nomen alicujus sancti, imo tria nomina, (exceptis verbis formæ in consecratione panis, & vini) veniale peccatum non excedere, ob levitatem materiæ, docent *Suar. disp. 83. sect. 3. Card. de Lugo disp. 20. n. 104. Reginald. lib. 29. sect. 8. n. 207.* Unde recte Suarez ibidem, & alii communiter,

niter, omittere ea, quæ tempore Paschæ, aut alterius festivitatis interponuntur in *Communicantes*, vel in *Hanc igitur oblationem*, absolute, & absque ulla formidine docent esse tantum veniale.

Sed quæres, quando incipiat Canon, quandove desinat.

Resp. secundum communio-rem sententiam incipere a verbis: *Te igitur clementissime Pater*; desinere autem olim ad *Pater noster* exclusive, nunc vero ad consumptionem Sacramenti. *Suar. cit. disp. 83. sect. 2. in princ.*

Quarto, Omittere Symbolum Apostolicum, quando est dicendum, vel *Gloria*, vel unam, alteramve orationem quæ non in omnibus Sacrificiis recitantur, sed in aliquibus, absolute venialem culpam non excedit; quia hæc non sunt partes integrantes Sacrificii absolute sumpti, sed hujus, vel illius diei, & quia sine simbolo, aut *Gloria* sæpe consueta Missæ forma consistit. Idem est, si Sacerdos omittat *Kyrie*, Tractum, Graduale, unam, vel alteram Crucem, aut aliquam commemorationem; quia sunt partes minus notabiles: qui tamen etiam ex his simul sum-

sumptis plures partes relinqueret, peccaret mortaliter contra præceptum integre recitandi Missam. Cæterum hoc præceptum integre recitandi Missam obligat sicut alia præcepta positiva jejunii, voti, & similium, in quibus parvitas materiæ excusat a lethali. Propter paritatem rationis, & ex levitate materiæ non est nisi veniale omittere *Evangelium S. Joannis* in fine Missæ, quia non est pars essentialis Missæ. Ita Card. de Lugo *de Euchar. disp. 20. sect. 4. n. 107.* Filliuc. *tom. 1. tr. 5. c. 5. n. 155.* Suarez, Granad. Dicastill. aliique quamplures primæ notæ.

Quinto, etsi pro digitorum ablutione in Missa adhibere solam aquam nullum inducat peccatum, secus tamen dicendum de purificatione Calicis, in qua Sacerdotem, qui solam aquam adhibet, culpæ venialis gravis damnant Sanch. *lib. 4. mor. c. 11. n. 43.* Tambur. *lib. 3. c. 9.* citans Gavant. Quia jura de ablutione digitorum nihil statuunt: statuunt vero de purificatione Calicis facienda vino, non aqua, sed sub obligatione tantum veniali ex *cap. de celebrat. Missar.* Ego vero ex ipsomet Sanchez *loc. cit.* deduco meliori ratione

ne esse mortale non sumere vinum pro facienda purificatione Calicis ; nam si teste Sanchez votum non bibendi vinum non est observandum in purificatione facienda , signum est hanc esse faciendam vino sub mortali , cum observatio voti est sub mortali , igitur ad hoc frangendum requiritur aliquod aliud , quod præceptum sit sub mortali majoris momenti . Verba Sanchez hæc sunt : *Nec voto non bibendi vinum contravenitur sumpto vino in prima Missæ ablutione , idest purificatione , quia obligat præceptum Ecclesiæ ad id sumendum cap. ex parte , de Celebratione Missar. ubi Respondemus , inquit Pontifex , quod semper Sacerdos vino perfundere debet , postquam totum acceperit Eucharistiæ Sacramentum . Nec etiam sumpto vino in secunda ablutione , quia votum non intelligitur , ut sit contra communem Ecclesiæ usum , juxta quem Sacerdotes in ea ablutione vino , & aqua utuntur . Addit Gayant. loc. cit. sic : Abstemii (idest quibus vinam bibere nausea est) non debent sine vino purificare Calicem , Papa inconsulto , ex Romana praxi .*

Sexto , Sacerdos , qui voluntarie distra-

distrahitur in celebrando Sacro, non censetur delinquere, nisi venialiter. Quia Rubricæ præscribentes, ut Missa devote, & attente celebretur, non censetur obligare nisi sub veniali, dummodo id non accadat in canone: cæteraque rite peragat sacrificans sicut etiam supra monui *cap. 6.* Vide Tambur. *cit. lib. 3. cap. 3. num. 8.* & novissime Gobat. *de Sacrif. cas. 23. n. 821.*

Septimo, licet præcedenti *cap. n. 18.* & *19.* dictum sit Rubricam præcipientem Sacerdoti, ne celebret sine requisitis, ibidem relatis, obligare sub mortali; celebrare tamen sine Cruce, vel sine Ministro aut cum una Tobalea est iusta causa. Item sine missali, si celebrans satis confidat de sua memoria, non excedere culpam venialem, tenet Filliuc. *tr. 5. c. 4. q. 10. n. 127.* Fagund. *præc. 1. lib. 3. c. 21. n. 32.* De quo vide in Directorio *cap. 40.*

Octavo, qui in celebratione Missæ non utitur veste talari, scilicet oblongo usque ad talos, non est obnoxius nisi culpæ veniali, dummodo absit scandalum, vel Episcopus proprius speciali edicto id non prohibeat, nam
tunc

tunc non excusaretur a mortali. Causa tamen itineris celebrare sine tali, modo infra genna se extendat, nullum inducit peccatum.

Nono, qui Missas votivas privatas celebrant infra octavas privilegatas, aliisque diebus, qui in Rubricis Missalis, vel a Sacra Rituum Congregatione sunt excepti, v. g. in festo Duplici, vel Dominica, peccant quidem, sed tantum venialiter, si absit scandalum, & contemptus. Suarez, Zenardus, Hurtadus, Villalobos, Diana, Lugo, Granadus, quos affert, & sequitur Leander de *Sacrificio Missæ disp. 7. quest. 63.*

Idem probabiliter dicitur de celebrantibus Missas de *Requiem*, non præsentem corpore, in duplicibus, vel Dominica, non obstante Sacrae Congreg. decreto superius c. 6. in fine relato, dum quia illud emanavit, ut firmitus induceretur in observationem Rubrica Missalis circa Missas pro Defunctis in duplicibus, vel Dominica, sicuti constat ex tenore decreti. At hujusmodi Rubrica non videtur inducere graviolem obligationem, quam venialem. Tum quia neque ex gravitate rei, neque ex verbis decreti,

creti; aut adjectis pœnis, desumitur id prohiberi sub graviore culpa, quam veniali, secluso scandalo, vel contemptu, & dummodo a Sacerdotibus id frequenter non fiat, neque animo introducendi novum Rituum.

Addo, votivam breviorē etiam in duplicibus permitti patientibus difficultatem celebrandi, ob debilitatem capitis, oculorum, pedum, viscerum. Tanibur. *de Sacrif. lib. 2. cap. 6. paragr. 1. n. 12.* Hinc totus numerus nonus intelligendus est, dummodo non sit in die Resurrectionis, Nativitatis, Pentecostes, vel simili multum solemni, etiam dummodo non celebret Sacerdos in illa Ecclesia, ubi agitur dies aliquis festus loci illius proprius; nam his casibus, & similibus mortaliter peccaret.

Decimo, celebrantes, qui dum sese ad populum vertunt, oculis totum Templum perlustrant, contrafaciunt Rubricæ, quæ sic ait: *Demissis ad terram oculis, dicit Dominus vobiscum, Item Orate Fratres, & Ite Missa est, cum Benedictione*; huiusmodi tamen transgressio, & irreverentia non censetur per se excedere culpam

pam venialem. Dixi *per se*, quia ratione scandalum potest aliquando pertingere ad mortale.

Undecimo, qui in festis duplicibus unam, alteramve collectam supernumerariam adjicit, vel omisso Sacro funebri celebrat, festivum inferendo in eo collectam funebrem, transgreditur Rubricas, quæ in duplicibus non permittunt plures orationes, aut si plures, non nisi præscriptas, aut pro re gravi. Non videntur tamen hæ Rubricæ inducere obligationem graviolem, quam venialem, teste Gavant. *p. 1. tit. 5. lit. x.* & Fraxinel. *paragr. 7.* Sacerdos tamen, qui ordinarie id factitaret, gravius delinqueret, quia censeretur inducere novum ritum, quod graviter prohibent Pius V. & Clemens VIII. in Bullis Missali præfixis.

Duodecimo, Sacerdos tandem, qui ex oblivione, ignorantia, vel inadvertentia non omnino inculpabili, non observat Rubricas præceptivas sub mortali, de quibus in præcedenti *cap. a n. 5. usque ad 26.* non est excusandus saltem a veniali. Quod deducitur ex regulis generalibus
le-

legum, & præceptorum, etiam Divinorum. Secus dicendum, si inadvertentia, & oblivio esset omnino naturalis, & inculpabilis; nam in hoc casu nullum erit peccatum. *Diana parte 7. tractatu 10. resolutione 31. Claudius Arnaud in appendice ad 3. partem, & multi alii, quos adducere supervacaneum esse existimavimus. Hoc caput, præter nonnullas additiones, est ex Epitome Josephi Cabrini.*

De Rubricis dumtaxat directivis in celebratione Missæ servandis.

C A P U T XV.

CUm præter Rubricas in utroque capite superiori relatas, quas diximus esse præceptivas, prope præceptivas, & dubias, aliæ permultæ reperiantur in Missali præscriptæ, in celebranda Missa adhibendæ, quæ, secluso scandalo, & contemptu, non obligant sub culpa. Hæ nuncupantur directivæ, hoc est exhortationis, & consilii, quæ tamen nullo modo sunt omittendæ. Saperet enim

con.

contemptum, si quæ earum perpetuo, vel ut plurimum, aut sæpius omitteretur, sicuti monet Gavant. *par. 3. tit. 11. num. 11.*

Et quamvis, attenta Bulla Pii V. Missali præfixa, & Concil. Trident. decreto *sess. 22. de observandis, & vitandis in celebratione Missæ*, nonnulli Doctores, ut Suarez *disp. 97. sect. 3.* Reginald. *lib. 33. num. 210.* Coninch. *3. p. 9. 83. art. 5. num. 266.* existiment, teneri Sacerdotem ad servandum integrum Missæ ritum, pro ut in Missali præscriptus, & definitus est: non propterea sequitur, omnes Rubricas esse præceptivas, & nullas directivas, & consilii tantum.

Nam directiva primo habetur illa, quæ præscribit, ut Missa alte dicatur. Nam quamvis submisso celebrans Missam reprehendatur a Navar. & Sa *V. Missa num. 50.* illum tamen etiam a veniali excusat Bonac. *disp. 4. quest. ult. punct. 11. n. 20.* quia sufficit, si fideles Missæ intersint, etsi celebrantem non audiant.

Secundo, illa, quæ circa Missas votivas dicit, eas privatim dici posse pro arbitrio Sacerdotis quocumque die non est duplex, modo id passim

non

non fiat, vel rationabilis causa suadeat. Qua de re vide supra *de Missis votivis cap. 7. & Dian. part. 4. tr. 4. resol. 39.*

Tertio illa, quæ est de dicendis orationibus, pro præparatione ad Missam, & pro gratiarum actione post Missam, de quo supra in Directorio *cap. 34. quæst. 290.*

Quarto directivæ censendæ sunt illæ, quæ agunt de ferendo Calice ante pectus elevato, cum Sacerdos accedit ad Altare, & recedit. De inclinatione ad *Confiteor*, ad *Munda*, ad *Te igitur &c.* Item de inclinando Crucis non humeros, sed caput dumtaxat, dum dicitur: *Gloria Patri &c.* De extensione, & elevatione manuum ad *Dominus vobiscum &c.* De signando se a fronte ad pectus, De levitate percutiendo pectus ad *Domine nostrum dignus &c.* De positione Calicis, dum plicatur Corporale. De reponendo Corporale intra bursam, etli aliqui, ut Magrius *de notit. vocab. Ecclesiast. V. Bursa* graviter reprehendat Sacerdotem id omittentem, De tegenda tota anteriori parte Calicis velo ad postcommunionem, & aliæ plures, quæ promiscue recensentur

tur infra *cap.* 17. sub nomine defectuum. Quas Rubricas tum Missale ipsum, tum etiam consuetudo, & usus a Sacerdotibus piis, & doctis receptus, docet esse directivas.

Recte tamen notat Gavant. *par.* 3. *tit.* 11. *num.* 12. Rubricas etiam tantum directivas non esse negligendas, vel omittendas. Censeretur enim contemptus interpretativus, si quæ earum perpetuo, vel ut plurimum, aut sæpius omitteretur, ut supra etiam monui, præsertim si subesset etiam scandalum, vel periculum scandali. Quod fusius expendendum, ac exponendum est in capite sequenti. Ita Cabrinus.

Quando sit peccatum Rubricas
directivas omittere.

C A P U T XVI.

*Peccat aliquando Sacerdos, si in
celebratione Missæ Rubricas
Directivas omittat?*

Rubricæ directivæ, licet per se loquendo non obligent sub peccato mortali, vel veniali, potest tamen Sacerdos in eorum omissione delinquere

quere mortaliter, vel venialiter ratione alterius circumstantiæ, quæ quadruplex esse potest.

Prima est contemptus. Si quidem omnis transgressio etiam consiliorum Evangelii ex formali contemptu est peccatum mortale, ut docent communiter Doctores apud Bonac. *disp. 2. de leg. qu. 3. p. 5. num. 6.*

Secunda est. Scandalum, quod celebrans præbet, vel præbere potest Missæ adstantibus, Rubricas aliquas sub veniali prope præceptivas, & dubias, vel etiam tantum directivas omittat, v. g. Si celebrans ex culpabili inadvertentia fractionem, vel elevationem Hostiæ omitteret. Quod factum non pridem contigit Brixia. Quapropter Sacerdos, qui in una ex tribus Missis Natalis Domini Sacramentum attollere omiserat, ab Episcopo per annum integrum a celebratione Missæ fuit suspensus ob scandalum, quod adstantibus præbuit.

Dixi ex culpabili inadvertentia, quia si inadvertentia esset inculpabilis,

bilis, etsi de facto scandalum sequeretur, mortaliter celebrans non delinqueret. Quia tunc esset scandalum passivum, non activum, ut communiter tradunt Doctores.

Tertia est conscientia erronea, vel dubia, si nimirum celebrans existimet, vel practice dubitet, Rubricam aliquam obligare sub culpa gravi, & tamen eam non servet. Nam *omne, quod non est ex fide, peccatum est*, ad Rom. 14. idest, omne, quod non fit juxta judicium intellectus, peccatum est pro qualitate judicii, ut docent Theologi omnes cum S. Thom. 1. 2. qu. 19. ar. 5.

Quarta circumstantia est Episcopi præceptum, si nimirum Episcopus in ea Diœcesi speciali edicto mandat, ut Rubricæ omnes etiam directivæ tantum, in celebranda Missa serventur: Sacerdos enim eas omittens peccabit, quia posito tali edicto, Rubricæ directivæ sunt præceptivæ.

Recte quidem, sed circa contemptum, requiro, quando nam sacrificans censendus sit Rubricalium Legum transgressor ex contemptu?

Resp. quod duplex datur contemptus,

ptus, alter formalis, cum quis transgreditur legem, vel regulam, quia non vult subjici legislatori, vel superiori, ut superior est, non vero, ut homo defectibus obnoxius: Alter dicitur contemptus interpretativus, cum quis scienter, & ex consuetudine tantum transgreditur legem vel regulam. Sacerdos igitur censendus est rubricales leges transgredi, & delinquere, non solum quando eas negligit, quia non vult subjici ordinationi Ecclesiæ, sed etiam quando easdem scienter, & ex consuetudine omittit, sicuti docet Gavant. *cit. par. 3. tit. II. num. 12.*

Hoc tamen interest, quod qui Rubricas directivas negligit ex formali contemptu, semper, & in materia etiam parvi momenti mortaliter delinquit sicuti docent Bonac. Tambur. Laymann. infra citandi. Qui vero eas omittit ex contemptu tantum interpretativo non peccat nisi venialiter, si materia sit levis, & absit alia circumstantia mala juxta supra dicta. Bonac. *disp. 2. de leg. qu. 3. p. 5. n. 6.* Tambur. *l. 2. c. 5. n. 3.* Laym. *l. 1. tr. 2. c. 7. n. 4.* Ita ex Cabrino.

De Defectibus evitandis in celebratione Missæ circa Rubricarum observationem .

C A P U T XVII.

R Etulimus supra tum ritus singulos, qui a Sacerdotibus in tota actione Missæ successivo ordine debent servari ; Tum etiam Rubricas præceptivas, quarum transgressio lethalem culpam inducit ; & prope præceptivas, & dubias Rubricas, quarum transgressio culpam venialem inducit. Nunc defectus quosdam, qui passim committuntur a celebrantibus, ut evitentur, recensere non abs re duxi. Sunt autem sequentes.

Primo Sacerdotes non pauci, antequam paramenta sacerdotalia induant, non accipiunt Missale, neque prælegunt Missam, ut opportunæ vel necessariæ mutationi, vel rectæ celebrationi provideant. Interdum etiam non lavant manus, res fœda dictu.

Secundo, nonnulli accipiendo Amictum, signant se cum extremitate ejusdem Amictus, quod est contra Rubricam, quæ præscribit,
ut

ut Sacerdos Amictum dumtaxat collo
imponendum osculetur in medio ubi est
Crux: quod etiam supra monui.

Tertio, quidam cum e Sacristia ad
Altare accedunt, recitant Psalmum:
Miserere, vel aliam Orationem, De-
fectus commissionis contra Rubricam,
quæ in tali itinere nullam oratio-
nem præscribit. Mente tamen si
quam recitent, non est reprobandum.

Quarto, multi, collocato Calice
in Altari, & aperto Missali, cum
descendunt ab Altari, non vertunt
se a cornu Epistolæ, sed Evangelii,
quod est contra Rubricam.

Quinto, non pauci, cum dicunt
Psalmum *Judica me Deus*, &c. ad
Gloria Patri, inclinant Cruci ca-
put, & humeros, transgressio evi-
tanda. Sicuti multi, postquam dixe-
runt Confessionem, antequam ascen-
dant ad Altare, genuflectunt, si ad
Altare Sacramenti celebrent vel in-
clinant se rursus Cruci, si non ad-
sit Sacramentum, Defectus non to-
lerandus.

Sexto, aliqui, nondum repetito in-
troitu, vadunt ad medium altaris,
vel eundo dicunt: *Kyrie*, &c. utrum-
que contra Rubricam, quæ ait: *repetito*

R 3 introi.

introitu, junctis manibus, accedit ad medium altaris, ubi stans dicit ter Kyrie, &c.

Septimo, complures, cum e Sacristia accedunt ad Altare, & recedunt, & cum se se ad populum vertunt, dicendo: *Dominus vobiscum: Orate Fratres: Ite Missa est, & Benedictionem dando, oculos ad terram non demittunt, contra præscriptum Rubricæ, quæ sic ait: Procedit oculis ad terram demissis. Vide, quæ dixi supra cap. 14. n. 10.*

Octavo, cum velum amoveant a Calice, celebrantes fere omnes illud ponunt super corporale, quod valde dedecet cum hoc sit linteum Domini proprium. Debet igitur velum non tradi Ministro plicandum, ut sentiunt multi, quod non est usu receptum, sed plicatum extra Corporale reponendum.

Nono, multi deponunt Hostiam super Corporale ante completam orationem: *Suscipe Sancte Pater, &c.* Et idem faciunt ad oblationem Calicis: quod adversatur Rubricæ, quæ ait: *Quo dicto, idest Suscipe, &c. tenet patenam &c. facit signum, &c. & deponit Hostiam, &c.*

De-

Decimo, non pauci orationem pro benedictione aquæ dicunt, cum accipiunt vinum. Deordinatio Rubricæ vitanda.

Undecimo, vinum in Calicem infundendum est ex angustiore ampullæ foramine, & per eandem lineam aqua, sic nullæ interiori Calicis superficie in hærebunt guttulæ, seclumque erit dubium, an illæ sint consecratæ. Qui modus a paucis servatur.

Duodecimo, in formando Cruces super oblata nonnulli formant quatuor puncta, vel si forment lineas, tali incomposito modo, sicuti ad abigendas a Calice Muscas, vel sicuti ad ova subagitanda, utuntur. Utrumque contra Rubricam, quæ præscribit, ut formentur lineæ duæ, una recta, altera transversa in modum Crucis, manu semper recta, ut supra etiam diximus.

Tertio decimo, cum inclinationes variæ faciendæ sint a Celebrante, quædam profundæ, ut ad *Confiteor*, ad *Munda*, ad *Te igitur*, & ad *Supplices*; Quædam mediocres, ut ad *Deus tu conversus*, ad *Sanctus*, ad tres Orationes ante Communionem, &

ad *Placeat tibi Sancta Trinitas* ; Quædam etiam parvæ, ut ad *In Spiritu humilitatis* ; ad *Suscipe Sancta Trinitas* ; Quædam solo capite ad *Crucem flexo* , ut ad *Gloria Patri* , ad verba *Adoramus te* , *Gratias agimus* , *Suscipe deprecationem* , ad simul adoratur , &c. Multi non servant varietatem , sed eam confundunt cum transgressione Rubricæ .

Quarto decimo, Complures, cum dicunt *Dominus vobiscum* , caput populo inclinant , manus nimis disjungunt , & Altari dorso incumbunt . Deordinatio prorsus evitanda .

Quinto decimo, Plurimi, incipiendo Canonem, dicunt alta voce : *Tenigitur* , *Memento Domine famulorum* , &c. Item ; *Hæc quotiescumque feceritis* ; imo & ipsa verba consecrationis . Defectus contra Rubricam notabilis . Postremus vero etiam graviter culpabilis , de quo supra c. 6.

Sexto decimo, Percussio pectoris post Consecrationem fieri debet leviter, & tribus tantum digitis . In quo multi non servant Rubricam , percutientes sibi pectus magno strepitu , interdum etiam pollice , & indice planetam tangentes .

Se-

Septimo decimo, Nonnulli, antequam sumant sacram Hostiam, dum tenent eam manibus, nimis immorantur in cogitatione, vel post ejusdem sumptionem in meditatione. Defectus additionis contra Rubricas, quæ brevem dumtaxat permittunt meditationem.

Octavo decimo, Permulti in sumptione Sanguinis, ter, quater, & pluries admovent Calicem ori. Quod & stomachum adstantibus movet, & adversatur Rubricæ, & communiori praxi, teste Gavanto *part. 2. tit. 10. lit. V*, ubi monet, ut bis tantum, vel ad summam ter Calix ori admoveatur.

Sed quid, si in sumendo de Calice stillaverit sacer Sanguis in barbam celebrantis?

Si hæc controversia deducatur ad tribunal, quo iudex sedeat Barthol. ab Angelo *Dialog. 5. §. 715.* & assessor Dicastill. *disp. 4. de Sacram. num. 301.* decisio erit, abradendam, & comburendam esse barbam. Sed nimis dura videbitur Sacerdoti, potissimum vero, si comptam, & bipalmarem barbam ostendet. Quare mitiorem sententiam ferent Gavant.

R 5 *part.*

par. 3. tit. 10. n. 12. & Bonac. de Euchar. disp. 4. quest. ult. p. 10. num. 10. ut scilicet eo casu bis, terve barba abluatur, & ablutio in sacramentum projiciatur.

Nono decimo, cum purificatio ex jussu Pii V. debeat esse major, vel saltem æqualis quantitati Sanguinis, eaque sumenda sit per eandem partem Calicis, per quam Sanguis hauritus est, multi saluberrimum Sanctissimi Pontificis præceptum non servant: Defectus gravis omissionis, & transgressio corrigenda.

Vicesimo, Postcommunio ita dicitur, quia olim antiphona illa cantabatur a Choro, dum populus SS. Eucharistiam sumebat, idque ex S. Gregorii Papæ institutione. Hinc colligitur errare Parochos, ac Sacerdotes, qui differunt, sine justa, & rationabili causa, præbere communicaturis SS. Eucharistiam ad finem Missæ contra Rubricam. Quia interim privat eos fructu orationum, quæ in Missa post communionem dicuntur. Hæ siquidem non solum ad Sacerdotem, sed etiam ad alios communicantes spectant; sicuti monet Rit. Rom.

Vicesimo primo, Plerique, post sumptam communionem, non operiunt anteriorem Calicis partem velo. Alii Evangelium, quod aliquando in fine Missæ dicitur, osculantur, dicendo: *Per Evangelica dicta, &c.* Utrumque tamquam contra Rubricas reprobatur a Gavant. *part. 2. tit. 2. lit. A. in fine*: ubi etiam reprehendit usum osculandi vestes omnes, cum iis exiit Sacerdos. Siquidem tres tantum, quæ Crucem habent, scilicet amictus, Manipulus, & Stola; sunt osculandæ. Huc etiam spectat illud gravi reprehensione dignum, quod multi relinquunt extensum corporale usque ad ultimum *Evangelium S. Joannis*, & tunc, dum illud dicunt, plicant corporale, & in Bursum reponunt. Defectus non tolerandus.

Vicesimo secundo, aliæ transgressiones permultæ committuntur a Sacerdotibus in celebratione Missæ circa Rubricarum observantiam. Potissimum vero, quod plerique celebrantium non conjungunt orationes cum actibus, quibus ex propria earum significatione sunt conjungendæ: sed vel præmittunt, vel postpo-

R 6 nunt,

nunt, & sic pervertunt ordinem, quem Rubricæ præscribunt.

Quamvis autem supra relati defectus, & transgressionis parvæ videantur, nemo tamen existimet eas negligi posse. Tum quia tales negligentie solent inducere contemptum, de quo in præcedente capite dictum est. Tum quia, si Hierem. 38. *maledicitur omnis, qui facit opus Dei negliger: maledictio huiusmodi ne super se veniat, pertimescere potissimum debent Sacerdotes, qui Missam indecore, & negliger celebrant, cum sit opus, & mysterium adeo Sanctum, & Divinum, ut nullum aliud illi comparari queat, ut ait Concil. Trident. sess. 22. in decreto de observandis, & evitandis in celebratione Missæ.* Hoc per totum caput desumptum est ex Cabrino in Epitome.

DE MINISTRO

MISSÆ PRIVATÆ

C A P U T XVIII.

Officium ministri in Sacrificio Missæ adeo est necessarium, ut
sacri-

sacrificantem sine eo extra necessitatis casum lethalis culpę damnent communiter Doctores apud Suarez *disp.* 87. *sect.* 1. & Bonac. *disp.* 4. *de Sacram. quest. ult. p. 9.*

Quod munus, cum sit duplex, scilicet sacrificanti respondere, & necessaria subministrare, & posterius sit magis necessarium, quam prius; propterea hallucinantur Sacerdotes, qui censent sua apud Deum nihil interesse, seu idoneum, seu ineptum Ministrum adhibeant. Nam tenentur instructum præferre imperito, quoad commode possunt. Ad Rectores vero Ecclesiarum spectat curare, ut ministri probe sint instructi, & ex iis, qui ex officio, & ordine ab Ecclesia sunt deputati. Cum itaque ex Trident. decreto *sess.* 23. *c.* 17. officium privatis Missis inserviendi pertineat ad Acolythos, nos hic necessarium judicamus dare aliquas regulas, ut inservientes possint recte & respondere, & ministrare. Posuimus vero hoc caput hic in fine, & non in principio hujus Epitome, quia cum hoc officium exerceatur partim a Clericis, partim a sæcularibus, ideo rectum
exi-

existimavimus, extra officia, quæ tantum ad Clericos, vel Sacros Ministros spectant, collocare.

Minister ergo deputatus ad interveniendum Missæ privatæ debet alacriter ministrare intentus in Divinam Majestatem, & memor ad plusquam Angelicum se vocari ministerium, ideoque toto cordis affectu ad illud se comparet, ut fructum ejus cum augmento gratiæ spiritualis consequi mereatur.

In primis cum actualiter intervitt Missæ, numquam incumbat vita, aut brachiis Altari, aut super illius mensam; neque sedeat aut stet, nisi cum ritus functionum hoc postulet, sed stet semper genuflexus super infimum gradum Altaris, vel super planum ante infimum gradum.

Si est Clericus, habeat vestem talem, & coronam spectabilem in capite, ac indutus sit, ex præcepto Missalis, cotta. Sic indutus ampullas vini, & aquæ cum lance, & manutergio deferat ad locum, ubi celebranda est Missa, postea cereos accendat, incipiens ab eo, qui est a parte Epistolæ, sumens ignem ex lam-

lampade, quæ ibidem, vel alibi ardeat, non enim decet sumere ignem de Altari aliquo, nisi aliter fieri non possit; & si ob aliquam causam cerei plures, quam duo, accendendi sint, incipiat semper ab illo, qui est prope Crucem, genuflectens semper Cruci, etiamsi non sit Tabernaculum Sacramenti, dum accedit, recedit, vel transit. Hoc faciat, dummodo ab aliquo alio hoc non fiat, vel non factum sit.

Deinde redeat in Sacristiam, & lotis manibus prius, debitis cum reverentiis tradat celebranti Missale, tum vas, in quo sunt Hostiæ: his factis a tergo Celebrantis stans, posito amictu, illi super humeros adaptet: tum sistens se ad sinistram illius, accipiat Albam, & eam prius revolutam ab ea parte, quæ pendere debet a tergo, circa collum, & humeros imponat, & manu dexterâ elevet manicam dexteram, & sinistra sinistram, ut brachia Celebrantis in eas immitti possint facilius, postea ipsam Albam corpori adaptet, mox cingulum a tergo porrigat, & elevet Albam super cingulum circum circa, ne nimis effluat, sed
de-

decenter undequaque pendeat, & vestes contegat, & duobus tantum digitis equaliter e terra distet. Tum adequat etiam plicaturas ipsius Albæ tam circa collum, quam circa cingulum, & latera, ne inconcinne appareant. Deinde accipiat manipulum cum quasi osculo, & offerat osculandum Celebranti in Cruce, ejusque sinistro brachio applicet, & chordulis firmet: infra cubitum non longe a manu, ne cedat, aut celebrantem impediat. Postea accipiens Stollam ambabus manibus, cum quasi item osculo præbeat osculandam in Cruce Sacerdoti, & eam circa collum sic aptet, ut non longe a collo distet, nec tam alte accollatur, ut a Planeta non tegatur. Demum imponat Celebranti Planetam, illamque humeris ejus decenter aptet, & postremo aliquantulum remotus a tergo Celebrantis, advertat, si omnia decenter, & apte se habeant, & si quid non sit recte dispositum, illud statim adaptet.

Sacerdote omnibus paramentis induto, accipiat Missale illud, ubi Celebrans Missam invenit, quod portet ambabus manibus erectum ante
pe-

pectus, manus apponens angulis inferioribus ejusdem, parte, qua aperitur, ad sinistrum ejus conversa, & stans a latere Celebrantis paulo post eum versus januam, facta cum eo reverentia Imagini principali in Sacristia, & pulsata paulo ante campanula, præsertim in majoribus Ecclesiis, modeste præcedens Celebrantem tribus, aut quatuor passibus, oculis demissis, incessu gravi, procedat ad Altare. Caveat, non egredi e Sacristia, cum elevetur Sacramentum, aut sit proxima ejusdem elevatio in aliquo proximo Altari. Curet, ut Sacerdoti ad Altare procedenti locus detur ab illis, qui ejus iter impediunt, sed hoc faciat summa mansuetudine. Faciat debitas reverentias, aut genuflexiones eodem modo, & tempore, quo ipse Sacerdos, eo loco tamen, ut eum statim præcedat.

Cum pervenerit ad Altare, si istud sit ita situm, ut Celebrans ad medium illius accedere non possit, quin prius ante cornu Epistolæ transeat, aliquantulum retrocedens, aditum illi transeunti præbeat, postea, ad dexteram Celebrantis se sistat ante infimum

num gradum Altaris in cornu Epistolæ, & stans ibidem accipiat ab eo birretum dextera cum quasi osculo illius, postea genuflectat, licet Celebrans non genuflectat. Advertat autem, ut semper genuflectat, in plano terræ transiens ante medium Altaris, etiam si sit super illud sola Crux. Advertat insuper, dum ministrat coram Episcopo, vel alio Prælato, ut dum transit ab una parte Altaris ad aliam, non transeat ante Episcopum, quantum fieri potest; ita ut semper genuflectat in hoc casu, sed unica genuflexione Altari, & Episcopo, si sit directe ante medium Altaris.

Facta ergo genuflexione, ascendar, non prius quam Celebrans, ad Altare per cornu Epistolæ, ne sit collateralis Celebranti, librumque clausum super Cassinum, vel Lectorium ibi paratum collocet ita, ut pars, qua liber aperitur, sit versus medium Altaris. Numquam aperiat Missale, quia propter mysterium spectat ad Sacerdotem. Tum per idem cornu Epistolæ descendens birretum Celebrantis clavo appendat, vel alio loco congruo deponat, & numquam

quam super Altare ; & postea , si opus sit , Cappellam claudat , nec sinat laicos intra illam consistere , si fieri potest , & præsertim fœminas . Deposito birreto , redeat ad Altare , & facta genuflexione in medio , accedat ad cornu Evangelii , ubi genuflectat in plano aliquantulum post Celebrantem a sinistris ejus , vel si sint plurium graduum ordines , ante infimum gradum supremi ordinis , & manibus junctis ante pectus . Genuflexio , vel reverentia semper facienda est facie versa ad Altare , non alio modo , ut plures indevoti . Si vero ministret coram Episcopo , genuflectat non in cornu Evangelii , quia ibi adest Celebrans , sed in cornu Epistolæ , ubi maneat genuflexus in plano , ne videatur Episcopo collateralis , & ibi respondeat celebranti , versa facie ad Altare ; faciens confessionem , & dicens *Tibi , Pater* , se convertat ad Celebrantem , non ad Prælatum : facta autem confessione , dum Celebrans ascendit ad Altare , ipse accedat ad cornu Evangelii , transiens post Episcopum , cui genuflectat , & Altari unica genuflexione .

To-

Toto Missæ tempore numquam solum ad Altare relinquat Sacerdotem, nisi esset iusta aliqua causa; se conformet Celebranti in se signando, genuflectendo, percutiendo sibi pectus, & denique, in se inclinando. Optimum esset, se abstinere a recitatione Officii, aut lectura alterius libri spiritualis, ut sit totus applicatus ad recte peragendum suum ministerium. Item numquam loquatur cum aliquo, neque se vertat retro observans, qui accedit, & qui recedit ab Ecclesia, vel Capella. Advertat tandem, ut vocem suam conformet voci ipsius celebrantis, & ut ad Psalmum: *Judica me Deus*, ad *Kyrie*, & simile respondeat alternatim cum Celebrante, & non præveniat in respondendo Celebrantem, ut non se confundant.

Cum Celebrans incipit Missam, dicens *In nomine Patris &c.* dextera se signet, sinistra infra pectus posita, cum eo, & respondeat ei, dum dicit *Introibo &c.* addens *Ad Deum; qui lavificat juventutem meam*. Similiter ei respondeat alternatim ad Psalmum *Judica me Deus*, eadem voce, & tono inclinans se ad versum *Gloria Patri*.

Ad

Ad versum *Adjutorium nostrum*, se signet, & respondeat *Qui fecit Cælum, & terram*. Dicto a Celebrante *Confiteor*, non respondeat *Amen*, sed statim dicat *Misereatur tui &c.* conversus ad Celebrantem. Ad *Confiteor*, dicens *Tibi pater, & Te pater*, convertat se inclinatus ad Celebrantem, & dicens ter *Mea culpa*, ter pectus suum percutiat, sinistra infra pectus posita, quod semper seruet, cum se signat, & pectus sibi percutit. Dicto a Celebrante *Misereatur vestri*, adhuc inclinatus respondeat *Amen*. Ad *Indulgentiam* se signans idem respondeat. Inclinet se iterum, dum celebrans dicit *Deus tu conversus &c.* ad quæ respondeat, ut in ordinario Missæ. Cum celebrans dicens *Aufer a nobis*, ascendit ad Altare, ipse eleuet paramper Albam, & vestem anteriorem illius dextera, sinistra pectori admotam, ut Sacerdos libere ascendere valeat, interim genuflectat super infimum gradum Altaris. Si autem nulli sint gradus ad Altare, sed tantum Pradella, seu suppedaneum, genuflectat tantum in plano, sic manens genuflexus, manibus pectori decenter admotis, vel junctis.

Ad

Ad versum *Gloria Patri* in Introitu, inclinet se versus Crucem, se signet quando Celebrans se signat, se inclinet, quando se inclinat, pectus sibi percutiat cum eo, denique genuflectat cum eo, sistet, quando Celebrans genuflectit, ut supra diximus.

Ibique manens alternatim respondeat ad *Kyrie* cum celebrante, qui ultimus esse debet. Ad *Dominus vobiscum* inclinans aliquantulum caput respondeat *Et cum Spiritu tuo*, quod semper observet. Ad conclusionem Orationum *Amen*, post *Per omnia secula seculorum*, & ad finem Epistolæ, dicens *Deo Gratias*. Quando Celebrans dicit *Flectamus genua*, ipse statim subdat *Levate* genuflexus, nec surgat ad Orationem sequentem. In fine cujuslibet lectionis, seu Prophetiæ, vel Epistolæ, respondeat manens genuflexus in loco suo *Deo gratias*, exceptis ultima prophetia, quæ est quinta Danielis Sabbato quatuor Temporum, & Lectionibus feriæ sextæ Parasceves, & Sabbati Sancti, si diebus istis ministret.

Circa finem Gradualis, vel Sequentiæ, aut Tractus, surgat, accedat
ad

ad cornu Epistolæ, genuflectens in medio Altaris, dum transit ante ipsum, ibique ambabus manibus accipiat Missale clausum, pollice sinistro intra folia ipsius interjecto, ubi est Evangelium, illudque cum pulvinare, si unicum sit in Altari, vel cum Lectorino, deferat cum debita genuflectione, ad latus Evangelii per planum, quod semper, si fieri potest, observare debet, & ita illud super Altare collocet, ut superior pars libri respiciat ipsum cornu Altaris, non vero parietem, sive partem ejus contra se directam.

Locato Missali directe per gradum anteriorem descendat in planum ad cornu Epistolæ, facta genuflectione in medio, & in cornu Epistolæ stet in plano manibus junctis versus Celebrantem, ei respondens ad *Dominus Vobiscum, Et cum Spiritu tuo*, & ad *Sequentia*, vel *Initium Sancti Evangelii, Gloria tibi, Domine*, interim se signans in fronte, ore, & pectore, ac genuflectens cum eo, quando opus est versus Altare, & in finem ad huc stans, dicat *Laus tibi Christe*. Quod similiter faciat in fine Passionis, quæ dicitur loco
Evan-

Evangelii, præterquam die Parasceves, finitoque Evangelio, genuflectat in eodem cornu Epistolæ super infimum Altaris gradum.

Si ministret coram Episcopo, vel alio Prælato, locato Missali, non transeat ad cornu Epistolæ, sed in cornu Evangelii remaneat respondens celebranti. At finito Evangelio capiat Missale cum debita genuflexione, & illud offerat apertum, sine ulla reverentia, Episcopo osculandum in initio, quod ei indicet, post cujus osculum claudat librum, Episcopo genuflectat, & Missale cum debita genuflexione referat ad Altare super Cussum. Si tamen Prælatus habet Capellanium paratum, ipse, non minister, tradat librum osculandum Episcopo. Si forte aliqui sint Prælati Episcopo majores, offerat librum tantum digniori. Si sint æquales, nulli detur liber osculandus, neque Celebrans ipse osculetur. Si sit aliquis Princeps, ex tolerantia, detur liber ei osculandus, modo sit alius ab eo, quo utitur Celebrans, & hoc casu Celebrans librum suum osculetur. Dum Celebrans incipit Symbolum,

ge-





genuflexus, & manibus junctis, caput inclinet ad verbum *Deum*. Idem faciat, dum dicit *Et Incarnatus est* &c. & ad verbum *Adoratur*. In fine vero se signet. Finito a Celebrante Symbolo, si dicendum sit, & statim dicto; *Dominus vobiscum* respondeat *Et cum Spiritu tuo*, & surgat, & facta genuflexione, ascendat ad Altare per ejusdem angulum in cornu Epistolæ, extra tamen pradelam, seu suppedaneum Altaris, si potest, super mensam Altaris in eadem parte explicet manutergium, super quod collocet pelviculam cum ampullis sine operculis. Deinde offerat Celebranti ad se venienti ampullam vini cum quasi osculo, (quod observet, dum offert, & recipit) tenens manu dextra per partem inferiorem, ita ut celebrans eam possit per manubriolum capere, tum ampullam aquæ mutet a manu sinistra ad dexteram, & recipiens ampullam vini a Celebrante sinistra manu, cum quasi osculo illius, & debitis reverentiis (idest in talibus functionibus, semper aliquantulum inclinare caput Celebranti debet) eadem ministret modo, quo supra, ma-

S

nu

nu dextera ampullam aquæ ,
retineat demissam aliquantulum
Celebrans benedicit aqua
benedicenda est, quam statim
lat, & eidem celebranti porriga
debitis reverentiis, ut supra,
que postea recipiat manu dex
sinistra tenens ampullam vini.

Dum Celebrans offert Cali
minister reportat tantum amp
vini ad locum suum, & stans
dem cornu Epistolæ extra prade
elevato, & aptato prius super
tare manutergio, ita ut celebra
lud capere facile possit, & ten
nistra bacile, dextra vero mani
pullam aquæ per aurem, cele
tique se inclinans, ut supra, &
pullam quasi osculans, fundat p
aquæ in pelvieulam, deinde in
dio bacilis super indices & po
celebrantis, donec ipse det sig
desinendi, elevando parum ma
Tum iterum se inclinet, & im
aqua in locum congruum, &
modo in pavementum, omnia
portet ad locum suum, operiens
pullas, præcipue illam vini, de
advertat, ut postquam Celebrans
sit manus, manutergium non d

nat super Altare, sed illud accipiat suis manibus cum debitis reverentiis, & plicet manens genuflexus, ac statim plicatum reponat in locum suum.

Si SS. Sacramentum sit expositum, non ascendat ad Altare, sed in plano consistens ibidem ministret Celebranti ad lotionem, & extersionem manuum ejusdem sine quasi osculis ampullæ, & manutergii, populo terga vertens in plano, ibique teneat tunc manutergium super brachium sinistrum, & illud eodem modo recipiat, ac statim cum debitis reverentiis reportet ad locum suum, & cito redeat, ut supra ad cornu Epistolæ, ubi Celebranti dicenti *Orate fratres*, genuflexus respondeat *Suscipiat Dominus, &c.* non tamen prius, quin ipse Celebrans circulum perfecerit.

Ibidem genuflexus respondeat ad Præfationem, inclinans caput ad *Deo nostro*. Ad *Sanctus* non percutiat pectus, sed ter pulset campanulam, duobus ictibus pro singulis ternis vicibus. Tum reponat eandem campanulam, dummodo hæc appensa non sit ad Altare, erectam in secundo gradu ad dexteram celebrantis,

tis, cum quo se signet ad *Benedictus*.

Dum Celebrans dicit *Memento*, vel citius, si opus sit, surgat, capiat virgam, in cujus summitate est candelā; eaque sumpto lumine ex lampade, vel aliunde ex candelabro, quod est in cornu Epistolæ cereum, qui est candelabro majore ad cornu Epistolæ, accendat pro elevatione SS. Sacramenti. In festis de præcepto, si sit consuetudo, cereos utriusque candelabri, incipiendo a parte Epistolæ, accendet versa facie semper ad Altare. Tum deposita virga, redeat ad Altare, non extinguens cereum, aut cereos, donec Celebrans pretiosum Sanguinem sumpserit, & alios, si sint, communicaverit, & genuflectat super secundum gradum in cornu Epistolæ prope medium Altaris, vel supra pradellam, si nulli sint gradus. Ad consecrationem jungat manus, si potest, & inclinet se profunde.

At cum ipse Celebrans, facta consecratione Hostiæ, surgit a genuflectione, ut elevet eandem Hostiam, sinistra manu minister capiat posteriorem partem Planetæ in medio partitis infimæ, eamque elevet tantillum

lum ad elevationem Hostiæ, ne Celebrantem impediatur, sine ullo osculo ipsius planetæ, neque in accipiendo, neque in eam dimittendo: manu dextera vero ter campanulam eo modo, quo supra, pulset, primo dum genuflectit, deinde dum eam elevat, & denique dum Celebrans eam deponit, adorans devote SS. Sacramentum. Deposita Hostia super Corporale, demittat planetam, & jungat manus, dum dicuntur verba consecrationis Calicis, quibus finitis resumat planetam, & pulset, ut prius.

Post elevationem Calicis facta genuflexione a Celebrante, deponat planetam, & cum celebrans surgit, statim etiam ipse surgat, & recedat ad priorem locum in parte Epistolæ, ubi genuflexus maneat, junctis manibus, usque ad sumptionem Sanguinis, nisi danda sit pax, ibique campanulam prope se deponat, & respondeat quando opus est, & ad ea verba *Nobis quoque peccatoribus, Miserere nobis, dona nobis pacem, post. Agnus Dei, & Domine non sum dignus*, percutiat pectus, ut Celebrans.

Si ministret coram Episcopo, vel aliqua Persona insigni, dicto a Celebrante *Agnus Dei*, accipiat pacis instrumentum cum velo appenso manubrio ipsius Instrumenti, cui si non est hoc velum, potest ex Altari accipi velum Calicis, eoque uti ad tergendum illud, antequam tradat osculandum.

Accepto igitur pacis Instrumento cum velo, & genuflexus ad dexteram Celebrantis, dum dicit Orationem *Domine Jesu Christe, qui dixisti Apostolis &c.* teneat manu dextera idem instrumentum elevatum super Altare, quod, dicta Oratione, osculandum ei præbeat, cui dicenti *Pax tecum*, ipse minister adhuc genuflexus respondeat *Et cum Spiritu tuo.* Tum surgat, & facta iterum genuflexione, accedat ad Prælatum, cui sine ulla reverentia tradat amibabus manibus prædictum Instrumentum osculandum, dicens *Pax tecum*, deinde genuflectat Prælato, & deferat cum debitis genuflexionibus, ante, & post, instrumentum ad Altare, vel Credentiam. Et velum Calicis, si eo usus sit, reponat in locum suum. Si plures sint Prælati, minister eis præ-

præbeat instrumentum pacis, incipiens a dignioribus, & post osculum, non verò prius, debitam faciat reverentiam, & qualibet vice extergat illud ante osculum; aliis verò non Prælatis, illud quidem tradat, & unicuique dicat *Pax tecum*, sicuti aliis Prælatis, sed non illud extergat, nisi sint Principes, aut insignes viri. Si vis scire, quando hoc observandum est, vide *cap. II. hujus Epitome*.

Quando facienda est Communio, postquam Celebrans sumpserit pretiosum Sanguinem, & non prius, extendat linteum ante communicandos, & genuflexus manibus junctis a latere Epistolæ dicat devote, & clara voce *Confiteor &c.* ut in missa, & respondeat celebranti *Amen*, quando opus est.

Si non fiat Communio, dum sumitur Sanguis a Celebrante, vel patulo ante, surgat, & campanulam, dummodo hæc non sit appensa, reportet ad locum priorem, nunquam eam pulsans, cum sit hic notabilis abusus, facta prius genuflexione, & accipiat ampullam vini in dextera, & alteram aquæ in sinistra, ambas

per aurem, idest per manubriolum, & stans in eodem cornu Epistolæ parum inclinatus, si adhuc sumat Sanguinem, quando celebrans porrigit Calicem, accedat prope eum, & cum debita reverentia ante, & post, ac quasi osculo ampullæ, infundat per rostrum ejusdem ampullæ vinum in Calicem ad beneplacitum Celebrantis pro purificatione: postea recedat, & expectet donec accedat ad cornu Epistolæ, ubi cum debitis reverentiis, & quasi osculis ante, & post, infundat vinum, & aquam paulatim in medio ipsius Calicis super pollices, & indices ipsius Celebrantis, donec dat signum desinendi, elevatis paulum digitis, aut Calice, & tunc urceolum non retrahat, incurvato adhuc ore, aut canaliculo ampullæ, sed prius illam erigat, ne guttæ aliquæ super pedem Calicis, aut Mappæ decendant. Deinde, depositis ampullis cum pelvicula in locum suum, tectis suis operculis, extinguat cereum, vel cereos accensos pro elevatione, & deponat loco congruo extinctorium, cavens, ne cerei remaneant fumigantes; & statim deferat Mis-
sale

fale clausum cum cussino, eo modo, quo supra, ad cornu Epistolæ cum debitis genuflexionibus, illudque ibi repositum aperiat in folio, in quo Celebrans lecturus est Communionem. Deinde redeat ad cornu Evangelii genuflectens in medio dum transit, ibique genuflexus maneat donec acceperit benedictionem, ad quam se signet, & respondeat Celebranti ad ea, quæ debet. In Quadragesima se inclinet etiam genuflexus ad Orationem super populum incipiens statim ac Celebrans incipit: *Humiliate capita vestra Deo.*

Dum legitur Evangelium, stet a latere Epistolæ in plano aut ad infimum gradum, ubi se signet, & genuflectat cum Celebrante, facie ad Altare versa, & ad ea, quæ debet; at quando non legitur Evangelium S. Joannis (quod facile advertet Minister, ex libro, quem idcirco post orationes completas Celebrans relinquit apertum super Altare) dicto: *Ite Missa est*, vel *Benedicamus Domino*, sollicitè mutet, & deferat librum ad cornu Evangelii cum solitis reverentiis, advertens, ut, si fieri potest, sit genuflexus in plano ante

medium Altaris, quando Celebrans dat benedictionem, ad quam tunc non se signet.

Finito Evangelio, & non prius, extinguat cereos Altaris, cum instrumento incipiens a parte Evangelii, vel curet, ut per alium extingatur. Deinde ascendat per gradus collaterales Epistolæ, ut in principio, accipiat Missale, & birretum Celebrantis, quod numquam superponat Altari & vadat per planum prope medium Altaris ad dexteram Celebrantis, ubi facta debita genuflexione, & inclinatione Celebranti ante, & post porrigat illi birretum cum quasi osculo illius, tali modo, ut Celebrans illud capere, & capiti suo facile imponere, atque aptare possit. Tum incedens ante illum, portansque librum, ut initio, redeat eodem modo, quo venerat, in Sacristiam.

Cum ad Sacristiam pervenerit, sistat se in ingressu, Celebranti se inclinet, & expectet, donec transeat. Tum procedens inclinet se Imagini, quæ est in Sacristia, & iterum celebranti, postea loco suo reponat Missale, & redeat ad sinistram celebrantis, quem, dum se exiit, adjuvet modo,

do, quo initio, sed retrogrado, quas denique vestes decenter disponat super Mensam, ubi prius erant. Postremo, si sit consuetudo, genuflexus petat benedictionem a Celebrante, dicens: *Benedicite Pater.*

Advertat tandem pro coronide huius capitis Minister, quod si tempore *Sanctus*, vel elevationis SS. Sacramenti fiat processio, vel absolutio post Missam Defunctorum, aut sit expositum SS. Sacramentum, vel celebretur Missa sollemnis, aut aliquid aliud juxta Altare, ubi tunc celebratur Missa, ut non pulset Campanulam, quia est contra Ritus, & praxim illarum Ecclesiarum, in quibus viget Rituum perfecta observantia. Qui distinctiorem notitiam desiderat, videat libellum, cujus titulus est: *Avvertimenti ai Sacerdoti, e molti avvisi ai Cherici, che servono alla Messa privata, stampati per ordine dell' Eminentiss. e Reverendiss. Sig. Cardinale Gregorio Barbarigo Vescovo di Padova, &c.* Qui vero plura cupit, legat Manuale Baüdry, & Sylvam Buongiovanni, ex quibus hæc pauca ad literam per nos selecta fuerunt.

Declarationes aliquot Sacræ Congregationis Concilii Tridentini super decretis ejusdem Sacræ Congregationis, autoritate Urbani VIII. editis de Celebratione Missarum.

CAP. XIX. ET ULTIMUM.

ANtequam deveniamus ad has declarationes, nobis visum est præmittere aliqua decreta Sacræ Congregationis Rituum necessaria, ut ab omnibus Sacerdotibus sciantur.

An Missæ certis Regularibus concessæ possint etiam dici ab aliis?

Respondit Sacra Congregatio die 19. Novembris 1622. non posse dici neque in ipsorum Regularium Ecclesiis; ideo qui habent onus celebrandi Missam v.g. de Rosario concessâ solis Dominicanis, possunt aliam dicere de Beata Virgine.

An annulus possit deferri ab omnibus in Missa?

Declaravit eadem Congregatio die 11. Februarii 1623. usum annuli in Missa prohiberi Prothonotariis non participantibus, & quibuscumque aliis Doctoribus, & Sacerdotibus.

Imo

Imo per eandem Congreg. die 20. Novembris 1628. usus anuli in Missa omnino fuit prohibitus, & Canonicis Cathedralium.

An officium, & Missa recitari possit de Sanctis, quorum corpora, aut Reliquiæ insignes habeantur in Ecclesiis, & eanon sint descripta in Martyrologio Romano, & fides certa non habeatur de earum identitate?

Sacra Congregatio Rituum die 11. Augusti 1691. approbante Innocentio XII. decrevit non posse, excepto tamen, si in contrarium staret præscriptio immemorabilis, quæ per hoc Decretum non censetur sublata.

An Cruces, quæ fiunt super Oblata a Sacerdote, debeant fieri manu transversa, an vero manu recta in transversa parte Crucis?

Definitum fuit a Sacra Rituum Congregatione die 4. Augusti 1663. Manu recta.

An in Missis de Requie Sacram licet distribuere Eucharistiam?

Respondit omnino negative, & ita declaravit Sacra Rituum Congregatio die 22. Junii 1701. His præmissis procedamus ad decreta Sacræ Congregationis Concilii.

Cum ex decretis Sacre Congregationis *de celebratione Missarum*, auctoritate Urbani VIII. editis *die 21. Junii 1625.* nonnulla dubia emerferint, idcirco de opportuna declaratione cum tunc supplicatum fuisset, eadem Sacra Congregatio, ad tollendam omnem ambiguitatem, ad singula dubia sibi proposita in hunc modum respondit. Quas responsiones, seu declarationes, ut Sacerdotes nuper inaugurati ob oculos habeant, pro opusculi coronide, hic adjicere non alienum ab instituto duxi. *Super decreto primo* omittitur quesitum, & responsio, quia est de reductione Missarum, quod spectat ad Episcopos, & Provincialem Ordinum.

Secundo, circa præscriptionem eleemosynæ pro dicendis Missis; quesitum fuit, num intelligenda sit de præscriptione ab Ordinario facta, vel ab Offerente?

Sacra Congregatio respondit, intelligendam esse de præscriptione facta ab eo, qui eleemosynam tribuit, non autem ab Ordinario. Quod si tribuens eleemosynam numerum Missarum celebrandarum non præscripserit, tunc tot Missas celebrari debere, quot præ-

præscripserit Ordinarius, secundum morem Civitatis, vel Provinciæ.

Tertio, an, cum Ordinarius præscripserit eleemosynam congruam, juxta circumstantias loci, temporum, & personarum, Sacerdotes accipientes stipendiū minus congruum, teneatur Missas ab Offerente præscriptas celebrare?

Sacra Congregatio declaravit, Sacerdotes teneri ad eum numerum Missarū, quæ ab Offerente fuerint præscriptæ.

Quarto, an Sacerdotes, qui tenentur Missas celebrare ratione Beneficii, Cappellæ, Legati, aut Salarii, possint etiam manualement eleemosynam pro Missis votivis, vel Defunctorum recipere, & unico Missæ Sacrificio utrique obligationi satisfacere.

Ad dubium istud respondit, Sacerdotes, quibus diebus tenentur celebrare Missas ratione Beneficii, seu Cappellæ, Legati, aut Salarii, si eleemosynas pro aliis etiam Missis celebrandis receperint, non posse eadem Missa utrique obligationi satisfacere, & aliter facientes delinquere mortaliter, & teneri ad restitutionem.

(Et jure merito ita declaravit, & prohibuit Sacra Congregatio. Nam etsi valor Missæ secundum se, &
in

in actu primo, ut itam dicam, sit infinitus; effectus tamen Sacrificii, idest fructus ex eo proveniens, est finitus, & minuibilis. Ac proinde minor provenit pluribus, quam si uni soli applicetur.

Quinto, posito, quod testator reliquerit centum Missas pro sua ipsius anima celebrandas, absque ulla præscriptione eleemosynæ, an liberum sit heredibus eleemosynam sibi bene visam præscribere, an vero eadem eleemosyna ab Ordinario præscribenda sit.

Sacra Congregatio declaravit, quoties certam eleemosynam testator non reliquit, ab Ordinario præscribendam esse certam eleemosynam, quæ oneribus Missarum celebrandarum respondeat, juxta morem Civitatis, vel Provinciæ.

Sexto an Sacerdos, qui Missam suscepit dicendam cum certa eleemosyna, possit eandem Missam alteri committere celebrandam, parte ejusdem eleemosynæ sibi retenta?

Sacra Coagregatin ad removendum ab Ecclesia omne damnabile lucrum, reprobavit turpem hujusmodi quæstum, districteque prohibuit, ne ullus Sacerdos id facere præsumat.

Se-

Septimo, an Sacerdotes, quibus aliquando datur eleemosyna major solita pro celebratione Missæ, teneantur eandem integram eleemosynam tradere iis, quibus Missam celebrandam committunt, an vero sufficiat, ut dent eleemosynam congruam?

Sacra Congregatio declaravit absolute integram eleemosynam tribuendam esse Sacerdoti celebranti, nec ullam partem illius eleemosynæ posse sibi retinere.

Octavo, ex prædicta declaratione dubitatum fuit, an deberet etiam intelligi de Beneficiario, qui potest per alium celebrare, an teneatur Sacerdoti celebranti dare stipendium ad rationem reddituum Beneficii?

Respondit sufficere, quod Beneficiarius tribuat Sacerdoti celebranti eleemosynam congruam juxta morem Civitatis vel Provinciæ, nisi in fundatione ipsius Beneficii aliud cautum fuerit.

(Quam declarationem habere locum etiam in Capellano, qui per alium potest oneri Missarum satisfacere, tenet Card. de Lugo de Euchar. disp. 21. sect. 2. num. 31.)

Nono, an permittendum sit Sacristis,

stis, seu collectoribus eleemosynarum, pro celebrandis Missis, ut ex iisdem eleemosynis aliquam portionem sibi retineant pro expensis in manutentione Ecclesiae, Altarium, inservientium, paramentorum, luminum, vini, hostiae, & similium?

Prædicta Sacra Congregatio respondit, permittendum non esse, ut Ecclesiae, ac loca pia, seu illorum administratores ex eleemosynis Missarum celebrandarum, ullam, utcumque minimam portionem sibi retineant ratione expensarum, quas subeunt in Missarum celebratione, nisi cum Ecclesiae, & loca pia alios non habeant redditus, quos in usum earundem expensarum erogare licite possint; & tunc quam portionem retinebunt, nullatenus debere excedere valorem expensarum, quæ pro ipsomet tantum Missæ Sacrificio necessario sunt subeundæ: & nihilominus eo etiam casu curandum esse, ut ex pecuniis, quæ supersunt, expensis ut supra deductis, absolute tot Missæ celebrentur, quot præscriptæ fuerint ab offerentibus eleemosynas.

Decimo an Sacerdos possit suscipere

nova Missarum onera, etsi oneribus antea susceptis nondum satisfecerit?

Ad hoc respondit, non prohiberi absolute. Ac propterea, etsi oneribus antea susceptis Sacerdos non satisfecerit, posse nihilominus nova etiam Missarum onera suscipere celebrandarum, dummodo infra modicum tempus possit omnibus satisfacere.

(Quid vero intelligitur per *modicum tempus*. Ledesma, & Villalob. quos citat, & sequitur Dian. p. 2. tr. 14. resol. 25. Card. de Lugo *de Euchar. disp.* 21. *sect.* 2. num. 34. dicunt intelligi illud infra, quod quinquaginta, vel sexaginta Missæ dici possunt dummodo Missas postulantes majorem celeritatem non requirant. Et hæc opinio fere communis est inter Doctores.)

Undecimo: Quid si offerens, & tribuens eleemosynas pro Missarum celebratione sciat, & consentiat, ut illæ differantur, donec aliis oneribus satisfactum fuerit?

Sacra Congregatio respondit, quamvis onera suscepta infra modicum tempus adimpleri nequeant, si tamen tribuens eleemosynam pro aliarum
Mis-

Missarum celebratione id sciat, & consentiat, ut illæ tunc demum celebrentur, cum susceptis oneribus satisfactum fuerit, decretum non prohibere, quominus, eo casu eleemosynæ accipiantur pro aliis Missis, juxta benefactoris, & offerentis consensum celebrandis.

Duodecimo, an administratores Ecclesiæ magnæ devotionis, & concursus possint eleemosynas pro Missis celebrandis accipere, si iidem Missis, non nisi post longum tempus satisfacere valeant, ne alias cultus Ecclesiæ, & devotio, ac concursus Fidelium ut ajunt, minuantur?

Sacra Congregatio respondit, non posse nisi de consensu eorum, qui eleemosynas tribuunt.

De quibus declarationibus vide Barbof. *de offic. & potest. Episcop.* p. 2. alleg. 24. Bonac. *de Sacr. disp.* 4. q. ult. p. 7. paragr. 2. Diana *cit.* p. 2. tr. 14. resol. 5. Card. de Lugo *de Euchar. disp.* 21. sect. 1. Collegium Salmant. tr. 5. *de Missæ Sacrif. cap.* 5. p. 2. & 3. & fusius vide Tambur. *lib.* 3. *methodi celebrandæ Missæ.*

Prædictis tamen decretis non obstantibus majorem eleemosynam possunt

sunt Sacerdotes recipere pro obligatione dicendi Missam summo mane, vel ad loca distantia, ob majus incommodum, & laborem. *Suar. 3. p. disp. 86. sect. 2. Bassæus V. Missa num. 10. Homob. de exam. Ecclesiæ tom. 1. tr. 4. q. 120.*

Similiter pro Missa solemnī eleemosyna major assignari, & recipi potest, quam pro Missa privata. Item pro Missa cum officio defunctorum. Et in die Nativitatis Domini pro tribus Missis tria stipendia celebrantes possunt recipere. Ita DD. *supra cit.* Tandem in diebus festis posse Sacerdotem duplum eleemosynæ, quæ aliis diebus dari consuevit, recipere, tenent *Suar. loc. cit. & Bonac. cit. disp. 4. quæst. ult. punct. 7. num. 13.* Ubi addit in Diocesana Synodo Mediolanens. III. ita præscriptum esse; idque passim usu receptum. Hic Venetiis vero statutum est juxta synodales Constitutiones ab Illustr. & Rever. Petro Barbadico Venetiarum Patriarcha proxime defuncto die 19. Februarii 1710. sub pena suspensionis a Divinis ipso facto incurrendæ, ut Sacerdotes cujuscunque status, & conditionis pro eleemosyna
cu-

Etus omnes, tam ex opere operato, quam operantis, ita ut nullam orationem possit applicare alteri?

Affirmant Vasquez tom. 2. in 3. part. 171. num. 36. Bonac. de Sacram. dist. 4. quæst. ult. p. 7. parag. 7. num. 45. Tambur. de Sacrif. lib. 3. cap. 1. num. 3. & 4. asserentes, Sacerdotem in proposito casu teneri applicare illi, qui eleemosynam dedit, fructus omnes, tam ex opere operato, quam operantis, quorum est capax, ac proinde nullam orationem, seu collectam in ea Missa posse alteri applicare. Contrarium tamen defendunt Coninch. cit. dub. 10. nu. 191. Dian. cit. resol. 8. Hurtad. apud Tambur. lib. cit. num. 39. Sacerdotem in ea Missa posse inserere Orationem, seu Collectam pro altero, sicuti eidem liberum est in *Memento* orare pro alio.

Addit Dian. p. 1. tr. 14. resol. 28. ex Naldo in *Sum V. Miss.* num. 7. quibus novissime subscribit Georgius Gobat de Sacrif. cas. 17. num. 585. Capellanos, qui tenentur quotidie celebrare pro fundatoris anima, posse bona conscientia, ex rationabiliter præsumpta ejusdem fundatoris voluntate, ob aliquam necessitatem,

tem, quater, quinque, aut sexies in anno pro seipsis, vel cognatis, aut benefactoribus sacrificare, dummodo nullum stipendium recipiant.

Ceterum unum adhuc mihi videtur a te, Lector benevole, desiderari, ut clarius explicem: Quenam actiones sint in Missa, ex quibus proveniunt fructus ex opere operato, & quanam illæ, ex quibus dimanant fructus ex opere operantis?

Etsi satis hæc phrasis mihi videatur per se clare Nihilominus ut voti compos efficiaris, hic explicabo.

Ex opere operato, prout ad hanc materiam spectat, significat ex ipsa actione Sacrificii, & ex vi intentionis Christi, sine ullo respectu ad dignitatem, vel meritum Sacrificantis. Ex opere vero operantis significat ex dignitate, & merito ministri Sacrificantis.

Igitur in actione Missæ fructus, qui proveniunt ex consecratione applicata, seu non applicata alicui, aut aliquibus, aut nulli, itemque ex Sacræ Hostiæ sumptione, dicuntur fructus ex opere operato, idest instituto, & quodammodo jam pridem peracto a Christo.

sto. Fructus vero, qui dimanant ex ipsa Missæ celebratione, hoc est ex Accessu, Introitu, Hymno Angelico, Symbolo, Orationibus, Epistola, Evangelio, & actionibus Sacrificantis, præterquam ex Consecratione, & sumptione, sunt, & nuncupantur fructus ex opere operantis. Vide Suarez tom. 3. in 3. part. disp. 7. sect. 1. ex communi.

Postremo pro coronide hic celebrantium memoriæ suggerere, quod ab Auctore gravissimo didici, non abs re duxi, scilicet pie admodum, ac fructuose se facturos, si in *Memento Vivorum* post commendationem vivorum rogent Deum, ut Sacrificii fructus eos distribuat, prout ipse novit eos obligari. In altero autem *Memento* (in memoriam quinque vulnorum illius, quem manibus tractant) sint memores illarum quinque animarum, quæ omnium proximæ ingressuræ sunt Cælum; Tum illarum quinque, quæ magis suffragiis sunt destitutæ. Nam priores quinque statim supplicabunt Deo pro compensatione sibi impensæ Charitatis. Posteriores idipsum tanto impensius facient.

cient, quanto clarius cognoscent, se illis singulariter sui liberationem debere.

Et hæc satis pro instructione Clericorum, & Sacerdotum circa Ritus, & cæremonias in exercendo propria munera, & in celebratione Missæ servandas. Qui plura desiderat, videat Cavalieri, Gavantum, Pasqualigum, Arnaud, Bauldry, Buongiovanni, Corsetum, Piscara, Cæremoniale Episcoporum, & alios, qui fuse, & docte de hac re pertractant.

Laus, Virtus, & Gloria sit summo Sacerdoti Christo *JESU*; Benedictio, & honor Gloriosissimæ Virgini Mariæ, ac Josepho Sanctissimo ejusdem Sponso.

F I N I S.

MAG 2012474



